






m. 11. 5





**EPITOME**  
**ANTIQUARIII**  
**TRIPARTITI**  
**SACRI ORDINIS EREMITICO-**  
**CAMALDULENSIS.**

IN QUA,  
**PRINCIPIUM & PROGRESSUS**  
Hujus Sacrae Institutionis, ac Irrelaxatus Pri-  
maevae Observantiae Vigor.

UTI ET,  
GLORIOSISSIMI PATRIARCHAE  
*Mich. lib. 1. ET FUNDATORIS*  
*Donatus lib. 1.*  
**DIVI**

**ROMUALDI,**

Ac nonnullorum Ejusdem Sequacium Admi-  
randa Vita, nec non Romualdinæ Congregatio-  
*Ermit.* nis (Montis Coronæ nuncupatae) per *Vass. curia.*  
**BEATUM**

**PAULUM JUSTINIANUM**  
Erectæ, Origo. Ac alia non pauca Profectui spirituali  
apprimè deservientia succinctè exarata, continentur.

**OPERA & STUDIO**  
**P. LADISLAI RADOSSÁNY E.C.M.C.**

Neostadij Austria, Typis Samuelis Müller, Anno M DCC XXVI.



ESTABLISHED  
IN THE  
TOWN OF  
NEW YORK  
BY  
JAMES  
M. SMITH

PRINTED  
BY  
JAMES  
M. SMITH  
AT  
THE  
PRESS  
OF  
JAMES  
M. SMITH

NEW YORK  
JAMES  
M. SMITH  
PRINTED  
BY  
JAMES  
M. SMITH

NEW YORK  
JAMES  
M. SMITH  
PRINTED  
BY  
JAMES  
M. SMITH

NEW YORK  
JAMES  
M. SMITH  
PRINTED  
BY  
JAMES  
M. SMITH

NEW YORK  
JAMES  
M. SMITH  
PRINTED  
BY  
JAMES  
M. SMITH

NEW YORK  
JAMES  
M. SMITH  
PRINTED  
BY  
JAMES  
M. SMITH



ADMODUM REVERENDO  
IN CHRISTO PATRI  
OBSERVANDISSIMO,

P A T R I

EMERICO SZILLESSY,  
Candidissimi Ordinis Eremitarum  
Camaldulensium Montis Coronæ, Per Ger-  
maniam, & Hungariam Primo VICARIO  
GENERALI meritissimo.

*SALUTEM, & FELICITATEM  
PERENNEM.*



Illa, quam semper in votis gero  
Pater Observandissime, erga Te pro-  
fundissima animi mei reverentia, atque in  
omni Clientalium servitiorum genere  
obsequendi aviditas, me admodum sti-  
mulavêre, Opus hocce, in debitæ obser-  
vantix symbolum, Nomini Tuo dicandum. Nec  
inexpectatum mirare munus; nam idipsum plenô titu-



D E D I C A T I O.

lô jam dudum Tibi vendicâsti. Cui namque Antiquarium Vitæ Eremitico - Camaldulensis condigniùs offerri potuit, quam Tibi Patri Observandissimo, qui memor dierum Antiquorum Ordinis Nostri, de laudabili Antiqua Patrum Nostrorum Traditione, quidpiam innovari, grande nefas, & morte piandum semper existimâras. VITAM quoque DIVI ROMUALDI Progenitoris, & Legislatoris Nostri jure optimô Tibi obtulerim, quam Tu vivo Actionum Tuarum jam ab olim efformatam typô, non tam legendam quàm ex asse imitandam Tuis tradidisti. Videbatur olim Theologo Cæsariensi *Ars Artium, & Disciplina Discipularum homines regere*: & meritò. Tu ardua licet hac in Arte, vel in principio (cunctis mirantibus Nobis) probatissimum Temet exhibuisti Magistrum. Enimverò, postquam biennalem egregius Athleta Christi Religiosi Novitiatûs excesseras Palæstram; iteratis vicibus, diversarum Eremorum, Magisterialem meruisti Prærogativam. Cumque Reverendissimus ORDINIS Generalis intimiùs ingenitam Tibi regendi spectâsset peritiam, primùm *Lansériensis*, dein *Viennensis*, ac demùm *Nitriensis* Eremorum (renitentem licet) ultrò condecoravit *Prioratu*. Quo in Munc-



## DEDICATIO.

Munere, illico exleges quasvis (*ut vidimus*) Instituto Nostro adversantes consuetudines radicitus amputare, & ut in **Sacro Ordine Tuo** regularis ad amussim servaretur Ordo: universam Rerum molem; justô **Numerô**, **pondere**, & **mensurâ** ordinanda instituisti aded; ut si quis ab exacta Eremiticarum legum observantia vel extremum apicem, aut Jota unum probaretur deflexisse, pro merito culpæ in eum serid animadvertere haud cunctareris. Expertus id in **Te** non semel & **Ipse**; cûm enim primordialibus in annis **Conversionis** meæ (*cæteris insolentior*) Juvenili æctus impetu **Paternalis Tuis Monitis** nimium audax recalcitrarem: **VIRGA** justæ severitatis **Tuæ** tamdiu in me desævisti, donec Observantiæ regulari collum me humiliter subdere impuleris. Nec tamen id ægrè ferebam; satiùs enim mihi censebam à Justo pia severitate corripi, quàm oleo Peccatorum malè conniventium perungi. *Bonum, inquam, mihi erat; quia humiliasti me, ut (cum Psalte Regio) custodirem justificationes DOMINI, & legem ejus requirerem.* Eapropter cum submissa gratitudine, curvatis genibus (*parvulorum more*) **VIRGÆ Tuæ** exosculor summitatem: nam reverà **VIRGA Tua**, & *baculus tuus ipsa me consolata sunt* (Psalm. 22.) Nondum finis; neque meta hîc  
Digni-



**DEDICATIO.**

**Dignitatum** Tuarum, Pater Observandissime!  
præcellentia namque Merita Tua aded Orbi cir-  
cumquaque inclaruere Camaldulensi, ut Hungariâ  
Virtutum Tuarum Amplitudini perangustâ, ad ex-  
teras se se Nationes gloriosè extulere. In proxi-  
mè namque celebrato Ordinis biennali Capitulo  
Generali (interventô quoque eatenus providissimo  
felicissimè modò regnantis Augustissimi Impera-  
toris CAROLI VI. Decretô) Universorum  
cûprimis in Te conspirarunt vota Definitorum  
aded; ut votis identidem vota superaddere neutiquàm  
superfederent, donec Te in Primum Nationis Germa-  
nicæ Generalem Vicarium sublimatum; adeoque  
totius Provinciæ gubernacula moderantem, læti intue-  
rentur. Quod ubi Definitoriali Tibi innotuisset paginâ:  
Legem Constit. 2. pag. 32. super regulando Prælatorum  
Munio sancitam, ut videlicet: *Prælatus, & quicum-*  
*que aliis præfigitur, duplici doctrinâ verbi scilicet &*  
*exempli suos Discipulos pro viribus instruere co-*  
*netur*: sublimiori hac in Dignitate ad amussim im-  
plèsti. Præes namque verbo: *Dominus enim dedit*  
*Tibi linguam eruditam, ut scias sustentare eum, qui*  
*lassus*



## DEDICATIO.

*lassus est verbô, Isaiaë 50. Nec minùs præes & exemplô; multiformi etenim Heroicorum Actuum Tuorum operatione, ac præcellenti Morum Tuorum probitate, aded Nobis in omni genere Virtutum præluxisti, ut Regula Fratrum, & forma gregis factus ex animo audenter dicere possis: exemplum dedi vobis; ut quemadmodum ego feci, ita & vos faciatis, Joan. 13.*

Quamvis Pater Observandissime, sexcenta alia illustrium Virtutum Tuarum specimina longâ serie hîc enarrare quirem; subitico tamen; quia modestissimi ad omnem sui Laudem verecundantis vultûs Tui rubore, ita jubeor. PYTHAGORICUM proin (cum CAMALDULENSE non sat arctum) eatenûs ori meo pono Silentium. At fileam licet ego, Virtutes Tuæ, laude suâ, ac imitatione Posterorum dignissimæ, se fileri non patientur; *in omnem namque terram exivit Sonus earum, & in fines Orbis terræ verba earum.* (Psalm. 18.) Propterea meo, silente licet, in animo; *Semper Honos, Nomenque Tuum, Laudesque manebunt.*

Benignô



*DEDICATIO.*


---

Benignô tandem Pater Observandissime,  
Opus hoc, non jam Meum: sed ex æquò Tuum,  
dignare Obtutu, ac ut præsentis Lucubrationes ubivis  
inoffenso decurrant pede, ab invidis EREMITICÆ  
VITÆ Oforum linguis, Paternâ semper Pro-  
tectione tueâre, Meque pijsimo Affectu Tuo  
complecti ne dedignare. Qui sum, & vivam.

NOMINI TUO

*Æviternum Devotus*  
P. L. E. C. M. C.





# FACULTAS REVERENDISSIMI PATRIS GENERALIS.


**L**iber hic (cui titulus EPITOME ANTIQUARII  
TRIPARTITI Sacri Ordinis Eremitico-Camal-  
dulensis) studiô ac labore Reverendi Patris Ladislai  
Radossány, memorati Ordinis Affectæ; ac Eremiti  
Lânsériensis in Ungaria Actualis Superioris, candi-  
dô apprime stylô concinnatus, & à duobus Ordinis  
Nostri Patribus revisus, ut typis mandetur Facul-  
tatem impertimur; si ijs, ad quos spectat ità vide-  
bitur. In quorum Fidem præsentis manu propria,  
& solitô Sigillô Nostro firmatas extradeditimus.  
Actum in hac Sacra Residentiali Eremito Nostre Mon-  
tis Coronæ in Italia. die 10. Martij 1726.



**D. IGNATIUS** Ere-  
mitarum Camaldulen-  
sium Montis Coronæ  
Generalis mpr.

X CENSU-





## CENSURA ORDINIS.

*Cum in Opere , quod inscribitur EPITOME ANTI-  
QUARII TRIPARTITI Sacri Ordinis Eremitico-  
Camaldulensis , à R. Patre Ladislao Radossány , Ere-  
mita Camaldulensi , Congregationis Montis Coro-  
næ , Actuali Superiore Eremiti Lánseriensis , conscripto ,  
Nihil , quod Veritati Fidei Orthodoxæ , aut bonis  
Moribus contrarium ; sed magis Christianis animis ,  
tum illuminandis , tum accendendis , perutile conti-  
neatur : Dignum propterea censemus , ut laudabile  
hujusmodi Opus publicam lucem videat. Cujus  
gratiâ , has Literas manu Nostra firmatas , Sigilloque  
consueto munitas dedimus in hac Nostra Residentiali  
Eremito Sancti Josephi supra Viennam Austriæ.  
Die prima Martij Annò 1726.*



D. EMERICUS, Eremit. Camaldulens. Montis Coronæ, Vicarius Generalis Nationis Germanico-Hungariæ.

D. BARTHOLOMÆUS  
E. C. M. G. Assistent Ejusdem  
Vicar, General.

CENSU.



❧ ) ○ ( ❧

CENSURA ORDINARIJ.

*Cum Liber hic intitulatus EPITOME ANTIQUARIJ, TRIPARTITI Sacri Ordinis Eremitico - Camaldulensis à pluribus perlectus & revisus, nihil in se contineat, quod Fidei Orthodoxæ, aut bonis Moribus repugnet; sed potiùs ex Nobilitate Materiæ ad sectandas Virtutes & Vitia extirpanda, suaviter & fortiter disponat: ac ipse sedulus Compilator hujus Operis Reverendus Pater Ladislaus Radossány, Eremita Camaldulensis Congregationis Montis Coronæ, Actualis Superior Eremitæ Lánseriensis, prout ex adjacente Protestatione videre licet, nihil aliud intendat, quàm promovere Cultum S. Patriarchæ ROMUALDI, ac Amorem Vitæ Eremiticæ, nihil obstare poterit, quin prælo publico subjiciatur. Actum Neostadij Austriæ 18. Martij Annò 1726.*



JOANNES STEPHANUS  
KITTNER, Inful. Abbas ad  
B. M. V. Boccon. Vicar. General.  
Official. & Canonicus Neosta-  
diensis. mpr.

PRO.



## PROTESTATIO AUCTORIS.

**Q**Uoad Elogia Sanctorum , & Beatorum Miracula , Visiones atque Revelationes , per omnia inhæreo continentiis Pontificiorum Decretorum , signanter : SS. D. N. felicis recordationis Urbani PP. VIII. nec ea alio sensu , à quoquam accipi cupio , quàm ipsa Sacra Sedes Apostolica , Constitutionibus superinde editis , accipienda decedit. Ac proinde Librum hunc , & universa in eodem contenta , Sanctæ Matris Ecclesiæ Judicio ( ut verum ejus condecet Filium ) plenè subjicio : Aded ; ut si vel verbum , in eo reperiretur , quod à sano ; ac salutifero Sanctæ Rom. Catholicæ Ecclesiæ sensu discreparet ; id præsentī Protestatione mea condemno , atque anathematizo , & ad eradendum illud semper expeditam gerodexteram. Si quid verò boni hoc in codice Lector benevole reperturus sis , Auctori bonorum omnium adscribito. Errata , si quæ offenderis , humaniter excusa. Judicium autem temerè ferre , te cautum facio : Nam ( ut egregius æquitatis arbiter , jam olim à Tribunali declamavit Seneca ) *qui statuit aliquid parte alterâ inauditâ , æquum licet statuerit , baud æquus erit.* Verborum interpres quisque suorum.

His vale Lector perhumane.

Hæc





Hæc dicit Dominus !

*State super vias , & interrogate de semitis antiquis , quæ sit via bona , & ambulate in ea , & invenietis requiem Animabus vestris. Jer. 6. n. 16.*

## PROEMIUM.


**P**ostquàm Regum potentissimus , Rerumque peritissimus SALOMON , arcanô Sapientiæ suæ indagine cuncta creata ultrò citroque quàm accuratissimè scrutanda instituisse ; ac propterea Bonorum , & Malorum ( non vano absque omine ) probam facturum Sapientiæ 2. 4. Opera sua magnificâisset : de universis , ad informandam posteritatem , sensum suum Orbi palàm facere decrevit. Qua in re , ipse sibi testis , Ecclesiastici Cap. 2. *Coacervavi mihi , inquit , argentum , & aurum , & substantias Regum ac Provinciarum. Et omnia , quæ desideraverunt oculi mei , non negavi eis : nec prohibui meum cor , quin omni voluptate frueretur , & ob-*  
b
lecta-



lectaret se in his, quæ præparaveram : & hanc ratus sum partem meam. Cumque convertissem me ad universa opera mea : comperi, & vel invitatus assentiri sum coactus Sapientiæ I. IO. **NIHIL SUB SOLE NOVUM**, nec enim valet quisquam dicere : ecce hoc recens est ; jam enim præcessit in sæculis, quæ fuerunt ante nos. Vera sunt hæc omnia Lector humanissime ; quia Veritatis æternæ testimoniô firmata ; nec à quoquam sanæ mentis in dubium vocari posse. Ætas nihilominus nostra ( O insipientiam ) Sapientum Sapientissimo Salomone plus autumans sapere, ausu temerario tanti **ORACULI** effato controvenire haud veretur, inquit : **EST SUB SOLE NOVUM**. Miramur id, & non parùm admiramur. Pro contestando nihilominus hocce **NOVIZANTIUM** axiome, non erit revera nobis necessum peregrinarum Regionum cum discrimine Vitæ finitimas perquirere Oras ; nec exteris discursando propterea petere Provincias ; si vel parumper intra Patrios Lares, quosdam Status, & Ordines curiosius contemplari libuerit, reperiemus omni procul dubio, & luce clariùs vanè aliàs decantati axiomatis proba elucebit, quòd videlicet : in perquirendis quibusvis Novitatibus ( haud parvo absque dispendio substantiarum ) omnis ætas, & sexus sine intermissione etiamnùm defudet adeò ; ut nihil jam indignius autumet, quàm laudabili semet **ANTIQUITATI** conformare. Vulgarem, & perniciosum hunc Ævi Nostri errorem, tam in Politico, quàm & Regulari statu passim grassari, subsequenter demonstrabo.

PARS





# PARS PRIMA.

§. I<sup>mus</sup>.

*Quantum Antiquitas præstet No-  
vitati.*

**R**eceptum illud vetus Ungarorum proverbium quoti-  
diano vulgi circumfertur ore : *Obiit Rex Matthias, &  
perijt Æquitas.* Subnectit quidam, & ait : *Obijt Rex Mat-  
thias, & interijt Antiquitas.* Nec abs re, Gloriosissimum  
enim hunc simul & æquissimum Ungarorum Regem, adeò  
Patriarum Antiquitatum, & reducendarum veterum  
consuetudinum Zelantem fuisse ferunt ; ut quosvis anti-  
quæ legis prævaricatores ferrò, & igne ulcisci minimè du-  
bitaret. Et exinde REGNUM hocce MARIANO-APO-  
STOLICUM primæva sua felicitate, & rerum omnium  
affluentia, magnò REGNICOLARUM emolumentò, Vi-  
cinarumque PROVINCIARUM summa cum admiratione, re-  
florebat. At hodie splendida illa ; sed execranda, Teutonicæ  
Gentis Miseria *NAIMODI*, id est : *Consecratio Novitatum.*  
in REPUBLICA quoque nostra in tantum circumquaque



invaluit, ut ob id plurimum Præpotentum REGNICOLA-  
RUM Nostrorum, aurô, & Argentô turgentiâ olim ÆERA-  
RIA, penè exhausta lugere cogamur.

O infelicia ætatis Nostræ tempora ! Quanta nunc,  
DEUS bone ! non solum in Palatiis Magnatum, sed & in  
Ædibus quorundam Nobilium, inolevit abusio. *Ingredere,*  
si lubet, Lector benevole (manuductore Sancto Bernardino  
Senensi) *Eorum Curias, & perquire cubicula, & thalamos, ac*  
*intuere picturas Vanitatum, fæda Monstra Novitatum, abususque*  
*structurarum.* Circumspice, & contemplare ibi novarum  
vestium superfluitates : hîc videbis indumenta pro feria-  
tis diebus, ibi pro mediocribus festis : hic pro solemnitati-  
bus certis, ibi pro celebrioribus cunctis. Reperies ibi  
vestimenta sericea, quædam Aurea, quædam Argentea :  
quædam acu picta ; quædam floribus exsuta : quædam  
æstiva, quædam hyemalia : quædam diurna quædam  
nocturna : quædam retorta, quædam distorta : quæ-  
dam lata, quædam stricta : quædam curta, quædam cau-  
data, quædam cum alis magnis, quædam cum manicis  
strictis, quædam sine manicis ullis. O ridendas Fatuita-  
tis potius, quam Novitatis ineptias ! Videtur certè jam olim  
hos præfigurâsse David in Persona CHRISTI ore Prophe-  
tico loquens : *Dimisi, inquit, eos secundum desideria cordis eo-  
rum, ibunt in adinventionibus suis* Psalm. 80.

Ducit quis uxorem moderno rerum statu formâ deco-  
ram, magna fit letitia, magnus fit ornatus, & apparatus mul-  
tus ita supra citatus Auctor de Delicijs Cap. 2. Quæ si Vicinâ  
suâ inferioris sit conditionis, invidiâ mota, se illi in indu-  
mentis æquiparare studet. Sin è contra æqualis sit genere,  
& divitiis, donec non superat istam in Novitatibus vanis,  
nunquam



nunquam mente quiescit, nec unquam Maritum in pace permittit. Alia nobilioribus orta Natalibus, sublimis divitiis, mente inflata, corpore elata, si cunctas non superat in immensum foeminas, *magnam injuriam se reputat facere Creatori*, ait S. Bernard. Nec statui suo convenienter se vivere autumat.

Si casu Maritus, quandoque propter indigentiam, aut penuriosa tempora, vel nonnunquam propter conscientiam minus assentit, perdita sunt omnia, lugens lamentationibus oberrat foemina, praeter ira satiari non potest Dalila. *Heu me, inquit, infelicem! nuptui tradita sum, maledicta hora! Illa ornator procedit in publico, NOVA MODA ejus fulget in vertice. Ego misella heu, heu despicior in consortio foeminarum! Denique tot molestiis, & importunitatibus devictus Maritus, cogitur condescendere postulatis. Si pecuniae praestitum non sunt, mutuò accipit, sub usuris gravia debita subit, fundos, & agros inhypothecat, imò per saepe haereditarias suas quoque Possessiones jure perpetuò abalienat. Si demum his deficientibus Uxor, non amplius superstitiosas novarum MODARUM Vestiunculas muliebri sua factione obtinere potest: Cuncta Mariti Bona decimat, de omnibus, quae sunt in domo furatur, cumulatque denarios ut vano suo desiderio satisfaciat. Quid gloriaris O Mulier perversissima in Malitia, Novitate, & Vanitate tua? Nunquid cum Esau haereditatem tuam pro lenticula Vanæ Novitatis in manifestum praepudicium successorum tuorum alienare licet? O Impudentiam! pudet hodie Damicellas quasdam, ait Tertulianus, etiam Nationis suae, quod non Germanae, aut Gallae sint procreate.*

Sed



Sed quid, amabo, amice Lector, in tantum unà mecum evanidas foëminarum miraris ineptias, in quibus oblongum *Capillicium* (ut vulgus loquitur) rectæ rationis decurtat *judicium*? admirare potius nonnullorum Virorum (Nabuchodonosoris Regis ad instar) effæminatum animum: eam namque (attestante Drexelio Cap. 1.) jam ætatem vivimus, quâ Viri paulatim foëminæ sunt & veste & crinibus. Toties enim hodie Maritus vestes in peregrinos aptat ritus, quoties Vetulæ suæ per NOVAM MODAM insanire libet. O Viri, qui caput Mulieris estis! nescitis quidquàm neque cogitatis Joannis 11. Quantam vobis ruinam causant foëminæ vestræ Novitatibus suis absorptæ, nec reminiscimini ex reiteratione variata, & variatione iterata NOVARUM MODARUM summum vobis subsequi dispendium substantiarum. Nihil quid respicerem, illud certè Scripturæ palàm in vos detonarem: *Multi dementes facti sunt propter Uxores suas.* Esdr. libr. 3. 4. Videmus namque; & lamentabili in dies discimus experimentò, qui prius complures Curias Nobilitares, Prædia, & Possessiones haud exiguas, imò amplissima possedère Dominia, ad extrema ferè esse redactos. Quæ omnia, non ita pridem (teste Drexelio) Nominatissimus quidam Urbis detexit Senator, dicens: *Se, suosque Cives occultâ, sed ambitiosa incredibiliter laborare paupertate, adeò; ut si cui Civium mille antea floreni fuissent, jam nec centenos superesse. Sicque omne auri pondus, & pecuniarum in arcas vestiarias NOVARUM MODARUM abiisse.* Et certè, qui olim cum Divite induebantur purpurâ & byssò, & epulabantur quotidie splendide: occinebantque sibi Cap. 12. apud Lucam Evangelistam; *Anima habes multa bona posita in annos plurimos; Barathro Novitatum absorpti, circumspicientes ad ultimum, nihil invenerunt omnes hi Viri Divitiarum in manibus suis*



*suis. (Psalm 75.)* Serio tandem, sed sero lamentantur hi omnes (super irreparabili Bonorum suorum iactura,) cum Davide: *infixi sumus, inquit, in limo profundi (Mundialium NOVITATUM) & non est amplius substantia.* In quibus ad unguem verificatur illa Divinae ultionis comminatio, jam olim per Sophoniam Prophetam Cap. 1. & 3. decantata: *Visitabo, inquit, super Principes, & super Filios Regis, & super omnes qui induti sunt veste peregrina. Effundam super eos indignationem meam, omnem iram furoris mei.* Aequum proinde, & condignum foret, tandem vel scripturae sacrae aurem dare praecipienti (Proverb. 22. v. 28.) *Ne transgrediaris terminos antiquos, quos posuerunt Patres tui.* Longe nihilominus in praesentiarum alia spectare est, apud nonnullos Status Politici Sectatores, & Regni Nostri Indigenas, postposito enim Patrum, & praedecessorum suorum Patrio vivendi, ac incedendi More, peregrinis Nationibus, tam in modo vivendi, quam in quovis vestitus genere, praeposterè se se accommodare gloriae sibi ducunt. Hinc non mirandum, quòd dilecta Patria Nostra, olim meritò Regnorum Domina nuncupata, in tot exoticas NOVIZANTIUM subdivisa consuetudines, amisso Avito decore suo, miserè desoletur. Modo namque (ut cunctis palam est) nihil bonum; nisi peregrinum, nihil Pulchrum, nì sit extraneorum phalerata NOVITATE adulteratum. Quo ex fundamento, haud vanè augurabatur olim Seneca, *Novitates, ac vestium luxum labentis Reipublicae signa & praenuntia esse.* Super quo non absimiliter commentatur & ipse Drexelius, *Neminem, inquit, egenum esse, cum superbarum vestium negotium agitur.* Supplicant pauperes? *non suppetunt nummi.* Corpus NOVARUM MODARUM vestibus ornari postulat? *jam abundamus.*



*damus.* Opem pecuniariam rogant amici ? *jam pridem ipsi egemus.* Novitas vestrum de Gallia, aut Hispaniarum finibus allata est ? *jam turget Marsupium.* Cum tamen plerumque contingat ; ut quis in veste se jactet , quam adhuc Sartori , & Mercatori debet. O cæca igitur , & ingrata Pannonicæ Gentis ambitio ! Quæ nihil minus , quam laudabilis antiquitatis jura curat , nihil plus quam damnabili Novitatum adinventione delectatur. O deploranda Ævi Nostri vicissitudo ! O damnanda nimis , & ultimam usque thulen ableganda legum antiquarum oblivio.

Hem Religiose Lector ! attonitus memet stupeo , ab assumpti operis mei scopo ed deflexisse ! id citra intentum proprium factum est , nec aliter , velim , tibi persuasum habere. Veniam dabitis , & Vos DOMINI POLITICI , quod isthæc , parum fors politicè , paginæ præsentis inferi fecerim. Regredior , imò recurro velox , & num Status Regularis præscito sapientis effato , NIL SUB SOLE NOVUM , in quopiam discrepet , impiger perscrutabor.

Sed proh dolor ! vel in limine disquisitionis meæ à nonnullis Regularibus plenis buccis decantari audio EST SUB SOLE NOVUM. Super quo lachrymantibus pupillis quærulari cogor cum Sancto Bernardo apud Guilielmum Abbatem ; O Patres Venerandi ! videte ruinam , quâ premimur , & videntes tantæ desolationi compati ne dedigne mini. *Jam enim per subreptionem Novitatum non solum Religionis antiquæ virtutem amisimus , sed vix speciem retinemus.* O tempora ! O mores ! Ulteriùs in Operibus S. Bernardini Senensis post fusiorem super Regulari Vita disceptationem Mundi , & Religionis : hæc à Mundo Regularibus haud vanè objecta lego.



**A**Ntiquis temporibus Regularis Vita  
Mirandis Virtutibus erat insignita ,  
Contenta radicibus , & pilis vestita  
Sed ut patet omnibus, modò non est ita.

Degebant in abditis suis primitivi,  
Erant pleni meritis cordis excessivi ,  
Plenè nunc advertimus, quod derivativi  
Ab eorum semitis sunt valdè declivi.

Nam cum prodire videris Abbates istorum ,  
Vadunt cum tot phaleris, & turmis equorum ,  
Et cum tot armigeris , & turba Cursorum  
Principes hos dixeris , & Duces Castrorum,  
Non Patres putaveris Monasteriorum.

O utinam falsò isthæc à Mundo , & Mundicolis nobis  
appingantur ! Quæ omnia intimiùs contemplando Trite-  
mius illius temporis, gemma Abbatum titulatus, exclamat:  
*Heu ! heu ! defecerunt præ lachrymis oculi mei , super contritione*  
Ord-



*Ordinis mei ! Devotio Monastica tepuit , honestas regularis disciplina ut plurimum defecit. Heu lugentem me nemo despiciat , dolorem meum nemo incuset , quin potius super hoc ( pergit ulterius ) O Patres lamentum assummite ; si forte convertatur DEUS ad veniam , & relinquat post se benedictionem.*

Rectè ad propositum Nostrum Versificator quidam ipsum Divum Benedictum plurium Congregationum Patriarcham Sanctissimum , pro Religione sua in hunc modum deprecantem , non inconcinne introducit,

*Maxime Rex patent Cælum cui terra fretumque ,  
Omnia qui nutu , dasque regisque tuo.  
Cernis ut adversis agitetur fluctibus omnis  
Religio , & nullo milite fulta cadat.  
Ille meus quondam teneris bene cultus ab annis  
Quò fugit antiquæ Relligionis honor ?  
Quemque ego tam lata moriens ditione reliqui,  
Ordinis heu nostri , dic mihi fervor ubi ?*

O bone Pastor Ovium , & vigilantissime Gregis tui Archimandrita Dive Benedicte ! quærulosam nimis personare audio vocem tuam ; ac propterea lachrymanti tibi , toto illachrymor corde. Audio inquam , & cognosco vocem hanc esse Pastoris , nam & ego Ovis tua sum , tua ; quia in Benedicti gregis tui vota , ritu solemniter juravi. Desine proinde Pater sancte , iterum precor desine super lachrymabili ( ut peroras ) Ordinis tui statu tam quærulosa fundere metra ; meliora annuncio ! Miseratione namque Divi-



na floret, imò ( ut aptius loquar ) refloret, ipsa primæva sacratissimi Ordinis tui observantia, in sacro Monte Pannoniæ, sub Illustrissimo, ac Reverendissimo Domino Archi-Abbate tuo BENEDICTO SAIGHO, honorem Patris sui plurimum Zelante : ita quidem ; ut neque in vitæ austeritate, neque in districta Religiosi cultûs custodia ( *oculatus horum testis ego* ) memorata Archi-Abbatia quidquàm amisisse videatur.


In hujus Zelosissimi Filii tui laudes, nonnihil excurre tentarem, nî mihi ejusdem admiranda submissio, & rarissima simul, ac pretiosissima ( *Abbatum virtus* ) Modestia, id vetaret. In summa, ingenuè & hoc fateri debeo, & lubens fateor, Virum hunc Regnotenus laudatissimum, collaudare me prorsus incapacem deprehendo. Dignus proninde est Sanctissime Pater titulus Dominus BENEDICTUS Archi-Abbas, qui à te Sanctissimo Legislatore Nostro BENEDICTO, omni Benedictione Paterna benedicatur.

Sed ut ad primordialia Nostra revertamur, audiamus iterum Tritemium tum doctrinâ, tum zelô sui Ordinis Abbatem clarissimum in libro suo Penthico candidè ( ut solet ) differentem : *Multa, inquit, Coenobia Regularibus fundata conspiciamus, ubi præter nomen, & habitum vix ullum regularis Disciplinæ vestigium videmus.* Super quo iterum commoventur viscera mea, & penè tabescit in me anima mea. Nam cum antiquum quorundam Regularium observantiæ vigorem, ac Religiosæ Perfectionis decorem, cum flebili eorundem præsentî statu confero, super desolatione, quæ Novitatum



adinventione causata censetur, attonitus hæreo, ac ruinæ, quam patiuntur, vehementer condolens vel gemebundus quæro: Eheu quò abiit tam sancta in veterum Patrum fundata Perfectionis Schola? quò recessit nascentis Ordinis ignita charitas? quò defuit antiquorum Anachoretarum admiranda austeritas? quæro inquam, teque respondere cupio: at vice responsi, *suspirare te solum audio*, & meritò. Nisi enim toties reformata, & ad antiquam regularem observantiam reducta fuisset Regularium progenies, nisi, inquam, tot Instauratores habuisset olim Monastica Institutio, Regula ejus proculdubio jam dudum abolita foret. Et quæ, amabo, causa tantæ desolationis Domûs DEI? non alia fanè, nisi Sanctæ ANTIQUITATIS incuria. Non parùm proinde laudanda est CAMALDULENSIS RELIGIO Nostra, quæ semper antiquæ Observantiæ æmulatrix vera, atque primæ Institutionis tenacissima observatrix ad præsens perduravit: nec aliquandò suum rigidum nimis Institutum, temporum, locorum, ac personarum habita quavis ratione mitigasse, moderasseve noscitur; quin potius in tot sæculorum curriculum, in tam multiplici rerum varietate, Patres Nostros semel arrepti Propositi, pertinaces fuisse observatores, in comperto habemus.

Quarè consentaneum censui modò fatæ Religionis Nostræ (pro modulo capacitatis meæ) Principium, & Progressum compendiosâ, eaque veridicâ narratione perstringere: ac hujusce Religionis Sanctissimi INSTITUTORIS, compluriumque ejusdem Sequacium, præcellas virtutes, consimili stylo exarare.



§. II.

*De triplici Institutione Ordinis Camaldulensis, & Eremorum Ungariæ Foundationibus.*

**O**RDO CAMALDULENSIS tres continet Religiosorum species ipsos videlicet Eremitas, qui in Sacra Eremo, in finibus Tusciæ per Divum adhuc ROMUALDUM fundata, resident : quæ Eremus ab ipso foundationis suæ principio, in hunc usque diem in sua primæva Institutione, jugi perseverantiâ, constantissima mirabiliter permanfit ; imò cursu temporis, magis ac magis adaucta, roborata, atque stabilita reflorescit.

Secundò. Congregatio Monachorum Camaldulensium, *Sancti Michaëlis Murani* dictorum ; hæc quoque ab ipso Sanctissimo Patre Nostro ROMUALDO specialiter procura Animarum, est erecta. Quorum salutare Institutum, in observantissimam Societatem redactum maximè floret in Italia, & indies Monasteriis, & alumniis mirum in modum augeri dignoscitur, adeò ; ut non tantum Tuscia, & Æmilia Camaldulensibus Monachis reflorescat, sed etiam tota propemodùm Italia, nec mora, usque in Galliam Cis-alpinam, mediteraneasque Insulas, Sardiniam, & alias Provincias extenderit hæc vitis sanctissima palmites suos. Nam & Venetiarum præcellsum Dominium, non uno, aut altero Monasterio, sed tribus voluit suam amplissimam Urbem deco-



decorari. Tanta denique DEUS Omnipotens prosperitate, totque beneficiis Familiam istam, intus & foris candidam, profecutus est, ut inter alias sui Ævi Religiosorum Congregationes, amplius sancto decore refloruerit. In qua vitæ perfectione, tanta fuit in ea constantia, seu perseverantiæ fortitudo, ut per annos septingentos, & eò amplius laudabiliter, ac sine macula prævaricationis processerit. Differunt à Nobis Eremitis in eo, quod ipsi carnibus (*quæ Nobis vigore Constitutionum perpetuò vetitæ sient*) vescantur, vitam mixtam agentes curæ Animarum sedulo incumbunt.

Tertia Congregatio, est Eremitarum S. Romualdi Montis Coronæ per Beatum Paulum Justinianum sacræ Eremitæ Camaldulensium Generalem erecta. Quæ licet supra laudatis duabus Congregationibus tempore posterior existat, regulari tamen observantia, & Vitæ austeritate, Eremorum pluralitate, ambas supereminet. Magna ergo laude merito extollenda est, hæc sacra Montis Coronæ Institutio, quæ tales semper sanctitatis cultores aluit, qui per tot annorum spatia continua successione primævum sanctorum Patrum Institutum inconcussè custodierunt, ac sancti Romualdi Pro-legislatoris sui, ferventiumque Discipulorum suorum vestigia fideliter calcârunt. Siquidem hæc Camaldulensis Societas, ab ipso erectionis suæ primordio immobilis, constans, & integra in sua primæva institutione jugiter perduravit. Unde hujus Congregationis Eremitæ quotidie convenientes in unum ante Aram Deiparæ, præmissis Litanis Lauretanis in hunc modum orare consueverunt. *Amabilissima Virgo Congregationis Eremitarum Camaldulensium Mater, & Protectrix, qui in tua protectione militant, ac favore tuo regularem Disciplinam observant: Memento hujus minimæ Congregatio-*

*nir tue, quam possedisti ab initio; eam promove, & conserva, nosque, ut clientes tuos respice, Paupertate, Castitate, & Obedientiâ conspicuos efficias, & ab omni malo, præsertim RELAXATIONIS defendere digneris. Mediatrix nostra, Advocata nostra, cuncta hac pro nobis intercede à Filio tuo dilecto, Domino nostro JESU Christo, qui cum Patre, & Spiritu Sancto, vivit, & regnat DEUS in sæcula sæculorum. Amen. Nec id sine effectu: nam in solida semel coepti rigoris jugi observatione (Magistra, & adjutrice Virgine MARIA) fidelissimè perstiterunt hi Camaldulenses Eremitæ Montis Coronæ.*

Huic Congregationi, tres quoque Eremitæ in Ungaria ad præsens erectæ, subsunt; quamvis, *ut meminit Synodus Pazmaniana*, olim Ordo Camaldulensis, adhuc sub sancto Stephano Rege, Regno huic incorporatus, complura loca habuerit in Ungaria, quæ omnia, proh dolor! per Bellorum injuriam, & Turcici Martis tyrannidem, in cinerem sunt redacta. Placuit tandem, DEO inspirante, Excellentissimo, ac Reverendissimo Domino BLASIO JAKLIN, Episcopo Nitriensi, Locique ejusdem, ac Comitatus perpetuo Comiti, & Ungarico-Aulico Cancellario, memoratum Ordinem nostrum denuò in suprafatum Regnum reintrodúcere. Qui primus Eremum Zobriensem supra Nitriam, in loco amænissimo, situatam piâ munificentia circa annum Domini 1691. fundavit; taliterque impetratò superinde etiam Regiò Consensu, nos eodem loci perpetuò mansuros stabilivit. Insuper Ordo Camaldulensis occasione Diætalis Concursus in anno 1715. Posonii habitus, ad demissam per nos eatenus coram Statibus, & Ordinibus factam Instantiam, in hocce Regnum Hungariæ, Partesque eidem annexas, articulartè est receptus. Omissis aliis mentionatæ Eremitæ memorabili-



bilibus Aëtis, & præclaris Incolis : unum præterire nec de-  
 beo ; nec volo, Patrem, videlicet, condam Joannem Chry-  
 sostomum Ūrminy, dictæ Eremi complurium annorum Prio-  
 rem dignissimum. Præfuit igitur piissimus hic Pater me-  
 moratæ Eremo Zobor calamitosi disturbiorum temporibus,  
 ubi jam Eremus expilata ; jam gravissimis Infidelium incur-  
 sionibus nimium quantum exagitata divexabatur ; quin imò  
 ipse quoque ab impiis oberrantibus Militibus sæpiùs durissi-  
 mè est habitus. In hac tamen lachrymabili rerum facie, in-  
 concussæ pietatis, & constantiæ animum ad Superos con-  
 tinuò erigebat : Unde nec auxiliò Divinò eundem unquam  
 frustratum testantur etiamnùm tot per ipsum funditùs ere-  
 cta ædificia, quæ in tanta pressura, & angustia temporum,  
 de Benefactorum solùm sollicitè conquistata ope, laudabili-  
 ter perfecit. Id certè, quod olim de Moyse dictum est :  
*hic est fratrum amator, qui multum orat pro populo, & universa*  
*sancta Civitate Jerusalem,* rectè applicaverim. Venerando in  
 CHRISTO condam Joanni Chrysostomo Ūrminy, qui re-  
 vera adèd filiorum Patriæ extitit amator, ut nullis laboribus ;  
 nec gravissimis quibusvis obviis fatigiis cedendum ratus, quo-  
 adusque Novitiatum, pro Natione Ungarica Romæ apud Sa-  
 cram Congregationem elaborâsset ; ac in Eremo Zobor, cum  
 fructu multarum animarum, erexisset. Fuit Vir procul-  
 dubiò in se religiosissimus, & in observantia regulari exa-  
 ctissimus. Ad Fratres sibi subiectos charitativus, ad sæcu-  
 lares humanissimus, erga intervenientes maximè hospita-  
 lis, verbò, omnibus omnia factus. Reverà, nos omnes  
 Ungariæ Nationis Eremitæ, huic uni Viro debemus adep-  
 ptam religiosæ Vitæ felicitatem : Nisi enim ipse superatis in-  
 numeris difficultatum obicibus, post varia laudabiliter præ-  
 stita publica Religionis opera, Eremum Zobriensem Novi-  
 tiatu

tiatu condecorasset, Nationi Ungaricæ, in Religionem nostram, præclusam viam etiamnum doleremus. Quare in perennem tanti Beneficii gratitudinem, quotidianis suffragiis piissimi ejusdem Patris, & Parentis nostri jugiter memores sumus.


Secunda Eremus, prope Arcem Lanſér Comitatu Sopronienſi, supra altissimum Montem, locò sanissimò in mera petra sumptuosissimè est ædificata. Eremus hæc per piissimæ reminiscentiæ Celsissimum condam S. R. I. Principem, & Inclyti Regni Ungariæ Palatinum PAULUM ESTERHASY circa annum Domini 1700. fuit fundata, quæ, ob præmaturam piissimi Fundatoris nostri interventam mortem, nondum est ad perfectionem deducta.

Tertia Eremus, vulgò RUBRUM CLAUSTRUM, Comitatu Scepusienſi, abstrusa quidem in valle, sed vel ipsa loci constitutione omnem pietatem, & sanctitatis odorem redolente, est situata. Locus maximè solitarius, adeoque Eremitarum Camaldulensium Instituto aptissimus, ac ejusdem Instituti sectatoribus omnibus votis desideratissimus. Kesmarkinò, Libera alias Regiæque Superioris Ungariæ Civitate, tribus germanicis milliaribus abest. Hæc Eremus olim Sacri Ordinis Carthusianorum extitit; sed ob temporum, bellorumque injurias jam ante trecentos annos per dictos Religiosos Carthusienses totaliter desertum; tandem ad manus, & possessionem Laicorum est devenum. Equorum manibus vindicatum, Nobis; unà cum Dominio ad præfatam Eremum ab antiquo spectante, in anno 1705. à desideratissimæ memoriæ Excellentissimo, & Rtverendissimo Domino, condam LADISLAO MATYASOVSKY, Episcopo



copo Nitriensi, locique Ejusdem, ac Comitatus perpetuo Comite, & Inclyti Regni Hungariæ Aulico-Cancellario, fuit Testamentaliter legata. Cujus Testamenti, & ultimæ voluntatis extractum, de verbo ad verbum, visum est hic annectere, & ejusdem tenor sequitur in hæc verba. *Nono, habeo in Comitatu Scepusiensi Clausrum Lechnicz olim Ordinis Carthusianorum, quod è manibus secularium in florenis triginta millibus possidentium redemi. Hoc igitur Clausrum, cum omnibus suis Bonis, ac literalibus documentis, lego Reverendis Patribus Camaldulensibus, ut ibidem juxta suum Institutum jugiter Deo, famulentur, & pro peccatrice anima mea, ad minus unum sacrum die-tim celebrent. Ut autem stabiliores ibidem fiant, Patriæ filios in gremium suum suscipiant, qui tam majorem favorem populi, quam etiam sedulio-rem curam Bonorum Clausi sunt habituri. Hi fuere hætenus, lector humanissime, Eremorum nostrarum in Ungaria Fundatores desideratissimi, quorum MEMORIA sit in BENEDICTIONE in perpetuas æternitates.*

Postremo (ut ad priora regrediar) sub sacro Ordine Eremitarum Camaldulensium, cum maximo sanctitatis odore, militat Congregatio Monialium Sancti Romualdi. Quarum salutare Institutum fuit confirmatum ab Honorio Papa II. In quo floruerunt permultæ Sanctimoniales Virgines, quæ cum liliis castitatis, sponso JESU Christo accensis lampadibus prudenter obviam eundo, cum illo in æterna tabernacula ingressæ, immortalitatis stolâ perfruuntur. Inter quas laudabili Vitæ meritò, præcipuè enituit Sanctissima Virgo Lucia: cujus miram Vitæ Sanctitatem suò locò descripturi sumus.



### §. III.

#### *De laudibus solitariae Vitae Eremitico-Camaldulensis.*

**I**N immensum propemodum accresceret moles scriptio-  
nis meae, si cunctas Laudes, atque Encomia Vitae no-  
strae Eremiticae in medium afferrem; à pluribus idipsum jam  
laudatissime actum lego; quare cum ego parvae admodum  
auctoritatis existam, exinde multum vereor, ne per me re-  
censendae Laudum Prærogativæ forsitan vilescant: adducam  
igitur Magnae auctoritatis, ac eximiae Sanctitatis Viros, qui  
sacrum Ordinem nostrum, suis monumentis, jam olim egre-  
giè commendatum reddiderunt. Et primò quidem; palàm  
est universis, Vitae solitariae Eremitico-Camaldulensis præ-  
stantiam multifariis laudum parasangis celebrari posse; tum  
ab antiquitate Institutionis, tum à laudabili, & irrelaxato  
regularis observantiae vigore, ac Anachoreticae Disciplinae  
dilatatione, quæ in ea à septingentis, & amplius annis invio-  
labiliter ad præsens usque perseverat. Tum denique, ab in-  
numerorum sanctimoniâ prædicatorum Virorum frequentia.  
Quod in supremo Ecclesiae Solio constitutus Clemens hujus  
nominis Papa IX. taliter contestatus est: *Cum Camaldulensis*  
*Ordo in summa puritatis, & Devotionis perfectione, cum bonæ,*  
*famae, ac Virtutum odore, ad adificationem militantis Ecclesiae,*  
*cooperante Domino per longam annorum seriem, ac exemplari Reli-*  
*gioforum suorum Vita, & sanctimoniâ, semper floruerit, & floreat;*  
*hac de causa, &c.* Non absimiliter ab Andrea quoque Ma-  
gno, celebri, & Syncero scriptore (*Freni Camaldulensis ocu-*  
*lato teste*) candidi hujus Ordinis Nazarei isthoc encomiò ce-



lebrantur Cap. 13. *Isti sunt, qui zelô Religionis Christianæ accensi, omnia sua facta, dictaque ad metam unam, DEUM puta ipsum, dirigunt. Isti sunt veri agricola, sine dolo columbina simplicitate cum serpentina prudentia imbuti, profundæ humilitatis Viri, seque tanquàm omnium abjectissimos reputantes, conscientia recti, morum Vitæ disciplinâ inclyti, in victu parcissimi, in vestitu candidi puritatem mentis & corporis denotante. In quibus, tanquàm in speculo crystallino Christianæ actiones omnes refulcent. Ita Vener. Pater Lancicius de Societate JESU scriptor illustris, Operum suorum tom. 1. pag. 76.*

Porro multimodâ Dignitas hujus Eremiticæ Vitæ demonstrari potest, à variis bonis, magnisque, ac Divinis muneribus, quæ probis ejus cultoribus cœlitus data leguntur. Tandem hæc Vita Eremitico-Camaldulensis non parvis laudibus efferri potest, à Sanctissimis Exercitiis, quibus cultores suos admirabiles, æternæque memoria dignos reddidit. De his primò, prodeat in lucem, Sanctissimus Legislator noster, & Patriarcha DIVUS ROMUALDUS, qui sanctitate suâ, quasi unus de Seraphin fulgebat in terris: quippe flammâ Divini amoris ex Eremitica conversatione (*teste Petro Damiano*) sic æstuabat; ut omnes ubicunq̃ gentium, quocunq̃ præsens accederet, sanctæ prædicationis facibus, supra quàm quisquàm existimare, vel explicare posset, incenderet: suaviq̃ nectare, & divinâ ambrosiâ omnium mentes, vel ex ipsius Nominis fama demulceret. Tantoque ardore (testatur ulterius præcitatus auctor) dignos faciendi fructus Vir sanctus flagrabat, ut plurimis Eremis Monasteriisque exædificatis nunquàm contentus, dùm alia faceret, ad faciendum mox alia se ardentissimè præpararet, aded ut *videretur* ( prout prærecensitus Cardinalis, Scrip-  
ptor

ptor egregius fideliter annotavit) *totum Mundum in Ereum*  
*velle convertere, & Monastico Ordini, omnem multitudinem sociare.*  
 Unde tanta fuit de Sanctissimo Romualdo in tota Europa,  
 dùm viveret opinio (teste doctissimo Augustino libro 1.  
 Hist.) *ut vel nullum sui temporis Cœnobium, nulla Eremiti solitu-*  
*do, nulla denique Religiosarum personarum Congregatio usquam ter-*  
*rarum fuerit, quæ aut Romualdum Magistrum, & Patrem non*  
*habuerit, aut consilium missis legationibus ab illo non flagitaverit,*  
*qua nimirum methodo conversari in sacra Militia deberet, & qua-*  
*liter Diabolicis impugnationibus resistere posset.* Perspicuè igitur  
 vel ex his apparet, quid, quantumve Ecclesiæ Dei profue-  
 rit Romualdi Virtus, & industria, nec non, quid Monasti-  
 cæ Religioni augmenti ejus exemplum attulerit: ille nam-  
 que primus Orientalium Anachoretarum perfectissimæ Insti-  
 tutionis Instaurator, in occiduis verò Regionibus Funda-  
 tor fuit. Hic Divi Benedicti Regulam; per Monachorum dis-  
 solutionem penè collapsam, multo cum sudore instauravit.  
 Ejus nomine, ac Eremiticæ Vitæ suæ methodo, auditis,  
 sanctus Bruno ad imitationem ejusdem suam condidit Car-  
 thusiam; unde tam sancta, numerosaque proles exorta ho-  
 die conspicitur. O ter, quaterque Beate Pater Romualde,  
 cui ego te Sanctorum similem faciam? tentationibus & pu-  
 gnis in nullo Magno Antonio cedis, nec quidquam ille pas-  
 sus legitur, quod tu durissimè non sis expertus. Hilario-  
 nem vicisti abstinentiâ, & Vitæ austeritate. Quid ultra?  
 in fervore Charitatis, in proximi dilectione, in laboribus  
 fratrum sufferendis (audacter dicam) Doctori Gentium, A-  
 postolicâ Doctrinâ exceptâ, meritò es conferendus. Nam  
 tu in itineribus sæpe, periculis fluminum, periculis Latro-  
 num, periculis in solitudine, periculis in mari, periculis  
 in falsis fratribus, in labore & ærumna, in vigiliis multis,  
 in



in fame & siti, in frigore & nuditate, spectaculum factus es mundo, Angelis, & hominibus.

Cæterum, quid quæso fructuosius? quid salutarius? quidvè securius solitudinis bonô? In summa, nec deliciarum solitario quidquàm deesse potest: cum illo etenim non injucundè deliciatur, *cujus deliciae sunt, esse cum filiis hominum.* Expertus hæc omnia in se quàm abundantissimè **CAROLUS** Romanorum Imperator invictus, qui, ut deliciis, & consolationibus solitariæ vitæ liberius frueretur, abdicatis Universis Provinciarum curis, Regnum suum **PHILIPPO** Filio ultrò celsit; de quo *ANNALES: CAROLUM majorem fuisse in sua Erema, quàm in Imperio.* Sed & **PHILIPPUS** Imperator ejus Nepos morti appropinquans in hæc verba prorupisse fertur: *Utinam Corona caput non cinxisset! pœnitet fuisse Regem. Melius certè in aliquo Deserti angulo extra mundanorum negotiorum tumultum vixissem.* Nec mirandum: nam apud **Isaiam** Prophetam fat, superque solatur **DEUS** Solitarium, his verbis: *Ponet desertum ejus quasi delicias, & solitudinem, quasi hortum Domini, gaudium, & lætitia invenietur in ea.* Et iterum per **Oseam** Prophetam ait: *Ducam eam in solitudinem, & loquar ad cor ejus.* Quam dulcem Sponsi Cœlestis allocutionem crebrò auscultans Gloriosus Patriarcha Sanctus Ignatius, suavissimâ Cœli gaudia quàm abundanter delibabat, inque has mirificas voces erumpebat: *O quam sordet mihi terra, cum Cœlum aspicio! O Erema igitur Sanctarum mentium ineffabilis dulcedo! O torrens voluptatis, à fonte æternæ vitæ dimanans! nemo credit; nisi qui sitibundus accedit (ajebat Divus ROMUALDUS) quanta ubertate consolationis Cœlestis, cum suavissimo interni gustûs delectamentô, tuos cultores reficis, & inebrias.* O amor! O voluptas! quàm beatus, quem

quem talis amor inebriat, quàm felix est, quem tanta dulcedo satiat.

Perrexit semel Theodosius Imperator ad quendam Eremitam mutata veste, cumque apud illum frustum panis incognitò comedisset, dedit se cognoscendum, & dixit : *Beati estis vos Eremitæ, qui securi, ac liberati à negotijs sæculi, tranquillâ, & quietâ perfrui mini vitâ, & solummodò de salute animarum vestrarum habetis sollicitudinem, quomodò ad vitam æternam, & ad Cœlestia præmia pervenire possitis. In veritate enim dico tibi; quia in Regno natus sum, & nunc in Regno dego, & nunquàm sine sollicitudine cibum capio.*

Suatocopius item Regum Moraviæ penultimus, cùm aliquo tempore gloriosè Regno præfuisset: tandem Arnolpho Imperatori tributum pendere recusans, commisso Prælio, cùm se succubuisse animadvertisset, clam se de Castris subtraxit, atque ut erat mutata veste incognitus, salutem fugâ quasivit. Cumque aliquot dierum spatiò, ad Montem, cui Nomen *Zobor*, vel ut Sylvius ait: *Sambri*, aut *Zoborij* (abjectis armis, & equo dimisso) pervenisset: eadem in Eremita tam diu vitam, pomis sylvestribus, & herbarum radicibus sustentavit, donec tres Eremiti cultores obvios habens, ijs se adjungeret, sicque usque ad extremum Vitæ incognitus perseveraret. Ubi verò mortem propinquam sensit, accersitis Eremitis, quærere coepit : *Nondum, inquit, quis fuerim novistis? Rex ego Moravorum; Prælio victus, ad vos confugi, & Regiam Vitam, & privatam expertus, morior. Nulla Regni fortuna est tranquillitati Eremitæ præferenda. Hic securus somnus, dulces herbarum radices, atque undas efficit. Ibi curæ, atque pericula, nullum cibum, nullum potum, non amarum*



rum reddunt. Quod Vita mihi Fata dederant, apud vos felix peregi : In Regno, quid quid ejus transactum est, mors veriùs, quàm Vita fuit. Sepelite me hìc, Moraviamque petentes, Filio meo, si adhuc vivit, hac nunciate. Ita Ruffinus lib. 3. n. 19.

Non ineptè tandem solitudo tranquillo quoque portui comparatur : ut enim in portu, ita & in solitudine tranquilla sunt omnia. Unde Chaldaeus super illa Psalmographi verba : *Ecce elongavi fugiens ; & mansi in solitudine*, ita commentatur dicens : *Ecce longe fugiam, commorabor in deserto, semper festinabo, ut salver à spiritu tempestatis.* Non sit ergo nobis grave id sponte deferere, quod vel inviti cogemur derelinquere. Fuge Mundum, fuge, quicumque cupis mundus manere. Ubicumque potes (*suadet Drexelius*) te turbis exime : pessimus Dux est ad virtutem populus. Utique, quò copiosior populus, cui immisce-mur, hoc periculi plus est ; *Arcta enim est via, quæ ducit ad Patriam, & pauci inveniunt eam, ampla verò, & spatiosa est, quæ ducit ad mortem, & multi intrant per eam.* Vis vincere Dæmonem ? fuge hominem. Fugiat Religiosus hominum confortia, si vult Diabolica vitare contagia. Et certè non modicum periculi in hoc situm est ; nam ut inquit Sanctus Papa Leo ; *Dim per varias actiones vitæ hujus sollicitudo distenditur, necesse est de mundano pulvere etiam Religiosa corda sordescere.* Multùm sanè erubescò, quoties Senecam (licet Ethnicum) taliter differentem audio : *quid tibi præcipuè vitandum existimem quæris ? turbam.* Ego certè, confiteor imbecillitatem meam, nunquàm mores, quos extuli, refero : aliquid ex eo, quod composui, turbatur ; aliquid ex his, quæ fugavi, redit. Inimica multorum conversatio, nemo non aliquod vitium nobis commendat, aut nescientibus nobis allinit. Hæc omnia experimen-tò proprio Asceta piissimus Thomas à Kempis hisce laco-nicè

conicè confirmat : *quoties inter homines fui, minor homo redy.*  
 Rem Historica narratione placet illustrare. Cùm Sanctus  
 Arsenius in *Vitis Patrum lib. 7. cap. 34.* Vice quadam à  
 Sancto Marco Monacho interrogaretur, eccur tantoperè ho-  
 mines, & ipsos etiam Monachos fugeret, à quibus nihil de-  
 trimenti ferret : respondisse fertur Arsenius. *Scit DEUS,*  
*quia diligo homines, sed cum DEO pariter, & hominibus esse non*  
*possum : supernæ enim multitudines, & Beati Cœli Incolæ unus*  
*sunt voluntatis. At homines, diversas & varias habent volunta-*  
*tes, & ob hoc relinquere DEUM, & cum hominibus esse non va-*  
*leo.* Undè dictus Arsenius tantam assecutus fuit perfectio-  
 nem ; ut nulla virtus esset in reliquis, quam non & ille pos-  
 sideret. Verbô, omnes suos Co-Eremitas in virtutis, & Sancti-  
 tatis studio longô post se relinquebat intervallô. Erat iti-  
 dem alter quoque Eremita, qui vehementer captus amo-  
 re solitudinis, hæc tria januæ suæ insculperat verba :  
 Necessitas. Utilitas. Charitas. Et hoc ea ratione :  
 ut ex eorum lectione meminerit, ex cella, & solitudine  
 sua non egredi ; nisi una ex his causis ipsum impulerit.

Vos igitur gyrovagi, qui populosas Eremis præferen-  
 das vanè autumatis Urbes, audite piissimum, simul & doctissi-  
 mum Eremi Zelatorem, & æquâ lance, quantum inter Ur-  
 bium, & solitudinis commorationem distet, sedulò appen-  
 dite ! *Ubi (oro) cudantur fraudes ? jurgia fiunt ? justitia de-*  
*pravatur ? pietas perit ? adulteria perpetrantur ? opprimitur inno-*  
*cens ? supplantatur Sanctus ? peccator laudatur ? dominatur am-*  
*bitio ? inanis pollet gloria ? ubi denique universa regnant delicta ?*  
*nonne in Civitatibus ? ubi unusquisque ceteris appetit haberi po-*  
*tentior, facultatibus locupletior, opinione vulgi famosior, & a sti-*



*mari cupit prudentior. Hinc lites, illinc detractiones vigent, quoniam vix reperitur, qui præesse non desideret. His omnino caret solitudinis locus, quia sanctitate affluit, & Cœlestibus exuberat bonis,*

Inferunt tandem nonnulli, & frivolis quibusdam rationibus Ordinem Nostrum improbare nituntur, dicentes. Religionem Eremitico-Camaldulensem austeritatis esse intolerabilis, nam testimoniô Sanctorum Patrum Status Religiosus asseritur esse Jugum Christi, atqui Jugum Christi (*attestante ipso Salvatore*) debet esse suave, quod non habet Camaldulensis Institutio. Ego, inquit, nec per annum viverem in hoc arduo vivendi genere. Minime est hic status attemperatus Patriæ Nostræ, Nos Ungari, genii Socialis, abditum solitariae vitæ recessum ferre non valemus; nec sumus tam rigidis assueti jejuniis. Si Sanctus Romualdus vixisset in Ungaria, vel tam rigidas abstinentias, tamque diuturna jejunia non præscripsisset, vel certè paucos tam exotici Instituti Sectatores numerasset. Servate vobis, ait, Institutum vestrum, solitariamque Vitam (pace nostra) laude sua celebretis. O minimum delicate, Sybaritarumque dapibus enutrite Epulonis primogenite! exoticum tibi videtur una vel alia die abstinere pro Christo, qui pro te quadraginta diebus jejunavit in Deserto. Regnum Cœlorum vim patitur, & prout S. Hieronymus Egregius Doctor Ecclesiæ asserit, difficile, imò impossibile est, ut & præsentibus quis, & æternis fruatur bonis: & ut hic ventrem, ibi impleat mentem, & de deliciis, transeat ad delicias: ac ut in utroque sæculo primus sit, & in Cœlo. & in terra gloriosus appareat. Ita præcitatus Doctor in Regula Monachorum. Desineres profectò, O delicatule! talia in vanum profari, si in rei veritate horrendum

dum illud Apocalypsis expenderes: *Quantum fuit in deliciis, tantum date ei de tormentis.* Et ab adversò plenâ fide assentireris Doctori Gentium verba æternæ vitæ auribus nostris continuò inclamanti: *Quia leve, & momentaneum tribulationis nostræ, æternæ Gloriæ pondus in nobis operatur.* O proles deliciosa! rigorem Eremitico-Camaldulensis Ordinis asseris toleratu impossibilem, quem tot Reges, Principes, Duces, ac Comites, Cardinales & Episcopi, inter Regales enutriti delicias concupiscenti coluere animo. Enimverò Nostra *Eremitica Institutio* (ut testantur Constitutiones nostræ Clementis IX. Pontificis Auctoritate confirmatæ) *non periculosa, nec ardua, neque difficilis, ut antiquitus Anachoretica, comperitur: sed potius omni periculò, extremaque difficultate exclusis, securissima, facilis, & fidei cuique Viro securissima.* Ac proinde (omni reverentia, & pace aliorum Institutorum) laudabilior, ac securior cunctis meritò dici possit. Ita Proemium Const. Clement. Papæ auctoritate conf. Non nego Instituto Camaldulensi, quandam inesse austeritatem, nunquid ideò contemnendum, aut ad Indos, & fines Thracios è Pannonico solo ablegandum? quin potius vel ideò omni æstimatione dignum meritò censeri debet.

Sed ut ad id, à quo nonnihil digressi sumus redeamus, advertendum est: quod nisi solitudini corporali, adjungatur & solitudo mentalis, parùm, aut nihil opitulatur animæ ad virtutis accessionem. *Quid enim prodest solitudo corporis* (querit Magnus Gregorius) *si deest solitudo cordis.* Hujusmodi solitudinis curam districtim præcipiunt Constitutiones nostræ, Constit. cap. i. fol. 17. *Ubique, ait, locorum, foris & intra Eremitum, atque etiam in propria Cella, non solum corporales, sed etiam mentales divagationes effugiant Eremita, quæ & solitudinis propositum, &*



omne spirituale ædificium destruere solent. Si igitur hætenùs Fratres charissimi, solitudinis, & Eremiticæ abstractionis, instigante vafferrimo humani generis hoste, osores fuistis, si externa, quæ Mundus offerre consuevit, solatiola anxie quæritastis, redite quæso ad cor redite; & cum sæpius citato Laurentio Justiniano affectu pleno exclamate: O solitudo Deo dicata! quàm ardenti desiderio concupita es ab his qui noverunt, & intimo sensu è solitudine promanantes Sanctarum mentium delectationes perceperunt, intimique gustus inexhaustas degustârunt dulcedines. Meritò tales suspirare coguntur cum Divo Bernardo: *O utinam nullus hominum esset mecum exterius, ut familiaris loqui possem cum DEO interius; ipse enim & secretum quærit, & solitarium locum diligit.* Fugiam ergo hominum solatia, & exterorum colloquia, ut in secreto cordis mei DEUM habitatorem fovere possim. O quàm præcella sunt præconia tua solitudo sancta, tutæ divitiæ! segura possessio. Suscipe, quæso, me errantem ovem, ac Eremitici Propositi prodigum filium, post dissipatum vitæ solitariae Patrimonium: ne me patiaris vagari foras, otiosis inutiliter cogitationibus occupari, deffluere per vitiorum devia, coinquinari in vanis, atque affectu immoderato visibilibus adhærere. Noli obsecro despicere clamorem meum, noli hilarem faciem tuam avertere; nam & si te hætenùs minimè colui, ut debui: nequaquam tamen repellere debes redeuntem ad te, meque emendare volentem. Aperi mihi O amica mea! decora tanquàm Hierusalem, suavis in deliciis, plena venustate & gratiâ, jucunditate & jubilò, securitate & spe, dilectione & meritis. En sto ad ostium tuum, pulso, & pulsabo quotidie gemens, & lachrymans donec mihi aperiatur, dicaturque: *Veni, veni, de Libano Soror, veni coronaberis.*

§. I V.

*De oblocutoribus Vitæ Eremiticæ.*

**I**Nvenire est passim homines loquentes perversa, qui absque ullo experimento præsumunt solitariorum lacerare Vitam, dicentes eos prorsus inutiles, quoniam foris raro visuntur, neque se curis sæcularibus implicant: hac de causa; ( *ut ait Laurentius Justinianus* ) illam despiciunt, atque obtreptionibus laniare non cessant. Id solum, quod illis placet, laudant, quodque malefano eorum sensui arridet præconiis commendare non cessant, status omnes detestantes præter proprium. O deploranda ævi nostri cæcitas! quæ recto non finit homines uti judicio. Nunquid una est Via salutis? una Justitiæ semita? unô tantum Deo servitur modo? Dic, amabo, nunquid apud Deum Eremitæ cultores inferiores unquam habiti sunt habitatoribus Urbium? Nunquid sanctior Eliâ Esaias? aut Hieremias Helisæô? an David major Joanne Baptista? in quo cedit Augustino Hieronymus, aut Antonius Nicolao? in quo vincit Hilarionem Gregorius? Et certè, si Martyres excipias, nec plures, nec majores dedere sanctos Ungariæ Urbes, cæterarumque Provinciarum Civitates & Oppida, aut in iisdem contenti Vitæ activæ, ac Mixtæ ordines, quàm Eremitica Ægypti deserta, Nitria, Thebais, & Palestinæ solitudines. Numera, si potes, agmina Discipulorum Antonii Magni, aut catalogo insere, si nōsti, numerum Sanctorum Anachoretarum in Orientis olim nemoribus degentium. Quid moror, nonne Salvator noster JESUS, majoris perfectionis exemplum nobis relinque-

re



re volens, sæpius in Montem, five desertum secessit? Ecquis tandem tam hebes, qui nesciat contemplationi deditos Viros, Actioni vacantibus longe præstare? & MARIAM, quæ optimam partem elegit, Marthæ esse præponendam.

Resipiscat itaque, qui Eremiticæ Vitæ vestem, varietate Virtutum decoratam taliter scindere, & livido dente lacerare non veretur, nam, ut piè Purpurati Ordinis Antistes Divus Laurentius annotavit, quamvis videantur Eremitæ, per exercitationem exteriori corpori Ecclesiæ minus proficui; illi tamen multifariè profunt: ipsum quippe continuis orationibus vegetant, à tentationibus defendunt, pro delinquentibus deprecantur, suisque exemplis temporalia docent esse spernenda. Animat nos ulterius prærecensit Patriarcha in Prologo Serm. de Vita Sol; dicens: *Securè igitur, & cum exultatione Spiritûs in solitudine perseverandum est, non pertimescendæ sunt oblocutiones malorum, neque Dæmonum formidandi insultus: quoniam de corporali solitudine, consummato hujus peregrinationis cursu, transitur ad Patriam.* Audi Divum Thomam Doctorem Angelicum cap. 22. quæst. 188. commentantem: illi, ait, *qui Vitam Solitariam agunt, multum utiles sunt generi humano.* Hoc ipsum firmatur autoritate Divi Augustini Hipponensis Præsulis, qui pluribus in locis testatur eos, qui Vitæ contemplativæ dediti sunt, non modicùm Reipublicæ suis orationibus prodesse. Vis experiri amice lector, quantum solitariè orans sit utilis? Moysen orantem in Monte, dùm pugnaret Israël, aspinito: ejus namque Oratio secreta, Amalecitas prostravit fortiùs, quam universæ Israëlitis copię armatæ. Cùm enim levaret manus Moyses (sacrâ testante scriptura) vincebat Israël: sin autem paululùm remisisset, superabat Amalech. Si his minùs contentaris,

&

& adhuc ulteriùs curiosè scrutari velis, quidnam utilitatis ab Eremitis sperari possit, respondet vice mei, Justinianus è Cælarum Ordine Legislator piissimus Constit. 133. *Imperium, videlicet, Militiam, agros ipsos, & quidquid boni habent homines seculares, per Orationes conservari Sanctorum Eremitarum. Vides ergo Zoile quantum hallucinaris Vitam Eremiticam infructuosam asserendo.*

Eja igitur (convertor ad vos) Milites Eremitici Propositi, & Christianæ Reipublicæ defensores præclari, qui per temporalium abrenuntiationem, & remotiorem Vitam in solitudine famulari Domino decrevistis, perceptam Cœlestis gratiæ prærogativam agnoscite, in eo quod laudabiliter inchoastis, viriliter perseverate. *Magna (teste sancto Francisco Seraphico) promissistis, majora promissa sunt vobis, servetis hæc, suspiretis ad illa: Voluptas brevis, pœna perpetua, mendica passio, Gloria infinita.*

Perversè itaque agis, cujuscunque statûs & Ordinis sis, qui Statum Eremiticum perfricata fronte convellere, & improbare niteris. Erras, & nimium quantum erras, qui per Vitam laxiorem liberiori asvetus auræ, solitariæ Vitæ Institutum contemnis: æstimabis certè, sed serò, in Vitæ nempe termino. Ad quod non minùs salubriter, quàm argutè alludit *Cornelius Musius* hisce Versiculis.

*Vive ut vivis, sed cum ægrotabis,  
Justis lachrymis damnabis  
Omnes Mundi Insulas.*

*Et*



*Et cùm Morti appropinquabis ,  
Tunc te , sed serò provocabis  
Ad Beatas Cellulas.*

*O beata Solitudo , O sola Beatitudo !  
Quàm beati candidati ,  
Qui ad te volant alati  
Puri à Mundicolis.*

O quàm multi superveniente mortis horâ optabunt Vitam suam traduxisse in Eremito ! multi inter angustias amaræ mortis circumspicientes quærent ex se ipsis : ubi Socii mei , cum quibus paulò ante jucundabar , & gratè conversabar ? Heu fugerunt , & me solum reliquerunt. Ubi consolationes Mundanæ ? ubi Gloria mea , & opes superbæ ? ubi grati amici , & consodales mei ? perierunt , quasi qui non fuerint. O me miserum ! en paucitas dierum meorum finietur brevi , & salutis incertus æternitatis viam ingrediar. O æternitas interminabilis , & horrenda æternitas !

Memorabili suò hoc ipsum exemplò confirmat Philippus III. Hispaniarum Rex : qui morti vicinus , licèt illius temporis Principum fuerit absolutissimum Virtutum exemplar , & Vitam suam adeò innocenter traduxisset , ut firmissimè resolutum haberet : Malle se Regnis omnibus privari , quàm scienter Deum vel venialiter offendere ; in agone tamen revolvens animo rationem administrationis Regni sui mox reddendam ; totus contremuit , & in hæc verba suspirans erupit

pit. *O utinam nuuquam fuisset Rex! utinam annos, quos in Regno egi, exegissem privatus in Eremo. Utinam solitariam cum Deo duxissem in Thebaide! quàm securus nunc morerer, & quàm fidenter ad Dei Tribunal pergerem.*

Non absimiliter rem posteritatis memoriâ haud indignam lego de Petro Cœlestino Papa, imò Eremita; qui annos natus viginti, cum Eremicola quodam in Eremum secessit, per decennium angusti cujusdam spelæi incola. Inde ad amicorum preces Romam se conferens, suscepto ibidem Sacerdotiô in Regulam Proto-parentis nostri Divi Benedicti juravit. Vitæ tamen solitariæ amantior (exemplô Divi Romualdi) de Abbatis sui annuentia reversus in Eremum, in monte *Morono*, unde & deinceps nuncupatus vulgò *Petrus de Morono*, quinquenniô delituit, expulsô inde sub adventum pestilente, totique vicinæ noxiô *Dracone*; Tandem ejus fulgor sanctitatis diffusus undique tantopere animos purpurati Collegii post obitum Nicolai IV. Papæ perstrinxit; ut vota jam per menses 27. sede tunc, vacante distorta, & ambigua, Patres Conscripti quasi momentô colligerent, Petrumque de *Morono*, Pontificem conclamarent. Missis igitur ad Neo-electum Pontificem in Eremum Legatis, qui eô nunciô, ceu fulmine perculsus, jam jam fugam meditabatur. Sed ut ex infinito prope Mortalium accursu, quos rei novitas, Virique sanctitas advocârat, Divini consilii argumentum intellexit, reluctari ultrâ non valens, oblatos Ecclesiæ supremos Fasces tandem admisit, assumptô Cœlestini V. nomine. Coronâ Pontificali sublimatus Aquilæ-Apriorum, quò præter Reges Neapolis, & Ungariæ, ducenta & amplius millia hominum confluxerant. At verò cellæ suæ Eremiticæ inamoratus deliciis, ægerrimè

f tulit



tulit negotiorum jactari æstu; ea propter, quamvis totus  
populus inter gemitus obtestaretur, *Pater sancte, ne nos de-  
sere*, ad Orbis stuporem, primus sine exemplō, Papatu, se  
abdicavit, cum necdū integro semestri sedisset, Deo mox  
postridie Viri sancti probante factum, dū ad ejus benedi-  
ctionem, claudō gressum reddidit, subsecutis deinceps pluri-  
ribus per ejus merita Portentis. Sed sinistrā quorundam æ-  
mulatione, quod ex ea rerum novitate mali quidpiam vi-  
deretur Ecclesiæ ingruere, in arce quadam strictæ mancipa-  
tus custodiæ, immeritas ærumnas incomparabili vicit pa-  
tientia, carceris squallorem illustrans miraculis, in eoque hi-  
lari mente sibi crebrō occinens: *Petre cellam desiderasti, cel-  
lam habes*. Superatis in custodia mensibus decem, de fato  
imminente certus, ac lætus, inter illa psalmi verba *omnis spi-  
ritus laudet Dominum*, è corpore, & carcere erupit, evasit,  
& in Cœlum abiit. Quem pro Gloria Almi Ordinis nostri  
Benedictini, isthoc Elogiō condecorare libet.

Cœlestinus Papa, non Papa  
Exemplum, sine Exemplo,  
1. Reg. 4. Heli summum Sacerdotem  
è sede *cadentem* lego,  
*cedentem* non lego.  
Omnibus, qui in *Sede Petri* hucusque *sedere*,  
*Sessio* placuit, non *cessio*.  
*Antecessores* multos Cœlestinus habuit,  
*Successores* non paucos,  
*cessorem* neminem

*Ceden-*

*Cedendo, quàm sedendo quietior,  
Cedendo, quàm possidendo beatior.  
Non vacabat Cœlestino hîc diu sedere  
fecit igitur vivus.*

(Quod solent Pontifices aliàs nonnisi *post mortem*)

*Sedem vacantem:*

eodem spiritû è *Sede* reductus in desertum,  
quo è *deserto* ductus ad *Sedem*.

*Conclave* mutavit cum *cella*,

Malens *Cellestinus*, aut *Cœlestinus* dici,  
quam *Petrus*,

fortè, ne *Petrus*, *Primus* Apostolicæ *Sedis* Princeps,  
*secundum* haberet in terris.

*Diutiùs*, atque *tutiùs* sedit in *Eremo*,  
quàm in *Vaticano*;

Purpuratorum votis *dignus ævô*,  
medio *vix* præfuit *annô*:

*Tiaram* Pontificiam

*alienô arbitriô*, sibi *impositam*

suomet deposuit,

felicior sibi visus,

cum honores *sponte* posset deferere,  
quàm cum invitatus *cogeretur* assumere.

Jam ante *Papatum* dignus,



ut *sua Sanctitas* appellaretur :  
 ed faciliùs deinde è *Sancto*  
 factus *Sanctissimus* :

Quem titulum servavit etiam dimissô Papatu,  
*Beatissimi* tamen nuncupatione  
 visus offendi,

quod se crederet *infelicem*  
 In ea regiminis *suprema felicitate*,  
 cuperetque ipse magis *sedere*  
 cum *MARIA ad pedes DOMINI*,  
 quam videre *ad pedes* suos procumbere  
 Orbis Christiani *Dominos*.

Itaque ad *quietem* pristinam  
*compositò se compositurus*.

Purpuram *posuit*, Pontificem exuit,  
 & postquam sedisset *menses quinque*  
 Post *menses bis quinque* in pace *quievit* :  
 evocandus rurùs majori olim gloria  
 ad *sessionem* aliam in valle Josaphat,  
 ubi *sedendi jus* sibi vendicavit  
*relinquendo omnia*, quod solent multi :  
 & deferendo Papatum,  
 quod hactenus nemo.

Sic nempe *Cælestini* faciunt,  
 Humana negligunt, terrena deserunt,

*quæ*

*quæ sursum sunt* capiunt,  
 Cælum cupiunt, capiunt, rapiunt.  
 Non habuit *Petrus Cælestinus Papa*  
*annos Petri* in votis,  
 sed annos æternos in mente : *Psalm. 76.*  
*quinque* duntaxat in regimine *mensēs* ,  
 & *bis quinque* post regimen *mensēs*  
*feliciter emensus*  
 Spontè *dimisit* , quod *invitus* admisit ,  
*primus* inter Papatûs Cessores  
*siue* secundo.  
 Cessit , decessit è vivis *Cælestinus* ,  
 post vitam in terris *Cælestem* ,  
*Cælestinis* Beatis assertus in *Cælo*  
 beatior quam hîc ,  
 lucidas possidet *sedes*  
*quæ nunquam* amplius *vacare* possunt  
 in æternum.

Non pigeret hîc alios quoque binos Ordinis Nostri  
 illustres Cardinales benevolo Lectoris obtutui sistere ; nâ  
 prolixitatem styli mens vitandam dictaret : quorum alter  
 summi Pontificis illius temporis aures gemitibus inennar-  
 rabilibus vellicare non cessabat ; donec sibi abdicatô Car-  
 dinalatu in Eremiticæ Rachelis amplexibus frui liceret.  
 alter antrum Palatio , solitudinem Urbis splendori longe  
 præ-



præferens, Purpuram cum virga Prælationis generosè abjecit, ac propterea centum annorum sibi à Pontifice impositam pœnitentiâ gaudens peregit.

Pauci nunc, & revera pauci, ita sentiunt de Solitudine. Vitam namque Eremiticam, plerique ingloriam, tetricam, & contemptibilem reputant, cupientes magis in publicis, iisq; gloriosis negotiorum concursibus comparere. Ubi pro vanitatis aura laboriosè defudant, publica Officia si non ambiunt, saltem non recusant. omnem felicitatem in hoc sitam esse autumantes. Qui errorem suum politicò palliolo contegere satagunt, dicentes: *Ratio statûs hæc exigit à Nobis.* Sed utrum hæc non petita excusatio, cùm rationem statûs ipsorum æquitatis Judex, ad rationem districti examinis scrutatus fuerit, probabitur justa excusatio, vel inculpato sui ipsorum, venturo Judici discutiendum relinquo: *qui cum acceperit tempus, etiam justitias judicabit.* (Psalm 74.) Propterea monet Divus Paulus in Actibus Apostolorum Cap. 20. *Attendite vobis, & universo Gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo; non enim de vestra (subdit Joannes Chrysostomus) tantummodò salute, sed de universo Orbe vobis ratio est reddenda.* Ita S. Joan. Chry. hom. 15. in Mathæum.

Te nihilominus super his lector benevole præmonitum volo, me isthæc non typo superbiæ, & calumniæ; aut in quempiam (quod absit) statûs tui contemptum protulisse; neque omnes hac commentationis meæ censurâ comprehendere mens est; sed illos solum, quos S. Prosper lib. 2. acri suò calamò jam olim perstrinxit: *qui, videlicet, magna prædicant, nec faciunt, accusant Vitia, nec deponunt: publicè sibi displicere simu-*

*simulant, quod occultè committunt, magni student magis videri, quàm fieri.* Ita S. Prosper locò citatò.

Reperire tamen est, signanter, in hocce Mariano Regno nostro plerosque Viros Ecclesiasticos Zelò Apostolicò ferventes, qui memores muneris sui, scitè & fideliter sacris & Aris operantur. Sunt, inquam, qui ad exemplum Salvatoris nostri semet bonos Pastores exhibent, populumque pabulò verbi Divini salubriter nutriunt: quibus unicè in votis est, plebem sibi commissam, & animas pretioso Christi sanguine redemptas lucrifacere. Hi, cùm posuerit Dominus rationem cum servis suis, proculdubiò probabuntur fideles dispensatores mysteriorum Dei. Tales plausum, & popularem strepitum fugiunt, &, ut asserit Divus Gregorius: *pro laboribus suis recipere laudes humanas nolunt.* Hi *mirum gloriam suam non in ore hominum ponunt, sed intra conscientiam contegunt.* Da veniam Lector humanissime, quòd à proposita materia nonnihìl, deflexerim, Religioni duxi, his quoque te commonere.

Adhuc ampliùs quorundam detestabilis malitia palliolò Hypocritici Zeli obvelata grassatur, qui non verentur etiam ipsos Candidatos nostros (quod per experientiam didici) ab amplectendo sacro Instituto nostro avellere, dicentes; permitte Fili hunc statum: est status privatus, in eo sepe-  
lies talenta tua. Isti sunt abstracti nimium, ac contra humanitatis jura, naturalemque æquitatem, soli solis, ac sibi ipsis viventes infrugiferam ducunt Vitam. Exigua, vel penè nulla apud eos Aristotelicæ subtilitatis exercitatio, debetis rationem reddere talentorum tuorum; poteris tu, in quocunque alio statu evadere, ac tibi, & aliis in multis deservire. Ne timeas, neque scrupulises: Nam Vocationem; præsertim in tam exotico statu, sequi, non est præcepti;  
sed



sed solum consiliis; id circò consilium in melius semper mutare licet. O execrandam Acherontis vassritiem, & subtilem Animarum ruinam! en quos styx ipsa diuturnis machinationibus suis corrumpere desperavit, hæc Diabolicæ factionis instrumenta prosternere laborant. Quos non abs-re comparaverim caudæ Apocalyptici Draconis; quia sicut ille, hac suâ caudâ tertiam partem stellarum è Cœlo traxit; ita hi perditissimi Acherontis Advocati, magnam partem juvenum, ab amplexu sacri Ordinis nostri deterrentes, secum in abyssum Inferi præcipitant. Et hi plerumque ad oculum nobis amicissimi, Ordinis nostri Instituta laudant, Observantiæ regularis exactam custodiam suspiciunt, securitatem Statûs in summo deprædicant; sed fidet. De quibus Propheta Regius imprecabundus ait: *qui loquuntur pacem cum proximo suo, mala autem in cordibus eorum, disperde eos Domine DEUS noster.* Væ qui viscera Neronis, vultum gestatis Catonis! Væ vobis Hypocritæ, væ vobis scioli solum ad detrahendum, qui ex eò vos doctos ostentare cupitis, si proborum Vitam lacerare possitis. *Væ, qui sapientes estis in oculis vestris, & coram vobismetipsis prudentes. Isaia 5. 21.* Nolite errare O impostores perversissimi; DEUS non irridetur; ille in corde, vos videtis solum in facie. Veniet tempus, cum detectâ hypocrisis vestra condignas impietatum vestrarum dabitis pœnas, nî pœniteatis, & sapientum Sapientissimum Salomonem Proverbiorum 4. v. 42. audiat: *remove à te os pravum, & labia detrahentium sint procul à te.*

His succedunt alii, prioribus in Vassritie haud inferiores, qui superbiâ, & vanâ ipforum æstimatione tumentes, candorem inculpatæ Vitæ Eremiticæ obscurare nituntur; eis iterum sanctam simplicitatem exprobrantes ex eò; quod

in publicis disputationibus non compareant, quodd honoratiora officia minimè appetant, nec honorum culmina quaerant. Denique, quod apud Mundanos homines, & statim Politiici lectatores, parvæ admodum forent opinionis. Ist hæc nil prorsus miror, nam infelicissimo moderno rerum statu, facillimè deridetur Justi simplicitas asserente Divo Gregorio. *Nunc enim hujus mundi Sapientia est, cor machinationibus tegere, sensum verbis velare, quæ falsa sunt, vera ostendere, quæ vera sunt, falsa demonstrare. Hæc, inquam, justorum simplicitas deridetur ideò, quia ab hujus mundi Sapientibus, puritatis Virtus, fatuitas creditur. Omne enim quod innocenter agitur, ab eis procul dubio stultum putatur, & quid quid in opere veritas approbat, carnali sapientiæ fatuum sonat. Hæc sapienter Gregorius. O quantum hallucinantur hi temerarii Pestilentis Scholæ Pædagogi! quos enim ob laudabilem, & sanctam simplicitatem nunc contemptibiles reputant, comparent aliquandò dubio procul de numero eorum esse: quos elegit Dominus in charitate non ficta, quosque inæstimabili gratiæ suæ donò eripuit de hoc sæculo nequam, misericorditerque transtulit in hæreditatem sanctam, & incontaminatam. Quod, cum Dominus ad judicandum venerit, cunctis temerariis eorundem oblocutoribus manifestè apparebit. Qui (ut testatur Sapiens) videntes turbabuntur timore horribili, & mirabuntur in subitatione insperatæ Salutis; dicentes intra se, pœnitentiam agentes, & præ angustia Spiritûs gementes. Hi sunt, inquit, quos habuimus aliquandò in derisum, & in similitudinem improprij; nos insensati, Vitam illorum aestimabamus infamiam, & finem illorum sine honore, ecce quomodò computati sunt inter filios DEI, & inter sanctos sors illorum est! hæc sunt verba Spiritûs Sancti per os sapientis prolata. Audite itaque hæc filii Belial candidæ synceritatis irrisores, & si ullus in vobis*



sensus est , horrete ! ac dùm tempus est resipiscite , longanimitatemque patientiæ Dei super vos districta satis animadversione vindicandam credite. Experiemini aliquandò O perditissimi sanctæ simplicitatis ocores ! experiemini , sed cum inevitabili damno vestro , quod nîl vana hujus sæculi prudentia , nîl damnabilis Mundi astutia prodesse possint ad salutem. Hinc S. Augustinus profundissimus Doct̃or Ecclesiæ cultores sanctæ simplicitatis ( quæ se immaculatos custodiunt ab hoc sæculo ) contemplans exclamavit : *quid agimus ? surgunt indocti , & Cælum rapiunt , & nos cum Doctrinis nostris ad inferna demergimur. Et revera , hæc est unica , & summa Sapientia , per contemptum Mundi tendere ad Regna Cœlestia. Ita Doct̃issimus Asceta.*

Nondùm cessat Pharisaica hæc impiorum turba dente canino nobis oblatrare ; ob taciturnitatem nempe sanctam , nos passim mutos Monachos , vulgo *Néma Barât* vocitando. Nec satis , adhuc ultrà sine ratione ratiocinantur in hunc modum : O statum Melancholicum ! ecur tanta districtio silentii ? non præcepit id DEUS. Ego delirarem in hoc statu : Et certè *quis quis es , hæc effutiendo deliras.* O contumeliosum Calumniatorum genus ! Audi perpetuum De tractorum vindicem Drexelium : *Te ipsum inquit , inspicere , ut noris quàm sit tibi curta supellex.* Quid oculos perdis in alienis , tua tu cura. Et quæso , quis te censorem constituit in Vitam , mores alienos ? inquire tu potius , an

*Ædibus in propriis prava , aut recta gerantur.*

*Præ*

*Præsumptor in omnibus, non est modus æquus,  
Quod sic Eremicolas obloquaris mæchus,  
Nunquid de coloribus judicabit cæcus?  
Aut de saporibus disputabit pecus?*

*Non est Vita aliqua, nec aliquis status,  
Qui per Appstolica jura sit probatus,  
Quin in mente Divina sit præordinatus,  
Quin ducat ad Cælica, quin sit DEO gratus.*

At pace mea, carpant hi insipientes taciturnitatem nostram, modò Deus probet vitam nostram. Profectò obmutescerent hi impertinentes pſitaci, si inæſtimabilem virtutis silentii noſcerent fructum: ait enim Joannes Bona S. R. E. Cardinalis; *ad Divinitatem propius accedit, qui multa audire ſcit, & pauca loqui.* Rem teſtatiffimam ad propositum noſtrum refert R. P. Abraham illuſtris olim Cæſareus Eccleſiaſtes: fuiſſe, videlicet, Virum quemdam, ut Nobilitate, ita ſcientiâ inſignem, nomine Apollonium: hic à pluribus ſui ævi Sapientibus importunè requiſitus, ut ediceret: *Qui nam hominum ſint optimi?* *Qui in dicendo breviffimi,* reſpondit. Econtrà, qui longas, & ſuperfluas Sermocinationes facere conſueſcunt, magnam audientibus naufeam creant, ſeque penitèus proſtituunt. Nec ſine ratione: Sapiens enim verbis innotefcit paucis. Propterea prudenter informat nos toties citatus Purpuratus Juſtinianus: *quicunque Sapientie Verba utiliter fari deſiderat, in ſilentio prius diſcat intus, quòd poſtmodum viva voce loquatur foris.* Re quippe vera, nullus ſcit fructuoſè loqui, qui ignorat prudenter tacere. Taciturnitas namque benè loquendi principium eſt.

Errant



Errant insuper summoperè obrectatores garruli nos extremo silentio damnantes; longè namque aliter est, quàm hi de nobis fabulentur: Sanctissimus enim Legislator noster Divus Romualdus discretissimam hujusmodi (*quod notari velim*) nobis Silentii sancivit legem, part. 1. de Silen. *Taciturnitas*, inquit, *sacro sancta est, dummodo justitiæ metas non excedat, quæ tacendi, loquendivè tempus docebit.* Statutis igitur diebus è propriis egredimur cellulis UTILITATIS, NECES-  
SITATIS, & CHARITATIS causâ convenientes in unum: ubi de rebus necessariis, de animæ profectibus, de Conscien-  
tiæ casibus, de miseria Vitæ præsentis, de periculo humanæ peregrinationis, de Diaboli fraudibus, de vitiorum abomi-  
natione, de Virtutum ornamentis, ac de mortis inevitabili necessitate, magno cum animarum lucro sermocinamur. Sic etenim nostros quoque Sanctos Patres, eximios Silentii sectatores, egisse in comperto habemus.

Est insuper silentium quoddam (quod nobis vigore sta-  
tutorum vetatur in summo (silentium nempe à Laudibus Divinis, à Gratiarum actione, & ferventi oratione. Ab hoc silentio Regius quoque Propheta nos seriò inhibet dicens: *Vos qui reminiscimini Deum, ne taceatis, & ne detis silentium ei.* Ergo vide Zoile, quàm totò Cælo erraveris nos extremo si-  
lentio damnando. Ac Proin nostræ sanctæ Taciturnitatis le-  
ges (tot Viris sanctitate conspicuis usitatas) noli deinceps im-  
pugnare, multò minus contemnere. Nam si tibi vel semel daretur Silentii, & solitudinis spirituales experiri delicias, procul dubio ex abundantia suavitatis earum in hæc verba prorumperes cum Propheta: *Ecce quàm bonum, & jucundum est sedere, & tacere, & levare se super se, Præstolando adven-  
tum dilecti Amici JESU CHRISTI.*

VITA


VITA  
MAGNI  
ANACHORETÆ,  
ET  
GLORIOSISSIMI  
PATRIARCHÆ  
DIVI  
ROMUALDI  
IN COMPENDIUM QUIDEM  
REDUCTA,

SED  
OMNIGENIS ASCETICÆ VITÆ  
CHRISTIANÆQUE PERFECTIONIS  
VIRTUTIBUS ADEO REFERTA;

UT EX EA  
SUPERIORES MODUM REGENDI,  
SUBDITI NORMAM AD PRÆSCRIPTUM STA-  
TUTORUM SUORUM CONVERSANDI; CUNCTI DE-  
NIQUE FIDELES, ABSOLUTISSIMAM SIBI SA-  
LUBRITER VIVENDI METHODUM FA-  
CILE DECERPERE POSSINT.



Laudemus Viros Gloriosos, &  
Parentes nostros in generatione  
sua. Multam (*enim eis*) Gloriam  
fecit Dominus Magnificentia suâ  
à Sæculo. *Eccl. cap. 44.*



CONSTITUTIO  
CLEMENTIS VIII.  
PONTIFICIS MAXIMI  
DE FESTO SANCTI  
ROMUALDI.

**I**lla Mater Ecclesia ad hoc San-  
ctorum cum Christo regnantium me-  
morias à Christianis populis frequen-  
tari instituit , ut nos , quos uti Filios  
Deo quotidie parere satagit , tanto-  
rum Patrum exemplis provocati , eo-  
rum sectemur fidem , imitemur virtutem , glori-  
am què paribus vitæ lineamentis , aut invenire , aut ex-  
quirere studeamus. Ad hæc ; ut eorum invocatio-  
ne sentiamus ipsos qui ex hac vita discesserunt ,



habentes adhuc erga nos , qui in hoc Mundo relictī sumus , charitatem ; cuiam de nobis gerere , suisque precibus atque interventu apud DEUM nos juvare ; cumque de propria salute , & immarescibili gloria sint securi , de nostra multiplici miseria sollicitos existere.

In his sanè reponendum esse imprimis judicamus gloriosum Anachoretam ROMUALDUM , Patria , Familia , Vitæ Sanctitate , & divinarum rerum contemplatione , Ordinisque Camaldulensis Foundatione , Illustrem ; Cujus tanta fuit in DEUM Religio , & Pietas , ut in Cœlis solummodò ejus conversatio esse videretur , ab hominum conspectu , & accessu remotissima , Sanctorum verò , & Beatorum consuetudine , quorum apparitione & intuitu sæpissimè dignatus est , acceptissima ; tanta erga proximos charitas , ut oratione , & lachrymis suis , Parentem suum Religioni & Cœlo acquisiverit ; Multos clarissimos etiam Viros , Reges , & Principes suò exemplō ad humiles casas in Eremito habitandas , & fulgorem purpuræ cum vili tunica commutandum allexerit ; plurimos à corporis , & animæ infirmitatibus , ac imminentibus vitæ periculis , signo crucis eripuerit ; collapsamque in Italia Eremiticam disciplinam restituerit , ac mirificè propagaverit ; tanta verò sui humilitatio ,

liatio, & contemptus, ut Spiritûs Sancti, qui super humiles requiescit, domicilium effectus, sacrarum Scripturarum intelligentiam, & prophetiæ donum, consecutus sit; & quod magis humilitatem coluit, eò amplius à DEO exaltari meruerit, longitudine in terris, immortalitate, & Sanctorum gloria in Cœlis coronatus.

Ut autem tam insignis DEI miles debitâ ab omnibus veneratione & cultu honoretur, assiduisque precibus invocetur Vir dilectus DEO & hominibus, cujus memoria in benedictione est: Ejusdem Sancti ROMUALDI Nomen & diem Festum in Calendario Romano, quo nunc utimur, die 7. Februarij, quo die ejus translatio facta est adscribendum & celebrandum esse, auctoritate, & tenore præsentium perpetuò decernimus, & statuimus; Mandantes in virtute sanctæ obedientiæ &c. &c. Non obstantibus, &c. &c. *Ita Clemens Papa VIII.*



CAPUT





## CAPUT I.

### *De Solemnitate S. Romualdi, Virtutibus, & illustri progenie ejus.*



**A**dest dilectissimi Sancti ROMUALDI  
 Patris, & Legislatoris nostri præclara So-  
 lemnitas, quæ dum fidelium multitudinem  
 ex diversis in unum partibus convocat ;  
 Nos etiam, ut insigne præconium pro mo-  
 dulo nostro non taceamus, invitat ; Sed  
 quasi reperto totius Ordinis communi the-  
 sauro, communiter in Christo gaudere debemus ; tantoque  
 propensius spirituales lætitiæ alacri debemus mente con-  
 cipere, quando non ignoramus & ipsum humanæ salutis  
 inimicum amarius suspirare. Gaudebat namque Diabolus,  
 sperans Romualdum vincere suis machinationibus ; Sed  
 victus ab eo, gravius nunc gemit, & ruinæ suæ dedecus,  
 quod succumbendo pertulit, gemebundus agnoscit. Hæc  
 est enim dies, in qua S. Pater Romualdus triste hoc sæculum  
 deferens, deposuit sarcinam carnis, & stolam adeptus est  
 Angelicæ charitatis. Hodie triumphato mundo & Diabo-  
 lo, palmam gloriosi certaminis ad Imperatorem cœlestis mi-  
 litie reportavit. Hodie alternantibus undique hymnidi-  
 cis Angelorum cœtibus vexillum peractæ victoriæ regnis  
 Cœlesti-

Cœlestibus intulit, & diadema aureolæ de manu Domini accepit. Idcirco Fratres dilectissimi, exultate, & lætamini, quia hodie nobis gaudia sanctæ lætitiæ seminantur, tam de Patris nostri gloriosâ victoria, quàm de hostis antiqui ignominiosâ ruina. Hodie inquam S. Pater noster deposito corpore, quo solo præpediri ab introitu Gloriæ videbatur, tantò altior, quantò expeditior penetravit in Sancta, æterna Redemptione inventa. Gaudete itaque Fratres dilectissimi, iterum dico gaudete, quia hæc est dies Cœlestis lætitiæ, quam fecit Dominus. Exultemus in ea, in qua relicto mundo supra mundum mundi victor ascendit; & jam pausat miles, ex meritis, ac post labores, sudoresque sacrae militiæ feliciter exantlatos, in Cœlo collocatur sublimiter coronatus. Nam ipse in terris habitavit, ut nobis esset exemplo; Sed jam in Cœlum levatus, est, ut nobis esset patrocini. Hodie itaque Sanctus Pater de novissimo loco, quem sibi ex consilio Salvatoris elegerat in mundo, ipso summo Patre-Familias invitante, tanquàm verus Amicus jam ascendit superius; & est ei Gloria coram Angelis, & omnibus Sanctis simul discumbentibus. Hodie inquam ex longinquis partibus multitudo fidelium ad sepulchrum S. Patris confluit, ut Miracula per eum divinitus facta conspiciat, & de tam glorioso Patrono Bonitati divinæ grates immensas referat. Quantò putamus hodie gaudiò utriusque sexus multitudo tripudiat, & ob Sancti Patris immensam Gloriam mirabiliter exultat?

Gaude & tu dilecta NITRIENSIS EREMUS, quæ SACRO TANTI PATRIS Discipulorum incolatu (*teste Damalevicio Scriptore fidelissimo*) jam olim sanctificata, hodie haud minùs, quàm clara illa Ægypti NITRIA, sanctis Eremitarum moribus exornata, reflorescis. Agedum, & in cœpta Virtutum persiste semita; *Letaberis* in brevî (haud vanus cum Isaia sum Augur Tibi) *& florebis quasi Lilium, germinans germinabis, & exultabis*



*ultabis letabunda, & landans. Consolabitur enim Dominus ruinas Tuas, & ponet Desertum tuum, quasi delicias, & solitudinem tuam quasi hortum Domini. Isaïæ 51. & 35.*

Applaude ad extremum tu quoque TELLUS UNGARICA, cujus confinia (adhuc regnante Sancto tuo PRO-REGE STEPHANO) Sacris PATRIARCHÆ hujus sunt calcata pedibus, decorata Virtutibus, dotata Benedictionibus, adaucta Sanctissimis Ejus Discipulis.

Sed dum Patris nostri ROMUALDI communia gesta percurrimus, nonnulla conversationis ejus Insignia describere debemus. Habemus namque dilectissimi: in vita Patris nostri S. ROMUALDI, & quod dignè miremur, & quod salubriter imitemur. Tutius tamen æmulantur solidiora, quàm sublimiora, & quæ magis virtutem redolent, quàm Gloriam. Studeamus proinde ipsius conformari moribus, cui in miraculis assimilari, & si volumus, non valemus. Fecit namque Sanctus Pater noster in vita sua magna stupenda, & eximia miracula; Sed primum & maximum miraculum ipsemet erat. Quid enim potest esse mirabilius, quàm vide re tam S. Patrem in Gloria humilem, in divitijs pauperem, in delicijs castum, in injurijs mitem, in opprobriis mansuetum, in plagis & verberibus patientem. *Sed & si miracula nulla fecisset, mirabilem vitam ducens, minori veneratione dignus non esset:* Neque enim Joannes Baptista miracula fecisse legitur, quo majorem nullum inter natos Mulierum Veritas increata testatur. Et sic inter cæteras Festivitates, S. Romualdi Celebritas præclara est, affectu delectabilis, memoria dulcis, experientia suavis, fructu perennis, jucunditate per omnia felix. Nam si ulla est, in sanctis distantia membrorum, si superni Patris in domo mansiones multæ, si denique stella differt à stella in claritate, tantò differentius S. ROMUALDUS præfulget in Cælis, quantò syncerior conscientia, clarior virtus gloriosior ejus VITA fulsit in terris.

terris. Erat namque Sanctus Pater elector quietis, contemptor voluptatis, appetitor laboris, patiens abjectionis, impatiens honoris, pauper in pecunia, dives in conscientia, humilis ad merita, semper in virtutis exercitio, semper in compunctionis desiderio. Nulla illi cura familiarior, nisi de DEO, in lectione atque sermone, aut cum DEO in oratione: quia gestans contrita jejunio ossa, solebat de adversario longo triumphare Martyrio. Nam etsi ipsum gladius persecutoris non tetigit, dignitatem tamen Martyrij non amisit. Et quia sanctum Patrem Romualdum diu contigit in corpore vivere, necesse fuit etiam longiora carnis & diaboli, ac malorum hominum tentamenta perferre; sed quia adjuvante Christo Virtutem patientiæ fortiter servavit, dum in sancta pace vixit, Martyrij coronam à Deo promeruit.

Nam pro cibo & potu hæc secum incessanter ruminando revolvebat: *fuere mihi lacrymæ meæ panes die ac nocte, dum dicitur mihi quotidie ubi est Deus tuus? & illud: satiabor, cum apparuerit gloria tua;* ad quam gloriam, quia semper corde anhelabat, & continuis suspirijs ac gemitibus diurnis ac nocturnis illam desiderans, pio luctu ad superna gaudia sublevando se anima sancta pascebat.

Sed ut benevolus lector, plenior de tanto sancto notitiam habere possit; opere pretium duxi sequenti capite de Patria, natalibus, ac conversione ejusdem nonnulla exarare.

~~~~~

## CAPUT II.

### *Romualdi Patria, Natales & causa Conversionis.*

**R**omualdus igitur Ravennâ illustri Italiæ Urbe oriundus, Sergio Patre ex nobilissima, & Regali Longobardorum ducum stirpe, vulgo *de Sassi* fuit progenitus. Quæ fami-



lia Fori Julij, & Beneventi insignes Ducatus, & partem Tusciae possedit; ac amplissima Lombardiae, Apuliaeque Regna gubernavit. Et consanguinitate propinqua cum Imperatore Othone primo, ac per consequens cum alijs duobus gaudens, ex illustrioribus, ac ditioribus Europae prosapijs originem duxit. Romualdus sub sui cursus juvenilis initio per lubricum callem incedere coepit (vigessimum namque jam eotum aetatis suae agebat annum) & ad mundi vanitates non parum propendebat. Mente tamen Deo devotus frequenter se tentabat erigere, & hujusmodi Mundanarum deceptionum laqueos declinare satagebat. Nam & si aliquando se ad studium venationis accingeret, ubicunque per sylvas amœnum locum reperire poterat, totus ad Eremiti desiderium accensus, in Eremiticas laudes prorumpebat, dicens intra se: *O quam bene poterant Eremitae in his nemorum recessibus habitare! O quam optime solitarium hic edificari posset eremitorium! quam congrue possent in hoc recessu Eremitae ab omni saecularis strepitus perturbatione securi quiescere.* Vaticinabatur jam vel tum pius Juvenis hujusmodi deserta, & solitudines pro domicilio sibi futuras. Pater ejus nomine Sergius Dux Ravennae, Mundo vehementer intentus, & saecularibus negotijs, cumulandisque divitijs nimium quantum immerfus. Qui dum adversus quendam consanguineum suum exortis simultatibus, atque controversijs pro possessione cujusdam prati inimicitias exerceret: videns filium suum Romualdum à contentione alienari, crimenque fratricidij medullitus formidare, minari coepit exhæredem facere, si in eadem sententia diutius permaneret, dicens: *Romualde notabilem in te, & affectus filialis erga Patrem, & animi, ac generositatis defectum experior, degenerando non parvo cum dedecore à Regij sanguinis, ex quo originem trahis, nobilitate. Quasi inimicitia cum consanguineo*

Hæc effatus Sergius, bilique tabescens, revolvit aliud passus. Quid plura? tandem ambæ inimicantium partes ex Urbe ad constitutum duelli locum progrediuntur, arripiunt arma bellum sociale comittunt, & dum cominùs hinc inde pugnatur, repente manu Sergij adversarius, & consanguineus occiditur. Romualdus autem, licet nullum perempto vulnus inflixerit, quia tamen duellationi vel invitus inter fuit, pœnitentiam tanti reatus sponte sibi indixit, moxque ad Classense Monasterium B. Apollinaris more hominidarum diebus 40. permanfurus in luctibus, properavit.

~~~~~

*Miranda Romualdi conversio.*

B 2

fundebat,



fundebat, dicens, *Romualde, si adhuc in tua florida juventute initio, Mundus te adeo barbare & inhumaniter tractat, quid ab eo tractu temporis sperare poteris?* Nunquid non occasione duelli Divitiarum tuarum, honoris, vitæ, & paradisi periculum subivisti? quemadmodum namque adversarius tuus, præacuto Patris tui gladio necatus est, poteras & tu (nisi Deus ex sua infinita misericordia præpotentem manum suam in tui defensionem extendisset) dira inimici tui manu consimiliter perimi. Et quid sunt hæc omnia? nisi benevola Cœli admonitio, cui promptas exhibere te aures oportet. Hæc & alia pius Frater frequenter Romualdo proponebat, admonebatque sæcularem vitam omnino postponere, & ad sanctæ conversationis ordinem suadebat festinare. Sed ad hoc mentem ejus inflectere diu non poterat, contigit autem aliquando intra discursum inferre: si, inquit, ego tibi B. Apollinarem: (cujus sacrum corpus in eadem Ecclesia quiescebat) corporali specie, ita ut, eum manifestè videre possis, ostendero, quid à te præmij reportabo? Ad hæc Romualdus, firma inquit, & inviolabili fide me obstringo, *quia, mox ut beatum Martyrem videro, in sæculo ulterius non manebo.* Horatur ergo Frater, ut ipsa nocte Romualdus somno abstineret, & una secum intra Ecclesiam in orationibus vigilaret. Cumque nocturno silentio ambo longanimiter in oratione persisterent, ecce circa medium noctis Beatus Apollinaris, his duobus manifestè videntibus, exiit de sub Altari, quod in medio Ecclesiæ ad honorem B. Virginis Mariæ cernitur esse exstructum. Visus est autem exire ab orientali parte, illinc videlicet, ubi marmor porphyreticum jacet. Confestim verò tantus splendor totam replevit Ecclesiam, ac si sol fulgoris sui radios intra ipsos parietes cohiberet.

Tunc beatissimus Martyr sacerdotalibus indumentis mirabiliter

rabiliſter adornatus, aureum in manu portans thuribulum, cuncta Eccleſiæ incenſavit Altaria, & hoc peracto, ſtatim unde exierat, rediit, & mox omnis ille ſplendor, eum proſequens, diſparuit.

Cœpit itaque memoratus Frater Romualdo durus niſium exactor vehementer inſiſtere, & ut impleret, quod ultro promiſerat, anxie poſtulare. Cumque Romualdus petito ejus nequaquam aſſentiret, ſed eandem viſionem cernere denuò flagitaret, alia nocte ſimiliter in oratione perſiſtunt, & B. Martyrem per omnia, ſicut prius, aſpiciunt. Unde etiam poſtmodum, ſi de corpore prædicti Martyris aliquando quæſtio oriebatur, Romualdus per omnia affirmabat in ipſa Eccleſia eſſe reconditum: & quamdiu Vir ſanctus vixit, hoc proferre teſtimonium non ceſſavit.

Habebat quoque Romualdus conſuetudinem ante præcipuum Altare Eccleſiæ orationi frequenter incumbere, ibique poſtquam Fratres abſcederent, multis Deum ſatagebat gemitibus exorare. Dumque hoc quadam die poſt viſionem faceret, tanto mox divini amoris igne mentem illius ſpiritus ſanctus accendit, ut in fletum repente prorumperet, ubereſque lachrymarum rivos reſtringere non valeret, monachorum ſe pedibus proſtratus ad volveret ac tradi ſibi monaſticum habitum in ennarrabili deſiderio flagitaret. Monachi verò dum Patris ejus ferocitatem metuunt, converſioni illius aditum pandere non præſumunt. Honeſtus verò, qui tunc Archi-Epiſcopalem cathedram poſſidebat, olim Claſſenſis Cœnobij Abbas extiterat: hunc ergo Romualdus impiger adiit, eiſque omne ſui cordis deſiderium patefecit. Qui alacri animo, caſtæ concupiſcentiæ exhortationis ſtimulos addidit, Patribuſque ut eum ſuo collegio incunctanter aſciſcerent, imperavit. Hujus itaque Antifitiſis patrocini-



nio suffulti Cœnobitæ, Romualdum intrepida securitate suscipiunt, eique sanctæ conversationis habitum tradunt.

\*\*\* \* \*\*\*

## CAPUT IV.

### *Romualdus ob monasticæ disciplinæ zelum, Mortis periculum incurrit.*

**S**ed cum ibi cerneret nonnullos per lata gradientes remissius vivere, sibi autem arduam perfectionis viam, quam mens dictabat, arripere non liceret; quid sibi agendum esset, sollicitè in semetipso cœpit inquirere, multisque cogebatur cogitationum fluctibus æstuarè. Cœpit tamen Romualdus miro virtutum suarum exemplo, atque dulcibus & charitativis persuasionibus discolos Fratres adhortari; sed cernens sua verba, & exempla parvi pendere, Zelo domus Dei armatus ad palam reprehendendum exorbitantium fratrum licentiosam vitam se resolvit, sæpe namque ipsis cum emphasi dicebat: *Cur Fratres, in Christo dilectissimi promissis Christo factis non paretis? ad quid Mundo terga vertistis, si in ipso vitæ Religiosæ sanctuario sæculariter vivere non erubescitis? Quid prodest Benedictinus habitus & nomen, si leges à sanctissimo Patriarcha præscriptas contemnitis? hæc sunt illæ regulæ (codicem manutenendo) Fratres, quæ ab omnibus ejus Cœnobitis sunt adimplendæ, quare non observantur, cur despiciuntur? qualiter sanctam observantiam violare audetis? quæ Religionis est anima, amissa namque illa, perit & ista. Transacta sunt jam quatuor sæcula, quibus Monastica vita, cum tanto Patrum nostrorum sudore propagata fuit, quam vos cum indisciplinatis moribus extremè ruinare non refugitis.* Corripiebat eos non rarò, novebat quippe; quod si de sacro Conventu correptionum, &  
rigoris

rigoris censura subtrahitur, disciplinæ vigor funditus enervatur, & sic Religio tota destruitur.

His alijsque creberrimis correptionibus conabatur Romualdus Patres suos de via perditionis reducere, sed in cassum; quod enim ipse vehementius in eorum redarguendis vitijs insisteret, eò amplius illi tanquam junioris verba contemnebant. Tandem correptiones ejus non ferentes, dum propriam emendare vitam despiciunt, de corripientis morte tractare cæperunt. Solebat Romualdus de nocte cæteris Fratribus maturius surgere, & si Oratorij adhuc janua clausa esset, intra ipsum dormitorium in orationibus excubare. Erat autem prædictum ædificium more Solarij altè ædificatum; hoc itaque invenerunt Filij Cain, diabolo dictante consilium, ut dum Romualdus ante alios solito more surgeret, ipsi eum per Solarij fenestram, verso deorsum capite præcipitarent.

Quæ res postquam Romualdo per conscium conspirationis innotuit, ille jam de cætero intra cordis cubiculum clauso ostio, orans Patrem suum, imminens periculum devitavit. Hoc itaque modo, dum sibi cavit præcipitium corporis, Fratribus, ne in animarum mortem ruerent, barathrum clausit iniquitatis.

## CAPUT V.

*Romualdus Monasterio Classensi valedicit, & Eremum intrat.*

Cumque in animo Romualdi perfectionis religiosæ amor in dies magis ac magis incrementum summeret, certior



tior factus quod in Venetiarum partibus, loco remoto, pariter ac devoto, ab humanis tumultibus per omnia sequestratus Vir quidam non minus natura simplex, quam moribus candidus degeret nomine Marinus. Qui alium Magistrum non noverat in sua Eremitica vita, nisi divinum illum Spiritum, à quo in desertum ductus fuerat, quo afflante licet Marinus ad eminentem virtutum perfectionem ascenderat, pauco tamen post tempore ex Magistro felicissimis Romualdi discipulus factus ad sublimiorem perfectionis spiritum pervenit, & se deinceps in exactissima, & cæca obedientia exercuit, quam ante hac solitariè vivens, non solum in praxi non habuit, sed nec quidem cognovit.

Indulgebatur illis temporibus nostris Monachis Benedictinis pro assécutione majoris perfectionis solitarius Eremiti recessus Romualdus igitur consensu ab Abbate, & Fratribus facillimè impetrato ad prædictum venerabilem Virum pergere, seque ferulæ ejus subdere decrevit. Rationabiliter ergo, & consultò Romualdus, ut omnigena pace, tranquillitate, ac securitate Deo famularetur, se à Monasterijs disjunct, & totaliter desertis sacravit.

Quod & temporibus nostris à nonnullis laudabiliter practicari clarum est: Nec sunt audiendi, qui hac in parte controvenire, vel hujusmodi pium conatum evertere nituntur; audiamus namque D. Petrum Damiani egregium Eremiticæ vitæ zelatorem libro sexto Epistolarum suarum sic differentem: Porro, quia jam manifestè docuimus, quod S. Benedictus alienum Monachum in Eremitio suscipi non prohibuit, ostendamus nunc qualiter, ut hoc fieret, hoc est, ut Monachus de Monasterio festinaret ad Eremitum, etiam provocavit. Commentatur namque Sanctissimus Patriarcha noster in regula sua *Cap. 1.* Secundum inquit genus est anacho-

anachoretarum, id est Eremitarum horum, qui non conversionis fervore novitio, sed Monasterij probatione diuturna, didicerunt contra Diabolum, multorum solatio jam docti, pugnare: & bene instructi Fraternali ex acie, ad singularem pugnam Eremiti, securi jam sine consolatione alterius, sola manu, vel brachio, contra vitia carnis, vel cogitationum, DEO auxiliante sufficiunt pugnare. Ex quibus (pergit ulterius præcitatus auctor) utique manifestè colligitur, quia Doctor almi fides de Monasterio Fratrem quemlibet ad Eremitum conscendere non modo non prohibuit, verum etiam monuit, & docuit, insuper etiam quibusdam persuasionibus incitavit. Auctoritatem quippe dat, diuturna prius probatione Frater in Monasterio discat, qualiter in Eremito contra callidi tentatoris argumenta configat. Hic enim pugnare multorum solatio fretus inchoat, ut illic postmodum sola manu, vel brachio infatigabiliter se, & indefinenter exercens, carnis ingruentibus vitiis, vel cogitationibus non succumbat. *Hic Tyro, illic Magister, & Miles perfectus.* Hic rudis & tener qui sub campi Doctore certaminibus assuescit, illic roboratus jam cominus dimicat, & singulare certamen Christi non recusat. Sic ergo isti non in hoc quod faciunt animi intentionem figunt, sed in alium procul dubiò tendunt: sic nimirum; sic Monachus, quem tamen ætas, vel ægritudo non aggravat, & in Monasterio corporaliter degere, & ad Eremitum toto desiderio debet medullitus anhelare: quatenus illic per intentionem mentis velut nobilis arbor radicitus hæreat, hic se ad tempus sub obedientiæ regularis exerceat disciplina, ut videlicet Monasterii conversatio non aliud, quam Eremita sit præparatio, & altiori proposito totus militet, ad quod se prius in Monasterio constitutus exercet. In illis itaque Sanctæ regulæ verbis, quæ supra posuimus perspicuè de-



claratur, quia S. Benedictus, dum in Monasterio hominem ponit, ad Eremum dirigit. Hic quidem collocat, sed illuc cohortatus invitat. Hic spiritale certamen incipere, illic edocet consummare. Hic admonet tyronatus arma summere, ut illic noverit phalangas hostium, vitiorumque barbariem non enerviter obtruncare. Sed ne forte dicatur, quia nos Sancti Viri verba ad nostræ voluntatis arbitrium violenter inflectimus: & potius argumentis innitimur, quam in hac interpretatione verborum nobis suffragetur veritas. Inquiramus adhuc beatissimum Virum Benedictum, ut quod super hujus disceptationis articulo sentiat, enucleatius elucescat: & illa quidem verba, quæ supra posuimus, in ipso sanctæ regulæ reperiuntur exordio, videamus nunc, quo eandem regulam fine concludat: Regulam autem, inquit, hanc descripsimus, ut hanc observantes in Monasterijs, aliquatenus vel honestatem morum, aut initium conversationis nos demonstremus habere. Ceterum qui ad conversationis perfectionem festinant, sunt Doctrinæ Sanctorum Patrum, quarum observatio perducit hominem ad celsitudinem perfectionis. Vides igitur, quia Doctor insignis in Monasterio quidem constituit bonæ conversationis initium, sed post ad sublimioris Vitæ in sancta Religione provocat institutum; ut illic honestè vivere, moresque componere, velut in convalle primæ conversationis incipiat; deinde jam spiritualibus exercitiis roboratus, tanquam à lacte ad solidum transiens cibum, verticem perfectionis ascendat. Porro autem, cum ipsa Cœnobarum regula perfectionem se non habere perhibeat, sed volentem perfici ad Eremi instituta patenter transmittat; cur nos ad perfectionis arcem conscendere floccipendimus, & quidem, ne ad meliora proficiant, semper aliis invidemus? ita loco citato memoratus S. R. E. Cardinalis, & Episcopus Ostiensis, postea Eremi Crucis, avellanæ dictæ (Con-

( Congregationis Eremitarum Camaldulensium ) ad præsens florentissimæ, Prior.

Cernens itaque Romualdus se non jam importuna hominum conversatione, sed tantum plantis & arbutis circumdatum, non amplius Gentium voces, ac strepitus, sed gratum Zephiri sonitum, & per amœnum avicularum cantum audire; sæpius in solitudine illa, solitarij Hieronymi in sacra Eremo Bethlehemitica commorantis replicabat verba: *O Desertum, floribus Christi vernans! O solitudo in qua nascuntur lapides, de quibus Civitas Regis magni exstruitur! O Eremitus familiaris Deo gaudens!* Et jam tum videbatur ipsi anticipata Paradisi beatitudine frui; in cujus meditatione ad sustinendos quoslibet labores, perferendas quasvis adversitates, adque suum corpus in servitutem redigendum se animari sentiebat. Cum suo Magistro Marino, in mentali oratione, totiusque psalterij psalmis quotidie decantandis horas sanctè, ac religiosè occupabat, & dum paulisper refocillandi animi causa per illam nemorum latitudinem spatiantur, nunc sub ista arbore vicanos, nunc sub illa tricenos, vel quadragenos psalmos concinnebant. Marinus tandem suum novellum in via DEI discipulum, psalmodiæ disciplinam instruebat, nonnunquam verò Romualdus parumper aberrabat, ad quem vis errorem, veniam rigidus Magister non admittens, virga, sinistram ejus capitis partem in tantum percutiebat, quæ postea per repercussionem continuam, adeo offensa & tumida evasit, ut jam jam auditum perderet. Sanctus autem, & patientissimus discipulus, auditus præjudicium sentiens, gravi admodum necessitate compulsus, humiliter ait: *Magister, si placet, à dextro me deinceps tempore percutite, quia jam levæ auris auditum funditus perdo.* Tum Magister in se reversus, tantam ejus patientiam admiratus, non solum in discre-



tæ severitatis temperavit disciplinam, verum ex ea hora Romualdum suum Magistrum, se verò obedientem ejus discipulum palam profiteri cœpit, unde postea ad eminentem sanctitatis gradum perveniens, Martyrii palmam gloriosè affectus est.

Gloriosus itaque sanctus Pater noster Romualdus dum in hac peregrinatione Mundi solo corpore esset constitutus, cogitatione tamen semper in illa Cœlesti Patria est conversatus : quia huic Mundo crucifixus ac mortuus, quid quid in hac vita laboravit, ad supernam transtulit, & se de sinistra semper ad dexteram misit, atquè in Cœlo sudores suos reposuit, quoniam tanquam bonus pastor super gregem suum vigilavit, & sæpè pro Ovibus animam suam posuit. Vere fidelis servus, & prudens, quem Dominus super familiam suam posuit, & ipse conservis suis tritici mensuram in tempore dedit, id est, pro captu audientium mensuratè, & opportunè divini verbi pabulum ministravit, dum in se divitias Cœlestium munerum aperuit, & de armario suave olentium virtutum aromata sanctificationis, & gratiarum suarum super Camaldulensem Eremum, ac sui Ordinis Ecclesias, copiosè effudit. Ideo à Domino audire meruit : euge serve bone & fidelis intra in gaudium Domini tui. O Romualde sanctissime, tu verè fuisti Israël, id est videns Deum, euge, quanta est hodie inter Confessorum agmina gloria tua, cum vestigia tuæ rigorosæ abstinentiæ, & vitæ austerissimæ vigeant etiamnum in tua sacra Erema Camaldulo ! hæc enim Erema vere est scala Cœli perseverantibus in ea, perquam à terra usque in Cœlum multitudo Monachorum albescentium videbatur ascendere. Vere immortalis est Pater sancte memoria tua, quoniam apud Deum nota est, & apud homines, & in perpetuum triumphat coronata.

Imite

Imitemur ergo Fratres dilectissimi Patris nostri sancti Romualdi victum sobrium, affectum devotum, & mansuetum spiritum. Imitemur cordis castimoniam, oris custodiam, & animi puritatem, discamus frœnum ponere in ore, modum linguæ, dormire parcius, & orare frequentius, commonere nosmetipsos psalmis, hymnis & canticis spiritualibus, diebus jungere noctes, & divinis laudibus occupare. Æmulemur charismata meliora, & discamus ab ipso, quod mitis & humilis corde fuerit, jucundus ad hospites, liberalis ad pauperes, patiens ad peccatores, & benignus ad omnes. Ut enim taceamus interiorem hominem ejus, cujus fortitudinem, puritatem & pulchritudinem satis indicabant mores ipsius. Nam ipsum exteriorem hominem ita uno semper modo decentissimo, & honestissimo gessit, ut nihil prorsus appareret in eo, quod posset offendere intuentes, & quidem, *qui non offendit verbo, hic perfectus est Vir.* At verò in S. Romualdo quis unquam deprehendit otiosum, non dico verbum, sed nutum? quis manum vel pedem moventem frustra? imo quid non ædificans in ejus aspectu, habitu, & vultu? denique vultus hilaritatem nec fuscavit mœror, nec levigavit risus. Totum in eo disciplinatum, totum insigne virtutis, totum perfectionis forma fuit. Erat namque per omnia serius, non austerus, remissus interdum, dissolutus nunquam; negligens nihil, & si pro tempore multa dissimulans, quietus sæpè, sed nunquam otiosus. In his forma est, cui imprimamur, in miraculis gloria, quàm miremur: illa lætificent, ista ædificent, moveant illa, ista nos promoveant. Et quia facilius ad operis sui gratiam favor inclinatur auctoris, & grandis etiam hominis prærogativa monstratur; nam hominem gloriosum, virtuteque pretiosum reddit imago. Licet S. P. Romualdus inclyti Ducis Ravennæ Nobilis natus



natus fuerit, moribus tamen magis ornatus, & virtutibus amplius decoratus esse studuit. Macerabat se semper jejunio, indutus omni tempore cilicio, pulcher facie, & aspectu, sed pulchrior opere & sensu. Erat in vigilijs sedulus, & in oratione devotus, in eleemosynis largus, & in conversatione sanctissimus, synceritatem mentis, vultus sui synceritate monstrabat & lenitate Sermonis, & quid quid ad salutem potest pertinere æternum non minus implebat opere, quam Sermone. O Virum per omnia Deo dignum! eminebat in ipso habitu animi pulchritudo in specie exterioris hominis, ut ipsam putares expressam imaginem sanctitatis. Erat enim reverendus bonitate, venerandus benignitate: censuramque austeritatis, temperabat mansuetudo humilitatis. Delinquentibus namque minabatur frontis austeritas, sed blandiebatur cordis serenitas. Erga bene agentes Petrus apparebat in vultu, sed erga delinquentes Paulus in spiritu. Internorum autem bonorum suorum formas & species sicut nemo potuit ad plenum aspicere, ita nemo sufficit explanare. Quas sicut ille studuit excolere, ita laboravit occultare, & cum vellet augeri, nolebat agnosci. Sed quia hæc est natura justitiæ, ut quanto studiosius abscondi optat, tanto clarius innotescat, & occultatio ipsa prædicatio fiat; dum per omnes populos tantorum bonorum fama volitabat, eminebat in admiratione omnium, velut Civitas supra Monte situata, nec lucerna latere poterat supra candelabrum posita.



## CAPUT

## CAPUT VI.

*Sancti Romualdi exemplum efficax. Ratio  
regiminis. De Diabolo Victoria.*

**S**Pargitur enim paulò post opinio Sanctitatis gloriosi Patris  
nostri Romualdi per proximas Regionas, & in odorem  
virtutum ejus multi homines undique concurrunt Nobiles  
& illustres amplis contemptis palatiis, arcta sibi Eremitoria  
construunt, atque pro Christo in cinere & cilicio vivere  
magnam gloriam ducunt. Concitatur nihilominus ad Mo-  
nastica certamina juvenum impetus, & ad mundi sperenda lu-  
dibria per infirmioris ætatis exempla, fortia provocantur.  
Plures denique matrimonio juncti, mutuo consensu conti-  
nentiam lege vincientes, Viri ad ordines, mulieres ad Mo-  
nasteria transeunt, omnes æmulo fervore Christo servire de-  
siderant, omnes hujus vitæ Angelicæ, quæ per Romualdum  
innotuit, fieri participes optant, Innumeri homines Ro-  
mualdi famâ excitati, dum ad claustralem vitam transire non  
prævalent, in propriis Domibus sine regula, regulariter vi-  
vere student. Tantos hic sanctus Pater suis parturiebat ex-  
emplis, ut in eo videretur divinum eloquium impleri: *Jam*  
*inquit, vocaberis Abraham, quia Patrem multarum gentium con-*  
*stitui te.* Interea ne cœlestis hujus benedictionis vena bre-  
ves intra Italiæ terminos occludatur, sic divinæ providen-  
tiæ derivatur in amnem, ut fluminis impetus totam Eccle-  
siæ lætificent Civitatem. Nam tantarum novitas rerum lon-  
gè lateque transibat in orbem, & ubique animas cœpit lu-  
crifacere Christo. Clausus manens Romualdus in cella,  
toti mundo clarescere incipit, & laudum titulis præclarus re-  
fulget.



fulget. Replet fama virtutum ejus ultra-montana duorum Imperatorum palatia, & ipsorum Principum penetrat quoq; penetralia. Regum flectitur nobilitatis apex ad Romualdi sectanda vestigia, & à superbi sanguinis genere sancta humilitate degenerat. Nonnulli Ducum ac Comitum Romualdi invitante præconio arctam pœnitentiam faciunt: & qui potentes erant in sæculo Romualdum pro Christo pauperem suo modulo imitantur. Ornantur Monasterijs innumeræ alpes, ipsa quoque campestria hujus cœlestis ædificii fabrica decorantur. Multiplicatur Religionis cultus in sæculo, Romualdusque sanctissimus, & candidus Ordo Camaldulensis in floridum Ecclesiæ hortum implantatur. His beatis vivis floribus, quos Romualdus parturivit, feliciter hodie vernat Ecclesia, cum quibus & vita Eremitica in Eremo Camalduli à Christo sublimatur.

Igitur dum veterani mundi senecta vergente fidei caligabat visus, morum notabat gressus, & marcebat bonorum operum fortitudo; quinimo fœces temporum, fœces comitabantur vitiorum; tunc amator hominum Deus, ex suæ pietatis consilio arcano sacrorum Ordinum suscitans novitatem per eos providit, & fidei fulcimentum, & reformandis moribus disciplinam. Dixerim certà sanctum Patrem Romualdum cum suis discipulis luminaria orbis, viæ ductores, vitæ magistros, in quibus meridianus fulgor mundo ad vesperascente surrexit, ut lumen videat, qui in tenebris ambulat. Suscitavit præterea pius Dominus sanctum & gloriosum Romualdum, atque in eo clarissimam Monachis & Eremitis lucernam accendit. Erat quippe Vir sanctus velut lucerna, quæ non sub modio curæ carnalis, sed super candelabrum purissimæ, ac Deo dilectæ conversationis fuit ponenda. Verè potens in terra erat semen ejus, & idcirco

gene-

generatio rectorum benedicatur. Nam potens in terrâ erat sanctus Romualdus, quia Dux & Dominus Ravennæ extitit: sed quia Ducatum suum pro Christo reliquit, Fundator Ordinis Camaldulensis esse meruit; Semen quoque sanctorum Eremitarum in terra reliquit, & generationem rectorum, id est, Prælatorum Monachorumque Camaldulensium benedixit. Ilte Pater sanctus Camaldulensis Ordinis lapis primarius, ac nobile Fundamentum, in fundamentos sanctæ humilitatis, virtutum omnium fabricam ab ipso principio studeuit collocare. Vigesimo namque post conversionem suam anno nomen & Officium Abbatis declinans, humiliter subesse voluit potius quam præesse, & inter Christi famulos servire libentius voluit, quam serviri: sed petente universo Collegio Classensis Cœnobii, & cogente Othone secundo Imperatore, ac iubente Sergio Papa tertio, suscepit tandem regimen Fratrum, ac præfati Cœnobii, de quo suo loco dicturi plura. De hocce igitur regimine in corde suo timor non tumor exoritur, nec libertas, sed servitus augmentatur. Quo enim aliqua Prælationis specie altior cernitur, eò reputatione propria vilior, obsequioque promptior, & cultu despectior reperitur. Nullos jam famulorum respuit actus, adeo ut plerumque de foris revertentium pedes ablueret, & abstergeret, invitus valde aliis præciperet, spontaneâ verò ipse faceret: magis eligens per seipsum facere, quam Fratribus imperare. Ipse lavabat, ipse tergebat, suo illo nobili spiritu, nec sordida fugiens nec fœda perhorrescens. Mos ei erat ad Matutinum prævenire Fratres, quos per signa simulante excitans provocabat ad laudes. Sæpè cæteris dormientibus, ipse lampades accendebat, sæpè campanam propriis manibus pulsabat, nullus erat corpori, nullus in suo Monasterio desidii locus, ubi orandi, & Deo serviendi pigritiam aspera invectionis stimulabat.



Verè Sanctus Pater Romualdus sic erat in carne præmortuus, sic à mundo penitus alienus, ut continuè sacris orationibus, & divinis laudibus esset occupatus. Ferventissimam interni desiderii aciem fixerat jam in lucem, & qui globum transcendebat terrenorum voluminum, sinum mentis latius expandebat imbribus lachrymarum. Longis post Completorium tractibus cum Fratribus orat, & lachrymarum profluvia dum in ipso proruptim abundant, in cæteris excitantur. Postquàm verò cæteri fessa membra suis abibant refovere cubilibus, ipse Pater sanctus in oratione pervigil manebat & invictus, ut tunc venas divini susurri furtivè susciperet, quando sopor cæteros occupasset. Sæpissimè ad orationem prostratus in faciem, terram perfudit lachrymis, osculisque demulsit, quasi semper suum Jesum tenere videretur in manibus, in cujus pedes lachrymæ illæ fluant, & oscula imprimantur.

Lachrymanti semel profunda nocte, astitit angelus tenebrarum in forma horribili, cæpitque sancto viro immensum horrorem incutere, & cum nimio furoris impetu mortem intentare. Sed Romualdus imperterritus Jesum inclamabat, & mox Sathan aufugiens ipsum cellæ parietem tanto furore percussit, ut maximam fagi arborem unius cubiti spatium per medium fiderit. In pariete ergo Dæmon ostendit, quanta adversus Romualdum crudelitate exarsit.

Sed Pater Sanctus quantam sui mutationem in ardore ferventis orationis accipiat, quantum sibi in illa fruitione divina bonitas dulcescat, solita indicia probant. Cùm enim ab oratione Pater sanctus cum jucunditate redibat, callida verba, quæ fratrum pectora succendebant, de igne Altaris divini reportabat. Mirabantur namque quandam dulcedinem ex ejus ore procedere, & clariorem solito faciem apparere. Paverat certè pauperem in dulcedine sua Deus, & men-

mentem, quam in oratione lux vera repleverat, exterius corporaliter prodebat. Sic mundo labili, & Jesu Christo amabili conjunctus non labitur, sed continuè in supernis deliciatur. Sic in rota versatili, virtute tamen stabili, fultus carne in imis, mente tamen semper per manet in excelsis.

## CAPUT VII.

*Sedata à sancto Romualdo tempestas, affe-  
clata, & delicata vestes improbata.*

**L**ibet hic orationum ejus manifestare magnalia, sicut ve-  
ritate fidelissima, sic & veneratione prædigna. Habi-  
tabat S. Pater Romualdus prope Civitatem Parmensium duo-  
bus annis in cella reclusus: & ecce Eremitæ, qui moraban-  
tur in solitudine, quæ Bifurcum dicitur, miserunt nuntium  
ad virum sanctum, flagitantes ab eo consilium, qualiter in  
Eremo conversari deberent, qualiterque diabolicis tenta-  
tionibus resistere possent.

Ad hæc Pater sanctus respondit; *Ego, inquit, nunc libel-  
lum de pugna demonum nunc scribo, quem vobis cum redieritis da-  
bo, vel certe ipse vobiscum forsitan venio.* Hoc illi audientes  
protinus in faciem se prosternunt, & ut cum illis ire dig-  
naretur importuna supplicatione deposcunt.

Adveniente autem primæ lucis crepusculo, dixit Pa-  
ter sanctus cuidam Fratri, nomine Ingelberto, respice, in-  
quit, procul in pelagus, & videbis duas naves de longin-  
quo ad nos venientes. Qui egressus ad mare vidit duas na-  
ves eminens venientes, & præ nimia adhuc distantia, qua-  
si totidem volucres apparentes. Quibus tandem subeunti-  
bus portum, interrogati nautæ, utrum Romualdum cum



suis vellent suscipere, nova repleti lætitiabeatos fore se profitentur, si tam pretiosæ Margarithæ munere fruerentur. Tota ergo nocte sequenti navigantes, cum circa diluculum subito venti sæviunt, tempestas oritur, Mare ab imo fundo versatur. Jam verò furentes undique procellæ ipsos quoque remigantes penè transvolant, & navim hinc inde concutientes, totas fere tabulas laxant. Videns itaque sanctus Pater Romualdus jam sibi cum omnibus imminere Mortis exitium, illico reclinato paululum capucio, & capite in gremium curvato, orationem cum lachrymis fudit ad Dominum. Mira res statim aura datur grata, tempestasque fit sedata, & quievit Pelagus. Et absque ullo humano studio ipsa se navis sola dirigit, & in portum Capreolæ Civitatis delapsa celeriter subintravit. Tunc omnes, qui ad erant, DEO & sancto Romualdo grates referunt, & ad voluti pedibus se manifestè ereptos de mortis faucibus ejus meritis profitentur.

Veniens itaque Romualdus Bifurcum, visis omnium Eremitarum Cellis, quia nimis pomposæ videbantur & ambitiosæ in nulla earum habere voluit hospitium. Vir siquidem sanctus mirabilis abstinentiæ, sectatorque Christi, & Paupertatis Evangelicæ, cellam sibi ad B. Hilarionis exemplum, vix unquam longiorem fieri quatuor cubitis permittebat: vilissimisquè tectus vestimentis duo semper cilicia habebat: quas quidem vestes & cilicia nunquam lavari permittebat, maximam asserens stultitiam Monachum & Eremitam in vili veste & cilicio extraordinariam quærere, vel appetere munditiam, sed propter nascentem corporis importunitatem, ipsa sua cilicia projiciebat ad imbrem, quæ post triginta dies mutare consueverat. Nunquam caput suum lavit, nec novacula radere permisit, sed ipse sibi solebat excrementa capillorum, & barbæ forficibus attonde-

re,

re, ut post futuris discipulis daret bonum exemplum sanctæ humilitatis. Quia nemo est qui dubitet, quantum omnipotenti DEO placet in Monachis & Eremitis vilis & aspera vestis. Cùm Rex Ninive purpura indutus propriæ Civitatis excidium meruit; coopertus verò sacco, divini furoris morum vestis humilitate placavit. Ezechias quoque Rex cultu Regio decoratus terribiles Regis Assyriorum minas tremefactus audivit; sed mox cilicio & sacco contectus, ab Isaia Propheta optatæ prosperitatis oraculum reportavit. Quæ nimirum promissio, scriptura teste celerem pervenit ad exitum. Nam ecce Angelus Domini centum octuaginta quinque millia una nocte percussit, & ipsum Senacherib Regem filiorum gladio dignè trucidavit. Quid dicam de Achab Rege crudelissimo? cui Helias Propheta ait, *Hæc dicit Dominus: in loco isto, quo linxerunt canes sanguinem Naboth, lingent quoque tuum sanguinem.* Tunc Achab Rex scidit pretiosa vestimenta sua, & induit se cilicio, dormivitque in sacco. Et ecce sermo Domini ad Heliam: vidisti, inquit, Achab in sacco & cilicio humilitatum? propter hoc non inducam in eum malum quod locutus sum. O verè beata vilis & asperæ vestis humilitas, quæ tam faciliter iram DEI placas! vides ergo quantum vestis mollis, & pretiosa distet à veste vili & aspera, perpende; quia quem iratum experiri pretiosa & mollis vestis meruerat, vilis & aspera vestis DEUM Judicem placat: & quem puniendum illa reddiderat, venia dignum ista commendat. Quanta autem meriti apud DEUM vilis asperaque vestis existit, ipse Dominus in Evangelio testatur: cum dicit, *quid existis in desertum videre, hominem mollibus vestitum?* ac si patenter dicat: Joannes præcursor mens dilectus in deserto habitans, mollibus non fuit indutus, sed pilis Camelorum asperrimis erat vestitus, quia qui mollibus vestitur, licet corpore in Eremo habitat,

mentem



mentem tamen ejus illufam dæmon crudeliter poffidet. Nemo enim induitur pretiofis veftibus, nifi ut videatur ab hominibus. Erubefcat ergò Monachorum fuperbia, confundatur Eremitarum mens mifera vanæ gloriæ peſte corrupta, dum Sanctus Romualdus amicus DEI, & templum Spiritûs Sancti, non dubitavit vilia & alpera veſtimenta deferre. Infelix ille Monachus, qui nec ullum meruit divinæ gratiæ indicium, & ſuperſtitioſum lacinioſæ veſtis affectat ornatum. Quid namque agit fuperbia in ſcapulari, & cuculla? Quæritur non nunquàm à Monachis hujus temporis veſtimentum, non quod frigus repellat, ſed quod fuperbire compellat. Non denique juxta regulam quod vilius poteſt comparari, ſed quod pulchrius, imò vanius poſſit oſtentari. Sæpè ex eodem panno partiuntur ſibi & miles Chlamydem, & Monachus cucullam. Et jam vix in toto Regno apud Mercatores poteſt inveniri pannus, quo dignetur veſtiri Monachus, ſed contra regulam pannos exterarum Provinciæ molles, & pretioſos comparant, quos contra conſcientiam deferentes, animas ſuas damnant. Quilibet namque ſæcularis Dominus, etiamſi Comes fit, vel Baro maximus, jam non horrebit Monachorum veſtimenta, ſi ſuo ſibi fuerint modo aptata. Ita ſanè dum illud veſtimentum fuperbiæ à DEO deſpicitur, etiam Monachus, qui illo induitur, conſequenter à juſto Judice damnatur. Diſcat ergò encænatus Monachus quàm malè mereatur, quia undè pulcher apparere hominibus appetit, indè proculdubidò ante oculos DEI fordeſcit; & undè impenſiùs ab hominibus honoratur, indè graviùs à DEO damnatur. Cùm que in admirationem ſui intuentium oculos provocat, ab omnipotenti DEO elongatus ſe ipſum condemnat.

CAPUT

# CAPUT VIII.

## *Sancti Romualdi abstinentia, Gula Monachis, & Eremitis pernicioſa.*

**S**Olebat etiam Sanctus Pater Romualdus contra peccatum Gulæ acerrimè disputare, & ad virtutem sanctæ abſtinentiæ verbo ſuo, & exemplo volebat diſcipulos ſuos provocare, Idè ipſe Pater Sanctus ante curam regiminis habitans in Eremo cum tribus diſcipulis, quotidie jejunabat in ſolo pane & aqua, quindecim annis nunquàm ante ſolis occaſum ſolvebat jejunium, manducans non plus quam dimidium libonem parvulum, nihil guſtans exterius, nec pomorum, nec pulmenti, nec alicujus rei cibum. Ideo Dux Dalmatiæ & Venetorum Petrus dictus Urſeolus, qui relictò Ducatu factus erat ſancti Viri diſcipulus; quia multis deliciis educari ſolitus fuerat, jam jam ſub tam diſtricti jejunii pondere ſuccumbebat. Hic ſe ad pedes Beati Romualdi humiliter proſtravit, juſſusque ut ſurgeret, neceſſitatem ſuam cum verecundia propoſuit, dicens: Pater ſanctiſſime, quia magnum habeo corpus ex hac menestræ medietate me ſuſtentare non poſſum. Romualdus igitur fragilitati ejus piè compatiens, conſuetæ menſuræ quadram ſuperaddidit, & labenti jam Petro, ne omninò deficeret, miſericordiæ manum tetendit, & ad proſequendum benè vivendi iter, quod cœperat, confirmavit.

Postquàm verò Sanctus Pater Romualdus officium Abbatis ſuſcipere coactus, quotidie ad communem menſam veniebat cum Fratribus, ſedens autem ad menſam, unum quidem



quidem pulmentum comedebat, postmodum verò lectioni cum lachrymis vacabat. Siquando verò aliquem esculentiorum cibum Fratres sibi obtulissent, mox illum ad manus accipiens, ori & naribus apponebat, & solum captans odorem dicebat: *O gula, gula, quantum te delectaret iste cibus? sed vae tibi misera, quia ex eo nunquam gustabis:* & sic intactum ad coquinam remittebat. Quadragesimali verò tempore semper in Eremitio, & cella jugiter permanebat.

Dùm igitur quadam vice appropinquante quadragesima locum habitandi per sylvas quæreretur, repente aquis undique circumfluentibus ita cum duobus discipulis conclusus est; ut nec ipsi exire, nec aliquis ad eos venire posset. Cumque dies Dominicus advenisset, & nulla spes alicujus cibi esset, Pater Sanctus, ut erat semper hilari vultu, fidenter ait: *Quia nisi sibi DEUS cibum mitteret, ipse nullatenus herbas manducaret.* Duodecima igitur hora diei, ecce tres Juvenes onusti vino & aliis cibis adveniunt, qui se à Deo missos asserunt. & Beato Romualdo cibos tradunt, sicque disparent. Tunc Romualdus cum Fratribus DEUM benedicunt, & repleti gaudio cibum pariter capiunt. Vere fidelis Dominus in verbis suis, qui dixit: *primum querite regnum DEI, & hæc omnia adjicientur vobis.*

Quid ad hæc dicituri sunt Monachi, & Eremitæ modicæ fidei, qui contra regulam (quod nefas est vel dicere) sani incolumes audent se à consueta abstinencia exemptos facere, delicatioribus appetunt vesci esculentis, & generoso cupiunt potari vino, non ut possint corporis infirmitatis ruinas reficere, sed ut possint carnis delectationes, & malam concupiscentiam perficere? nemo enim potest carnis luxuriam extinguere, nisi prius studeat saturitatem gulæ superare. Nascitur quippè luxuria de gula, sicut nascitur de

Matre

Matre Filia. Quid enim peccavit Soror tua Sodoma, ait Propheta, nisi quia panem in saturitate comedit & in abundantia? & quia per abundantiam panis Sodomitæ carnis ardore fuerant succensi, iusto DEI iudicio igne sulphureo sunt cremati. Quod si illos sola panis satietas, ad tam præruptum Ægyptiorum præcipitium impegit, quid censendum de Monachis erit, qui vegetato corpore, in immoderata libertate esum diversæ speciei carniū, & delectamentorum, ac potum variorum vinorum præsumunt frequentare; non quantum imbecillitas exigit, sed quantum delectatio suggerit. Quæ delectatio dum primos Parentes nostros ex illo prohibito cibo infausta deceptione corruptos manducare compulit, perpetuæ ultionis poena perplexos, transgressionis culpam in posteros transmisit. Scriptum quippe est: *Et vidit mulier quod bonum esset lignum ad vescendum, & pulchrum oculisque delectabile, tulit de fructu ejus & comedit deditque Viro suo.* Esau quoque dum de agro rediens, oppidò se conqueritur lassum, damnosum valde pepigit cum Fratre commercium, dumque imò deratam gulæ rabiem in se sævire permisit, magnum primogenitorum decus, pro vili lenticulorum ferculo alienavit, sicut sacra testatur historia: *Quia juravit Esau, & vendidit suam primogenitam, & accepto lentis edulio comedit, & bibit, & abiit, parvipendens, quod primogenita vendidisset.* Sic nimirum Monachus, qui gulæ deditus seipsum deserit, postea corpus & animam damnatus amittit. Quid dicam de Nabuzardan Principe Cocorum Regis Babylonis, qui primus templum Domini succendit, vasa sanctuarii abstulit, & captum populum in Babylonem duxit? Sic nimirum gula, quæ arte Cocorum principatur Monachis, prima in eis succendit templum corporis, & omni eos ipoliat merito sanctitatis, atque vinctos catena malæ consuetudinis perducit in barathrum æternæ confusionis.



Nec sufficit falsa gulæ excusatio ad excusandas excusationes in peccatis, dum quidam falsi Monachi, ut possint continuè exquisitas carnes, perdices, & phasianos vorare, nituntur gulam suam sub specie medicorum excusare. *Legumina, inquit, ventosa sunt, & caseus gravat stomachum, lac capiti nocet, & potum aquæ pectus non sustinet, caules melancholiam nutriunt, porri choleram accendunt; pisces de stagno, aut lutosa aqua, nostræ complexionis non congruunt, & ova bullita sanguinem faciunt.* Quid hoc est Fratres? in omnibus fluvijis, agris, hortis, Cellariisque vix poterit reperiri, quod hodie Monachi comedere velint. Puta te quæso, monachum esse, non medicum. Nec te Christus judicabit de complexionis, sed judicabit te de tua professione; quia non Hypocratis, Galleni, aut Epicuri dicta debes curare, sed Christi & discipulorum ejus præceptis, debes obedire. Hypocras namque & Epicurus, alter voluptatem carnis, alter sanitatem corporis servare docet; sed Christus Magister noster utrumque damnat, cum veritatis sententiam profert in Evangelio dicens; *qui amat animam suam, id est vitam animalem, perdet eam.* Sæpè namque animales Monachi dum sedent ad prandium, quantum fauces dapibus tantum aures pascunt detractionibus, quibus totaliter intenti modum nesciunt in edendo. Interim ferculis fercula apponuntur, & sæpè carniū pingua corpora duplicantur. Cumque prioribus fuerint satiati, si secundas attigerint, videtur eis necdum gustasse primas. Tanta quippè accuratione, & Cocorum arte cuncta aptantur, quatenus tribus, aut quatuor ferculis devoratis, prima non impediunt ultima, nec satietas minuatur appetitum. Venter quippè dum nescit, oneratur, sed varietas ciborum tollit fastidium; quia dum gula adulterinis quibusdam provocatur saporibus, transitur qui-

quidem meta necessitatis, sed necdum delectatio superatur voluptatis. Ipsa denique qualitas rerum ita deforis pulchrè aptatur, ut non minùs aspectus, quàm gustus delectetur.

Jam verò de aquæ potu quid dicam? quando nec quidem Vinum admittitur aquatum. Facile hodie à Monachis quoque illud helluonum subscribitur proverbium: *Vinum lymphatum perturbat viscera fratrum.* Et quod sequitur; nec quidem audire dignantur: *Lymphatum crescit, dulcescit, laedere nescit.* Omnes ex quò Monachi sumus, infirmos stomachos habemus, & contra legem regulæ vinum ad satietatem bibimus. Pudet scribere, sed non pudeat emendare. Vidi ego uno in prandio ter vel quater amphoram semiple-  
nam reportari, quatenùs diversis vinis magis adoratis, quàm potatis, nec tam haustis, quàm gustatis, sagaci probatione, illud quod melius, & fortius est eligitur ad prandium; non propter stomachi infirmitatem, sed ut amplius bibatur, & delectabiliùs glutiat. Sed jam cum venæ toto capite palpitantes fuerint ingurgitatæ, surgenti à mensa quid aliud libet, nisi dormire? si autem indigestum ad Matutinum surgere coegeris, non cantum, sed planctum ab ipso extorquebis. Cum verò ad lectum redierit, requisitus incommodum plangit, non crapulæ peccatum quod fecit, sed quod adhuc manducare non possit. Quis in principio, cum ordo incæpit Monasticus ad tantam crederet Monachos crapulam devenire. O quantum distamus ab iis, qui temporibus Sanctissimorum Patriarcharum nostrorum Benedicti & Romualdi exstiterunt Monachi! illi namque cum se invicem reviserent ex charitate, tanta ab invicem aviditate panem animarum percipiebant, ut corporis cibum penitus oblti, jejunis ventribus, sed non mentibus totum sæpè diem transigerent. Nobis autem convenientibus in unum,



jam nullus est, qui panem animæ requirat, nullus est, qui eum tribuat: nihil de scripturis sanctis, nihil de salute animæ agitur, sed nugæ & risus, crapula & potus, & verba inventum proferuntur; ita, quoddam jam potatio, abusivo nomine vocetur collatio, dum non à conferendo, sed à collo lauto, collatio derivatur. Rogo, iterumque rogo, quæ est ista ignavia O Monachi Milites Christi? plures certè sæculares bona opera agentes, & mandata Dei servantes, vitam aquirunt æternam, & vos delicatos cibos amantes, innumeros noctu diuque scyphos evacuantes, ac taliter carni vestræ servientes, salutem perditis sempiternam.

## CAPUT IX.

*Sancti Romualdi miracula. De dæmone victoria. Sitriensium Discipulorum suorum sanctitas.*

**D**etestabatur quoque Sanctus Pater Romualdus Monachos & Eremitas vagos, & instabiles, & frequenter admonebat discipulos suos dicens: noverint monachi vitio vagationis dediti, quia nisi è mundo pedem retrahant, & ad serviendum Deo in loco remotiori perseverent, nec perfectionis culmen attingere, nec ordinis sui sancita poterunt custodire. Ideò ipse quoque sanctus Pater Romualdus, veniens in Eremum quæ Siteria dicitur, damnato ostio in cella recluditur, atque per annos 7. sic perseverans continuum silentium inviolabiliter tenuit.

Interea Vir quidam phreneticus erat, qui ex organorum alteratione, seu capitis perturbatione stultus factus multos læserat. Hunc Parentes, & Amici ligatum funibus cum clamore, & strepitu ante Viri sancti cellam adduxerunt.

runt. Sanguis inerat oculis, spumabat os, & volubilis lingua de ore prodibat, ac super omnem terrorem clamor, & rugitus horribilis rabiati hominis personabat. Quem videns Sanctus Romualdus, intimè homini miserrimo compassus est; nec tamen silentium solvere voluit, nec cellam egredi aquievit, sed per fenestram cellulæ, pacis osculum infano homini dedit, (rem loquor inauditam) mox ut labia sancti Viri phreneticum attigerant, perfectæ redditus fuit sanitati, DEUM & Sanctum Romualdum laudans. Mirabantur omnes qui aderant, post tantam ferocitatem & insaniam, in tantam subito mutatam sapientiam, & mansuetudinem. Referebat autem postmodum ille, qui curatus fuerat, dicens: quia dum sacra Beati Viri labia tangere merui, statim prodire ex ore ejus quasi vehementis odoris spiritum sensi, qui totam faciem meam, & ipsum sinciput capitis mei perflans, omnem cerebri æstuantis ardorem protinus fugavit. Quod postquam inauditum est, & longè lateque percrebuit, certatim ad eum diversorum languorum infirmi confluebant. Ipse autem sanctus Pater inviolato silentio, oleum aut panem benedicens infirmis porrigebat, & omnes sanitati pristinæ restituebat.

Taliter autem tunc in Eremo Sitriæ vivebatur, ac si ex similitudine non solum nominis, sed etiam operis altera denudò Nitria videretur. Omnes siquidem Eremitæ, nudis pedibus incedentes, omnes malè vestiti & pallidi, ac nimia omnium rerum extremitate contenti, nonnulli verò damnatis januis clausi, ita mundo videbantur mortui, velut jam in sepulchro positi. Vinum nemo bibebat ibi. Sed quid ego de ipsis Eremitis loquor, cum & ipsi Monachi, & Monachorum famuli, ipsi quoque custodes pecorum jejunarent, silentium tenerent, disciplinam inter se invicem facerent, & de quibuslibet otiosis verbis poenitentiam flagitarent.

Sed



Sed cum jam Sanctus Pater Romualdus multitudinem Fratrum secum habitantium cerneret, & turbas infirmorum non suffertet, quotidie flebat, & incredibili desiderio majorem solitudinem desiderabat. Interrogatus autem à fratribus, quid haberet, & cur sic amarè fletet, tandem respondit, quia rursus ad sæculum redij, & recepi jam mercedem meam in vita mea. Servabatur ergo à fratribus ne fugeret; sed ipse post modicum clandestinè recessit, & ad Clafsis prædium, ubi erat sancti Martini Ecclesia, quæ dicitur Insula migravit.

Ibi verò quodam die, dum reclusus in Cella completorium caneret, quia antiquum illic Cœmeterium fuerat, ut sæpè fit, cogitare de mortuis cæpit, moxque ejus animus magnus phantasticæ illusionis horror invasit. Et ecce maligni spiritus repentino impetu cellam ejus ingressi, protinus eum in terra prosternunt, & immani eum cæde conficiunt, exhaustisque longo jejunio membris, durissimos ictus illidunt. Tandem Romualdus inter ipsa percussionum vulnera, visitatus divina gratia, in hanc vocem erupit: *Chare JESU, dulcis JESU, quare me dereliquisti? nunquid omnino me manibus inimicorum tradidisti?* Ad hæc omnes iniqui spiritus divina virtute fugati sunt. Et continuò tanta divini amoris compunctio Romualdi pectus accendit, ut totum cor ejus in lachrymas, quasi cera liquesceret. Mox sanus & validus de terra surrexit, & licet impediante adhuc sanguine, ad eundem psalmi versum, quem reliquerat redijt; nec propter hoc cellam egredi voluit: Sed tanquam fortis miles Christi, asueto bello robustior, insultabat dæmonibus, dicens: *Ecce paratus sum, venite, & si quæ in vobis est virtus, ostendite. Nunquid jam omnino deficitis? nunquid jam victi infelices receditis?* In ingressu, igitur dæmonum maligno incutiente spiritû fenestra super frontem ejus decidit, in qua mani-

manifesta postea circatrix occaluit, quæ evidens vulneris indicium, quamdiu Vir sanctus vixit, ostendit. Videns ergo diabolus, quia per semetipsum contra Dei famulum prævalere non posset, ad callida argumenta conversus, quocunque Vir sanctus ibat, discipulorum ejus animos adversus eum in malitiam excitabat; ut quia retentarium ab accenso sui fervoris impetu impossibile fuerat, saltem ab alienæ salutis cura compesceret, & quia ipse ab hoste minime superari posset, vel ex aliis victoriam ne præpediret.

## CAPUT X.

*Monachi Romualdum sanctissimum Magistrum suum dirissimè verberant, qui à DEO condigne plectuntur.*

**A**Liquandò namque ad locum, qui Balneum dicitur, qui videlicet in Saxenati constitutus est territorio, transijt: ubi etiam non pauco tempore commorans, Monasterium ad Beati Archangeli Michaëlis honorem construxit, à quo non longè cellam in ea habitaturus intravit. Illic autem Hugo Marchio, septem sibi pro necessitate misit aureorum libras; quos ille, ut benè prodigus misericorditer dispensaret, accepit. Audito itaque quòd Monasterium Palatioli fuisset igne consumptum, sexaginta solidos deprædicta pecunia Fratribus in adjutorium direxit, reliquam autem, ut in simile opus expenderet, reservavit. Cognito hoc Monachi sancti Michaëlis, belluino contra eum furore commoti sunt, tum quia pravis eorum moribus contrarius jam extiterat, tum quia, quæ illi deferebantur, non eis omnia, sed quæ-



quædam alijs magis indigentibus erogabat. Facta conspi-  
ratione unanimiter cellam ejus cum sudibus, & phalangis  
irrupunt, verberibus eum multis afficiunt, & direptis  
omnibus turpissimè dehonestatum de finibus suis expellunt.

Cum sic eliminatus abiret, & nimia tristitiæ vis in men-  
tis ejus jam interiora descenderet, hoc apud semetipsum de-  
liberat, ut jam de cætero sua contentus, alienæ salutis cu-  
ram omnino postponat. Postquàm cogitationem, tantus  
animum ejus terror invasit, ut si in eo quoddam mente conce-  
perat, obstinatè persisteret, periturum se damnandumq; divi-  
no judicio nullatenus dubitaret. Monachi autem compotes diu  
desideratæ ultionis effecti, & quasi projecto gravi onere levi-  
gati, hoc, quod in Dei famulum egerant, multis inter se laudi-  
bus efferunt, & in immoderatum ludum, atque cachinnum  
se lætitia lenocinante resolvunt: deinde, ut tanti gaudii so-  
lemnitatem quodammodò jucundissimam faciant, sumptuo-  
sas deliciarum epulas sibi ad convivium parant. Erat verò  
tunc temporis hyems, quæ non solum vicissitudini tempo-  
rum, sed frigidis quoque eorum mentibus aptissimè con-  
gruebat. Unus autem ex eis, qui in Beatissimum Dei fa-  
mulum sævior fuerat, melacquirere, unde mulsam epulanti-  
bus faceret, satagebat. Cumque Sapi in fluvium hoc stu-  
dio transmearet, offendentibus in planas pedibus, subitò  
de ponte deficitur, & fluviali voragine funditùs absorben-  
te raptatus, extinguitur.

Justo Dei judicio turbida illum aqua satiavit ad mor-  
tem, quia in eo, quod flere debuerat, mellis dulcedinem ad  
vitæ concupierat voluptatem. Nocte verò, dum alii om-  
nes ex more quiescerent, descendente crebra nivium mul-  
titudine, repente tota communis ædificii super eos fabrica  
corrui, & alteri caput, alteri brachia, his crura, illis alia  
contrivit membra, sicque nefandæ temeritatis suæ condig-  
nas dedere pænas.

CAPUT

CAPUT XI.

*Evagatio Monachis, & Eremitis, turpis  
& noxia.*

**D**isce & tu Monache, si vis dæmones superare, si vis focum carnis, & incentiva libidinis extinguere, aures tuas & oculos à negotiorum sæcularium vanitate firmiter obstrue, carnalium hominum destructioni magis, quàm ædificationi profutura contemne; quia vera est Salomonis sententia: *Qui tetigerit picem inquinabitur ab ea.* Stabilitatem in cella tene, recessum solitudinis inquire, cunctis corporis tui sensibus censoriæ disciplinæ repagula appone. Fons enim, qui circumquaque ne effundatur, concluditur, undis ad alta profluentibus elevatur. Econtrà qui per plures rivos hinc inde deducitur, mox per æstum solis exsiccatur. Denique si ambulanti David in solario domûs Regiæ, clausæ fenestræ obstitissent, in Bethsabeæ concupiscentiam nullatenus exarsisset. Sed qui oculum sub custodia non tenuit, ipse quoque post eum in immane sceleris barathrum totus in præceps ruit: lubricatis enim gressibus, totius sui lapsus est expertus, dum solius frænum laxavit obtutus. Cui videlicet illud Jeremiæ aptissimè congruit, *depradatus est, inquit, oculus meus animam meam.* Si ergo tam sublimis columna David, propter solam oculorum evagationem, gravissimè corruit, quid de Monachis gyrovagis sentiendum erit? qui per mundum vagantes, continuè discurrunt, & visu atque auditu, omnibusque sensibus suis in mundi vanitatibus occupantur.

F

Quæ



Quæ autem fit differentia inter Monachos, qui stabilitatem diligunt, & eos, qui per exteriora se diffundunt. Duobus Sancti Isaac filiis edocemur: scriptum namquæ est; *Esau Vir gnarus venandi, Jacob autem Vir simplex habitans in tabernaculis.* Sed ille prudenter simplex Patris benedictionem accepit, ille fatuitate gnarus, quia gladio viveret, & fratri suo serviret, audivit. Ille nisi intra domestici laris septa se comprimeret, singularis privilegii, principatum non accepisset; ille verò nisi se instabilem per exteriora diffunderet, nequaquam Benedictionis Paternæ mysterium amisisset. Ille domesticæ quietis stabilitatem tenuit, & divina largiente gratia in aliena jura sub intravit; ille venandi labore confectus, & hoc quod jure sibi competebat, amisit. Ut autem Monachi non possint scutum excusationis opponere, qui per mundum vagantes dicunt, se obedientiam facere; non ignorent; quia & Esau venatum prodiens paternis jussionibus paruit, & tamen optatæ benedictionis præmia non accepit. Sic Monachus, qui aliquamrem propriæ voluntatis libenter exequitur, peccat graviter, etiamsi Prælati sui mandatis specie tenus obedire videatur. Qui ergò vagando deforis propriæ voluntati satisfacit, & tamen se obedire Prælato asserit; noverit Deum, non tam coloratis verbis credere, quàm de occultis hominum juxta conscientiam judicare. Desinat ergo Monachus cum Esau de Monasterij sui clausura frequenter erumpere, desinat cum eo, sub obedientiæ specie causis se secularibus implicare: ne aliquandò cum ipso lugeat se divinæ benedictionis extorrem, quem noxiæ vagationis sequitur auctorem. Cum Jacob ergò se domesticum præbeat, cum Jacob in tabernaculis stabiliter vivat, quatenus Deo, qui verè est Pater electorum boni operis edulium paret.

Sed

Sed inter omnia hominum à suo proposito deviantium genera, illud DEO non mediocriter displicet; quòd ipsis sanctissimis Eremitis quidam videntur admixti, quos idem pestifer vagationis morbus exagitat, & dæmon instabilitatis vexat. Quia videlicet hujusmodi eremitæ per publicum discurrentes; sicut sinistræ opinionis apud populum sunt habiti, ita de sæculo redeuntes, à lumine Divinæ gratiæ sunt alieni. Quis quis enim desiderat ad illud inaccessible lumen acie mentis attingere, necessarium sibi est interiores oculos per diuturnam stabilitatem ab omni mundanæ actionis labe purgare, ne dum ad summa contemplanda oculos elevat, terrenæ conversationis pulvis obsistat, & magis tenebras Mundi, quas reliquerat, videat: quàm lumen ad quod nititur, apprehendat. Tantò namque vita solitaria fit austerior ipsi eremitæ, quantò retrahitur inolita vagandi consuetudine, ita ut districtio Eremitica, sit gravissimæ difficultati, & cella ipsa videatur horrore. Consuetudo enim facit eremitæ cellam dulcem, vagatio videri facit horribilem. Vagantibus eremitis cella carcer est, permanentibus verò est suave cubiculum.

Silentium stabilem eremitam reddit vigilem, de foris autem venientem opprimit somnus. Confabulatio crebra in mente Eremitæ cæcitatem parit, secreta verò remotio animam illuminat & custodit. Sæcularium negotiorum relatio, eremitæ animam passionibus mali desiderij facit obnoxiam; Sacri eloquii assidua meditatio mundo reddit extinctam. Paupertas eremitæ, securitas est mentis; securitas autem Mater est puritatis. Econtrario abundantia rerum temporalium aculeos parit sollicitudinis, sollicitudo autem radix est anxietatis. Pedes non loti, manus neglectæ, cæsaries inculta, quasi quædam anchora est eremitæ in cella ju-



giter permanendi. E diversò bona & nitida vestis, ac delicati corporis compositio, fomes est & occasio in publicum prodeundi. Quis quis ergò vult; ut eremitica Vita dulcescat ei, profectò necesse est, ut in ea constanti animo jugiter perseveret, si suave jugum Domini vult portare quietus. Vita namque eremitica continuata quidem est refrigerium, intermissa autem videtur esse tormentum. Remotione quoque continua illuminatur anima, vitia deteguntur, & quid quid eremitam de semetipso latuerat, aperitur: quia cum piscis de aqua extrahitur, confestim emoritur, sic eremita extra cellam positus, coram DEO in anima mortuus censetur.

Sæpe namque eremita servus Christi per dæmones decipitur, dum ad aliqua Eremo profutura importunè invitatur: imminens namque periculum, & commune discrimen nisi foras egrediatur, dæmones exaggerant; quòd si foras exierit, cuncta ad suæ voluntatis arbitrium, atque ad felices exitus profutura falsè asseverant. Antiquus enim hostis videns militem Christi, in præcinctu sancti certaminis positum non aliter posse à sui fervore propositi tepescere, machinatur uberius eremi fructus superficie ipsum fallaciter decipere, ut dum lucrum eremi magis attenditur, bonum animæ ad tempus quasi dispensatoriè postponatur. Sed qui mendaciorum diaboli consuetudinem frequenter expertus est, prudenter novit & vana suggerentium commenta respuere, & se ab infructuosi laboris exercitio custodire. Nam apud sæculares absentes eremitæ autoritas gravis est; Si autem præsens fuerit, nullius sæpe judicatur esse momenti. Quia apud sæculares eremita quisque velut pictura est, pictura autem si procul absit, cum aviditate prospicitur, siverò propè sit contemptibilis plerumque judicatur. Et eremita quisque:

que, sæcularibus absens est timori, præsens autem videtur esse despectui. Sed antiquus hostis quos vagandi mala consuetudine velut assessor equitat, eosdem importunis calcibus urget, ut & ipsi ad sæculi vanitates redeundo pereant, & alios secum ad inferni tormenta trahant.

Ex hac namque instabilitatis venenata radice tot peccata oriuntur, ut in quocunque vigere comperitur omni monasticæ professionis fructu velut arbor arida denudatur. Hoc namque vagationis peccatum tantæ est violentiæ, ut de ipso omnia vitiorum portenta credantur erumpere. Nam ut pauca referantur ex multis, Monachus in via tenere jejunium inquit, quia hospitalis ei humanitas non permittit, non psallit sapienter; quia ambulantium loquacitas sociorum eum impedit; Nocturnis non insistit excubijs, quia secretum deest singularitatis; flectendis genibus non insudat, quia sanctæ devotionis studio labor viæ non concordat: nequaquam sub silentii censura constringitur, quia emergentibus causis etiam invitus per multiloquia effrænatur; quid dicam, quia lectioni & orationi non vacat, quem terrena tractare imminens necessitas invitat? Charitas in eo minuitur, quia mens, quæ tot actionum sæcularium ventos recipit, ab amoris DEI fervore tepescit. Suum quoque castitas mentis dispendium patitur, quia concupiscentiæ bello configitur per sceminarum speciem, quam exterius contemplatur. Robur etiam patientiæ frangitur, cum repentini casus obviant, quos non æquanimiter portat. Sobrietas non servatur, quia dum lautioribus cibis hospitalis sedulitas exhibetur, & dum inhumanum putat invitantium precibus non condescendere, delectat eum sub charitatis specie ventri molliter indulgere. Lachrymarum conpunctionem, quibus peccata defleat, non habet; quia mens  
arida,



arida, & terrenarum affectionum cœno plena, rore sancti Spiritûs perfundi non meretur, imo arescit, & nullas per oculos lachrymas fundit. Mœret in sæculo, anxietur & anhelat: sed quia hanc sui miseriam flere non potest, acriori amaritudinis dolore contabescit. Sic infelix vagus Eremita, cum & se flebilem videat, & tamen flere non valeat, quam remotus sit à salute animæ, ex ipsa cordis durtia cognoscat. Cum etenim flere sola sit via, qua peccator ad indulgentiam possit pervenire; ergo cum Eremita reatum suum plangere nequit, videtur sibi, quod necdum quidem in via pedem posuit, quâ pervenire ad indulgentiam possit.

Quod si forsân aliquandò multis hominibus deforis prædicat, sed repente vana gloria subrepat, & quasi ex insidijs prodiens, Eremitam, qui alios curabat, occidit. Si autem hoc præcavens sub silentio se custodit, nihil eorum posse perficere, quorum gratia venerat erubescit. Si morose gravitatis, ut dignum est, speciem servat, valde pertimescit, ne ex hoc hypocrysis peccatum incurrat: si autem à suæ mortificationis rigore, se in levitatem resolvit, hic etiam multò minùs securus est, ne suo exemplo alios destruat. Si quandò inter discordes pacis vult formare concordiam, rectè veritatem dixerit, nunquàm eos concordabit: quod si mendacio uti acquiescit, mox in peccati barathrum cadit: & cum voluerit peccantes arguere, sciat omnium contra se odia concitari. Videre autem & tacere, nihil aliud est, quàm malè agentibus consentire. Tantis namque insidiarum tendiculis iste mundus densatus est, ut quis quis Religiosus desiderat innocenter vivere, debeat se ab ipsius processu abstinere, cujus si sæpè viam terit, procuratos insidiarum laqueos non evadit. Cum verò ad Claustrum revertitur, mox illum quasi turba omnium, quæ vidit foris & audivit, comi-

comitatur, & præcipuè si orationi vacare cœperit, ecce phantasmata cogitationum, ecce imagines quas in mundo viderat, rerum; ita ut in quovis angulo constitutus videatur sibi ludis sæcularium interesse, vel inter litigantes residere. Et cum miser Eremita vanis cogitationibus, & mundanis phantasijs renititur, & quasi circumvolantes musas abigere conatur, illæ mox ut abscedunt, protinus redeunt, illico, ut repelluntur, præstò assistunt, ut quasi fugitivum suum capere, & in propriam servitutem velint reducere. Tunc infelix Eremita discit, quàm malè fecerit, quòd se per mundum inaniter vagare relaxavit: diù in modum lapidis obdurato corde nec lachrymas valet prorumpere, nec lumen post tenebras valet videre Anhelat virtutem, quæ posset ad summa contendere, sed mundanarum cogitationum phantasijs gravatus, cogitur desperatus in terrenis jacere; quia eremitæ, qui spretis divinae Militiæ cellulis, ad mundanae vertiginis molam revertuntur, quanta mala damnationis agant, quàm infeliciter vivant, referant qui volunt, mihi consultius videtur (quia expertus) eos piæ compassionis lachrymis deflere, quam execrandæ conversationis ipsorum gesta ulterius calamo describere.

## CAPUT XII.

*Proprietas in Monachis & Eremitis à Sancto Romualdo damnata.*

**E**T quia hæc est veræ charitatis, & fraternitatis regula, ut ita Prælati, Priores, & quicunque superiores subditos



ditos suos mutuæ dilectionis amore confoveant, quatenus, siquid in eis reprehensibile invenerint, correctionis manum non abscondant. Illa quippe autoritas probatur esse utilis & honesta, quæ dum cuncta producit in medium, & quod corrigendum est, corrigit; & quod bonum atque sanum reperit mutuo puritatis amore custodit: sicque fit, ut dum subditorum culpa corrigitur, Prælato corrigenti maxima à Deo gratia cumuletur. Ideo S. Pater Romualdus, dum Classensi Monasterio præesset, officiumque Abbatis ibidem teneret, cordis sui oculos in Cælum figens, *ut Deo in omnibus placeret, non timebat subditis displicere*; sed transgressores ordinis, omnesque proprietarios Monachos durè reprehendebat, & acrius corripiebat, ac ad ipsorum confusionem præcepta regulæ in testimonium vocabat. Cumque redarguendis eorum vitiis vehementer insistcret, illi autem Patris verba nihili facerent; tandem correctionem non ferret dum propriam emendare vitam despiciunt, de Patris corripientis morte tractare cœperunt.

Sed Pater sanctus nil mortem metuens, sed nè tam grave peccatum facerent præcavens, sapienter eos dereliquit, & resignato Abbatis officio solus spontè recessit: veniensque ad territorium Balnei, ibi non paucò tempore commoratus est, ubi etiam Monasterium in B. Michaëlis Archangelii honorem construxit, in quo ordinatis Monachis & Abbate, ipse non longe à Castro Vargarethæ reclusionem in parva cellula intravit. Sed dum præfati Monachi sancti Michaëlis per lata gradientes in proprietate viverent, & regulam promissam non fervarent, Pater Sanctus eos per nuntios, & literas piè redarguebat, & ut pecuniam non servarent, sæpius increpabat. Illi autem facta conspiratione contra Patrem factum una nocturno omnes simul cum baculis cellam

cellam ejus effringunt, & projecto sene in terram, crudelissimis plagis eum percutiunt, ac semi mortuum hyemis tempore extra cellam projiciunt. Cumque sic semivivo relicto ad propria redissent, tunc Pater sanctus apertis oculis neminem videns, collectisque viribus vix de terra surgens amarissimè flere cœpit, dicens: *Habe tibi Romualde, id quod quasisti Equidem justè hoc pateris, quia non contentus salute tua, semper pro salute aliorum sollicitus fuisti.* Sicque plangens & lugens lachrymisque nivem per fundens nudis, ut erat, pedibus indè nocte recessit. Sed nequissimos illos Monachos grandis mox divina ultio secuta est. Et quia super hoc plura scribere dolor non permittit. Ad cautelam solùm eorum hæc breviter adduxi, qui Magistrum suum etiam temporibus nostris (à quo laboriosam sollicitæ educationis curam experti, arrham religiosæ securitatis perceperunt) non solum grata (ut dignum esset) veneratione non prosequuntur, sed affulgente quavis occasione in faciem ei resistere, illum impudenter despicerè, ac vice gratitudinis gravi contumelia, & injuriis afficere, non verentur. *O Novitij perversi, quam cito fitis in malitia professi.* Si jam alias Magistri vestri salutare damnabiliter respuistis præceptiones, vel unius (velim) memineritis verbi, *pœnitere.*

Tandem sanctus Pater Romualdus ad solitudinem rediens constructa sibi cellula solitarie cœpit vivere, & magnis miraculis corruscare. Nam quidam comes superbus, ac tumidus, missis parasitis suis, vaccam rapuit cujusdam pauperis, cujus carnes convivaturus præparari sibi fecit ad prandium cum magna gulæ aviditate. Et eccè pauper ille agricola cellam B. Romualdi festinus ingreditur, jacturæ suæ casum clamoris vocibus vociferatur, spem suam & suæ domus ablatam esse conqueritur. Sanctus itaque Romualdus



adeundem Comitem nuntium dirigit, & ut pauperi Rustico animal suum reddat, humiliter deposcit. Quod si non fecerit ultionem divinam absque dubio sustinebit. Cujus preces superbus Comes respuit, & strata mensa cum suis hospitibus prandio assedit: & ecce in ipso edendi principio Comes frustum vaccinæ carnis abscidit, & in os misit, quod repentè ejus gutturi ita immobiliter inhæsit, ut nec deglutire posset, nec ullo pacto ejicere valeret; sicque inter fervorum ac convivarum manus crudeli morte est necatus, & qui contemptis servi DEI precibus gulam carnis suæ satiare voluit, justo DEI judicio carnalem vitam adhuc jejunos amisit. Post cujus obitum sanctus Pater Romualdus volens Monachis & Eremitis exemplum paupertatis relinquere, tribus annis continuis cum Joanne grademio discipulo suo terram ligone fodiens, triticum propriis manibus seminavit. Quod postea demetens, & baculo excutens, de manuum suarum labore vixit. Qui licet in agriculturæ duris laboribus se infatigabiliter exercebat, pondus tamen, & rigorem jejunii sibi duplicabat.

Nos verò Monachi & eremitæ proprietarii, qui Mundi abrenunciatore dicimur, cur ad mundum iterum, velut canes ad vomitum, revertimur? cur non veremur pecuniam repetere, quàm prius nullus vetuerat possidere? porro nos spontè fecimus ut à nobis pecunia præviè possessa, jam nostra non fieret, & quæ nostri juris erat, in comune translata quotidianæ omnium indigentiae ferviret. Quale hoc consilium? quòd soli in tam periculosum nosmetipsos certamen adducimus, & contra regulam, ac sacri Evangelii sententiam dimicamus? quis, rogo, Ananiam & Saphiram rebus propriis abrenunciare coegit? sed quia partem pecuniæ ex legali alias (ut sibi videbatur) ratione, sustentandæ quasi

qua  
tent  
regu  
pæn  
pote  
cave  
ut c  
Nos  
vere  
Chr  
terin  
tur,  
quid  
bum

pian  
ster  
Mon  
pigi  
quæ  
fessi  
que  
lata  
nos  
cul  
que  
vox  
nis  
nor  
deb  
mit

quasi longioris vitæ, retinuit, neuter subitanæ Mortis sententiam evasit. Et quia nequaquàm juxta renunciatorum regulam fuerant vivere contenti, juxta prævaricatorum pœnam sunt infelicitè expirare coacti. Et quidem illi, ut pote rudes, & ad fidem noviter venientes, simpliciter peccaverunt; districto nihilominus; sed piô DEI judiciô, sola ut credimus corporum Morte, & non animæ puniti sunt. Nos autem qui cuncta præcepta Evangelii novimus, & vivere secundum regulam promissimus, quid ante tribunal Christi dicemus, aut quod excusationis genus invenire poterimus? Nam si adhuc Marsupio nostro denarius includitur, si ad injuriam DEI quantumlibet pecuniæ reservatur, quid in die judicii audituri sumus, nisi illud terribile verbum, discedite à me maledicti in ignem æternum?

Nam & si pro futuris nostris indigentis ad cassam quospiam numulos reponimus, dum nobis providentes impotenter pecuniam tenemus, thesauro fidei nos vacuos esse Monstramus, & dum professionem, quàm cum Christo pepigimus, frangimus, violatæ fidei potius tormenta timere, quàm præmia de nostra Religione possumus sperare. In professione enim pactum, quod inter duos fit, vox ex utraque parte procedit, ut qui transgressus fuerit, pœnam violatæ Professionis sustineat æternam. In professione autem nostra, quacum Deo pactum fecimus, vox nostra hæc proculdubio fuit: quia Christum sequentes, mundum relinquere, & paupertatem servare promissimus. Divina autem vox ad ista consequenter respondit: amen dico vobis, omnis qui reliquerit Patrem aut Matrem, aut agros propter nomen meum contuplum accipiet, & vitam æternam possidebit. Ecce audivimus, quod perfectis Monachis & Eremitis non qualiacunque munera promittuntur, sed Coele-



stes divitiarum, & vita æterna pollicentur. Nimirum decebat, ut hæc mutatio dexteræ excelsi fieret, quatenus qui pro Christo effecti sunt pauperes, jam cum ipso divites facti, in vita æterna regnent Cœlestis Curia: Senatores. Qui verò ad terrena, quæ reliquit revertitur, sicut alienus à sæculo, ita alienus erit à Cœlesti Regno: fatuus nimirum Viator, nec illuc reverti potest, undè recessit, & quod ire disposuit, non pertingit.

Enim verò per sacram Professionem toti Mundo renunciamus, proprietatem nostram Deum esse constituimus, & nos illius proprietatis effecti sumus, ut & ille sit portio nostra, & nos hæreditas sua; dicimus enim in scriptura, *Portio mea Domine, & ille nobis: opus manuum mearum tu es, hæreditas mea.* Nam de hæreditate terrena scriptum est: hæreditas adquam in principio festinatur, in fine benedictione carebit.

Si ergo portio nostra ipse omnipotens Deus esse dignatur, quod ergo divitiarum genus tali thesauro præponitur? thesaurus namque Deus talis est, ut si solus sit, omnes in eo divitiæ valeant possideri. In pectore itaque Domini nostri JESU Christi omnes thesauri sunt absconditi. Si verò Monachus cum Christo pecuniam servare voluerit, statim Deus indigni consortii impatiens, dum retineri putatur, amittitur, atque hoc modo frustrati recedit de manibus possessoris. *Nemo enim potest Deo servire & mammonæ.* Quapropter O Monache proprietarie, si vis in arca cordis recondere Christum, excute prius denarium; neque enim in uno receptaculo convenienter sociantur Christus & denarius. Nam si utrumque simul incluseris, alterum sine altero, vacuus possessor invenies. Quantò quippè in pecunia ditior fueris, tantò graviora tormenta in Inferno sustinebis. Quia

Mona-

Monachus habens obulum, non valet obulum. Ergo obulus si tibi sit, in aliena protinus jura cedat, ut vacuum tui pectoris arcam Christus inveniat. Magnus quippe hospes Christus Deus quærit in tui cordis arcam descendere, atque ibi solus vult sine accola habitare. Quem enim Cœli & terra non possunt capere, quo pacto in exiguo cordis angulo vis illum cum pecunia habitare. Cedat ergo, & recedat pecunia terrestris, ubi admittitur thesaurus Cœlestis. Quæ enim societas lucis ad tenebras, aut quæ conventio Christi ad mamonam iniquitatis? Abjiciatur ergo pecunia ærugini, tineæ & furtis obnoxia: vacet arca cordis tui, quæ Cœlesti thesauro possit impleri. Ubi enim thesaurus tuus, ibi & cor tuum. Quia multò salubrius erat habitare in sæculo pecuniam possidere, quàm abiectum cum peccato in Monasterio conquerere. Pudeat ergo te O Monache Miles Christi, peritura pecunia in Claustro ditescere, ne cogaris in inferno nudus & inops perpetuo igne ardere, & qui pauper noluisti in Monasterio cum Christo vivere, dives absque Christo, sed servus pecuniæ cogaris cum diabolo perpetuò interire. Audisti ergo numicola Monache, quid tibi avaritia paret, audisti ad quem finem te avaritia perducat. Justum quippe est, ut cujus mens nunc ardet per avaritiam, postea corpus ipsius & anima comburatur in æternum. Igitur quis quis desiderat futuræ paupertati occurrere, veras divitias debet appetere. Illum pretiosum thesaurum Jesum Christum Dominum nostrum studeat toto corde quærere, qui & vita est hominum, & perennitas Angelorum; hunc inquam in arca cordis tui reconde, in illum omnem tuæ necessitatis sollicitudinem projice, in ipso per assiduæ orationis colloquium delectare, in ipso te jugibus lachrymarum epulis refice. Ipse tibi cibus, ipse tuum erit indumentum.

Si



Si autem contigerit, ut alicujus commodi exterioris indigeas, nihil hæsites, nihil de ejus firma promissione diffidas, quâ pollicetur, dicens: *primum querite regnum DEI, & omnia adjicientur vobis.* Qui enim sitienti populo ex arida petra uberes aquarum rivos jussit effluere, & qui esurientibus Cœleste Manna per annosa temporum spatia potuit ministrare, putas uni Monacho suis obsequiis jugiter insistenti non poterit necessaria vitæ providere? & qui per quadraginta annorum curricula infinitæ illius turbæ vestimenta servavit illæsa, difficile sibi forsitan erit attritis veteribus nova tibi præparare?

Nos certè modicæ fidei, compellamus DEUM esse tenacem, quia pusillanimatorum diffidentia facit pauperem Christum. Sed plena fides divitem illum & largum in exhibendis muneribus experitur. Satage tantummodò Monache in iis te exercere quæ jussit: & nulla prorsus ex illis maneat dubietas, quæ promisit. Sit securus exactor, ubi ad solvendum promptus est debitor. Sine causa diffiditur, ubi ille promissor est qui nunquam mentitur. Cæterum in illa veræ Beatitudinis vita, quanta tibi dabuntur, & quàm pretiosa, non est, fateor, mearum virium disputare, nec est meæ facultatis enumerare. Hoc tantum ad compendium inexplicabile meritorum referre sufficiat, quia hoc accepturi sunt boni Monachi, qui Mundum reliquerunt, & proprium in Claustro non habuerunt, quod oculus non vidit, nec auris audivit, nec in cor hominis ascendit, quod præparavit Monachis diligentibus se.



CAPUT

## CAPUT XIII.

### *Prælatorum, Priorum, ita & Superiorum reprehensa negligentia & Luxus.*

**Q**uid ad hæc mali Prælati, negligentes Priores, & inobservantes Superiores dicturi sunt, qui ad mundana negotia, dispersi, aliud ex honore Prælationis suscipiunt, atque aliud in opere faciunt? Ecce subditi eorum DEUM offendunt, & tacent; in malis actibus jacent, & correctionis manum non extendunt. Quotidiè per multas iniquitates pereunt, & eos ad infernum tendere negligenter aspiciunt. Sed quomodò quæso mali Prælati, Priores, ita & Superiores corrigere possunt subditorum vitam, qui negligunt & suam? quia pompis sæcularibus, & deliciis carnalibus intenti, tantò gravius damnabuntur in inferno, quantò delectabilius vivunt in hoc Mundo. Debent enim Prælati delinquentium subditorum vitia non dissimulare, sed increpare, non sustinere, sed corrigere: ut quos divinus timor non revocat à malo, temporalis saltem pœna cohibeat à peccato. Quia sicut benedictione digni sunt, qui culpas subditorum corrigunt, ita absque dubio maledictioni obnoxii, qui peccatoribus blandiuntur. Nam & facti siquidem culpam habet, qui, quod potest, negligit emendare. Et dùm increpare delinquentes noluerit, eos proculdubio Prælatus tacendo occidit.

Hinc est quòd ipse Dominus, cum omnis Israëlitica plebs non dispari crimine teneretur obnoxia, de populo quidem tacuit; sed adversus solos Prælatos in furorem se dignæ animadversionis erexit, iratus enim ait: *tolle cunctos*  
Prin-



*Principes populi, & suspende eos contra solem in patibulis, ut avertatur furor meus à vobis.* Sed quid in his omnibus datur intelligi, nisi quod Prælatus, & quiscunque superior subditorum peccata corrigit, & ulciscitur, pacem DEI, & gratiam non modò sibi, sed etiam subditis absque dubiò promeretur. Unde divina vox : *Phinees, inquit, avertit iram meam à filiis Israël, quia zelo meo commotus est contra eos, ut non delem eos.* Et subdit : *ecce, inquit, do ei pacem fiederis mei, & erit tam ipsi, quam semini ejus pactum sacerdotij sempiternum ; quia zelatus est Israël pro DEO suo.* Quid dicam de Rege Achab, qui dum iniquo Regi Assyriorum Benadad inordinata pietate pepercit, divinam adversùs se sententiam provocavit ? Unde sermo divinus ad Achab ait : *Quia dimissisti virum dignum morte de manu tua, erit animatus pro anima ejus, & populus tuus, pro populo ejus.* Meritò enim debet Prælatus superni Judicis subire vindictam, qui negligit in subdito exercere disciplinam. Unde & Dominus per Prophetam sanguinem subditorum in peccato morientium de manu Prælatorum minatur esse requirendum.

Sed cur moderni Prælati, Priores atque superiores subditorum peccata sòvent, & non reprehendunt ? niti fortè, si ausim (pace vestra) dicere ; nemo fidenter in alio reprehendit, in quo se esse reprehensibilem cognoscit ? siquidem humanitas est omnium, in quo sibi quisquè indulget, aliis non vehementer irasci. Nam vita Prælatorum subditis debet esse in exemplum, Sed quomodò Deus bone jam lux mundi obscurata est ! quorum nobis vita, via vitæ esse debuit, dùm malum exemplum in suis actibus ostendunt superbi, cæci facti sunt duces cæcorum. Quale enim hoc exemplar est humilitatis, in tantis delicijs vivere, & cum tanta pompa incedere, ut non dicas, si videas nonnullos

hujus

hujus temporis praelatos incedentes, Patres Monasteriorum, sed Dominos Castellorum, non rectores Animarum, sed Principes Provinciarum.

Unde hanc illis exuberare æstimamus rerum affluentiam, decorem vestium, mensarum splendorem, congeriem vasorum argenteorum, nisi de bonis Crucifixi? quod enim sine miserabili gemitu non est dicendum; Christi JESU opprobria, sputa, flagella, clavos, lanceam, crucem & mortem; hæc omnia in fornace avaritiæ conflant, & profundunt in acquisitionem turpis lucri, ac pretium universitatis suis marsupiis includere festinant, hoc solo à Juda Ischarioth differentes, quod ille horum omnium emolumentum denariorum numero compensavit, isti voraciori ingluvie infinitas exigunt pecunias, his instabili desiderio inhiant, pro his ne amittant solliciti timent, & cum amittunt desperatè dolent, harum in amore quiescunt, animarum verò sibi commissarum, nec casum, nec profectum omninò curant. Sed cum sint de Crucifixi patrimonio, nimium incrassati, impinguati, dilatati, non compatiuntur super contritionem Joseph. Gloriantur itaque quidam moderni Prælati, quod sint Ministri Christi, & serviunt Antichristo. Honorati incedunt de bonis Domini, qui honorem Domino non deferunt.

Indè is, quem hodie videmus in aulis eorum histronicus habitus, & Regius apparatus: indè aurum in annulis, & sericum in lectis. Quæ dementia hæc, egregius quærit Prælatus, Petrus Damianus: *dum lectus tam operosis decessatur impendijs, ut ornamentum sacro sancti cujuslibet, vel etiam ipsius Apostolici præcellat Altaris? & quam videtur absurdum (ait ulterius) ut stratus ille diligentius excolatur, ubi corruptibilis caro soporis quiete resolvitur, quàm ara Crucis, in qua videlicet bo-*



*stia Dominici corporis immolatur.* Indè mensæ splendidæ in delicatis cibis & plenis scyphis; Indè commestationes & ebriitates, indè Cythara, & tibia omnisque generis profana Musica, indè redundantia torcularia, & promptuaria plena eructantia ex hoc in illud: indè dolia pigmentata, indè referta marsupia. Complures propter ista, non propter Christum volunt esse Prælati, Abbates, Priores, Præpositi & Decani.

Sed væ Ecclesiæ sanctæ DEI à fermento scribarum & pharisæorum, id est malorum Prælatorum, serpit hodie putida tabes per omne corpus Ecclesiæ, & quò lautius eò desperatiùs, eoque periculosius, quò interiùs. Nam si contra Ecclesiam insurgeret manifestus Hæreticus, mitteretur foras & arefceret; si violentus Paganus, absconderet se forsitan ab eo. Nunc verò quem ejiciet, aut à quo se abscondet? omnes Prælati sunt, quasi amici, & omnes ferè sunt Ecclesiæ inimici, *quia omnes, quæ sua sunt querunt, & non quæ JESU Christi.* Idèd lugens & dolens clamat sancta Mater Ecclesia: *Et ecce in pace amaritudo mea amarissima.* Amara prius à Paganis in nece Martyrum, amarior postea in conflictu hæreticorum, sed hodie amarissima in malis moribus Prælatorum. Sed cur dicit in pace? quia hodie est pax, & non est pax. Est pax à Paganis, pax ab hæreticis; sed non est pax à malis Prælatiis. Unde vox plangentis Ecclesiæ: *filios emutravi, & exaltavi, ipsi autem spreverunt me.* Spreverunt, & maculaverunt à turpi vitio, à turpi quæstu, & à turpi commercio. Superba enim nonnullorum Prælatorum mens improvida periculi semper majorum Dignitatum appetit ascensum, nec nisi post factum terretur ex descensu, atque ruina; quia quantò altiùs spe vanitatis ad gloriæ ascendunt triumphum, tantò graviùs, & profundius descendunt in Infernum. Domi-

Dominus enim posuit Prælatos Ecclesiæ suæ custodes, & ovium suarum pastores, & vult ab eis de singulis ovibus reddi rationem. Qui si unam perdiderint, statim eos Diabolo venundatos in carcerem detrudi jubebit Inferorum. Ideo, cum beato Petro oves suas Christus committeret, quàm attentè ter ipsum admonuit, dicens: *Petre amas me, pascere oves meas*; quasi diceret: nisi ames me plusquàm tua, plusquàm tuos, plusquàm te, nequaquàm suscipias curam hanc, nec te intromittas curam gerere de ovibus meis, pro quibus utique sanguis meus effusus est. Terribilis sermo, qui posset etiam superbiorum quorumvis convertere corda. Propterea attendite vobis Prælati, quicumquè pascendas oves Christi suscepistis: pascite eas necesse est, in pascuis scripturarum, & in lege mandatorum Dei. Sed sunt mandata, quæ duris, atque carnalibus animis imponuntur ex lege vitæ & disciplinæ. Et sunt olera dispensationum, quæ infirmis, & pusillis corde ex respectu Misericordiæ apponuntur. Et sunt consiliorum solida & fortia, quæ proponuntur sanis, & qui exercitatos habent sensus ad discretionem boni vel mali. Parvulis namque tanquàm agniculis adhortationis potus datur non esca.

Ad hæc boni sollicitique pastores impinguare pecus non cessant, bonisque exemplis, suis magis, quàm alienis reficere student. Nam si alienis exemplis, & non suis, ignominia est eis, & pecus non proficit. Si enim Prælatus apponit, id est subditis, Moylis mansuetudinem, Jobi patientiam, Samuelis misericordiam, & Jeremiæ sanctitatem: ipse impatiens, immitis, & minimè sanctus; sermo ejus minùs sapiet, & subditi non capient verbum. Quod si Prælatus ignarus, & idiota fuerit, quomodo quæso in pascua divinatorum eloquiorum greges dominicos educabit? Sedet si do-



ctus quidem fuerit, non sit autem bonæ vitæ, verendum est, ne mala vita plus noceat, & oves Christi destruat, potiora enim sunt exempla, quam verba. Studete ergo O Prælati, Priores, sic & Superiores, quatenus subditos vestros, quos officio Prælationis superatis, etiam vita bona præcedatis. Bona quippè doctrina est, subditis necessaria alimenta providere, providentem verò in rigore jejunii persistere. Optimè ille Prælatus vigilare docet, qui primus surgens pulsando alios excitat. Eloquentissimè, dum Prælatus orat & tacet, silentium cum oratione fratribus commendat. Fructuosè Prælatus de extremitate vestium disputat, quippe vili indumento de format, utiliterquè Prælatus observantiam regulæ commendat, quando ipse primus totam regulam observat.

Postremò (*ad solatium subditorum loquor*) si aliorum Ordinum Prælati erga subditos suos hilares, ac benevolos se demonstrare convenit, crebrò eos ad serviendum DEO, cum promptitudine ac lætitia animando; nostræ Congregationis superioribus id absolutè est necessarium: quatenus vitam subditorum suorum, quam inter nemora, & solitudines cum rudibus & paucissimis cibis, vigilijs, ac molestis exercitijs ducunt, magis anxiam, asperam & melancholicam (qualis in seipsa est) nimia sua serietate non reddant. Memores sint, velim: quod Religiosorum superiores Patres esse debeant, non domini, juxta auream Divi Bernardi sermone 23. in Cant. Canticor. doctrinam: Erudimini, qui judicatis terram; discite subditorum Matres vos esse debere, non Dominos. Studete magis amari, quàm metui, etsi interdum severitate opus sit, paternæ sit, non tyrannica. Matres fovendo, Pa-

tres

tres vos corripiendo exhibeatis ; mansuescite , ponite feritatem suspendite verbera , producite ubera ; pectora lacte pinguescant , non typo turgeant. Id est præ dominio & autoritate non intumescant. Ante omnia veri Pastoris ( monente sancta Regula ) officium expleant , & ita se secundum uniuscuiusque qualitatem conforment , & aptent , ut non solum detrimenta gregis sibi commissi non patiantur , verum & in augmentatione boni gregis gaudeant. Advertant bene omnes superiores , ut in recipiendis subditis , pia eis blandimenta , & exvisceratos amplexus monstrent ; quatenus confidentius in suis tentationibus , ac debilitatibus ad eos recurrere valeant. Væ ipsis , si eos exasperatos abire sinunt , & paterna viscera non ostendunt ; nam si idem subditus morietur , vel in via perfectionis retardabitur , aut peior fiet ( uti contingere solet ) DEUS rigorosissimam rationem à superiore expetet ; attestante sancto Propheta Ezechiele 3. 18. *Ipsè impius in impietate sua morietur , sanguinem autem ejus de manu tua requiram.* Ex his clarè desumitur religiosè lector , quanta sit superiorum obligatio ; & quàm gravis incumbat eis bene agendi ratio ; dicit enim scriptura Sap. 6. *Quoniam iudicium durissimum fiet in eos qui præsumunt.* Quotiescunque igitur & ipsè in memoriam mihi revoco injunctam ratione superioratus mei non tam onerosam , quàm periculosissimam , ipsisque Angelicis humeris formidandam animarum curam , toties in sinceritate cordis lachrymabiliter ingemiscere cogor ; novi enim , & indubiò assentior Divi Legislatoris nostri comminationi Cap. 2. expressati : *Qui suscipit , inquit , animas regendas , præparet se ad rationem reddendam , & quantum sub cura Fratrum se habere sciverit numerum , agnoscat procerto ;*  
quia



quia in die iudicii ipsarum omnium animarum est redditurus Domino rationem. Et iterum : Sciat Abbas, culpæ Pastoris incumbere, quidquid in oculis Paterfamilias utilitatis minus poterit invenire. Onus certè & grave, & periculosum pro ammabus multorum rationem reddere, cum vix unusquisque pro semetipso valeat respondere. Ob eam rationem salubriter unum quemque nostrum admonet Divus Laurentius Justinianus Cap. 1. Nemo, precor, primatum ambiat, nullus alijs præesse desideret : cæteris quippe negotijs magis periculosum est regimen animarum, atque ad illud, prout oportet, ministrandum, difficile quisque reperitur idoneus. Cui plus datum est, plus requiretur ab eo. Hæc & alia serio expendens. Abbas Clarevallenſis ad Eugenium Epist. 137. audenter scripsit : Considero inquit gradum, & casum vereor ; confidero fastigium dignitatis, & intueor faciem ruentis deorsum, attendo celsitudinem honoris, & è vicino periculum reformido damnationis. Sed ô Cœcitatem filiorum Adæ! non solum non ambimus hodie Superioratum onera, verum etiam ad quas vis Prælaturæ curas cum maximis non tædet nos currere curis.

E converso antiquitus complures æterna salutis pericula, quæ Prælaturas non rarò comitari solent, intenta mente considerantes, omnem prælationis honorem cane pejus & angue fugerunt, & ad Dignitates violenter evecti, suam in iis miseriam, & infelicitatem amarè deplorarunt. Nos verò non solum non ploramus, sed exultamus potius ad currendam arduam dignitatis viam, & imparia viribus nostris affectantes, tantum abest nos duplici honore dignos esse, ut potius duplici contritione conteramur, & cum Phaëtonte, qui Paterni currus regimen affectans, pœnam sibi pro munera poposcit, in abyssum Inferi præcipites ruamus. Ac proinde Abbatialem quidam diu animo versans Dignitatem

tatem exclamârat olim: *O splendida servitus! ô onerosus honor!  
ô tribulationum, radix! ô animorum corporumque perditio infelix  
dignitas! quô infortunio ad tuas unquam deveni manus! pereat  
dies illa, in qua dictum est mihi, Prælatus creatus es, lugenda dies,  
Et nigrô signanda lapillô, tanquàm origo omnium miseriarum.* Sed  
quantumvis gravia, & importabilia sint onera Prælatorum,  
incomparabiliter tamen amplius subditorum male morige-  
ratorum ingratitude eorundem exasperat animas, nam vice  
gratitudinis non raro murmura, oblocutiones, convitia,  
calumnias, detractiones, ut cætera taceam, sustinere debent:  
quibus, ait Hieronymus Hirnhaim, *scicut centrum expositi  
sunt ad sagittam.* Duriores sanè bolos interdum concoquere  
debent, quàm sint pabula struthionum. In quorum tale  
quale solamen elegiacum cujusdam Abbatis rythmum hic  
attexere libet.

*O Prælati onus grave!  
Quis quis ambis tibi cave  
Ne te pondus opprimat.*

*Cum vel ipsos id Gigantes  
Fortiores quam Atblantes  
Mole sua perimat.*

*Audi semel de tortura  
Quam occultat Prælatura  
Hæc pauca, quæ defleo.  
Nam de damnis animorum  
Quæ vix ullus Prælatorum  
Plenè vitat, fileo.*

*Est*



*Est Prælatas , non Prælatas  
Sed ( sic dicam ) est postlatus  
Imò est mancipium.*

*Quem nò DEUM pure quærit  
Nihil juvat , imò lædit  
Impensum obsequium.*

*Dicat , agat quanta potest  
Et impendat quid quid prodest  
Ut absit obloquium ;  
Vel in uno si defecit ,  
Nil valebunt , quæque fecit ,  
Reus erit omnium.*

*Durus audit si insistit ;  
Nimis lenis , si remittit ;  
O genus supplicij !  
Dormit ? reus est neglectus ,  
Est ne vigil ? est suspectus  
Sinistri iudicij.*

*Indiscretus proclamatur ,  
Si quoscunque metiatur ,  
Uno semper pondere.  
Partialis , si soletur  
Quemque magis , ut videtur  
Charitas exposcere.*

*Si condonat , timorofus  
Erit autem rigorofus ;  
Si mendofa corrigit.  
Eft avarus , fi frugalis ;  
Sin è contra liberalis ;  
Clauftri bona prodigit.*

*Levem dicunt gratiofum ,  
Defpectorem & morofum ,  
Si fe gravem præbeat.  
Legum tenax accusatur  
Quod honores aucupatur  
Præful effe ftudeat.*

*Eft feverus ? condemnatur ;  
Eft fuavis ? adulatur ,  
Venditque blanditias.  
Quid quid bibit , quid quid edit  
Raras turba fratrum credit  
Has effe delicias.*

*Si nitatur mente recta ,  
Promovere , quæ perfecta ,  
Imperfecti iminent ;  
Si ut illis obfequatur ,  
Viâ laxâ gradiatur ,  
Perfecti non fufinent.*



*Quis tam prudens hæc vitavit,  
Cum nec Christum liberavit  
Sua Sapientia.*

*Quando namque nil haberent  
Jus, & æquum, quod morderent  
Habebit Invidia.*

*Si amicis se privabit  
Væ! abundat? conjurabit!  
Quid misellus faciat?  
Ab quis onus hoc tremendum,  
Velis, remis fugiendum,  
Nisi stultus ambiat.*

Alius quoque Abbatialibus pressus curis, hisce  
per intervalla relevabat animum.

*L*uget, plorat, lamentatur  
*Sancta nunc Ecclesia  
Cum suorum tanta datur  
Abbatum miseria.*

*Nullus pene Abbas modò  
Volet esse Monachus,  
Qui eorum contemplatur  
Diversa pericula.*

*Spiri*

*Spiritualiter Abbatem*

*Volunt fratres vivere,  
Et per causas seculares  
Cogunt illum pergere,  
Per tam multa, per diversa  
Quis valet in cedere?*

*Delinquentes dum emendat,  
Omnes clamant impium;  
Si quandoque illis parcit,  
Dicunt esse tepidum.  
Quis portare, rogo, valet  
Vulgus tam ambiguum.*

*Et si velit de maligno  
Quidquid loqui vitio  
Monachorum intestina  
Oritur seditio,  
Et occultè statim ejus  
Tractatur perditio.*

*Si quandoque vel jejuna  
Vel tenet Silentium:  
Vanæ laudi mox Abbatem  
Dicunt esse deditum.*

*Si sermonem facit Abbas  
Denotatur garrulus;  
Et si tacens nîl loquatur  
Simulatur fatuus,*



Huc se vertat illuc pergat  
 Semper erit anxius.  
 Intus foris, si contingat  
 Quaelibet adversitas  
 Hoc in curiæ Abbatis  
 Fratres omnes deputant:  
 Illum rodunt, & perrodunt  
 Et appellant inscium.  
 Domus sancta si non crescat  
 In Abbatem invehunt:  
 Si decre scat mox Abbatem  
 Velut hostem impedunt;  
 Ut incudem, sic Abbatem  
 Simul omnes feriunt.  
 Quanta mala DEUS bone  
 Intus Abbas tolerat!  
 Exterorum namque foris  
 Simul portat onera,  
 Anxiatur & tristatur  
 Quod sic premant omnia.  
 Noctem namque curis pressus  
 Verbosus dimidiat,  
 Et auroram ut loquatur  
 Sæpius anticipat,  
 Totum diem in loquendo  
 Postmodum continuat.

Hæc

*Hæc & alia Prælati*

*Sustinet quamplurima;  
Sæculares foris pungunt,  
Intus Fratres vulnerant;  
Illi corpus persequuntur  
Hi corrodunt viscera.*

*Dic Prælate, rogo, chare  
Quæ est ista dignitas?  
Intus dolor, foris labor;  
Hinc inde calamitas:  
Corpus, fateor, his malis  
Perditur & anima.*

*Quis Abbatum; rogo, valet  
Ferreo nunc tempore,  
Inter tot calamitates  
Virgas ferre fertiles?  
Prælatorum certe modò  
Sunt honores steriles.*

*Quibus precor, ô Abbates  
Venerandi cedite;  
Grave pondus, & inane  
Ultrò jam abjicite  
Sicque vobis, in quiete  
Ac securi, vivite.*

CAPUT



# CAPUT XIV.

## *Institutio Eremitarum, præsertim tyronum.*

**C**ONvocatis itaque S. Pater Romualdus omnibus, & singulis Eremitis, docebat eos, ut per totum anni circum tribus diebus in septimana solo pane & aqua jejunarent, psalterium cum canticis quotidie dicerent, silentium inviolabiliter servarent, disciplinas flagellorum in cella facerent, metamas ac genuflexiones frequentantes sæpè cum lachrymis orarent, & vilissimo panno induti, mundi vanitatem fugerent. Ipse verò sanctus Pater, ut suo exemplo Eremitas ad poenitentiam provocaret, semper nudis pedibus in cella reclusus, asperrimo cilicio erat indutus, & excepto die dominico in pane & aqua quotidie jejunabat. Sic alternatim sibi dies penuriosæ refectionis, & dies acerbæ mortificationis invicem succedebant, & jejunium perfectæ abstinentiæ post Vesperas solvebatur modico panis & aquæ, frangebaturque disciplinæ flagellis corporis sui alabastrum, ut tota Eremitus Camalduli repletur fragrantia unguentorum, ubi quàm gloriosè conversatus sit, tunc demùm admirabitur, si doctrina ejus, qua eremitas docuit, referatur.

Tribus itaque in hebdomade diebus, singuli Eremitæ conveniebant ante Viri Dei cellam, quos Pater sanctus docebat per fenestram, dicens: quis quis ex vobis Patres & Fratres in Domino JESU charissimi, cellulam cum Diabolo dimicaturus ingreditur, & in campum spiritualis prælij ferventi animo incitatur, ad hoc totam suæ intentionis mentem dirigat, ut delectationes carnis nec ad momentum quidem

dem admittat, sed sibi et simul & mundo mortuus vivat: ad tolerandas insuper calamitates & miseras animum præparet, morique pro Christo disponat; ac sibi et ipsi aspera & dura proponat, ut cum evenerint, non pavidus concidat; sed omnia æquanimiter ferat. Nec prorsus dubitet, quia si primæ tentationis pugnam vicerit, paulo post roboratus, terga vertentibus adversariis prævalebit. Idcirco insidiator Diabolus, totum fel suæ Nequitie circa novum Eremitam effundit; quia non ignorat, quoniam si novum eremitam superare non possit, ruinæ postmodum ipse subiacet, & qui rudi adhuc & inermi (ut ita dicam) eremitæ non prævalet, exercitato postea succumbet.

Tria autem Vitæ eremiticæ sunt valde necessaria, videlicet: *quies, silentium, atque jejunium*. Unde non frustra antiqui Patres nostri antecessores, dixerunt Sede in cella, linguam tuam retine, ventrem tuum reprime, & salvus eris. Venter siquidem reprimendus est, ne dum ipse immoderate repletur cibis, cætera quoque membra inficiat vitiis. Lingua etiam jure restringitur, quia dum indisciplinatè laxatur, anima quoque divinæ gratiæ vigore evacuat. Idcirco quicumque in Vita eremitica manus ad confligendum cum diabolo præparas, mentem tuam ab omni sollicitudine terrena custodias, memorans illud Apostolicum: *omnem sollicitudinem projicientes in eum, quoniam ipsi cura est de vobis*; Unum quippe è duobus verus eremita tenens: ut videlicet, *ingredientibus tentationibus semper obsistas, aut jam ingressas eliminare studeas*. Sed facilius est hostiles impetus in vestibulo frangere, quam jam admissos extra mœnia propulsare. Ergo sollicitus esto semper, ut tentationis principio velut armatus occurras, & parvulos cogitationum motus, ad petram, qui Christus est, allidas. Vestibus vi-

libus,



libus, & paucis semper esto contentus. Quod certè in principio non sine labore fit, sed procedente consuetudine, dum quasi in naturam vertitur mortificatio abjectæ vestis, facile toleratur. Porro extremitas vestium, ciborumque frugalitas omnem avaritiam de corde eremitæ expellit; quia taliter concupiscere terrena opus non erit, quod nec alimentis, nec indumentis, accrescit. Igitur exiguitatem vestium, lecti duritiam, ciborum asperitatem, aquæ potum, panem durum, grave cilicium, plagas flagellorum incipientes non sine quadam formidine perhorrescimus, perseverantes autem, & longanimiter instantes facilia prorsus & tolerabilia admiramur. Asperitatem quippè frequentia mitigat, & rigorem consuetudo commendat. Quapropter obsecro vos filii mei dulcissimi, si quando è sæculari habitu aliquis converti voluerit ad eremum, nolite ei statim iuxta eremi normam ardua quæque, dura, vel aspera cum ter-  
triculamentis proponere; quia adhuc fragilis mens à rigore eremiticæ vitæ facilius frangitur, etiamsi levis adversitatis aut injuriæ occasio præbeatur, & sic quem in afflictione jejunii, in censura silentii, in abjectæ vestis asperitate quotidiana sarcina gravat, facile deliberat, ut tam grave onus deponat. Sed si devotio vera cujuscumque apparuerit, in eremo, quàm flagitat, conversationi, ei aditus statim pateat. Tanta quippè sæce (ut lugens loquar) pleraque involuta sunt Monasteria, ut vitiosiores reperiantur ingressi in ea, quam fuerint in sæculo. Ingressus autem novus eremicola in cellulam, non statim omnem consuetudinis regulam permittatur implere, sed diu quærat, quod difficulter inventum, clarius teneat.

Si autem de regula Monasteriali, ad eremum aliquis properat, superstitionas quasdam monasticæ conversationis censu-

cenſuras, ſupervacuos tintinnabulorum clangores, cantilenarum multiplices harmonias, & cætera inutilia exercitia, quadam ſobrietate coram eo reprehendentes dijudicate, & competenti correptione, vel ſi id minùs expediret deprecatione extenuate, inferentes illud Apoſtoli: *quia corporalis exercitatio ad modicum utilis eſt, pietas autem ad omnia valet.* His igitur, & huiusmodi documentis abuſiva Monafterialis ordinis modeſtè ſupprimite, ut dùm in audientis mente fabrica conſuetæ vitæ deſtruitur, ædificium eremiticæ perfectionis in eo conſtruatur, & ad ſtandum in eremo ſe conſtanter accingat, qui ſe haſtenùs in Monafterio jacuiſſe aggravabat.

Sed in his omnibus filii dilectiſſimi unus quiſque veſtrum, ſivè ſuſceptioniſſratrum, ſivè exteriori operi cuiſpiam ſit deditus, ſivè ſcripturarum meditationi ſit intentus, frequenter ad orationem recurrat, & in terra proſtrato corpore, mentem ad Cælum erigat: quò ſit, ut & contentatio deſerat, & ab oculis acedia importuna diſcedat. Sæpè manus in oratione in modum crucis extendat, ut dùm ſanctæ Crucis imaginem conatur exprimere, apud Dominum Crucifixum veniam faciliùs poſſet impetrare. Super omnia tamen, ut vitam eremiticam, quàm ſemel incœpit, perſe-  
 ranter & conſtanter tenere velit, admitatur: quia veritas ipſa dixit, *qui perſeveraverit uſque in finem hic ſalvus erit.*

His & ſimilibus verbis S. Pater Romualdus, quia juxta Dominicam vocem, lux huius Mundi erat, lumen cordibus infundebat, & ignem verbi Dei eremitarum mentibus ingerebat. Quod proſecto Myſterium Moyſes designat, cum dicit: *tollit Sacerdos pugillum ſimilæ, & totum thus, quod ſuper ſimilam poſitum eſt, adolebitque illud in altari in odorem ſuaviſſimum Domino.* Quid enim per ſimilam, niſi vita ſancta ere-



mitica designatur? quia sicut simila inter molam utramque conteritur, ut à farinæ furfuris corruptela separetur, ita velut inter duas legis antiquæ, & Evangelicæ molas sancta Vita eremitica stringitur, ut carnalis vitæ superficies, à medulla Spiritûs discernatur. Thure autem, quod super similiam positum dicitur, ejusdem sanctæ Vitæ eremiticæ oratio devota designatur; sicut in Apocalypsi Joannes ostendit, dum dicit: *quia phialæ plenæ odoramentorum, sunt orationes sanctorum.* Hanc itaque similiam DEO sanctus Pater Romualdus in odorem suavissimum adolevit, cum multos de Monastico ordine, & de sæculo ad sanctam vitam eremicam attraxit, quia fructus animarum in conspectu DEI fragrantius redollet; quàm ulla suavitas sacrificiorum.

Hoc sacrificium devotæ orationis cum sancto Romualdo, & nos pro modulo nostro studeamus offerre, quatenus cum hostia devotæ orationis cum lachrymis in ara peccatoris nostri adoletur, ab illo sacrificium nostrum mereatur in odorem suavitatis accipi, qui in ara Crucis, pro salute nostra dignatus est immolari: quod Propheta cuilibet eremitæ præcipit, dicens: *Et holocaustum tuum pingue fiat.* Plane non pingue, sed macrum DEO holocaustum immolat, qui sinè lachrymis verbotenùs Deum orat. Nullius enim meriti est, ore divina officia verbofitare, & distracta mente per phantasias, quæ extrinsecus imminent vagando circuire. Ideò stude o eremita serve DEI, omni conatùs instantiâ pigritiam devitare, enitere ut lachrymarum gratiam, & contemplationis perfectionem possis attingere, qui enim non tam arido corde mœrere, quàm & lachrymarum abundantia quæris affluere, non modo te à strepitu negotiorum sæcularium remove, sed etiam à multiloquio teipsum compesce. Omnes à te mundanæ actionis curas & sollicitudines amputa, & eas tan-

Si igitur ad lachrymarum gratiam vis pervenire, non solum terrena negotia de corde tuo amputa, sed omnem etiam malitiam, iram, odium, impatientiam, & cunctam turbulentiam, de mente tua elimina, ne si te accusatrix conscientia forte remordeat, mens tua ariditate formidinis contabescat, & lachrymarum aqua versa in glaciem non effluat. Sit ergo conscientia tua pura & sincera, ut paratus sis quotidie tensis in Cœlum oculis, lachrymarum fuscipere irrigua. Nam summus arbiter DEUS, licet ad tempus aquam lachrymarum provida dispensatione contineat, si tamen te sollicitum ac vigilem esse conspexerit, in proximo agrum cordis tui profusis lachrymarum imbribus irrigabit, & qui prius sterilis videbaris, jam excuberante copia lachrymarum, magnis virtutum fructibus abundabis.

[illegible]

*Sancti Romualdi humilitas , prædicationes ,  
zelus contra simoniacos , scripta , &  
curationes.*

**Q**uia magna profecto & rara virtus est, ut magnus aliquis, magna virtutum opera faciens, magnum se esse nesciat.



nesciat ; & manifesta omnibus ejus Sanctitas, solum ipsum lateat, & qui coram omnibus admirabilis apparet, contemptibilem se sibi reputet ; hoc ego ipsis miraculis mirabilius judico. Fidelis revera famulus Christi Sanctus Romualdus fuit, qui de multa gloria Domini sui nihil in manibus suis reservavit, sed juxta eulogium Prophetæ, *proiecit avaritiam ex calumnia, & ex cussit manus suas ab omni munere.* Mirentur alii signa ejus, & miracula quæ fecit, mirentur incredibilem ejus abstinenciam, humilitatem, & patientiam, ego nihil ita stupeo, quam gloriam illum & honorem calcare potuisse. Concurrebant Episcopi, Presbyteri, Clericorum & Monachorum turbæ, sed & potentes Viri, Imperatores, Comites, & Barones (grandis tentatio) & hinc inde ex urbibus & oppidis vulgus ignobile, ut benedictionem ab eo acciperent. At ille nihil aliud nisi solitudinem, & reclusionem meditabatur in tantum ; ut antè viginti annos sui obitus, multis Fratribus se moriturum prædiceret, quod eum videlicet, in solitudine vallis de Castro, nullo assistente, obire oporteret.

Mox igitur ad Camerinæ Provinciæ, Comites nuntios misit ; qui audito nomine Sancti Romualdi, nimio repleti gaudio, promittunt non solum sylvarum & montium loca, sed si placeret sibi etiam agrorum & vinearum prædia. Tandem repertus est in eorum possessionibus locus Eremiticæ conversationi satis congruus, montibus & sylvis undique vallatus, in medio verò ampla planities, non solum pro ferendis frugibus apta, sed etiam perspicuis aquarum rivulis irrigua. Hic itaque locus Vallis Castri antiquitus vocabatur, ubi jam parva erat ædificata Ecclesia, ad quam conversarum mulierum dicebatur fuisse Conventus ; his itaque loco cedentibus, constructis cellulis, illic vir Sanctus habitare cepit cum suis Discipulis.

Ibi

Ibi etiam quantum animarum fructum per illum Deus operari dignatus sit, quis enarrare potest, vel atramento conscribere? cæperunt namque homines ad pœnitentiam hinc inde confluere, & sua pauperibus misericorditer erogare, & sæpius sæculum omnino relinquere, & ad sanctæ conversationis habitum festinare.

Erat enim Pater sanctus, quasi unus de Seraphin, quia & ipse flamma divini amoris æstuabat, & alios quocunque pergeret, prædicationis facibus incendebat. Sæpè namque dum prædicationis verba proferret, tanta illum compunctio in lachrymis excitabat, ut subito interruptum sermonem relinquens, submisso capite ubertim fleret. Nam etsi aliquando cum Fratribus per viam in asello æquitabat, longè post Fratres veniens, semperque psallens, ac si in cella resideret, jugiter lachrymas effundebat.

Inter cæteros autem, præcipue sæculares Presbyteros, qui pecunia ordinati fuerant, durissima sæveritate corripiebat, dicens: detestabilem hæresim Simonix, quam communipravitate diaboli, malè asueti Presbyteri committunt, omnes Christiani abhorrent, qui tam detestabile scelus solo auditu sentiunt. Quapropter Piesi pœna & Simonis pravitas vos terreat ô Presbyteri! vox Petri Christi Vicarij ad Simonem nunquam de vestris auribus exeat: *Pecunia tua tecum sit in perditionem, quia existimasti domum DEI pecunia possideri. Domum DEI est Spiritus sanctus.* Communis mercatorum habet usus, ut venditio commutetur in melius. Afferit ergò Presbyter Simoniacus, pecuniam Spiritu sancto esse meliorem, cum ipsam commutat pro eodem. Ideò sacros Ordines, Religionem, aut Beneficia suscipientes, nulla omnino pactio, nulla opinio, nulla pecuniæ spes præcedat, quæ mentis puritatem simoniaca hæresi perturbet, aut præveniat,  
quia



quia beatum sapientia clamat, qui post aurum non abiit, nec sperat in pecunia, quæ justum iudicium subvertit. Mirum quippè de multorum infelici conditione Presbyterorum, qui viles & abjecti in sæculo, & in paternis laribus, ultra vires se affligentes laboribus pro captando victu vilissimo, vix cum fabis & rapis, lentibus ac pultibus, cum nigro pane rugienti satisfaciebant stomacho; cum verò ad Christi mensam accedunt, & sacros Ordines Simoniacè suscipiunt, mox pristinae egestatis obliti lautiora quærunt, plus dediti epulis, quàm milites, & nobiles, qui natura & moribus probantur esse illustres: quibus denuncio, non ego, sed Dominus; quia nisi Ordines malè susceptos sponte deferant, se omnino damnatos & hæreticos esse sciant.

Hanc Beati Viri audientes doctrinam, quasi inauditam & novam, indignati vehementer cæperunt dentibus fremere, & moliti sunt eum occidere. Per totam namque Monarchiam illam, usque ad Sancti Romualdi tempora, vulgata consuetudine vix quisquàm noverat Simoniacam hæresim esse peccatum. Quibus Pater Sanctus ait: *Canonum librum mihi afferte, & utrum vera sint quæ dico, vestris attestantibus paginis, approbate.* Quibus itaque diligenter perscrutatis, & crimen & errata deplangunt, Nonnulli quoque Episcopi per Simoniacam hæresim sacras sedes invadentes, ad beatum Virum causa pœnitentiæ concurrebant, qui etiam eidem se committentes, & Episcopatum tempore statuto deferere, & ad sanctæ conversationis ordinem se promittebant venire, & Christo velle servire.

Vivebat autem Sanctus Pater Romualdus Vergente jam sectectutè nimis districtè, & incredibili mentis fervore, ut eò tempore, quasi novus accederet ad servitium DEI, quo cæteri solent remissius vivere, & ut mireris auditor (referam)

ram) quod imitari non potes ; multo namque tempore sanctus Pater etiam pane abstinuit, nihil aliud neque in cibo, neque in potu sumens, nisi de modica farina, & succo herbarum jusculum faciens, pro cibo & potu vix 6. uncias appendens. Per integrum quoque annum nihil aliud pro cibo habuit, nisi per singulos dies unum pugillum ciceris elixi, sicque accenso mentis desiderio, coepit de virtutibus in virtutes mirabiliter crescere, & reliquos Fratres sanctae conversationis gressibus longius antecire.

Contumeliosam nimis Sancti Senis lubet hic referre persecutionem. Habebat namque Vir sanctus discipulum quendam, ut sanguinis origine caeteris nobiliorem, ita flagitiorum abominatione omnium perversissimum, illustrem genere, actione vero per omnia degenerem, nomine Romanum : quem cum Vir sanctus propter vitae suae immunditiam, non solum verbis argueret, sed saepius etiam gravioribus verberibus coereret ; tantum propterea contra sanctum Magistrum conceperat odium, ut propriae suae aestimationis nomen omnino nihili penderet, dummodo jacturam famae sui sancti Reprehensoris facere quiret. Stygio igitur usus Romanus Magisterio, simulabat se jam correctum emendare velle, uti & certo tempore se ad apparentiam submissè habuit, crebroque ad sanctum Patrem confugit, partim pro spirituali doctrina ; partim in casibus conscientiae ( ut perversè simulabat ) consilia capturus. Qui dum ominaretur frequentiore secum conversationem, aliquem probabilitatis colorem attentandi flagitii movere posse : cum infernali temeritate ac impudentia ore sacrilego Eremita Patribus non erubescit asserere : Romualdum secum in nefandam carnis fragilitatem corruisse. Qui tam nefario artificio horrendam, & sacrilegam imposturam noverat repraesentata-



sentare, ut nonnulli Patrum in sententiam maledicti impostoris abirent. Mox itaque omnes adversus eum commoti ad impropria, injurias, & gravissimas minas injustè procedunt: alii clamant senem impium laqueo debere suspendi, alii dignum judicant, cum ipsa cellula ignibus concremari. Quod utique valdè mirabile fuit, præsertim de tam decrepito sene, ultrà videlicet quàm centenario, tam nefandum scelus credere potuisse: cui etiam si voluntas ad fuisset, natura tamen & frigidus sanguis, acariditas attenuati corporis hoc penitus denegasset. Sed credendum est proculdubio, ad augendum sancti Viri meritum, hoc sibi tam gravis adversitatis accidisse flagellum. Nam & ipse postea asserbat, hoc in eremo, undè nuper abscesserat, veraciter agnovisse, & adhuc dehonestationis improprium spontè subeundum alacriter advenisse. Hunc tandem Virum sanctum Discipuli sui ignominiosè incarceratum recludunt, extremisque mortificationibus afficiunt. Ubi amarissimum hunc calicem patientissimè delibando se suo Domino flagellato, spinisque coronato obtulit; cum lachrymis dicens: Ecce me dolorosissime mi JESU, promptum ad hanc omnemque aliam majorem infamiam! fiat voluntas tua sanctissima de me.

*Unicè me angit nimium illius animæ jactura. Piissime Domine, veniam ei concede, lumen quereatum suum cognoscendi benignè ei elargire.* Sed impostor Romanus suum sacrilegum facinus non recognoscens, imò in deterius jugiter progrediens; Nobilem Episcopatum Nucerinum in Campania ardentè cupiens, copiosa auri quantitate erogata, per Simoniacam viam mitram obtinuit; & per biennium illum occupans, primo residentia ipsius cum libris, vestibus sacris & universa suppel-

pellectili, sic exigentibus suis meritis, incendiô concremata est; in secundo autem dignitatem cum vita, divina illum feriente sententia, miserabiliter amisit.

Cumque Romualdus jam per sex Menses in suo ergastulo, à sacrorum Mysteriorum celebratione suspensus, lateret; quodam die, quô magis coram suo amore Crucifixo de tam anxia mortificatione, quod ab Eucharistico pane abstemius viveret, lamentabatur; ab Amantissimo Domino, qui alio modo, quam amorî amore, respondere nescit, mandatum est; quatenus totius præteritæ adversitatis oblivisceretur, & deinceps sacra Missarum solemnia celebranda reassumeret. Sequenti igitur die Missam cum celebrans solita lachrymarum exuberantia, cum ad secundum Memento pervenisset, in dulcem extasim cum omnium astantium admiratione, & inenarrabili consolatione raptus fuit, ductusque à spiritu (ut ipse postea referebat) ante divinum solium, ubi ineffabili júbilo & lætitia cumulatus in transactæ tribulationis præmium intellectus ejus resplenduit, & illuminatus est ad magis reconditos sacræ scripturæ sensus intelligendos, jussumque ipsi, ut secundum illum intellectum, qui ei tunc communicabatur, totum psalterium, & Prophetarum Cantica exponeret. Cumque Vir sanctus ad se rediisset, divinumque sacrificium Cœlesti teneritudine terminasset: referebat cum lachrymis discipulis suis. *Raptus inquit in Cœlum oblati fui ante Deum, & continuò mihi divina voce præceptum est, ut secundum hunc intellectum, quem mihi Deus dedit, Psalmos secundum ordinem exponerem, & pro modulo mei sensus chartis scribendo commendarem; ego autem nimio terrore constrictus, respondere nihil aliud potui, nisi tantummodò fiat, fiat. Undè postea Vir sanctus totum Psalterium, & nonnulla Prophetarum*



rum cantica luculenter exposuit, multaque spiritu prophetico veraciter prædixit.

Non absimiliter evenit alio quoque tempore cum Sanctissimo Patre nostro Romualdo, cum enim tribus annis in Parentinæ civitatis finibus habitaret; primo anno Monasterium ibidem construxit, & Abbatem in eo cum fratribus ordinavit; duobus vero in Cella sua inclusus mansit. Ibi quoque ad magnæ perfectionis fastigium illum pietas divina provexit, ita ut sancto afflatus Spiritu, & nonnulla ventura perspiceret, & multa veteris ac novi Testamenti occulta mysteria radiis intelligentiæ penetraret. Anxiabatur autem ibi aliquandò in lachrymas erumpere, sed nullo valebat conamine ad contriti cordis compunctionem venire. Factum est ergò quadam die dùm in cella psalleret, ut in hunc psalmi versiculum incideret: *Intellectum tibi dabo, & instruam te; in via hac, qua gradieris, firmabo super te oculos meos.* Repentè tanta sibi lachrymarum effusio orta est, & ita mens ejus ad intelligendas divinæ scripturæ sententias illustrata, ut ex eò die, quamdiù vixit, & quodocumque voluit, uberes sibi lachrymæ facillime fluerent, & plurima illum scripturarum Mysteria non laterent. Frequenter enim tanta illum divinitatis contemplatio repiebat, ut quasi totus in lachrymas resolutus, æstuante inenarrabili Divini amoris ardore clamaret: *Chare JESU, amor suavis, mel in eum dulce, desiderium ineffabile, dulcedo Sanctorum suavis Angelorum,* & cætera hujusmodi: quæ ille sancto Spiritu dictante in jubilum proferebat, nos humano sensu exprimere non valemus. Sicut enim Apostolus dicit: *Nos sicut oportet orare nescimus, sed ipse Spiritus orat pro nobis gemitibus inenarrabilibus.* Et ideo S. Romualdus Missam celebrare coram pluribus nunquàm volebat; quia se à lachrymarum inundan-

tia

tia continere non poterat. Undè etiam postmodum prænimia jam consuetudine Vir simplicis animi putans gratiam sibi divinitus donatam, omnibus esse concessam, dicebat sæpius discipulis suis: *cavete Fratres ne multas lachrymas effundatis, quia & visum minuunt, & verticem ledunt.*

Solemni quadam die, dum sanctus Pater Romualdus cum Fratribus in Capitulo resideret, & eos saltaris doctrinæ dapibus satiaret, repente intermisso sermone vocavit Fratres dicens: *agite, inquit, & quantocius properate, quia Fratris Gregorii cella perfures frangitur*, qui protinus exeuntes ad cellam currunt, & furem jam frangentem Cellæ parietem inveniunt. Quem capientes ad Magistrum pertrahunt, & quid de tam sacrilego raptore faciendum sit, inquirunt. Quibus sanctus Pater Romualdus cæpit hilariter dicere: *in culinam eum deducite, & cibum cum charitate illi apponite, refectumque ad me deducite.* Quem postea coram se constitutum pius Pater duleibus verbis admonitum ad propria impunitum, in pace redire permisit.

Idem mentionatus Gregorius Sancti Patris discipulus elephantinæ morbo percussus, tumefactis cruribus diu virulentam scabiem tolerabat. Huic sanctus Pater præcepit, ut tribus vicibus aqua frigida crura perfunderet, promittens quòd sanitatem pristinam recuperaret. Quod Gregorius perfecit quidem, non tamen fiducia sanitatis recuperandæ, sed magis necessitate obedientiæ. Mirum valdè, & soli divinæ potentiae referendum, confestim tumor deponitur, & penitus omni languore evanescente frater sanus per omnia redditur. Credi hinc veraciter debet, quia eodem spiritu B. Romualdus discipulo ter aquis tumentia crura perfundere iussit, quòd Elisæus Naaman leprosum septies in Jordane lavare præcepit.



Puer item parvulus à pessimo dæmone obsessus , manibus parentum vix adductus, sancto Patri Romualdo oblatus est. Quem postquam Fratres viderunt , territi sunt : erat enim horribilis aspectu, retortis oculis gyrans caput in circuitu. Cui Pater sanctus nihil aliud fecit, nisi acceptam buccellam panis benedixit , ac portiunculam ejusdem panis obfesso puero dedit. Quam mox ut ille puer comedit, confestim à dæmonio liberatus est. *Jure quippè postquam benedictio Romualdi malè possessum corpus intravit , inde confestim malignus spiritus cauteriatus exivit.*

## CAPUT XVI.

### *De glorioso Martyre Bonifacio sancti Patris Romualdi cæteris chariori Discipulo.*

**B**onifacius in nobilissima Germaniæ Regione incunabula sortitus est ex Augusta Ottonum Domo ; ex qua successivè tres Imperatores fuerunt : Otto I. pius, invictus, & optimus Princeps, cujus sanctus Bruno Colonienfis Archiepiscopus germanus Frater fuit. Secundus & Tertius à primo non dissimiles , & omnes Catholicæ Religionis, & Apostolicæ sedis propugnatores, ac defensores acerrimi. Ottoni itaque ultimo in tertio consanguinitatis gradu conjunctus, siquidem amborum avi fuere germani. Licèt igitur Bonifacius noster, ab avis adedò illustribus originem duxerit, interque tam insignis suæ Domus, fastus, delicias, & oblectamenta educatus fuerit; à Deo tamen quavis terrena

renâ sublimitate superiore animo ditatus ; inter luxus ac sensualitates non elanguit ; verum prudentis Principis, & invicti militis honoratis & licitis exercitiis incubuit : cum liberalibus namque artibus, morales virtutes, & gratam in dominando moderationem adeptus est. Pro otio à se propulsando jucundæ musicæ operam dedit, in eaque perfectus evadens Magister, quando serijs, ac bellicis expeditionibus non erat præpeditus, illud tempus, quod ab alijs Magnatibus in Dei offensa, ac propriæ salutis jactura, infructuose, imò damnabiliter teritur, ad animi hilaritatem impendebat. Consuetorum concentuum harmonia occupatus, cum ejus cor ad Angelicorum, & beatissimorum Paradisi concentuum desiderium sublevaretur, ad supernam Patriam anhelare cæpit ; quæ deinceps semper ejus desideriorum unicum objectum fuit. Ob ejus igitur insignes dotes, præclarasque animi virtutes in gradu aded excessivo fuit amatus ab Imperatore Othone III. utidem procul ab ipso vivere nesciret ; nec alio eum nomine, nisi anima mea vocaret. Undè Bonifacius, ut tanto ejus affectui responderet, in omnibus itineribus Comitem se ei præbere, & in omnibus Negotiis, ita & præliis ejus lateri assistere coactus fuit. Et cum se Otto pluries Romam contulisset, Bonifacius in eximie pietatis operibus, utpotè sacris Basilicis visendis, sanctis Martyrum reliquiis venerandis occupabatur, quibus inclytis Christi heroibus, sanguinis pro Christo effusionem sanctè invidebat, undè cum majore ardore Christianam perfectionem appetiit, majori etiam ac ferventiori devotione vivere cæpit, ita ut quodam die vigesima quarta videlicet May cum Imperatore Ottone, totaque Aula Regia in Ecclesia S. Bonifacii Martyris animæ solemnitati interfuerit ; ac subito accensus divino amore inter musicalium instrumentorum



torum harmonias invidi Martyris in Cœlis gloriam quâ frueretur expendens, ejus virtutes, felicem sortem, effusi sui sanguinis, ac Catholicæ fidei laudabilem constantiam, pie invidere cæpit, dicens: Et ego Bonifacius vocor, cur cur ergo etiam ipse Christi Martyr esse non debeo? quid, inquit, hujus invidi Martyris nomen portare prodest, si ipsum in ejus operibus, cruciatibus, constantivè Martyrio non imitaris? numquid te latet, ipsum fortiter superato parùm casto Aglæ amore, ac mutua voluntate, pro pœnitentia omnibus opulentissimæ domus suæ deliciis, pompis, ac splendoribus contemptis, in abjecto habitu cum multis incommodis ac ærumnis, Orientis iter arripuisse. Palæstinam in pauperis peregrini forma perveniens, sanctam illam terram benedicti Redemptoris pedibus calcitam adoravit, milliesvè, ac millies osculari non cessavit, Christianis dein consolandis, ac in sanctæ fidei confessione corroborandis, eisque dum inter tetri carceris tenebras torquerentur, invisendis; eorum sacris catenis deosculandis, sacris corporibus venerandis, ac humanis piè occupabatur: ac demùm ipse quoque captus hilaris ac gaudens acutorum pectinum dilanationes, picis ac fornacis ultrò sustinebat ignes, ac postremò imperterritus Christi athleta venerandum caput securi submittere non dubitavit. *Et tu delicate miles quid hætenus es passus pro Duce tuo Christo JESU? in Aula terreni Imperatoris inter splendores, honores & commoda ad ignominiam æterni Regis molliter ducere vitam non vereris? saniora deinceps, si Christum ducem sequi lubet, sunt tibi agenda.*



## CAPUT

## CAPUT XVII.

*Bonifacius se totum Romualdo dedicat, &  
ei in virtutum studio assimilari  
nititur.*

**Q**uibusnam giganteis passibus in via virtutum Romualdo Duce noster Bonifacius gradiebatur, ex miræ sanctitatis ejus effectu argumentari licet; adeò ut absque præjudicio fari queat: Bonifacium secundum Romualdum fuisse, cui, tametsi in diuturno integri sæculi pœnitentiæ tempore, & in suavissimo animarum ad DEUM attrahendarum modo; ac in invicta inter tot hominum & dæmonum persecutiones compar non fuerit: in jejuniis nihilominus, solitudine, & admirandis asperitatibus adæquavit, inque felici sui sanguinis pro crucifixo Redemptore effundendi sorte superavit. Nam ex tot millibus sancti Romualdi discipulis, ut in Vitæ sanctimonia, ita & in Martyrii assecutione Antesignamus fuit, atque ideò sancto Romualdo inter omnes charissimus extitit, ut ex infra adducendis clarè apparebit.

Licet ex operibus Divi Petri Damiani desumatur Principem nomine Tamum primò mundo valedixisse, & demùm nostrum Bonifacium, ac Casimirum Regis Poloniæ Filium, aliosque illustres Teutonicos milites, quia tamen ex aliis probatissimis authoribus manifestè colligitur hos omnes eodem tempore sancti Romualdi persuasionem conversos fuisse, unanimi voto relicta Curia Imperatoria suum Magistrum Romualdum ad Montem Cassinum secuti sunt. Ubi  
Bonif-



Bonifacius magis ac magis in dies videbatur sibi in Monastica, ac Eremitica disciplina rigore vivendi, ac moriendi concepta determinatione consolidari; cernens tot Dei fervorum in prædicto semper venerando Monasterio degentium virtutes, & floridam sanctitatem ab ipso adhuc sanctissimi Patris Benedicti tempore, vigere. Exinde ad Pereti Eremum commeans, Romualdi manibus, unâ cum Socijs; Eremitico habitu indutus est; ei que pauperrima, & angusta cellula assignata fuit.

Considerans se Bonifacius non jam pretioso amictu, sed aspero & vili sacco indutum; non jam in superbis palatijs, & tentorijs, verum inter quatuor angustos vilis tugurioli parietes, non amplius inter Aulicorum & famulorum turmas; sed solus abjectus, in horridæ sylvæ medio, imperterritum ejus cor nec expavit quidem; imò cum excedenti jubilo, summas divinæ misericordiæ pro adeò singulari beneficio gratias retulit. Persuasione, aut incitamento, ut totum illum solitudinis, jejuniorum, orationum, manualium laborum in Romualdi Eremis consuetorum rigorem operaretur, nullatenus indiguit, in omnibus namque primus, & cæteris alacrior fuit. Nec multo post tempore, ad majora semper anhelans, his non contentus, sanctissimi sui Magistri rigidam vitæ normam ad unguem sectari instituit, abjecto itaque tibialium, & calceamentorum impedimento, ut magis expeditè currere posset, nudis pedibus Evangelicæ perfectionis iter arripere, frugalissime bis in hebdomada, nempe; Dominica, & Jovis diebus cibari, reliquos verò dies in fixis contemplationibus expendere, atque suum delicatum, ac nobile corpus, disciplinis, cilicijs, humicubationibus, aliisque afflictionibus macerare, exorsus est.

Cum

Cum illas nemorum solitudines tacitus perambula-  
ret, omnia in loca oculos conjiciebat, & ubi densa spina-  
rum ac Urticarum rubeta reperiret, illa clam adibat, denu-  
datusvè in illis, se tamdiuolvebat, donec illos virides, &  
innocentes sui corporis carnifices purpureo colore proprio  
videlicet sanguine, tingeret. Quadam die dum hoc volun-  
tarium sui corporis Martyrium exerceret, id quidam Mo-  
nachus animadvertens eum corripuit, dicens: *Hypocrita,*  
*quare hoc ad captandos popularis auræ rumores coram nobis facis?*  
Bonifacius nihil aliud respondit: tui sint Confessores,  
mei sint Martyres. Quasi diceret: tu & cæteri mode-  
rata, ac sanctæ Confessorum vivendi normæ incumbite,  
ego autem fortium Martyrum vestigia premere proposui.  
Horridis proprii corporis tormentis asuescere voluit, il-  
lumque sanguinem liberaliter effundere, quem postea co-  
ram Tyranno, in publico Metropolitanæ Urbis theatro, in  
vicissitudinem effusi innocentissimi sanguinis, sparsurus  
erat.

Romualdus in præfata Pereti eremo, tot nobilissimorum  
virorum sub sua disciplina degentium, sanctos progressus,  
admirandamque perfectionem observans, suum cor mirum  
in modum tripudiabat, dum omnes in veritate, flagranti  
studio, ac intenso amore, Deo famulari, inque laudes divi-  
nas assurgere conspiceret, undè eos partim fervidis, & ac-  
censis sermonibus, partim exemplo suo corroborare haud  
desistebat. Sed cum magnum Spiritus fervorem, omnis  
rei creatæ abdicationem, & accensum semper patiendi de-  
siderium in Bonifacio attentus consideraret, inexplicabili  
lætitia cumulabatur, seque sentiebat ad sublime sanctitatis  
culmen aspirandum stimulari, intuens tam magnum Prin-  
cipem, in provecta jam ætate, per adeo austerum, mul-  
tisque



tisque incommodis confitum iter, ad altiorem perfectionis montem, festinanter currere; & quod omnes suas diligentias, conatus, ac labores in difficiliorum virtutum profectu, laboriosè applicaret. Exindè ipsum Romualdus, uti magis fervidum, humilem ac obedientem filium, intra intima sui cordis penetralia fovere, singularivè teneritudine diligere, & uti dilectum, & magnum DEI servum venerari cœpit, prævidens: à Deo illum ad magna opera electum, eumque exemplare vitæ religiosæ speculum reliquis suis discipulis proponebat. E contrà Bonifacius totus Romualdus evaserat; nam nihil aliud, quàm quod Romualdo proprium erat operabatur. Cui patefaciebat cuncta animæ suæ arcana, illamque anxietatem ac inquietudinem, quam pro sancti Evangelij dilatatione, patiebatur, Magistro suo sincrerè adaperuit: quale desiderium, cum in sanctissimi Patriarchæ corde dissimile, ac inferius non esset, eodem tempore, quo ipse in Bonifacio hanc sitim advertebat, eandem in se ipso magis ac magis accendi sentiebat. Unde quodam tempore, quònam se ad prædicandum Christum Crucifixum conferre deberent, ad invicem ratiocinari cœperunt. Considerantes itaque Europam, & universas ejus partes, reppererunt universas ferè Provincias (præter Poloniam, Hungariam, & Russiam) Evangelica luce illustratas. Convenère itaque in simul, ut Bonifacius ad memoratas indensis gentilitatis tenebris jacentes Provincias, prior ad aperiendum sanctæ prædicationis iter, se conferret; & demùm ipsum Romualdus sequeretur; qui tunc temporis ob ingentem suæ præsentis necessitatem, quâ tot Eremitæ, & Cœnobita indigebant Italiam deferere nequibat.

CAPUT XVIII.

*Bonifacius Romam pergīt proſtabilienda in  
Ruſſiam miſſione ; à ſummo Pontifice Joanne XIX.*

*licentiam ac Apoſtolicam benedictionem obtinet , in-  
que Archi-Epiſcopum Boſnenſem con-  
ſecratur.*

POſtquàm Bonifacius à ſanctiſſimo ſuo Magiſtro abeundi  
licentiam teneris lachrymis obtinuiſſet, ejus Benedictio-  
ne, neceſſariis inſtructionibus, & literis ad Pontificem ex-  
petitis, inchoato nudis ſemper pedibus, in continuo panis  
& aquæ jejunio ( feſtivilis ſolùm diebus exceptis, in quibus  
aliqua poma, aut herbarum radices addebat ) itinere, quòd  
dum conficiebat, ut pretioſum tempus in ſanctis medita-  
tionibus & pſalmodiis impenderet, cæteros ſuos viæ comi-  
tes, ipſum ſequentes antecedebat, Romam ſic abjectus &  
humilis ingreſſus eſt. Eſt Bonifacius in vili habitu apud  
homines ignaros contemptibilis, nulliusvè momenti vide-  
batur; verùm à multis Cæſareæ, & ipſiusmet Pontificis  
Joannis XIX aulæ proceribus ejusmodi non cenſebatur,  
qui prudenter diſcernebant, eum per hoc nihil penitus  
primi ſplendoris & Majeſtatis ob inſignem ſanguinem per-  
diſſe, imò pretioſiſſimum virtutum, & ſanctitatis chara-  
cterem adjunxiſſe; undè Romæ in aula Pontificis in præci-  
pua exiſtimatione, atque ut Dei ſervus & amicus debita  
veneratione habitus fuit, vel maximè cum ſui adventus fi-  
nis innotuiſſet. Re igitur cognita, & vitæ ejus ſanctitate  
per experiantiam perſpecta, ſummus pontifex ipſi Apoſto-



licam benedictionem, & licentiam ultrò impertivit, ipsumque Archi-Episcopali Bosnenſi mitra condecoravit, pallium inſuper, & ſacras res elargius eſt quibus nobiles ac pretioſiſſimos ſacerdotales apparatus, argentea vaſa divino cultui competentia uniens, cuncta pontificali dignitati, ac decori conſona providit; hinc apparet in quanta æſtimatione pretioſa pro ſacri Altaris cultu apud ſanctos, quamvis in ſeipſos pauperrimos, haberentur; quæ, ut ſequenti capite innotefcet, ad facilitandam Regis, ejuſque aulae, ac ſuæ gentis converſionem admodum profuerunt.

Post conſecrationem quotidie Pontificaliter celebrare conſueverat, Monafterio uſui Romanum ritum copulando; totoque tempore quò Romæ morabatur, ſacras Baſilicas, SS. Martyrum ſanctas reliquias venerandas, præſertim ſui tutelaris Divi Bonifacii, inviſebat, humiliter ſe & inſtanter commendans, ut ipſum ſub efficacium ſuarum protectionum alas, recipere dignarentur, pro tam magno animarum converſionis negotio, utque à Deo obtinerent eidem Spiritum, ſapientiam, fortitudinem, Idololatriam proſternendi, ac conſolidationem chriſtianæ Religionis, moriendi, inſtanter precabatur. His ſacris viſitationibus completis, & abſcedendi licentia denuò petita, novaque benedictione à ſua ſanctitate obtenta, Germaniam verſus iter arripuit, quàm neceſſario, Ruſſiam petiturus, tranſire debuit.

Sed antequàm Venerabilis Archi-Epiſcopus in Ruſſiam perveniret, quanta incommoda & adverſa perpeſſus ſit, inquiramus. Itinerari cum omnibus licet requiſitis per mare, aut per terram, eſt in ſe ipſo obviis quibuſvis adverſitatibus & ingruentibus malis, moleſtiis periculisque expoſitum adeo, ut plerique percurrendi mundi avidiſſimi, ob  
eorum

eorum timorem perterriti, in Civitatibus delitefcunt. Quam igitur fuerit asperum, cruciatibusque refertum hoc Bonifacii iter, magis ei compati, quàm describere libet. Romam usquè ad Italiæ fines, pedester, discalceatus, cum solito jejunii rigore illud transegit: cum verò Alpes transfiret, equitare coactus fuit, sed capiendæ sublevationis vice tormentum expertus est; incedens namque paupere vestitu, ac nudis pedibus quò amplius in septentrionales partes progrediebatur, etiam hyemalis rigor augebatur; fuit hic adeò excessivus algor, ut multoties ita gelidus, & immobilis in equo sederet, ut descendere volens, pedes à stapedibus liberare non valeret, undè aqua calida succurrere opus erat; de cujus admiranda patientia luculendum testimonium dat S. Petrus Damiani dicens; Cum verò jam ultramontanos peteret fines, equo quidem infidebat; sed Venerabilis Pontifex nudis pedibus & plantis, adeò intolerabilem frigidissimæ Regionis tolerabat algorem, ut volens descendere, pedem à subhærente ferro disjungere non valeret, nisi aqua prius calida subveniret. Sed quàmvis corpus, in nivium & aquilonum medio congelaretur, fortis nihilominus ejus anima, in charitatis, & amoris erga DEUM & proximum rogo inflammabatur, postremaque momenta consumandi

itineris ac initia Evangelicæ Prædicationis avidissimè anhe-  
labat.

## CAPUT



## CAPUT XIX.

*Transeundo per Hungariam DEUM verum  
& unicum in Cælo esse prædicat; illæsus per  
medium ignis transit; & Bysanum Regem, ac Regnum  
ejus convertit.*

**S**ANCTUS Bonifacius post periculosissimum aliquot mensium iter ad superioris Ungariæ partes perveniens, eodem instanti, non amplius Christianæ Religionis signa conspiciens, ejus cor duos contrarios effectus degustavit; doloris; ob illorum gentium populorum à recta Cœlestis veritatis semita deviantium cæcitatem; & jubili: Se jam in medio barbaræ gentis; à quâ tantò sibi prætolabatur Martyrii palmam, intuens hæc sine mora ejus zelus otiosi ignoravit; illis gentibus palpabilem ipsarum errorem ac cæcitatem, in adorandis, & incensandis somniatis Diis, suarum manuum operibus, viceveri, & unici DEI, supremi Cœli terræque conditoris, demonstrare cæpit. Hæc & alia Evangelicæ veritatis salutifera dogmata S. Archi-Episcopus, publicas Civitatum, & pagorum plateas pertransiens, cum tanta constantia, libertate, & energia prædicabat, ut evidenter cognosceretur in eo ardentissimum inferendæ sibi mortis desiderium. Sed nullus in ipsum manus inicere ausus, ex ratione (ut meminit B. Petrus Damiani) *ne sicut post Martyrum Beati Adalberti corruscantibus miraculorum signis, Sclavonica gentis plerique conversi sunt, ipsis quoque similiter eveniret, à beato Viro manus artificiosa malitia reprimunt, & cupidissimo mori, nolentes eum occidere, crudeliter parcunt.*

Nulla

Nullâ igitur interposita morâ Russiam versûs suos resolvit passus; in qua dictum Regem Russianum degentem reperit: ipse interim in quoddam domicilium secedens, supremo Regi cum indefessis orationibus, jejuniis & pœnitentiis, infidelium animarum salutis negotium commendare nitus est. Oportunitatem nactus, abjectis & vilibus vestimentis indutus, excalceatus se regi, quasi magni momenti opus communicaturus præsentedavit, & in conspectu Principum ejus Aulæ Procerum, cum illa Majestate, & energia, quàm Divinus Spiritus, suis Apostolicis, & sanctis Sacerdotibus infundere solet: in hæc verba prorupit.

Serenissime Rex, ille DEUS vivus, verus, atque æternus, qui te creavit, & super tantam hominum multitudinem, singularibus beneficiis, opibus & Regnis dotando, cumulavit, & qui totum, quod in Cœlo terraque continetur, è nihilo extraxit, ad te me à remotissimis Regionibus mittit, ut tuæ mentis errores & tenebras abjicias, tibi quæ veræ, & unicæ ejus Deitatis lucem & cognitionem splendere permittas. Ipse est illa prima causa improducta, sine principio ac fine, à qua omnia procedunt, cujus existentiam multiformi loquelâ omnes Creaturæ prædicant. Hic sol adeo pulcher, ac luminosus, quem intueris, ejusque radiis gaudes, qui quovis vespere occidit, & infallibiliter mane resurgit, qui gyro motuque Cœlorum, totam hanc grandem terræ machinam circumdat & illuminat, quæ divino nutu, in vastissimi Cœlorum concavi medio, in unico centro suo librata sistit, nonne tibi ad mundi regimen supra ipsosmet Cœlos Ipsum esse indicat, Ejusque inaccessibilem lucem, & infinitum pulchritudinem demonstrat. Istum tempus, quod adeo velociter transit, ac præterit, semperque volare non cessabit; nonne Ejus æternitatis securam experien-



rientiam præbet? Hæc Veris, æstatis, autumnî, & hyemis variata series; terræ virtus in producenda tanta frondium, florum ac fructuum diversitate? Mare piscibus, & Margaritis tam copiosum, adeo obediens, ut propria confinia suis undis non excedat? aquæ Cœlitus ad fœcundandam terram interdum effluentes? fulgura, tonitrua, & iagittæ? Ille ignis, qui virtualiter in silicibus continetur, & ad chalybis iustum ad favillas erumpit, quo demum accenso ad suam sphaeram tendit. Hic aër quem respiramus, & ex quo vivimus, & tot prodigiosa entia per orbem diffusa? Illa vocum, & vultuum varietas in tot hominum myriadibus, quibus mundus refertus est; nonne sunt omnes ejus divinæ omnipotentiae, sapientiae, & Providentiae effectus? Ille noster naturalis appetitus ad Cælum, quod suo pulcherrimo respectu nos mirum in modum recreat; ille voluntarius in cunctis nostris tribulationibus & angustiis ad Divinum adjutorium recursus? ille post aliquam perpetratam iniquitatem animi timor, ægritudo & molestia? illa pax & læticia, quæ post bona, ac pia opera experitur? illastrarum animarum immortalitas? illa terrestrium bonorum nunquam deficiens lætietas? non sunt omnes clarissimæ & evidentes in nobismetipsis unicæ & veræ Ejus Essentiæ probationes & documenta. Unicæ; quia unus est, & solus Deus, nec possunt esse plures, quam unus; quemadmodum tu es unicus in horum tuorum Regnorum gubernio Rex, ad eaque regenda sufficiens; ita Deus, ut omnipotens, & qui omnia ex se potest, aliis Diis non indiget, & ut esse possint, repugnat, in quo ipsa ratio intellectum captivat; quoniam aut alij Dii fuissent ipsi æquales, aut inæquales, & independentes, utrumque impossibile. Si primo modo; miser mundus in motu semper maneret; quia Ipsis ob divinæ Essentiæ paritatem

tatem in crebris contentionibus existentibus, nos infelices Creaturæ à contrariis illorum voluntatibus & operibus, sine intermissione oppugnaremur. Nec affirmari potest, quòd unius voluntatis forent, quoniam eis perpulchrum & inestimabile illud attributum, nimirum libertas, tolleretur; & in hoc nobis mortalibus inferioris conditionis forent, quia ea, quæ nobis libent, agere valemus, & ideò revera nemo ex ipsis verus DEUS esset. Ecce Rex serenissime, vides vel solo naturali lumine, esse DEUM vivum verumque in Cœlo, qui cuncta gubernat, nec posse dari aliam Deitatem æqualem, aut inferiorem, luce meridiana clarius patet. Quare tui Dii, quos adoras, sunt imaginarii, insubstantes, & aërii; imò dæmones & veri Dei inimici, cùm sint illi Angeli, ob eorum superbiam ab ipso vero Numine Cœlo expulsi, & ad perpetuum, squalidum, ac acerbissimum in medio terræ carcerem relegati, ad quorum replendas in Paradiso sedes, ob illorum expulsionem vacantes, nos homines condidit, ut ipsum, quousque vivimus amantes, & ei soli servientes, post mortem illis in æterno Regno succederemus, ubi ipsamet gloria & beatitudine, qua Deus potitur, in æviternum fruamur; Cui laus, honor, & gratiarum actio per sæcula.

Rex, ejusque Proceres, hunc sermonem sancti Apostoli (in quo Cœlestis Patris spiritus loquebatur) cum summa attentione, & complacentia auscultaunt; visumque est ab eorum intellectibus densas obscuritates non nihil evanescere, & quendam radium lucis illius, quæ brevi illos ad veram DEI cognitionem illuminatura erat, resplenduisse. Verum Rex sanctum adeò incultum, lacerum & excalceatum considerans, nondum veri Christiani opes in paupertatis habitu, & non in nobili, ac pretioso vestitu consistere gnarus, ipsi respondit: *Optimè jam cognoscimus, quàm grande sit tuum*

N

talen-



*talentum, quodd nobis summopere placet, nimioque afficimur gaudio; sed quia totum id, ad succursum tuis extremis egestatibus quaritandum, teque de paupertate sublevandum aliquo nostro Regio munere, dixisse te, nobis persuademus; idcirco si ab hac opinione tua recedes, nostramque fidem amplecteris, tuam inopiam largissima opum liberalitate, locupletaturos nos promittimus.* His auditis Bonifacius, petita ad suam habitationem remeandi licentiâ, factaque profunda reverentia, inde recessit. Ad suum autem hospitium perveniens, foras pretiosissimis sacris ornamentis extractis, pulcherrima albâ, ditissima stolâ, & pluviali se vestivit, Mitra super caput collocata, & dextra manu Pastorale tenens, ad Regale Palatium denuò processit. Cum itaque sanctus Antistes, tanto ornatu, decore, & gravitate compareret; Rex totaque ejus Aula, non amplius e-  
genum esse illum Prædicatorem, cernens: insolita admiratione factum stupebat. Quocircâ in conspectum Regis Beatus Episcopus ultrò progrediens; cum Majestate, magnique sui Spiritûs vigore, sermonem reasumpsit; inquit: In has Regiones mi serenissime Rex, ad tuum aurum, facultatesvè exquirendas non veni; verum te, tuosque populos à fallaciis, ac superstitionibus, in quibus heu miserabiliter degitis, liberandos, & ad vestros mutos & furdos, ligneos & lapideos Deos subvertendos, vobisque verum & unicum Deum, communem nostrum Creatorem ac Dominum, annuncian-  
dum comparui: in cujus veræ Essentiæ contestationem, totum meum sanguinem profundendum, milleque Vitas, si tot haberem præbendas, me promptum exhibeo. Si id, quod tibi jam prædicavi, nobilis tuus intellectus percipit, & in me nullum alium finem, quàm ipsiusmet Dei gloriam, tuæque animæ salutis desiderium recognoscis, cur igitur ad hujus clarissimæ veritatis lucem oculos cordis non aperis, & has mortuas

mortuas Deitates, imò vanissimas inanitates, quibus sacrilegas incensationes tribuis, non prosternis? adores verum, & vivum DEUM, quem tibi prædico, apud quem, quando anima tua post separationem à corpore ante divinum Tribunal præsentabitur, omnis excusatio, quæ te defendat, deerit, milit namque me Dominus à remotissimis partibus, quatenus tibi de unica ejus Essentia cognitionem adferrem.

Negare nequimus (ad hunc novum sancti sermonem) subjunxit Rex, adductas rationes tuas sat esse ponderosas, video nimis illas esse convincentes, sed non idè ad firmandam mentem meam sufficientes, si non alicui evidenti signo etiam ad externos sensus associantur; & cum jam nostri Dij aliud non sint, quàm insensati (ut dicis) lapides, & trunci, vester autem DEUS verus & vivus; igitur aliquod ejus omnipotentiae opus etiam Vivum, quod naturalem ordinem excedat, videatur, & tunc nulli hæitationi locus in me residebit. Sic itaque agatur: duo immensi, & igniti rogi erigantur, brevissimo spatio ab invicem separati, & igne supposito, cum ita ardere cœperint, ut utriusque struis unus ignis esse videatur, tu transi per medium, quod si læsus ex aliqua parte fueris, ipsis te penitus ignibus consummendum trademus: sin autem sanus, ac per omnia illæsus evaseris, credimus, & quid quid dicis Regia sponsione promittimus. Dictam conventionem illico cum nimia hilaritate sanctus Christi Apostolus acceptavit, de Divina protectione securus, atque de Regis, ejusque Regni futura conversione gratulabundus; efflagitatis igitur aliquot diebus, ei que à Rege indultis, ad suam habitationem regressus est, ubi rigidissimis jejuniis, asperis flagellis, & continua oratione omnipotenti DEO se, tantorumque convertendorum populorum animas, pronus commendavit.



Die ad prodigiosum spectaculum determinato, in quodam amplissimo foro, vastissimum admirationis theatrum erectum est: ubi Rex, totaque ejus aula, cunctus item populus pro spectaculo comparuere. Accensi itaque sunt duo ingentes ignis strues, in modica unius ab altera distantia, tali videlicet modo: ut quamvis ligna quemdam in medio transitum relinquerent, nihilominus flammæ utriusque rogi unum quodammodo corpus effecere. Comparet tandem Beatus Præsul pretiosissimis & pulcherrimis Pontificalibus vestibus indutus, ita propemodum, velut in sacro Altari celebraturus, cum Mitra, argenteum thuribulum manu gestans, adeo Venerabilis, ac Majestate gravis, ut Regis, & illius innumerabilis gentium multitudinis oculos, attentosque ad se animos attraheret.

Sanctus Præsul jam in conspectu ignis existens sublevatis in Cælum oculis devotè orat, dicens: *Omnipotens æterne DEUS, cujus nutui omnes creaturæ obsequuntur, cujus voluntas est potentia, tolle (te humiliter precor) huic igni vim urendi, illumque in meum, horumque spectantium corda, ut te semper ardenti animo diligant, transfer. Si tribus pueris in Babylonica fornace ignem in suavem auram convertisti, hujus quoque naturalem ardorem supprime, mibi que transitum absque lesione concede. Ipsum ad tuam gloriam, & in nomine tuarum trium divinarum Personarum, Patris, Filij, & Spiritûs Sancti, in una Deitate ingredior; dextraque pectus in crucis formam signans gravi, & placido incessu introivit intrepidus, seque in ingenti flammivomo incendio inclusit; ad hujus novæ admirationis spectaculum, in cujuslibet astantis pectore cor nimium quantum palpitabat, & quousque ipsum extra flammæ non viderant, nemo palpebras clausit, nemo respiravit. Hunc igitur ingentem ignis struem à principio usque*  
in

in finem, à sinistra usque in dextram perambulans, tandem omni ex parte illæsus prodivit invictus Christi Martyr. Quo miraculô omnes circumstantes in stuporem acti concutiebantur corde, & ab eorum mentibus densæ Idololatriæ tenebræ evanûere, & tam clarus in ipsorum intellectibus supernæ veritatis radius resplenduit, ut non esse alium DEUM, nisi à sancto Bonifacio prædicatum palam recognoscerent. Confestim Rex, cum principalium Regni Procerum comitatu se ad Beati Viri pedes projecere, veniam cum lachrymis à DEO, & ab ipso de antea actis erroribus, & cæcitate petituri cucurrerunt. Se credere firmè in verum DEUM palam testati, cum instantissima supplicatione baptizari petierunt.

Sanctus verò tam repentinam cordium mutationem, Altissimi fortis brachij effectum esse cognoscens, alijs necessarijs functionibus, sacrum lavacrum præmittendi, difficultatem non habuit; unde cum inennarabili jubilo, & extremo spiritûs sui gaudio, Regem, ejus Familiam, Aulæ, sui que Regni Proceres, & quot quot illa die poterat, per Baptismales aquas, Gratiæ renasci fecit. Tandem ob numerosam nimis Gentium ad Baptisma sequentibus diebus confluentium catervam, ad spatiosum quemdam campum, certi que fluvii littus descendere oportuit; ubi abundante aquarum copia confluentes innumerabiles populos baptizare posset.

Pervulgata per totum Regnum prodigiosi casus gloriosi Apostoli, (quodd inter flammam transisset illæsus, & conversionis Regis, totiûsque residentialis ejus-Urbis) fama, plurimi Regnicolæ Regis exemplum secuti sunt. Undè ubique locorum, sanctissimum DEI vivi, & veri creatoris nomen audiebatur, & Idola, ipsorum que sacrilegi adoratores



tores detestabantur, atque maledicebantur. Fuit adeò vera Bussiani Regis conversio, tamque accensus novæ fidei zelus, ut alter ipsius Frater germanus, cum post multas exhortationes, (quatenus antiquum errorem defereret, oculosque ad unius Dei veritatem à se cognitam aperiret;) ipsi factus recusasset, ejus justus, sed indiscreti furoris victima extiterit, ejusque manibus peremptus est, cum summa sancti displicentia, qui hunc indiscretum, & præcipitem zelum nullatenus approbavit. Neoconversus Rex Bussianus adeò amorem sui cordis in sanctum Bonifacium transfudit, ut absque ipso vivere nesciret; Coronamque & Regnum Flio suo cedere, monasticum habitum assumere, atque indivisibiliter eum sequi stabiliret, ac proponeret.

Post hæc sanctus Præsul jam ob tam copiosum novum gregem boni Pastoris nomen & omen adeptus, omnem conatum impendit in profanis Templis purificandis, capacioribus subiectis in Evangelica lege instituendis, qui alios deinde erudire valerent; in præceptis, quæ erant observaturi publicandis, & cæteris quibusvis ejus pastoralis curæ officiis adimplendis, insudabat.

## CAPUT XX.

*Ad convertendum Principem Bussiani Regis secundum germanum Fratrem pergit, à quo etiam Martirium obtinet; & post gloriosam ejus mortem miraculosi eventus.*

**P**Remebat, non minus sanctum Pastorem, quam ipsum Regem, Principis sui fratris conversio, partim ob individuum

viduum ejus amorem, partim, quòd Regi sanctam fidem amplectenti, nemo in toto Regno potentior esset, qui agnitam veritatem oppugnare auderet. Postquàm igitur Bonifacius res novellæ Ecclesiæ magis essentielles composuisset, ad Civitatem non multùm distantem in qua præfatus Princeps residebat, quatenùs ipsum de errore in quo vivebat, admoneret, perrexerit. Princeps verò, inaudita junioris sui Fratris, quòd novæ Religioni amplexandæ non assensisset, morte per ipsummet Regem illata, coram se Beatum Archi-Episcopum conspiciens, in furorem actus; non tantùm ipsi ad aperiendum os facultatem non indulgit, verùm etiam eum sinè mora comprehendi ordinavit. Bonifacius autem se catenis ferreis constrictum, intuens, jam illud adedò exoptatum tempus pro Jesu moriendi adesse gaudebat, immensòque gaudi cummulata anima ejus, pro tota illa novella Christianitate, & reliqui infidelis populi conversione, se in victimam & holocaustum æterno Patri obtulit.

Aulici, qui ex Regis mandato sanctum fuerant secuti, truculentam Principis indignationem, & eorum Apostoli capturam cernentes, ad significandum Regi solliciti concurrerunt. Rex itaq̃ne numerosâ equitum turbâ comitatus, cum animo fratrem in ore gladii ponendi, ad omnesque, quot quot sancto Archi-Episcopo injuriam intulissent persequendos, se velox contulit. Interim Princeps; ne per Regem cupita præda è manu ejus eriperetur, ut in sua, suorumque Aulicorum, & aliorum præsentia, ei caput confestim amputaretur, ordinavit. Sanctus Pontifex, & Beatissimus Martyr caput intrepide gladio inflexit, & gloriosam Martyrii palmam reportando, illas teneras fidei plantas, suò pretiosò sanguine irrigavit: benedicta ejus anima ad recipiendum de tot suis laboribus præmium, invicta morte brevissimè



vissimos præsentis vitæ terminos, cum interminabilibus æternitatis sæculis commutando, in Cælum evolavit. Statim verò, ac in terram venerabile caput cecidit; ipse Princeps repente oculorum lumine orbatus est, fuitque unà cum omnibus aliis spectatoribus, à tanto stupore, & immobilitate oppressus, ut amissis prorsus sensibus, uti demortua cadavera, & gelidæ lapideæ statuæ jacerent.

Paulò post Rex supervenit, & sacrum corpus in proprio sanguine jacens, Fratremque & reliquos spectatores immobiles videns: partim ob amantiissimi sui Magistri irreparabilem jacturam indignabatur; partim verò ob tanti prodigii novitatem in admirationem rapiebatur; post aliquod verò temporis spatium, ab illa obstupefactione serenatus, unà cum alis Christianis secum advenientibus, genuflexus cum humilitate, & magna fide Dominum & sanctum Martyrem pro illis miseris, tanquàm mortuis, oravit Divinæ pietatis supplicans; ut eis rectius judicium, ac lumen sanctæ Fidei à B. Martyre prædicatæ veritatem cognoscendi unà cum sensibus restituere dignetur; & post prolixiorē orationem, ecce cuncti ad pristinos sensus rediēre, instanterque unanimiter baptizari petierunt, prout illicò absque cunctatione, salutaribus undis regenerati fuerunt.

Levatò sacrò cadavere, cui pius Rex, & impius paulò ante frater ejus, devota, ac tenera oscula impressēre, tandem super sacrum pignus, in pretiosā, ac nobili tumba, inclusum, confestim Rex, magnam & sumptuosam Basilicam DEO, & sancto Martyri dicatam erigi præcepit; ubi beatissimi Martyris meritis assiduas gratias illi populi ad præsens obtinent. Sic igitur in Russia fideles multiplicati, sanctaque Christiana Religio stabilita floret.

Marty-

Martyrologium Romanum gloriosi hujus Ruffiæ Apostoli Martyrium die 19. Junii, quò fuit consummatum, ponit, anno Redemptionis humanæ 1008.

*Eodem die S. Bonifacii Martyrius, discipuli B. Romualdi, qui à Romano Pontifice ad prædicandum Evangelium in Ruffiam missus, cum per ignem illæsus transisset, Regemque ac populum baptizasset, à furente Regis fratre necatus optatam Martyrii palmam accepit. Ita Martyrologium Romanum.*

Hæc sunt, quæ de hoc glorioso Ordinis nostri Prothomartyre conquista in benevoli doctoris notitiam transmittere volui; de quo sanctus Petrus Damiani hocce encomium in suis operibus memoriæ prodidit: Verùm tamen ego, si de hoc mirabili Viro cuncta referre tentarem, deficeret forsitan lingua, non deficiente materia. Deserviet hæc narratio, tam pro debita Divi Bonifacii laude, quàm etiam pro magnæ sanctitatis, doctrinæ, & prudentissimi regiminis nostri Patriarchæ sancti Romualdi argumento, quatenus ( ut loquitur citatus sanctus Cardinalis ) dùm celsitudo discipulorum auribus fidelium insonat, quàm excelsus Doctor eorum fuerit, ex schola, quàm temere, innotescat.

## CAPUT XXI.

*Romualdus sui dilecti Discipuli Bonifacii Martyrium audiens, ad Evangelicam prædicationem prosequendam se cum sociis resolvit.*

**A**dvenientem nuncium, cum summæ teneritudinis lachrymis audivit Romualdus, de invidenda ac felici ab infidelibus illatâ morte tantò amati sui filii, & Discipuli Bonifacii



nificii certior factus; ejus cor mirabilem Cœlestium consolationum excessum percipiens; in ipso accensum est vivum pro Christi nomine sanguinis sui effundendi desiderium. Nullam ejus generosum cor impressionem recipiens ex consideratione in occasum vergentis ætatis suæ, delicatæ complexionis, per plurimas jam adversitates attenuatarum virium, proluxi & ardui itineris, & ancipitum, ac incertorum aded difficilis negotii eventuum; tam sanctam & gloriosam missionem, cum tanto Evangelicæ fidei augmento, à præfato dilecto Discipulo suo incæptam prosequi decrevit.

Confestim suam firmam resolutionem omnibus suis discipulis, ut ipsam in ferventibus suis orationibus Deo commendarent, manifestavit. Voce hac inter suorum discipulorum per tot Eremos, & Monasteria degentium multitudinem, sparsa; copiosissimus ipsorum numerus, ad constanter sequendum ipsum in tam magno ac heroico opere, admitti instanter petiit. Sanctus promptam exhibitionem tot suorum Religiosorum se comitandi admirans, licet eorum voluntatem secundare nequiret, spiritualitamen gaudio non modicum exinde afficiebatur. Undè eorum multitudinem ad ultimum cum importunitate semet offerentium, cum magno labore vix ad 24. restringere valuit, Redemptoris Apostolatam ex 12. solum compositum, duplicans: duos ex illis Romam ad Pontificem, Sergium quartum, ad recipiendam Apostolicam benedictionem misit, nempe Patrem Igilbertum, & Petrum Gregorium, ambos magnæ perfectionis, & doctrinæ viros. Quibus ad Curiam Romanam pervenientibus, exposita suæ sanctitati Beati eorum Magistri in Hungariam, & Russiam, cum viginti quatuor sociis Religiosis, proficiscendi deliberatione; quantam jucunditatem exinde suæ sanctitas, & Romana Curia, ipsique Urbis incolæ,

incolæ, perceperint, exprimere haud facile est : à quibus cum inennarrabili jubili sensu audiebatur S. Bonifacii Martyrium, & Regis Bussiani, ejusque gentis conversio : agnoscetes providentiam, & amorem, quem Dominus JESUS suæ sponse Ecclesiæ, temporibus adeò calamitosi, exhibuit. Non solum summus Pontifex præfatis duobus omnem possibilem facultatem impertitus est, verum eos ambos in Archi Episcopos consecravit, quatenus pro exigentia occasionis, quosdam ex novellis Christianis ad Ordines promovere, Ecclesias benedicere, cæterasque Catholicas functiones exequi possent. Cum verò Româ novi Archi Episcopi redirent ( præstò existentibus cæteris omnibus ad nobile opus electis ) sacra vasa, paramenta, libros, & alia Ecclesiastica utensilia, in illis Regionibus prorsus non reperi-  
tura sibi providerunt.

## CAPUT XXII.

*Sanctus Romualdus ad prædicandum sanctum Evangelium cum Socijs proficiscitur, & ad Ungariæ confinia perveniens, Divina determinatione cum aliquot Discipulis redire compellitur*

**O** Amabilis, & decora nimis, ac à qualibet fidei Christiana anima desiderabilis mors ! si revera es omnium ponderum exoneratio, omnis molestiæ sublevatio, cujusvis ægritudinis finis, à cunctis periculis securitas, hujus miseræ peregrinationis, nostræque infeliciissimæ vitæ, unica & sola felicitas. Absque te in æviternum infelices es-  
semus;



femus; quia semper hujus intolerabilis terræ incolatûs habitatores. Tecum ad veram cœlestem vitam transimus; hinc tibi non mortis, sed vitæ nomen jure debetur: quoniam postquam tuam falcem experimur, verè vivere, & vivere æternitati incipimus. Solùm id mali possides (si audeam loqui) quod modernî temporis mortalibus imo (vix non tangerem) fors & præsentium lectori sis nimis præpropera, qui diuturnos mortalis vitæ dies agere vellent, tu autem præmaturè (ut apparet ipsis) initiante texturæ opere stamen amputas; & è contra qui ardentè præcisionem cupit, ipsi illam ad complures annos, imò ad lustra prolongas. Deliciosi mundiquè amatoribus, qui non minùs tuum nomen audire, quàm tuum conspectum subire, vellent, te non invitata præsentas; à pauperibus verò bene morigeratis, hujus mundi contemptoribus, sanctis, qui te quavis hora suspirant, vocant, invitant; longè discedis, terga vertis, ad eosque consolandos venire cunctaris; meminisse velis, quæ nam in faciem tibi olim prolocuta fuerit anima illa Paradisi cupida Beata Catharina Joannensis, dicens: *Dulcis & deliciosa mors, hoc tantum habes mali, quod fugias ab eo, qui post te currit, & persequaris eos, qui à te declinant.* Ecce centum annorum pondere gravatus noster Romualdus tibi obviam ire anhelat, ad barbaras usque nationes in victimam tibi cessurus, pergit, & tu occurrere cunctaris. O barbara, & inhumana Mors!

Itineri itaque accingens se Romualdus, nè vel minimam pretiosi temporis partem amitteret, hanc methodum servare instituit, nimirum: suos Socios ut ipsum præcederent, ordinabat, ipse autem ad interruptam cum Deo unionem conservandam, atque ut suos pios affectus tutius exerceret; dulcitèrque psalmos, ac hymnos decantaret, re-

tror-

trorsum sequebatur. Vespere ad hospitium divertentes, ex loco Diverforii, Monasterium effecere, non tantum ob grandem suorum Religiosorum illud replentium numerum, quantum ob modestiam, devotionem, sanctaque colloquia, quæ à prætereuntibus sæcularibus cum summa ædificatione audiebantur. Superatis jam alpibus, quantum plus ad præfixum sui itineris terminum appropinquabatur, tanto amplius sancti Viri desiderium pro fide obeundi accendebatur; unde propter tantum sui cordis tripudium repubescere videbatur. Qui tamen huic venerando Viro in tam decrepita ætate ad Gentes pergenti obvius fieret, cui vel maximè ejus vita in continuis pænitentiis, & persecutionibus attrita præviè constaret, haud is certè se continere posset, quin ingenuè illi diceret: Quid hoc O Romualde? quorsum, & cur passus tuos dirigis in tam asperas, & rigidas (non minus ob clima & situm, quam ob hominum ibi habitantium inurbanitatem) Regiones in ætate adeò propingua ad sepulchrum? Opera bona, quæ adhuc in Patria tua factururus es, sunt certissima, sed admodum ambigua illa, quæ in Hungaria agere deliberas. Ubi est, qui spondeat optato te afficiendum Martyrio? mihi ego persuadeo, quod hic venerabilis vultus tuus, qui Majestatem plusquàm humanam, reverentiam & amorem spirat, non solum ad hominum barbariem, sed et ad bestiarum ferocitatem mitigandam, est sufficiens, injuriarum igitur, ac tormentorum vice, blanditiis te delinient. Ecce magno bono intermisso in Italia, hisque in Regionibus sine tuo frustrato, tandem remeandum erit. Quæso remigrare decernas, quòd si in veritate, quantum humana crudelitas valeat, experiri anhelas, id in ipsismet Cœnobiis, à tuis indignis, & iniquis filiis degustare valebis; qui pro te interimendo ferra acuent,

pro



pro te suffocando laqueos connectent, teque jugulare tentabunt. Jam Martyris meritum obtinuisti, & desiderio pro Christo effundendi sanguinem, quantum in te est satisfacisti. Camaldulenses Montes te præstolantur; ut implantatam Eremiticam, & Monasticam vitam illic stabilias, tuisque candidis Religiosis luminosum ad Cælum iter aperias.

Euntes ergo hi Apostolici Viri, cum jam in ipsis Pannoniarum finibus adessent, repente Romualdus languore correptus ulterius ire non potuit. Cumquæ diutius pateretur; si quando redire disponderet, protinus ab ægritudine convalescebat. Sin autem iteratò ulterius proficisci tentaret, tota ejus facies protinus intumescebat, sed neque cibos amplius stomacho languescente retinere poterat. Hinc antequam reditum suum prosequeretur, convocatis in unum universis fratribus, hæc ad eos amore Paterno fertur prolocutus fuisse: *Fratres mei dilectissimi, profundissima sunt Dei judicia, & Regia Prophetæ merito abyssus nuncupata, idcirco non investiganda; quia in comprehensibilia, juxta Divi Pauli Apostoli oraculum; quod viæ Domini indagandæ non sint, verùm cum infima humilitate sunt adoranda, quousque in hoc misero exilio commoramur, nobis postmodum in nostra vera Patria revelanda. Altissimus Dominus permisit, ut ego una vobiscum ad certaminis locum pervenirem, & diu me jam ad dimicandum contra Idololatriam accingerem, ecce id, prosequi denegat, mibique in Italiam regredi delicta prorsus omni spe demandat, hoc itaque dierum meorum residuum in sacrificium illi, qui se pro me super Altari Crucis DEO Patri obtulit, dedicare expedit. Quia autem pia intentionis vestre desiderium non ignoro; idcirco neminem vestrum redire compello, sed in uniuscujusque libero arbitrio situm relinquo. Ex 24 Discipulis, ( duobus jam antehac in Italiam remissis ) septem cum sancto Patre redierunt; reliqui verò quindecim animosè*

mosè arrepti cursus eventum experiri totò conatu nisi sunt.

Igitur ne benevolum lectorem lateat, qui nam eventus in Oris Pannonicis cum prænotatis quindecim sancti Patris Romualdi Discipulis secuti fuerint; concinnè enucleabo, & verissimam superin declarationem dabo. Postquam ergò plurimi è diversis Orbis partibus ad sanctum Stephanum Ungariæ Regem tam Canonici, quàm Monachi confluerent, ut pii Regis consuetudine gaudentes Evangelicam disseminarent veritatem: hi quoque à sancto Patre nostro 15. missi eremitæ felicissimè in Hungariam advenère; ubi salutato columbina simplicitate Rege, ab eodem perbenignè accepti sunt. Brevi nihilominus hi sancti Viri ad desertam, vastasque solitudines se conferre statuerunt, ubi memores Romualdinæ austeritatis, tuguriola sibi in Eremitis excitarunt, in quibus more antiquorum Eremitarum, rituque Romualdino, singuli viritim habitarunt, nullius obedientiæ jugo subiecti, sanctum Paulum primum Eremitam, aliosque veteres Patres imitantes, inque altissima contemplatione semet exercentes, continua temporum successione propagati sunt; usque dum audita insigni B. Eusebii Canonici Strigoniensis erga pauperes pietate, ad eum (ut memorant Annales Paulini) velut paupertatis asylum, eleemosynæ accipiendæ gratiâ ex Eremitoriis suis ventitarunt. Quos ille, & humaniter intra limina domûs recipere, & per benignè alloqui, tandem & curiosius percontari cœpit; *cujates essent, quod Vitæ institutum ducerent, qua ratione tam insolitum vestimenti genus, tam exanguem in vultu maciem, tantam in incessu humilitatem præferrent.* Quorum ut ille Vitæ sanctimoniam ex verborum simplicitate, compositione membrorum, corporisque cultu perspexisset, continuò sibi imaginabatur eosdem



dem oculis suis obversari, qui dicente Apostolo : *quondam circuerunt in melotis, in pellibus caprinis, angustiati afflicti, cum quorum tamen dignitate, nec totus Mundus certare posset.*

Illi autem plura elogia in laudem solitudinis Eusebio ingerentes : Divum Paulum Theb. um Eremitarum Principem, Antonium verò, Macarium, Hilarionem, & alios (longe ante tempora Romualdi) Eremitici Propositi illustratores fuisse ingeminabant. *Revocabant pariter in memoriam Eremiticæ Vitæ per Hungariam Fundatores, Zéarados, Benedictos Gerardos &c. penitentiae & austeritatis viva aliquandò exemplaria: quorum vestigiis insistentes, quasi digito solitudinis dignitatem indicabant. Ita Rev. Pater Eggerer Ord. Paulinorum in Vita B. Eusebii. Sed ne mè Lector benevole, in descriptione Discipulorum sancti Romualdi, à Veritate (quæ Mater historiarum est) indiscretò, ut tibi videtur, zelò, longius actum arguas, subjicio oculis tuis ipsissima Verba ex Annalibus R.R. P.P. Paulinorum fol. 74. decerpta: Factum ergo, ut orante quadam vice horis nocturnis Eusebio, ignes aliqui per sylvam, tanquam scintilla in arundineto discurrerent, quo viso, dum novitate rei attonitus, anceps animo fluctuaret, quidnam faces illæ absque pabuli nutrimento singillatim præfagirent? Ecce tibi subito illæ ipsæ flammulae in unum coire, suique conglobatione tenebras noctis, & Eremitæ pellere, diemque ipso meridie clariorem efficere, videbantur. Quò magis raritate facti stupebat Eusebius, eò ferventiùs sibi à Deo Mysterium ab involucris solvi, ac patefieri precabatur: annutum est favente Cælo orationibus Eusebii, nam audita desuper vox: lucernas illas ab invicem per eremum dispersas denotare illos viros, qui distinctim solitarii in eremo vixerunt, majorem postmodum fructum factoros, si solitaria Vita deposita, in unam convernirent Cœnobiticam. Quos Beatus Eusebius in unum congregatos, & à studio Contemplationis in Cœnobia & Civitates*

tes distribuit: ut ibi Evangelizando, non propriæ solum, verum alienæ quoque salutis incumberent. *Strictum illud Romualdinum vivendi genus, perpetuæ videlicet à carnibus abstinentiæ, ob labores, quos deinceps in Concionibus, & Confessionum exceptionibus, ac Sacramentorum administratione subire debebant (teste Præposito Calisien) à summo Christi Vicario temperatum est, adque regulam sancti Patris Augustini revocati sunt.* Colorem illi, & paucis mutatis (ut præcitatus auctor adnotavit) ipsum habitum Camaldulensium in quibusdam regionibus retinent; ac Religiosi sancti Pauli primi Eremitæ vocantur. Hæc est genuina laudatissimæ hujus Religionis in Hungaria origo. Clarum namque est, quod D. Paulus primus Eremita in persecutione Decii in Thebaidem fugiens, toto vitæ suæ tempore nemini Mortalium visus, neminem ipse videns, sub Vitæ suæ finem, solum Antonio coætaneo, & conterraneo suo à Deo revelatus est. Non est tamen propterea improbabile exurrexisse olim Eremitas Paulinos in Thebaide, teste doctissimo Viro Prothonotario Apostolico Aug. Sartorio: qua in re, ne paradoxum canere insimuler, annecto ipsissima modò citati Auctoris verba; *Eremita, inquit, Divi Pauli in Thebaide sæculo quarto, solò sancti exemplò sine ullis regulis coaluere Vitæ eremiticæ æmulatione, è quibus tenues quædam supersunt reliquæ. Barbati incedunt, ac discalceati, cum soleis, veste alba lanea, brevique mantello, & caputio.* ita supramemoratus auctor. De quibus num quispiam pervenerit in Ungariam, prorsus non invenio: ac proinde prudentis Lectoris super hoc iudicium expostulo. Sed è contra, quod illi per Beatum Eusebium conquisiti Eremitæ fuerint Instituti Romualdini, certius est; quam ut à quoquam possit controversi. Cujus evidentiam desummere poteris ex serie Vitæ S. Bugumilli Archi-Episcopi Gnesnensis, quæ typis vulgata fuit Romæ



1661. cum approbatione Magistri sacri Palatii de Ord. Præd. Confimiliter & Divus Maurus Episcopus Quinque Ecclesiensis in Ungaria fundatæ Vitæ Eremiticæ primordia tribuit sancto Zoerardo, è sacro Camaldulensium Collegio prognato alumno, his verbis: *Beatus Andreas Zoerardus, quasi rosa ex spinis ortus Eremiticam vitam è Polonia, qua prognatus fuisse dicitur, in Hungariam transtulit, eamque in Nitriensi, territorio; usq; in finem vitæ, magno abstinentiæ rigore, & miraculorum frequentia, consummavit.* Qui non aliam proculdubio (rationabilitate sic dictante) vitam Eremiticam in Pannonias oras transferre potuit, quam, quæ adhuc ante ejusdem tempora per quinque Ordinis nostri Fratres, Benedictum, videlicet, Joannem, Matthæum, Isaccum, & Christinum, quæ vitæ Eremiticæ in Polonia Fundatores (*attestantibus Cromero libr. 3. Dubravio lib. 6. Orichovio, & Paulino Klodauski Ord. S. Pauli primi Eremitæ*) ibidem propagata fuit, quamque in Eremo Camaldulensi sub Barnaba Magistro coluit; quod paulò clariùs remonstrabitur.

Abfit hìc à me Lector humanissime, cum hoc Sacro Apostolico, nobis aliàs semper addictissimo Ordine, per disquisitionem Originis sui, rem in controversiam vocare; aut toto Orbe diffusi sacratissimi Paulini Nominis gloriam vel tantillum velle minuere. Vitiatum hocce desiderium in animo meo (palam confiteor) prorsus non reperio; sedet si per inconcessum quodpiam reperiretur, id præsentibus anathematizo. Ego sat, supérque contentor, pro exigentiæ præsentis materiæ breviter ex præmissis remonstrasse, de Romualdina schola tales jam olim prodiisse viros, qui Beato Eusebio in primordiali Novelli gregis institutione sacrum Ovile suum augmentare mererentur. Cæterum, ut sacer hìc Paulinus Ordo sub gloriosissimo militantis Ecclesiæ

clesiæ labaro, Apostolicis jam per tot, sæcula adauctus victo-  
riis, usque in finem unà nobiscum legitime certet, tacitis  
comprecor votis.

Haud tamen, paucis ab hinc diebus Lector perhumane,  
vicinam sub ingressus Urbem, casu in Pictorem inci-  
di Sanctum Zoerardum in habitu Paulinorum effigiantem,  
quem posteaquàm de Sancti hujus vitæ ratione, & professio-  
nis voto informassem; ac quemadmodum, antequàm Pau-  
lina Religio (*quæ Pannoniam natale solum recognoscit*) in Un-  
garia succrevisset; jam in Polonia Vitam Eremitico-Camal-  
dulensem coluerit, edocuissim: non illepidò veteri illò pro-  
verbiò commotum meum sedavit animum; *Cuncta licent*  
*stultis, pictoribus, atque Poëtis.* Imò inquit, se non parùm  
mirari; me adhuc ignorare;  *fingere & mentiri inter Pictor-*  
*res fore venale.* Verùm ne ignorantia fiat tibi amice Lector  
ulterioris causâ erroris; subjicio oculis tuis gravium scripto-  
rum auctoritate firmatam vitæ ejus normam. Zoerardus  
igitur in partibus minoris Poloniæ in oppido Opotoviecz  
prope Vistulam fluvium Christianis, & piis parentibus na-  
tus, Patre Marco, & Matre Agnete, qui sancta educatione  
Parentum, in præceptis & lege Domini rectè institutus,  
tandem sub Beato Barnaba Eremita Camaldulensi, in Ere-  
mo Casimiriana majoris Poloniæ habitum Camaldulensem  
assumpsit; super quo Damal. Scriptor egregius evidens  
hocce perhibet testimonium: *Post gloriôsè, inquit, consum-*  
*matum Joannis, & Benedicti Martyrium, Barnabas ab itinere*  
*cum Socijs à Sancto Romualdo adjunctis ex Italia reversus in Po-*  
*loniam; in eodem loco, ubi sancti Martyres trucidati sunt, in-*  
*staurat Eremitorium, & extructis juxta numerum Fratrum tu-*  
*guriolis, complures Socios, & Discipulos sibi adscivit è Polonis.*



*In his Andream Zoerardum, Justum, & Benedictum Zoerardum, clarissima tria Ordinis sui lumina in austeritate vitæ feliciter erudit.*

De hoc gloriosissimo Ordinis nostri Sancto palam fatetur ingenuè toties citatus Gregorius Eggerer Ord. Sancti Pauli primi Eremitæ in suis Annalibus: *Se primum invenisse, qui Eremum in Pannoniam invexit.* At ulterius parùm moderatô Zelô actus, hæc de eodem in commentationum suarum serie spargit lib. 2. cap. 1. *Et quamvis, inquit, apud Surium (tomo 3. ad 1. May) legam eum à Beato Mauro. Quinque Ecclesiensi Episcopo Benedictinum appellari, & quidem in Hungaria à Philippo Abbate in Monasterio Zobor habitu religioso indutum; id tamen narrationi historicæ minimè adstipulatur, referenti Zoerardum ex solo natali Eremum petiisse. Qui si ex Ordine Divi Benedicti fuisset, utique inter Fratrum suorum amplexus animam tot meritis inclytam Creatori reddidisset.* Hæc sunt verba præcitati Annalistæ. Cum quo (quia Religiosus est) revertenter agendum censeo: pace igitur sua; assertum ejus hac in parte sufficienti niti fundamento prorsus non invenio; irrefragabili namque gravissimorum Scriptorum auctoritate compertum habetur, eundem Sanctum è Polonia in habitu Eremitico-Camaldulensi ad Monasterium Zobor per Divum quondam Stephanum Ungarorum Proregem fundatum, apulisse: ubi Vitam Monasticam (Benedictinam puta) sub Philippo Abbate Professus est.

Qui postea anteaetæ Vitæ suæ contemplativæ desiderio stimulatus, de licentia Abbatis sui à Cœnobio ad mediô ferè quadrante distantem speluncam secessit, ibique adscito sibi Benedicto Discipulo Vitam ritu Romualdino consummavit. Nec obstat assertioni nostræ eum sub Philippo Abbate Benedictinum canonem professum esse, nam antiquis temporibus Benedictinis per omnia familiare fuit ad Eremos

Camal-

Camaldulensium commigrare: & è contrà Camaldulenses à primævô Benedictinam regulam professi pro exigentia temporis eorundem Monasteriis non refugiebant incorporari. Antiquitùs enim sacra Benedictina Religio ab Instituto Camaldulensium in Vitæ ratione (præter unicam arctiorem solitudinem) in nullo ferè discrepabat; Nam & ipsi carnibus vesci olim piaculi loco habuerunt. Unde nostri sancti Fundatoris tempore, quasi non dabatur Monasterium absque vicina Eremo, nec Eremus admodum distans à Cœnobio. Ex quibus (testimonio sanctæ regulæ) *qui jam Monasterii probatione didicerant contra Diabolum pugnare*, non rarò transibant ad Eremos. Sed quid opus in diversorum Authorum volumnibus passim inserta, quæ sanctum Zoerardum Ordinis Camaldulensis fuisse remonstrem, conquirere argumenta? Solidora sunt ad manus; Sacræ, videlicet, Romanæ sedis auctoritas; quæ speciali suo Decreto definitivam superinde ferens sententiam, eundem catalogo Ordinis Camaldulensium inseri præcepit; ac ut Festivitas illius die 17. Julii ab universo Camaldulensi Ordine sub ritu duplici secundæ Classis solemniter celebretur, benignè indulfit. *ita Brev. Mon. Pauli Papæ V. auctoritate ref.* His præmissis Vitæ ejus sanctissimæ Virtutum insignia jam referamus, est necesse. Mira sancti hujus abstinencia, carnisque mortificatio à cunctis prædicatur; qui præter triduanam frequentem inediam, Quadragesimale jejunium, quemadmodum olim Zoizimas quadraginta dactylis, ita Zoerardus totidem nucibus transegit; & interdiu continuò manibus operabatur, noctu verò vix quidquàm quietis capiebat. In media namque spelunca excavatum quendam quercinum truncum sepibus cingens, eidem acutissimos ligneos clavos infixit, ut si forte corpus sopore gravatum quamcunque in partem declinaret; illis



illis ipsis aculeis fauciatum evigilaret. Sed & coronam ligneam, vel (ut melius dicam) circulum quendam, in quatuor partibus, quaternis appensis lapidibus, Venerando capiti superimposuit, ut si forte sopitis palpebris, nutaret in partem, illico in lapidem impingeret; quem usque adeo austerum sui excrucianti modum admiratus B. Maurus Quinque Ecclesienlis Præsul exclamavit: *O Beati Viri merces, que in Cælo compensat, quod in terra graviter emptum fuerat! divinaudum genus Confessionis, quod pretiosius facit regnam promissionis, non cibus, non requies auferre potuit vanâ dulcedine vitam æternitatis.* Orationi assiduæ, Mortificationi, & diuturnæ abstinentiæ erat per omnia deditus. Verumtamen in tanta ciborum paritate, nunquam à labore cessabat, sed accepta securi solitarium sylvæ penetrabat recessum, ibidemque tamdiu in opere perseverabat, quoad nimio labore fractus, humi laberetur. Accidit autem, ut die quodam sic instar mortui jaceret, cumque dubio procul, ab omni humano solatio destitutus, extremum Spiritum edidisset; ecce subito juvenis eximio præfulgens candore adfuit, qui eum vehiculo impositum ad cellam perduxit, ac protinus evanuit; illico Zoerardus, ut collectis viribus cognovit, benignâ Dei misericordia tanto se periculo ereptum; exultare, & gratias agere cœpit; Benedictumque suum discipulum, ne ante diem obitus sui rem admirabilem promulgaret, juramentò obstrinxit. Cum autem extremus ejus immineret dies; illis, qui eum circumstabant, præcepit; ne quid vestimentorum, quibus operiebatur auferrent, usque dum Abbas ipse Philippus, qui è vicino Cœnobio Zobor accersitus expectabatur, adesset. Abbas autem eo defuncto adveniens, ut primum sacrum corpus de more lavandum attigit, catenam æneam ipsis visceribus penitus inhærentem invenit. Quod qui-

quidem Martyrii genus prorsus occultum mansisset, nisi ad umbilicum ligati nodus apparuisset metalli.

Soluta verò catena, dùm ex corpore trahebatur, elisarum costarum sonus, omnium aures cum horrore replebat. Sacrum ejus corpus, Nitriæ, Civitate eo tùm Regia, in æde sancti Emerami ( quæ nunc pia Excellentissimi, ac Reverendissimi Domini Comitis Adami ab Erdöd Episcopi Nitriensis, in honorem ejusdem, magnificentissimè restauratur ) Sepulturæ honorem accepit. Miraculis post Mortem non minus illustris, quàm morum sanctimoniâ dùm viveret, clarus extitit ; præterquàm enim quòd plurima per eundem operatus sit Omnipotens miracula, duo memoratu dignissima recensenda veniunt, primum sic contigisse referunt. Quodam tempore inter latrones, quorum olim sylva illa Zobriensis ferax fuerat, pugna oborta est, ex quibus unum lethalibus fauciatum vulneribus Socii ad cellam sancti Zoerardi, cujus sanctitatis fama per oram illam percrebuerat, detulerunt ; sed antequàm delatus esset morte præventus est.

Cùm igitur corpus ejus examine jam tumulo mandare vellent, extemplò redivivus surrexit, & fugientes præ terrore Socios infecutus clamabat ; *Nolite, Fratres, formidare. sed nec fugere ; S. enim Zoerardus à morte me ad vitam suscitavit ;* illis tantò magis stupentibus, & ut discederet rogantibus, dixit, se nunquàm ab eo antro discessurum, sed ibidem Deo, & B. Zoerardo reliquum vitæ in gratitudinis symbolum dicaturum ; fecit quod spondit, & usque ad obitum inde non recessit.

Alterius miraculi series ita recensetur ; in Civitate Nitria, quæ distat à spelunca sancti Zoerardi unâ solidâ horâ, Reus quidam laqueo adjudicatus est, hic pronunciatâ mortis

tis



tis sententiâ suspensus quidem ; verùm cùm spectator sui supplicii populus abiisset, non longò post intervallò ipsum subsecutus, ad Philippum Cœnoby Zobor Abbatem venit, & quomodò manibus B. Zoerardi recte fuerit solutus, exposuit. *Cum, inquit, damnatus essem, & opem sancti devotè implorâssem, eodem puncto temporis, quo de patibulo ministerio Lictoris dejectus fui, ipsa mole corporis strangulandus, sanctus vir manus cadenti supposuit, idemque vinctum excolvit, & abire jussit.*

Anno 1568. die 17. Julij, qua Festum Sancti celebrari solet, temporibus Sigismundi Augusti Regis Poloniæ, frequens aderat populus, ut divinis officiis vacaret, ac se precibus viri sancti commendaret, in Ecclesia, quæ super cellam ejus ædificata est, in qua Vir Sanctus ( teste Stephano Congregationis Lateranensis Præposito ) antequàm iret in Ungariam annis aliquot commoratus. Ibi populum Catholicum orantem, ausu nefario quidam infideles, & Ecclesiasticæ immunitatis sacrilegi eversores, magna vi adoriuntur, & de templo exturbare conantur ; populus interim opem sancti Viri magna contentione vocis, & fervore Spiritûs inclamat : *Sancte, inquit, Andrea Zoerarde serve DEI, defende Ecclesiam ab impiis Lutheranis, Fidei Catholicæ hostibus.* Ad quas voces ( res mira ) protinus Sanctus Zoerardus manifestè apparuit, & baculò ignitò, quem gerebat, hæreticos propulsans, à Cœmeterio abegit, multos ex iis divina ultio flammis absumpsit, multos excæcavit, nonnullos Vitâ privavit, plures mirabili coerciti pœnâ sanctæ Matri Ecclesiæ Catholicæ manus dederunt. Extat in hodiernum usque diem sancti memoria, lapis quidam in Cœmeterio templi, quod octo miliaribus Polonicis Cracoviâ distat, in quo plantæ pedum, sancti Zoerardi consistentis impressæ, in præsen-

tia omnium cernuntur. Spelunca ejus ab Eremo Zobor medio ferè distans quadrante horæ, ab universo populo Diæcesis Nitriensis usquè in hodiernam diem magna habetur in veneratione: in quam, non ita pridem Martinus Baroti Incola Nitriensis, desperata laborans infirmitate, curru (cum pedibus penitus incedere non valeret) se devehì curavit; inibi sacrum locum piè veneratus, precibus sancti Zoerardi (ut piè creditur) integræ sanitatis beneficium recepit. Qui actis primùm Deo, & dein sancto Zoerardo gratiis, reliquum Vitæ suæ tempus, in perennem tanti beneficii gratitudinem (extructo in pede Montis tuguriolò) ejusdem Sancti obsequio dicavit. Prout assumpto tandem habitu Eremitarum sancti P. Augustini, emissaque Viennæ sacra Professione, ibidem ad præsens sanus & incolumis devotè conversatur. In prædicta, Eremo Zobor advicinante, spelunca (*referente Damalevicio*) mansit quoque S. Bonifacius Ordinis Camaldulensis Martyr egregius, & Russiæ Apostolus. Andrea igitur Zoerardo sancta Morte prævento, Benedictus ejus discipulus, genere itidem Polonus eidem successit; Magistrique mores, & Vitam imitatus triennium supervixit. A latronibus tandem spe inveniendæ pecuniæ occisus, & in flumen, Vaghum nomine, projectus est: ubi corpus ejus demersum totum annum sub aquis delituit, donec indicio Aquilæ quotidie in ripa fluminis sedentis, integrum & incorruptum inventum in Basilica S. Emerami, per Gisellam Divi Stephani Regis Ungariæ Conjugem sanctissimam fundata,

Corpori Magistri sui appositum est.



Q

CAPUT





## CAPUT XXIII.

### *Conversio Principis Tami operâ Sancti Romualdi.*

**C**rescentius illustris Romanorum Senator, indignationem Imperatoris incurrens, in montem, qui dicitur sancti Angeli, asylum quæsiturus ascendit; & quia munitio inexpugnabilis est, obsidente arcem Imperatore, ad defendendum se strenuè Crescentius præparavit. Princeps tandem germanicus quidam magnæ Authoritatis nomine Tamus, qui Imperatori charissimus extitit, ex præcepto Regis Crescentio jusjurandum securitatis dedit, ille taliter deceptus loco egreditur, quasi reus Majestatis, capitalem sententiam subire debuit. Cujus uxorem postea Imperator in concubinam accepit. Quia igitur Princeps Tamus & fraudis concius, & perjurio tenebatur obnoxius. Sancto verò Romualdo Romæ cum Imperatore moram agente, Tamus ob prædictum casum suam mentem tranquillare nesciens, coram eo de tam scelestâ actione conquestus est, seque adaperuit: quodd idè; ob aliosvè Aulæ turbines, ipsa, totusque mundus sibi nauseam & abominationem attulisset; confestim S. Romualdus, ut cum circâ æternam salutem attentum redderet cum amœno lepore Principi respondit: consimiles, inquit, in Aulis displicentias reportare nimis consuetum est. Veniat vobis mi Princeps in mentem illud à Seneca relictum de aulico in cujusdam Regis Aula inveterato: qui interrogatus: quomodò rarissimam rem, conscentus esset, senectutem, respondit; Injurias accipiendo, & gratias sæpe agendo.

opor-

Oportunam hanc naetus occasionem Romualdus, liberiùs incipit loqui, dicens: Amice, gratè recipio confidentiam, quate mihi aperis, & cum eadem candidè dico; quod si universa hæc terræ machina, tempestuosus est Oceanus; Magnatum Aula est sinus magis periculosus, per quem pauci adhuc Aulici gloriari possunt, quod ipsum absque naufragio trajecissent, ob scopulos crebro occurrentes, & contrarios ventos incessanter spirantes. Et demùm datò, quòd ad desideratum spei littus quis perveniat, quid prodest? currit velox tempus; & mors adedò inexpectatâ, & imprævisâ falce ludit; ut sit manifesta stultitia, vel unicam Vitæ horam sibi promittere. Ad quid Fili, tantum studium & exagitationes pro unico vanæ gloriæ Mundi fumo? pro unico superlativo titulo, aut modico auri pondere? & pro adipiscendo ultimo fine, propter quem nos Deus in Mundo posuit, qui est Paradisus, tam modica cura, imò imperceptibilis incuria. Culpæ sarcina indies oneratur, & ut peccatorum mole impius exoneretur, altum dormitur. Et certè quousque in hoc sæculo peccatis vivitur, grave eorum pondus ægrè sentitur: tunc, sed valdè serò peccati fæditas, & æternum damnum cognoscitur, quandò à corpore anima expellitur. ô quanta suspiria cordi Deum amanti causat vel unicum solum commissum peccatum! licet confessum ac deploratum, obvenix incertitudinem, & offensam summo & infinito Bono factam. O Christianorum, sed vel maximè Aulicorum sanguineis lachrymis deploranda cæcitas! duas de fide credimus dari æternas Vitas, Beatitudinis unam, pœnarum alteram, & paucis horis quibus in hac lachrymarum valle commorari debemus, pro paululum ampliori honore, pro modicum majori commoditate, tantæ vigiliæ & labores exantlantur, & ut paradisi gaudia assequamur, in plumis (donec

Q<sup>a</sup>

mors



mors implacabile suum jaculum improvisò emittat) stertimus, periculoque damnationis perpetuæ nos exponimus. Proinde Dominatio vestra dicta hæc seriò animo expendat, seque Christi Crucifixi militiæ quantociùs adscribere non postponat. *Ipsè erit impòsterum vester Imperator fili, vestra Aula, fiet augusta remoti Cœnobii habitatio, suæ facultates vilis sacculus, verbò, suæ spei certitudo, erit ipsè Paradisus.* Tamus his auditis, totus alter, quàm primò erat, ad Superos suspirans, ait: *Pater mi venerandè, me totum tuum declaro, disponas de me secundum velle tuum quid quid placet; solummodò obnixè precor cooperationem? ut ab Imperatore indultum, liberè suam Paternitatem absque impedimento sequendi, consequi valeam.* *Macte animo fili,* respondit Romualdus: *Imperator Monachorum Pater est, arcana cordis tui ei pandas, & quod petis, obtinebis.* Super cujus inopinatam instantiam, in initio mirum in modum obstupescit remansit Otto Imperator, verum in suo proposito persistenti Principi Tamo tandem Romualdi operâ assensum præbuit, ac in pace dimisit.



## CAPUT XXIV.

*Sergius Dux Ravennæ, Sancti Romualdi Pater, sacrum Ordinem Camaldulensium ingreditur, sed postea facti pœnitens ad sæculum redire conatur.*

**I**Nterea Sergius Romualdi Parens Monachus Camaldulensis efficitur, sed aliquantò post, suadente Diabolo factæ conversionis pœnitens, in Ægyptum ad ollas carniū redire conatur. Quod protinus Monachi Cœnobii videntur

licet

licet sancti Severi, quod non longe à Civitate Ravenna situm erat, ubi corpore, non corde amplius Sergius habitabat, Beato Romualdo per nuntium indicare studuerunt, qui eo tempore in Galliis morabatur. Hâc ille sinistrâ relatione perculsus, necessarium esse decrevit, ut pereunti Patri subveniret, & ad eum in sancto proposito confirmandum in Italiam remearet. Audientes autem illius Regionis incolæ, quia Romualdus abire disponderet, nimio mœrore turbati sunt. Et tractantes intra se qualiter illum ab hac intentione averterent, tandem mutuo consensu deliberarunt, ut eum missis interfectoris, impia pietate perimerent; quatenus quem non possent retinere viventem, haberent pro patrocínio terræ vel cadaver exanime. His verò cognitis Romualdus caput suum undiquè decalvavit; & hujus rei executoribus cellulæ ejus appropinquantibus, summo mane cum aviditate magna comedere cœpit. Illi autem id videntes; dementiam crediderunt, & arbitantes mentem læsam esse, corpus lædere dedignati sunt.

Sic videlicet, sic prudens spiritualis David infantiâ stultam carnaliter sapientium superavit astutiam. Nam & volentes peccare prohibuit, & ad meritorum suorum cumulum sine mortis formidine, mortis periculum declinavit. Deindè cum libera uti facultate foret permissus, non equò aut curru vectus, sed solum in manu ferens baculum, nudis pedibus ex intimis Galliarum finibus Ravennam usque pervenit. Ad ejus conspectum Abbas & Monachi convenientes in unum sacras pii Patris manus cum humili reverentia deosculati sunt. Sergius verò auditò sancti Filii sui adventu totus contremiscebat, à quo puniri vehementer formidabat.

Quem



Quem Romualdus à cæteris segregatum taliter cum  
mansuetudine affatus est: Intellexi ab his Patribus vestram  
Dominationem, in sanctè cæpta sua resolutione titubare, credo hanc  
esse demonis suggestionem, qui nostri boni invidus, mille difficul-  
tates obtendit, nos à securissima religiøsæ vitæ semita seducendos;  
& quoddam prævaricans natura, ad malum semper proclivis, con-  
tra nos colluctetur; id fit permittente Domino: ut abigendo pri-  
mam, & resistendo secundam, in virtutibus ob copiosius meritum  
adipiscendum, exerceamur. Mibi persuadeo, quoddam vestra Domi-  
natio non solum fortiter resistat, sed continuò Dominum precetur,  
quatenus sibi cum sua gratia assistat; gratias referendo, quoddam se  
à sæculi tempestatibus subtraxerit, ubi tam frequentia pericula,  
& occasiones suam Bonitatem offendendi existant, è quibus laus  
DEO suæ Dominatio libera evasit. Hinc antequàm (quoddam Deus  
avertat, & nec ego credere queo) perversis incidentiis suis locum  
det, & deliberet, opprobriosam perpendat notam, quæ inde suo  
nomini resultaret, cum omnes quot quot vestram Dominationem  
noverunt, sanctam conversionem, edificati mirantur; quæ licet  
særa, nihilominus opportuna, & ad acquirendum (propitio Numi-  
ne) altissimæ perfectionis gradum sufficiens. Si in viro tantæ  
auctoritatis, ac ætate, & prudentiâ consummato sene, homines eam  
levitatem, & inconstantiam cernerent, quale quæso per hoc ipsis  
scandalum causaretur. Debitor est revera, non solum DEO, sed  
etiam hominibus suarum actionum rationem reddere. Sed dicat  
mibi obsecro, quidnam adhuc à mundo prætendat? si sponte eum  
deserere renuit, proculdubio quantocius Dominatio vestra desere-  
tur ab eo: ponderosa namque ætas nil aliud, quàm sepulchrum,  
in quod propè disincassura est, indicat. Tot annos pro mundo adeò  
perperam expendit, jure meritò has ætatis suæ reliquias, quæ su-  
persunt, Deo expedit largiri. Erigat tandem animum quæso,  
ac religiøsi cæpti latus prosequatur cursum, qui Dominationem  
suam

*suam ad Cœlestem proculdubio perducet Beatitudinem. Hæc pie & humaniter effatus Filius ad Patrem.*

Sed hæc salutifera sanctissimi filii sui Monita in indurato Patris corde nullam impressionem fecere; verum pertinax (ut quidam Mundani senes esse solent) respondit, absolute domum velle reverti, ad perferendum tam rigoroſi Ordinis onus vires non sentiendo. Aliis, aliisque factis à Romualdo experiētiis, superiori lumine prævidens periculosum sui Patris ad sæculum fore reditum, & hoc ipsum meram diabolicam fraudem esse recognoscens, suam exhortationem hisce conclusit verbis: Et quoniam jam video, precipitium sequi satagis, neque ab ipso bonis regredi velis, non amplius cum pretiosi temporis jactura absque fructu tecum agam. Modicam moram! & rigoroſi Abbatis Officium te experiri faciam; novi enim: Capitis tui duritiem.

Post quæ sanctus Romualdus illico demandavit Patribus, ut in angusta habitatione incarcerationetur, pedes ejus compedibus stringantur, & comunis ipsi victus restringatur. Quæ omnia ad unguem sunt adimpleta, licet cum strepitu & murmure senis, cernentis se ad tantum rigorem à proprio filio compulsus. Indubium super hoc perhibet testimonium sanctus Petrus Dam. cap. 13. pag. 193. dicens: *Cumque S. Romualdus Patrem suum ad sæculum reverti volentem reperisset, in ligno pedes ejus fortiter strinxit, gravibus eum vinculis alligavit, verberibus duris afflixit, & tandem corpus ejus pia severitate perdomuit, donec ejus mentem, ad salutis statum Deo medente, reduxit.* Qui in se reversus precibus sui Filii deliberationem mutavit, ac vivere, & mori in sancta Religione constanter decrevit, dignos de suis delictis pœnitentiæ fructus faciendo, atque se in jejuniis, aliisque mortificationibus sedulo exercendo.

Rigor



Rigor iste, ut video lector benevole, improprie reputatur à te filii ad Patrem, inquis enim; si iste Vir bonus ad sæculum redire volebat, nemo eum certè legitime impedire poterat: erat in sua potestate, & nulla fuit obligatione obstrictus. Monastici statûs austeritas vires ejus excedebat; hinc se non posse perseverare sentiebat: & cur tanta pauperculo ob ponderosam ætatem nonaginta annorum seni, afflictio? Sed quis est nostrum, lector humanissime, qui judicium ferre, & sanctorum actiones valeat corrigere? qui superno spiritu manuducti, interdum oppositum illi per omnia operantur, quàm ratio & humana prudentia dicat. Optimè ipse noverat, quòd ad sistendos in via perditionis passus, animæ à passionibus fascinatæ, bonis nihil suffragantibus, rigurosi & asperi adhibendi sint modi. Salus æterna multoties ita dependet à perseverantia in arrepto statu, ad quem Deus fidelem vocat, ut eum deferendo, manifestæ se exponat damnationi. Undè actio illa Romualdi circa perseverantiam Patris censetur omni laude dignissima, tanquàm à Deo inspirata. Simili modo fuit laudabilis illa, rigorosa licet, fortis & animosæ Matris Melithonis actio, unius ex quadraginta Martyribus Sebastæ in Armenia triumphantibus; Anno Christi 316. sub Agricolo Præsidente, quæ cum à gentilibus militibus vidisset, alios 39. Martyres super currum imponi, ut in ardentem ignis struem inferrentur, dicto Melithone filiò suò in vivis relictò; dubia ne, non completò Martyriò, Fidei & æternæ gloriæ periculis se exponeret: Zelò igitur accensa, suò Beatò Filiò in humeros sublatò, eum intrepida in ardentem rogam iniecit; licèt antequàm pervenisset, in sanctæ Matris amplexu Beatus Filius felicem spiritum exhalârit.

CAPUT

CAPUT XXV.

*Beatus Sergius, Sancti Romualdi Genitor,  
in quodam raptu Spiritum Sanctum videt,  
confestim infirmatur, & sanctè  
moritur.*

**S**enes, ut plurimum ætatem certam adepti, amisso omni  
maturitatis judicio, repuerescunt; juxta quotidianum  
illud vulgi dicterium senex bis puer.

Non erubescere hic mi venerande senex; nec enim te  
de numero horum fore intellexerim; quem constat ex illo  
bene sensatorum prognatum collegio, de quibus jam olim  
scriptum est: Mens & ratio, & consilium in seni-  
bus est. Experimur tamen nonnunquam reperiri se-  
nes, qui ut in æquam agendorum methodum reducantur,  
uti adolescentulos tractare opus, in quorum educatione  
blanditiis copulantur virgæ. Primæ, utpote blanditiæ re-  
ligiosarum adhortationum à Romualdo, quatenus Patrem  
suum in Religione firmaret, adhibitæ, nihil suffragaban-  
tur; secundæ pia severitate tractatæ Sergium in via salutis  
stabilem effecerunt. In se namque reversus exclamavit:  
eheu ingratitude meam! qui pro mille, mille gravissi-  
mis peccatis meis jam pridem in averni ignem detruden-  
dus eram; pientissimus tamen Deus ad hanc cadentem us-  
que ætatem, in qua me reperio, jamjam desponsaturum se-  
pulchro, non solum ob merum interminabilis suæ miseri-  
cordiæ effectum, patienter me tulit, verum cum singulari  
R bene-



beneficentiæ suæ donô invitare, ac in suam domum acceptare est dignatus; ut in ea sordes vitæ meæ lavare, & deinceps cum pace, & securitate eam terminare valerem.

Hem mi Deus! infinitas tibi gratias refero, me pœnitent, & intimo dolore afficior, quia te summum bonum meum offendi, propter quod extremo dolore oppressus ultimum efflare halitum cupio. O mi Creator, Conservator, & Redemptor! O mi Deus, amor mi JESU pro me crucifixe! tibi servire concupisco, te amare toto corde, totisque viribus contendo; displicet mihi, quia te admodum serò cognovi; & circa undecimam horam ad operandum, in tua Evangelica vinea, venio; verumtamen spero, quia sine præjudicio illorum, qui à primis suis annis pondus diei & æstus portando tuo famulatui dediti fuerunt, me recipies, & mei misereberis.

Cum Sergius jam vitam agere transactæ, per tot annos in sæculo per omnia oppositam, proposuisset; cum tali resignatione & vigore, jejuniis, pœnitentiis, vigiliis, ac mortificationibus se ipsum domare atque propriam voluntatem, integrè se, sanctæ obedientiæ subjiciendo, omnibusvè humiliando, vincere cœpit, ut alter omnino homo evaderet & non solum in ætate, sed et in virtutibus senex appareret. Ingentem gratiam, sancti sui filii Romualdi orationibus & meritis à DEO sibi collatam considerans, ejusque Angelicam vitam contemplans, præ nimio suorum criminum dolore suum cor disrumpi, & ad perfectionem volandum, Deumvè intensivè amandum animari sentiebat. Ex residuo igitur ætatis suæ tempore, nihil jam in quærenda voluptate; quia omne id, quid quid non erat Deus, aut propter DEUM, nauseabat, sed antè quandam devotam Salvatoris imaginem in terra prostratus consistens, expēdebat. Summopere gau-

gaudebat Romualdus, & omnipotentem DEUM summis precibus flagitare, ut eò magis in ejus anima sui divini amoris flammam accenderet, non cessabat. Quodam die dùm Venerabilis Senex ante dictum sacrum simulacrum diutius contemplans persisteret; quomodò videlicet DEUS hominem ad se solum amandi finem creaverit, & ipse illum ob tot amoris titulos amare deberet; cum esset suus Pater, suus benefactor, & omnis boni largitor, in summà, quia in se ipso esset infinitè amabilis. Et cum ità igne amoris divini incenderetur, ecce nova res, & nostris temporibus inaudita, teste Petro Damiano. *Æterni Patris, & Verbi incarnati amor, Spiritus sanctus ei visibiliter apparet*: qui protinùs à Sergio, quis esset, interrogatus, manifestè; quia ipse esset spiritus Sanctus, asseruit, & subitò quasi pertransiens, ab oculis se aspicientis evasit. Statim ille in extasim raptus, atque ejus, quem viderat, igne succensus, cœpit per Claustrum post eum velociter currere, fratresque qui illic aderant, magno fervoris impetu, quò Spiritus sanctus devenisset, interrogare. Illis autem, in insaniam eum cecidisse mirantibus, atque illum durè corripientibus, asseribat Sergius, se Spiritum sanctum absque ulla dubietate vidisse, & ante suum conspectum visibiliter pertransisse. Qui statim languore correptus, lecto decubuit, & intra paucos dies Vitam felici consummatione finivit. Hinc sanè probatur, quod divina voce ad Moysen dictum legitur: Non videbit me homo & vivet. Hinc Daniel, cum non DEUM; sed visionem se conspexisse diceret, addidit: *elangui & agrotavi per dies plurimos*. Rectè igitur Sergius, postquam æternam vitam, quæ DEUS est, cernere meruit, à temporali mox vita defecit.

*O beate ac felicissime senex, qui DEUM amando, licet per modicum tempus, plus quàm juvenis es operatus! fruaris nunc*



*in semper viventium patria, & qui benedicti filij tui Romualdi ad-  
huc viatoris orationibus tam magnam gratiam obtinuisti, eja jam  
de te securus, pro me peccatorum omnium hodie viventium maximi-  
mo, & pro omnibus illis, qui peccatorum fœditate fascinati, &  
vero lumine orbatī reperiuntur; Divinam Misericordiam depre-  
care, ac nobis ad cognoscendum & amandum DEUM, unicum so-  
lum radium illius luminis, qui aded tuam mentem illustrat, obti-  
ne, ut & nos, qui te in pravitate imitati sumus, in omni quoque  
æquitate serviendo DEO, tibi associemur.*

¶

## CAPUT XXVI.

*Otto III. Imperator Sanctum Romualdum  
in Eremo visitat, & in ejus cellula  
pernoctat.*

**O**tto tertius hujus nominis Imperator Romanorum, Fi-  
lius Ottonis II. & Nepos Ottonis I. qui ambo glorio-  
sissimi, invicti, & pij Imperatores existentes non degene-  
rem in virtute, ac magnanimitate habuere successorem.  
Sed tandem captus impuro amore Joannæ callidissimæ fœ-  
minæ, consortis Crescentii Senatoris Romani, quem ipse  
contra promissionem Principi Tamo, suo cordialissimo  
amico factam, interfici mandaverat.

Hæc Matrona, eleganti aliàs pulchritudine dotata, sed  
magis in malitia, & in simulandis amoris affectibus versata,  
odium & vindicantem animum (ob extinctum maritum su-  
um) continuò simulanter fovebat, prouti postea eundem  
clàm venenô interfecit. Prædictus Imperator, cum aliquot  
solum Ministris Eremum versùs se itineri commisit, & ut  
pro-

prolixius cum sancto Patre discurrere possit, studio sole jam occidente pervenit. Cui Romualdus, quia magnum hospitem in parva domo susceperat, lectulum suum ad quiescendum dare dignatus est. Coopertorium tamen Rex accipere noluit, quia asperum nimis iudicavit. Mane autem facto, Imperator eum secum ad palatium duxit, ibique ipsum rogare, ut Abbatiam susciperet, multis precibus coepit. Romualdus de nata tam oportuna occasione gaudens, cum solita emphasi sermonem exorsus est.

Quem credis ô Imperator, in mundo humiliorem fuisse, quam Regem Regum, qui ab altissimo statu, inabjectissimam & postremam sortem venit? Cum enim infinitæ esset potentiæ & Majestatis ad induendam nostram miseram humanitatem se humiliavit; & qui verus & legitimus Israëlitiæ Coronæ Successor & hæres esset, nasci voluit ex pauperula Matre in Bethleemitico stabulo, volens semper egenus vivere, atque totaliter nudus mori: & hæc non solum Christum ad redimendos nos egisse autumes, verum etiam ad exhibendum terrenis Magnatibus exemplum fecisse, tibi persuasum habeas. *O Imperator! homo licet sit quantumvis præpotens, & omni claritate in hoc mundo præfulgens; tantus solum in rei veritate est, quantis apud DEUM heroicis operationibus, ac meritis abundat; cæterum Sceptra & Coronæ ad felicitatem animæ nihil profunt; imò multoties (vix non dico semper) animæ & corpori præjudicant. Reminisca-  
tur quæso, plures ex suis prædecessoribus in Romano Imperio violentam subivisse mortem. Consideret, quam dura sit Principum conditio, & Deus scit, quem finem sua quoque sit sortitura, si brevî suæ indemnitati non consuluerit. Exhortor itaque ad generosè renunciandum Imperio, & secedendum in abditam remotioris Monasterii habitationem,*  
solo



solo sui ipsius regimini, & aquirendo Paradiso cum omni conatu incumbendum est.

Tunc proculdubio aliqua persona honore, ac omni-  
gena præeinentia digna reputari debet, quando mundi  
gloriam calcat, & Dignitatum pompam refutat. Quia ille  
est superior honoribus, hic autem fit subditus illis. Ille  
Dominus fastus & pomparum, & iste fit servus earum.

Non incassum tela jactarunt in cor Imperatoris, sen-  
sus adeo Christiani, coelesti Romualdi facundia explicati; ad  
pedes namque Beati Patris prostratus peccata sua cum la-  
chrymis cepit confiteri, cui Romualdus poenitentiam, ut  
nudis pedibus de Romana Urbe progrediens, usque in Gar-  
ganum montem ad sancti Michaelis pergeret Ecclesiam, in-  
junxit. Per totam etiam Quadagesimam in Classensi Monaste-  
rio Beati Apollinaris, paucis sibi adherentibus, mansit. Ubi jeju-  
nio & psalmodia, prout valebat, intentus, cilicio ad carnem  
indutus, aurata de super purpura tegebatur. Lectio etiam ful-  
gentibus, & pretiosis Materiis strato, ipse in storea tenera deli-  
cati corporis membra terebat. Promisit posthac Romualdo,  
quod Imperium relinquens, Monasticum susciperet habitum,  
& *cui innumeri mortales (ut inquit Petrus Dam.) erant obnoxij,*  
*jam ipse pauperculo subiectus, cepit esse debitor sui.* Romualdus  
denuo, praevidens Imperatoris mortem, factae sponfionis  
effectuationem sollicitus urget. At Imperator allegat, multa &  
magna ad huc superesse Imperii negotia, quae per ipsum termi-  
nari deberent; ac proinde supplex dilationem Romam adeun-  
di, & demum redeundi, petiit. Sed Romualdus excusationes,  
ejus non admittens; prophetico namque spiritu infaustum  
ejus finem praevidens, discursum abruptit, & postremo bre-  
vibus ei respondit: Si inquit, Romam perges, nec  
reli-

religiosum habitum indues, nec Ravennam videbis;  
quod nec aliter factum est.

CAPUT XXVII.

*Sanctus Henricus Imperator ad Romualdum  
legationem mittit, ejusque colloquium instan-  
ter petit.*

Interea Imperator Henricus ex Austria in Italiam veniens, misit Beato Viro deprecatoriam legationem, ut ad eum venire dignaretur, promittens se facturum quaecunque peteret, si suum ei colloquium non negaret. Cumque Vir Venerabilis prorsus abnueret silentium frangere, coeperunt omnes discipuli unanimiter illum obsecrare, dicentes: Magister, vides quia nos qui te sequimur tantissimus; ut jam hic congruenter habitare non possimus, vade ergo, si placeat, & ab Imperatore magnum aliquod Monasterium pete, & multitudinem te sequentium ibi constitue. Quibus Vir sanctus servatō inviolabiliter silentiō accepit calamus, & per subitam DEI revelationem fidenter scripsit: *Fratres scitote, quia Montis Amiati Monasterium ex dono Regis habebitis, considerate tantummodō quem illic Abbatem constituere debeatis.* Tandem importunis discipulorum suorum precibus victus, inviolatō silentiō cum aliquot Fratribus perrexit ad Imperatorem. Sparso itaque in Castris Romualdi adventu, postera die Regia habitacula repleta erant Principibus, Magnatibus & Ministris, curiosē prætollantibus; ut eum videre, & in carne Mortali Angelum venerari possint. Mox ei om-  
nes



nes Teutonici Ministri in dextram & sinistram viam dare, & profundè inclinati detectò capite eum potiùs adorârunt, quàm sint veneratî. Et quia ipsorum aliqui paululum incautiùs laceræ ejus vestis præsumpserunt lanam evellere, quas pro sacris reliquiis in Patriam portaturi studiosè recondebant. His conspectis humillimus Dei servus summo rubore confusus non modicùm contristatus est. Undè retrocedendo ad suam Eremum protinùs redire tentavit; & id omninò executus fuisset, nisi ipsius discipulî primò, & postea ex illis Magnatibus nonnulli summis precibus obstitissent. Proindè quasi per vim ad Imperatorem inductus fuit. Cui Rex protinùs assurgens, ex magno cordis affectu in hanc vocem erupit: O utinam anima mea esset in corpore tuo! Quem mox ut loqueretur, (de rëditu cogitans) suppliciter de genibus obsecravît, sed illa die hoc impetrare non potuit. Imò voluit humilis, & devotissimus Imperator salutiferis sancti Patris reprehensionibus, ac admonitionibus subiacere. Sanctus autem non reperiens, in quo ipsum argueret, ob sanctam ejus Christianam vitam, ac rectissimum regimen, brevibus tantùm admonuit dicens: *Henrice, Dominus Deus noster, qui à te nostra Catholicæ sanctæ Fidei decorem augmentari vult, tibi imperat, ut præter in tuis bonis operibus perseverantiã, & justî, ac recti guberniî administratiõnem, aboleas; quid quid hætenus à tuis prædecessoribus contra Ecclesiasticam immunitatem eam præjudicio fuit ordinatũ, & in præcõm inductum. Sua ipsi jura, & immunitates restitue; memento magni Ecclesiæ Doctoris Ambrosii documenti sic asserentis: QUÆ DEI, DEO; quæ Cæsaris, Cæsari. Ad Imperatorem palatia pertinent, ad Sacerdotes Ecclesiæ. Publicorum tibi mœniorum, O Imperator, jus*

jus commissum est, & non sacrorum. Igitur solis Sacerdotibus Sanctuarii curam relinque, & tibi, ac Imperii directioni, quantum respicit temporalia, attende. Tunc namque temporis de tuis inimicis victorias reportabis, dictumque Imperium tuum cum gloriæ amplitudine extendetur, atque cunctis formidabile reddetur, quando Divi Petri successoribus observantissimum, & obsequiosum esse probabitur. Exigit etiam à te Dominus vigilantiam super Imperii Proceres, & Aulae tuae Ministros, ex quibus aliqui parvi tyranni (quia modica auctoritatis, & debilius virium) sed quidam magni (quia majorem potentiam, & ampliores vires, cuperent) justitiam opprimunt, decreta & leges conculcant, & pauperes vilipendunt. Contra tales sit semper in tua manu expeditus mucro ad severe puniendos. Hi sunt periculosissimi intestini inimici Principum, & Reipublicæ; hi Regnorum, & Religionis ruina, & populorum scandalum. Hactenus in his inculpate per ignorantiam defecisti; nunc verò; cum ex ore meo hi supradicti duo defectus palam sint tibi patefacti, deinceps oculi tui ad serid excubandum super his sint intenti. Cum gaudio, & humilitate sanctus Imperator salubria Romualdi monita recipiens, gratias ei reddidit affectu plenas, & instanter se ejus orationibus, pro felici proximi belli contra Græcos exitu, commendavit.

Cum Beati Romualdi desiderium sancto Imperatori innotesceret, & Discipulorum ejus in Sitria numerosè degentium angustias penetraret, insigne Amiati Cœnobium, (prout jam noster sanctus præviderat) quod ab iniquo, & indigno Abbate, sed postea Regia autoritate ab Henrico deposito, possidebatur, eis donò dedit. Post hæc cum omni reverentia Imperator sanctum senem dimisit, promptum se ad quæcunque ejus mandata exhibens; quocirca ipse confestim suam Eremum repetiit. Sed mi benevole lector, sinamus Romualdum cum suo silentio in pace remigrare, &



sequamur paulisper in bello religiosissimum Imperatorem :  
 haud parvum namque spiritualis profectus fructum sumus  
 reportaturi, si ei aliquò modicò temporis intervallò non pi-  
 gebit associari. Nam si & tu, regulari militiæ, velut ego,  
 adscriptus es, occasio proculdubiò nobis erubescentiæ &  
 confusionis præbebitur, contemplando hunc potentissi-  
 mum Imperatorem, Regnorum & Exercituum negotiis im-  
 mersum, suam animam tot tantisque virtutum, ac merito-  
 rum monilibus locupletasse. Si verò sæcularis sis, disce ad  
 ipsius imitationem modum te sanctificandi, etiam si in sæ-  
 culo degas; nam & illa via secura est ad salutem, si veri  
 Christiani hominis debita expleas, & vel in parte benedi-  
 ctum hunc Regem imitari non contemnas, *in thalamo, vide  
 licet, Virginem, in gloria humilem, in Regnorum dominio spiritu  
 pauperem, in conviviis abstinentem, in delitiis poenitentem, & in  
 Aula (quod mirandum) Monachum.* Tametsi enim ordo no-  
 ster Benedictinus ipsum Henricum externè sub suo habitu  
 non habuerit, felicem nihilominus sortem habendi, vice ipsi-  
 us suam sanctam sponsam & Virginem Cunegundem, pro-  
 meruit, quæ defunctò suò amatò fratre potius quam Mari-  
 tò, ad magis gloriosas & nobiliores nuptias cum Rege Vir-  
 ginum JESU aspirando, profligatò omni fastu & opibus,  
 anniversariâ die felicitis transitus sui dilecti Henrici, in Eccle-  
 siam sumptuosis, & regalibus vestibus amicta compa-  
 rens, post lectum in Missa à Sacerdote Evangelium, ipsis de-  
 nudata, Benedictinò nigrò paludamento, cum in-  
 vieta animi generositate, & excessivò ani-  
 mæ suæ jubilò se coope-  
 ruit.

CAPUT



## CAPUT XXVIII.

*De SS. Martyribus Joanne & Benedicto à  
Sancto Romualdo ad prædicandum sanctum  
Evangelium in Poloniam missis.*

**I**Nterea Romualdò adhuc in Eremo Pereti habitante Busclavus Princeps, ad Ottonem Imperatorem nuntium expediens, ut sibi spirituales Viros mitteret, qui Regni sui gentem ad fidem vocarent, multis precibus institit. Mox ut percepit Imperator literas, & desiderium Busclavi Principis, (cum quo magnam semper fovebat amicitiam) intellexit, personaliter ad Eremum Pereti, ubi tunc Romualdus morabatur, commeavit. Sciens itaque Imperator in magna schola Romualdi, Magistro non degeneres fore discipulos, ei petitionem & fervens Busclavi desiderium (communicando cum ipso sibi scriptam Epistolam) adaperuit. Assensit quidem Romualdus perbenignè pii Principis postulatis, nulli tamen suorum hoc præcipere, velut ex prælationis auctoritate, voluit; sed totum in eorum libero arbitrio ponens, permanendi, vel abeundi eis optionem dedit. Duo igitur præ cæteris virtute & prudentiâ præditi se ultrò ad eundum promptos offerunt. Quorum unus Joannes, Benedictus alter vocabatur.

Horum alacri voluntate cognitâ Romualdus, in Poloniam eos cum benedictione dimittit. Quò postquam sancti Eremitæ devenerunt, salutato humiliter Rege, mox in solitudinem Casimirianam secedunt, ubi regia charitate ipsis



viſum præbente tam diù manſerunt, donec linguam Polonicam didiciſſent. Cùm verò jam loquelam Regionis illius plenè cognoscerent, unum de Sociis, Barnabam nomine, ad Romanam Urbem mittunt, & per eum à ſummæ Sedis Antiſtite prædicandi licentiam petunt. Injungunt quoque dicto nuncio, ut aliquos ſecum de Beati Romualdi Fratribus duceret, qui Eremiticæ converſationis gnari, cum eis ſimul in Poloniæ partibus habitarent.

Busclavus qui ab aliis Boleslaus nominatur volens coronam ſui Regni ex Romana auctoritate ſuſcipere, prædictos venerabiles Viros obnixa cœpit ſupplicatione depoſcere, ut ipſi nomine ſuo plurima dona Papæ deferrent, & coronam ſibi à ſede Apoſtolica reportarent. Qui regiæ petitioni aſſenſum penitus denegantes, reſponderunt: nos in ſacro Ordine poſiti ſumus, tractare nobis ſæcularia negotia minimè licet, & ſic ſancti hi poſt aurum nec abeuntes, nec in theſauris pecuniæ cor reponentes, dictum munus honorificum accipere noluerunt. Quidam verò conſcii Regii conſilii (ſed quid ſancti Viri reſponderint ignorantes) copioſum auri pondus, quod Apoſtolicæ ſedi mittendum fuerat, eos in Cellula habere opinati ſunt. Deindè intra ſe conventionem factâ deliberant, ut noctu latenter Eremum ingreſſi, Monachos interficerent, & pecuniam aſportarent. Quos cum Beati Viri tentantes irrumpere perſenſiſſent, adventus eorum cauſam protinus agnoſcentes, confeſſionem inter ſe facere, & ſanctæ crucis ſe cœpère vexillò munire. Erant autem ibi duo Juvenes eorum obſequiis ex Aula Regia deputati; qui prout vires dabant, Sanctos defendere, & furibus reſiſtere niſi ſunt. Fures perfractò tandem additu irruentes, ex-

tractis

tractis gladiis omnes pariter occiderunt. Tunc thesaurum anxie perquirentes, sed everfis omnibus nihil invenientes, ut tanti reatus crimen obtegerent, & humana suspicio non armis, sed flammis potius, quod factum fuerat, deputeret; cellam incendere, & ipsa Martyrum cadavera conati sunt conflagrare. Sed admoti ignes, amissis naturæ viribus, nihil omnino incendere ullis eorum studiis potuere. Ita enim ignem, & ipsa parietum materies repellebat, ac si loco lignorum durissimi silices essent

Frustrati itaque fures intentō suō, in fugam se conferre nituntur, sed & hoc illis ex divina providentia denegatur. Tota siquidem nocte per fruteta nemorum, & per devia sylvarum viam anxii sunt quærere, verum hac, atque illac per deserta vagantes, exitum non inveniunt; quin & brachiis divinō iudiciō arefactis, gladios in vaginas condere nequiverunt. Locus verò, in quo beati Martyres jacebant luce clarissima refulgens, tota nocte Angelicis concentibus resonabat.

Ubi igitur diluxit, Rex cum numerosa multitudine militum properans ad Eremum, cum sylvam undique cinxisset armatis, latrones, suis adhuc evaginati gladiis, comprehendit. Postquam verò sancta corpora honorificè tumulasset, vitæ parcens homicidarum, hujusmodi sententiam tulit; ut ferreis catenis vincti ad sepulchra Martyrum perpetuò starent, quatenus aut ibi usque ad obitum in vinculis miserabiliter viverent, aut si sanctis Martyribus aliter videretur, ipsi eos suâ misericordiâ liberarent.

Quò cum perducti essent, illicò DEI omnipotentis nutu fracta sunt vincula. Ibi autem mox ad honorem Sanctorum Martyrum Basilica multis clara Miraculis est erecta, in qua



qua non solum tunc, sed & nunc innumerabilia sunt ex divina virtute prodigia.

Sequenti autem post sepulturam Martyrum nocte, apparuerunt Bulclavo Regi, coram quo gloriantes magnificaverunt; quod per diram necem adepti essent coelestia regna; gratiasque ipsi egere, quod eos vivos & mortuos tantam semper charitate complexus fuerit. Denique summam laude efferebant, quod homicidis pepercerit; *non enim*, inquit, *decebat sanguinem Martyrum, sanguine vindicari, & vitae Coelestis beneficium morte crudeli compensari*, pollicitique sunt ei, pro ipsius, & totius Regni incolumitate, divinam Majestatem semper precaturos, Patronosque & protectores temporibus sempiternis ejusdem futuros.

Refert Martinus Baronius in Actis Polonorum, quod cum pia & nobilis Matrona devotionis causam hos sanctos viros visitasset, eisque piscem, qui Salmo dicitur obtulisset; Fortuito cecidit is in terram, quo in loco statim fons emanavit, qui usque in praesens durat; piscis ille cum ad vescendum praepararetur Fratribus, alius similis genere, & magnitudine divinum miraculum solebat apparere in fonte illo, qui cum esset comestus, rursus alius apparebat, qui per longum tempus victui eis fuit quotidiano. Quamdiu fratres vixerunt piscis ille duravit, postquam vero Martyris coronam adepti sunt, piscis evanuit; fons nihilominus

adhuc usque tempus perennat, per cujus  
aquam, magna Deus miracula  
operatur.



CAPUT

## CAPUT XXIX.

*De multiplici infestatione Diaboli, quàm  
Romualdus sustinuit, & de prudenti sui  
Discipuli probatione.*

**I**mpugnabat Diabolus Romualdum multis, & variis tentationum immissionibus, mentemque ejus per multa incentiva vitiorum raptabat, modò illi in memoriam revocans, quæ, & quanta vir strenuus in sæculo aquirere potuit; modò eidem objiciens, quanta ingratis propinguis hæreditanda reliquit; modò parva nimis, & nullius meriti esse, quæ faceret accusabat; modò ardui laboris, & exantlandorum fatigiorum horrorem incutiens, longioris vitæ spatium promittebat. Sæpissimè cum maxima vehementia cellulam ejus percutiens, eum, cum adhuc vix obdormisceret, excitavit, & quasi jam jam imminente crepusculò, totam noctem vigilando deduxit. Per continuum ferè quinquennium super pedes ejus & crura (ut diximus) diabolus nocturno tempore jacuit, & ne huc illucque se facile verteret, typò phantastici ponderis aggravavit. Sæpius præsentēs iniquos spiritus durissimis increpationibus effugavit. Undè etiam si fratrum aliquis silentii tempore cellam ejus quavis necessitate compulsus adiret, statim miles Christi paratus ad prælium, solitò more, ipsum existimans diabolum, clavis vocibus increpabat, dicens: *quo tendis modò turpissime? recede canis immunde? evanesce coluber veterinosè?* His igitur & hujusmodi verbis declarabat se cum malignis spiritibus in acie semper assistere, & fidei se armis accin-



ctum, provocantibus hostibus in campum protinus obviare.

Miserat quondam Illustrissima quædam Comitissa humilem supplicationem ad sanctum Virum, rogans enixè ut se accedere non dedignaretur, ob causam secum conferendi in conscientie negotio. Sanctus illuc commeavit; licet non libenter dilectam sibi solitudinem dederet; & quia sibi Socium quendam discipulum juvenem adhibuit, de quo anceps hærebat, num se ad illius Domine intuitum, cum convenienti compositione, oculorumvè modestia conservaturus esset; in reditu, pro detegenda veritate, à longè ipsum alloqui exorsus est: *audistisne charissime Frater, quàm pius sensus hæc Comitissa nutriet? benedicta sit, DEUS ipsam veram suam servat efficiat, & conservet: quæ in medio sæculi inter delicias, & opulentias, ad multorum religiosorum vocationi suæ non correspondentium ruborem, arduum virtutis iter constantissimè graditur.* Mihi nihilominus admodum displicet; quòd ejus venustati non modicum ad ferat præjudicium unus oculus (nifallor) defectuosus; hoc auditò discipulus nihil prorsus pensando ad quem finem sanctus Magister hæc protulisset, confestim respondit; *Absit mi Venerabilis Pater, ut hæc Domina aliquem oculorum defectum patiatur, ipsa omnigenâ pulchritudine potitur, ego ipsam pluries conspexi, & ejusmodi vitium minimè intueri potui.* Optimè, optimè fili, intulit Pater, *sat abundè in religiosa perfectione profecistis: mirari fæminas Religiosas! qui omnes suos intuitus & desideria in Cælum dirigere debet, damnabile est nimis, Nonne Religiosas puritatem proficetur, quæ ad instar crystalli, ad quemlibet etiam levem halitum maculatur, & ad omnem curiosum aspectum ex complacentia factum adumbratur? ad quid prodest esse à sæculo segregatum, & in penitentis ac jejunijs vivere mortificatum, si postea in re tam facili*  
ab

*ab immundo spiritu prosternatur ? Undè monet Spiritus Sanctus :  
Averte faciem tuam à muliere compta , & ne circumspicias speciem alienam ; nam propter speciem mulieris multi perierunt , & ex hoc concupiscentia quasi ignis exardescit. Eccl. cap. 9. Ex hac ratione B. Macarius epistolâ ad Monachos crebro suis inculcabat ; Facies mulieris sagitta est truculenta , infigit vulnus in animam. Nec suffragatur nonnullorum responsio : hanc Dominam esse pudicam & sanctam , quoniam Divus Joannes Chrysostomus subjungit : Animam ferit , & commovet , non impudicæ tantum , sed pudicæ quoquè mulieris oculus. libr. 6. cap. 8. Contra potentiam sensus nec sanctitas , nec scientia , nec fortitudo valet ; lapsi namque sunt David , Salomon , & Samson.*

\*\*\*\*\*


## CAPUT XXX.

*De pisce , qui inventus est in arenti fluvio  
meritis sancti Romualdi.*

**Q**UODAM tempore venit Vir venerabilis in Sytriam , qui cum adhuc jejunus esset , & Fratres in remotis montibus piscem , quem ei apponerent , non haberent , coeperunt inter se quodammodo confusi erubescere , & quid pro tam venerabili hospite acquirere possent , anxie cogitare. Tunc Frater quidam DEO inspirante , ad siccum penè rivum , qui juxtà præterfluebat , cum festinatione cucurrit,



rit, ubi nimirum & aquæ exiguum erat, piscis verò illic penitus nunquam visus fuerat. In littore itaque rivuli genuflexus Frater cœpit DEUM devotè in hunc modum deprecari: *Pientissime JESU, qui cum tuis servis admodum pius es, & liberalis, & qui in deserto duobus piscibus illam turbam te sequentem pavisti, digneris, (uti humillimè precor) in hac aqua piscem producere ad recreandum fidelem servum tuum, & meum Magistrum, Romualdum: hoc dictò, cum viva fide in aquam brachium immisisset, ipsi illicò in manus non postremæ magnitudinis piscis venit, qui pro cœna sancto Patri abundanter suffecit.*



## CAPUT XXXI.

*De Ottonis Imperatoris pœnitentia, & Farolfi Comititis Donatione Sancto Romualdo.*

**P**ostquàm Otto Imperator reverentiâ venerandæ personæ, efficiâque verborum sancti Romualdi captus esset; elegit eum sibi in spirituales Patrem, quem Proceres multi ex Aula in eo imitati sunt. Quo tempore memorabilis acciderat casus cum Imperatore, quem hic recensere non erit absre. Erat illi uxor Maria Augusta parùm casta, quæ capta amore cujusdam Comititis Mutinensis, adulterium cum illo committere non semel tentavit, quod facinus cum exhorruisset semper Comes juvenis; illa novissimè amore in odium versò, sicut de Josepho Hebræo legitur, innocentem Cæsari accusavit, quòd is secum coire turpiter per vim

vim voluisset, qui re admissâ, Juvenem Comitem capitâ suppliciô præcipitanter damnavit. Porro Uxor de Mariti innocentia optimè conscia, acceptô ejus capite, quadam die, dùm Imperator viduis publicè audientiam daret, ad eum profecta mœrens, & lachrymabunda, quærit, quâ pœnâ dignus sit judex, qui inauditâ parte innocentem morti tradit, cui, *mortis reus est*, respondente Cæsare, illico vidua amarissima ab imo pectore trahens suspiria, ac sydera ululatibus feriens, Mariti caput è gremio educit, & in hæc prorumpit verba. *Ergo tu O Imperator reus es mortis, qui subdole Augustæ falsâ calumniâ, maritum mihi absque causa sustulisti innocentissimum.* Quod cum candentis laminæ experimentô manibus compressæ comprobâisset, Imperator novitate rei, & veritate compertâ confusus; Comitâ caput honorificâ donavit sepulturâ, Viduæ autem quatuor Castella dilargitus est. Cum demùm & hanc injustitiam, & crimen, quod Uxorem Crescentii sibi in concubinam copulâisset, ad pedes sancti Romualdi expiâisset, nudis pedibus (ut jam retulimus) à muris Romæ, usque ad montem Garanium pro pœnitentia pergere debuit, ac per totam Quadragesimam in Cœnobio classis durissima pœnitentiæ opera humiliter peregit.

Cum Beatus Romualdus Eremum Vallis Castri ædificaret, ad quasdam devehendas marmoreas columnas à Comite Farolfo suppliciter postulat Boves, qui ut Beato Viro illuderet indomitos tauros ex pascuis appellî jubet. Tunc S. Romualdus ipsemet pergens ad præta duos cæteris ferociores intuitus, illos adit, cinguloque ad cornua projectô, illico quò vult, eos mitissimos ducit, imò ipsi sponte Virum sanctum usque ad destinatum locum insequuntur; nec solum columnas, sed & alia requisita materialia devexêre.



Farolfus visô miraculô, Tauros Sancto Romualdo dono dedit, ejusque spiritualis filius esse voluit. Quadam verò die Farolfo cænante, accidit ei gravissimus casus hujusmodi: spina enim ossis gutturi infixa, faucibus taliter inversa est, ut spiritus ad extremam vitæ horam traheretur: quare inter mortis angustias, cum sanctum Romualdum advocari jussisset; ingressus est Vir sanctus ad eum, fusaque oratione, guttur tangens, obtinet à DEO, ut Comes spinam statim expuerit solpitate receptâ: qui propterea DEO gratias agens, ex eò die omnibus suis inimicis ante omnia pacem dans, de sanctâ quetaque vitâ agendâ sic cœpit esse sollicitus, ut Christum Redemptorem, & Sanctum Romualdum hæredem territorii loci, ubi constructum est Cœnobium, fecerit per hujusmodi Donationem.

*Ego Farolfus Comes, filius Guidi Comititis, cogitans de DEI misericordia, pro redemptione animæ meæ, & Parentum meorum, qui mortui sunt, & Fratrum, & consanguineorum meorum, ut quando venerimus ante tribunal Christi digni esse mereamur accipere centuplum; dono tibi Romualdo Monacho, & Eremitæ servo DEI, & Monasterio Sancti Salvatoris, & Beata Mariæ Virginis, quod est fundatum in loco, qui dicitur Vallis Castæ in Comitatu Camerino, Terras et montaneas, quæ vulgo nominantur valde Castro infra hos fines. A primo vadit per viam Assenariam, & pergit in planum Nequili, post hac vadit per viam ferræ de sporta, in planum vitis, item ad aquam de Orella per caput de Carthebeta usque ad fontem Civitella, ad clusam, denique in montem martis, usque in planum furcæ lipariæ revertitur in primam Snaitam. Omnia intra hos terminos jacentia, do, & dono tibi ad opus DEI, & sancti Salvatoris prædicti Monasterij cum omnibus suis apertinentiis, & utilitatibus. Et ideo promitto Tibi, & Tuis successoribus, prædictam donatiōnem firmam tenere, & contra cunctos impeditores propriò jure defendere. Et*

con-

concedo tibi in meo teritorio, quid quid acquirere poteris &c. Sub-  
 scripsit S. P. Romualdus his verbis. Et ego Romualdus servo-  
 rum DEI, servus minimus, promitto me, socios, & successores  
 meos in dicto Monasterio habitaturos memoriam tui Farolfi Comi-  
 tis, & consanguineorum tuorum in missis, & Psalteriis, & omni-  
 bus bonis spiritualibus, quæ DEUS permittet facere, ut habeatis  
 partem, & societatem sicut unus Monachus noster; fiat, Amen.  
 Subscripserunt item Guarinus, Joannes, & Gregorius Mo-  
 nachi, Moricus Comes, & Gumbertus, ac Albertus de  
 Monte, testes, Actum manu Lamberti Notarii annô Dni.  
 995. regnante Ottone tertio Imperatore Romanorum. Hu-  
 jus Farolfi Comitis Filius nomine Guido Monachus factus  
 sub disciplina sancti Romualdi, adhuc Novitius in morbum  
 incidit, & ad mortis horam deveniens, cum æthiopes in  
 cubiculum ingredi exclamare cœpisset, tunc à Sancto Ro-  
 mualdo interrogatus: confessus est, se quasdam scopas ad  
 imperium Prioris sui accipere neglexisse, moxque à Sancto  
 Patre absolutus, obdormivit in Domino. Ad cujus sepul-  
 chrum cæcus præbendarius lumen oculorum, & multi  
 alii infirmi recepere sanitatem. Tumba ejus, velut variis aro-  
 matibus refertissima arca, suavissimum odorem spirabat.  
 Hinc discendum venit unicuique nostrum, quantâ animi.  
 promptitudine Sacramentum Obedientiæ exequi debeat.



## CAPUT XXXII.

*De prudentissimo, & discretissimo regimi-  
 mine Romualdi.*

**N**Ecdum satis excreverat sub mento Romualdi prima  
 lanugo, & jam judicium & prudentia ejus eluxere in  
 regen-



regendo. Jejunare namque ex toto, licet ipse sæpissimè fecerit, aliis omnino prohibebat. Dicebat enim ad perfectionem tendenti hoc summè congruere, ut quotidie comedit, & semper esuriant; quatenus hoc caro per consuetudinem levius faciat, quod grave Novitiis initiò conversionis apparet. Parvi pendebat autem, si quis ad tempus magnum quid inciperet, si non etiam in eo longanimitè perseveraret. Vigilias verò temperatè, & cum magna discretione faciendas maximè suadebat, ne cui forsitan contingeret, ut sopori, tempore nocturni officij, consentiret. Sanè hujusmodi somnum Vir sanctus in tantum habuit exosum, ut si quem deprehenderet, post duodecim Psalmorum vigilias, vel maximè circa diluculum obdormisse, nequaquam liceret ei illa die sacra Missarum solemnia celebrare. Dicebat etiam, melius esse unum psalmum ex corda, & cum compunctione cantare, quam centum cum mentis fabulatione percurrere. Cui autem hæc gratia nondum esset elargita, hortabatur nequaquam debere desperare, & vel ab ipsa corporali exercitatione tepestere, donec ipse, qui voluntatem dedit, tribuat etiam aliquandò facultatem. Regebat tandem Monachos ( ut testatur Petr. Dam. cap. 22. sub districta regula disciplina, neque alicui ab ea declinare imprènè licebat. Non denique nobilis, non literis eruditus, per actus illicitos in dextram, levamque partem deflectere, vel à recta conversationis audebat rectitudine deviare. Vir denique sanctus cordis oculos in DEUM figens, ut DEO in omnibus obtemperaret, non timebat hominibus displicere. Hoc autem Fratres Monasterii Classensis Divi Benedicti ( quibus eò tempore ut Abbas præerat ) considerantes, semetipsos prius accusant, quia hunc sibi præesse poposcerant: deinde multis eum detractio- num susurrationibus lacerant, & duris scandalorum aculeis vexant. Romualdus itaque videns per hæc & suam per-  
fectio-

fectionem aliquatenus minui, & Monachorum Classensium mores proclivius in deteriora prolabi, Regem impiger adiit, & eò non leviter reluctante, unà cum Archi-Episcopo Ravennate, in conspectu eorum virgam pastorem projiciens. Abbatiam, & curam ipsius refutavit. Rectè autem tunc Imperator Tiburtinam Civitatem obsidebat. Cives enim inclytum ejus Ducem, Mazolinum nomine interfecerant, ipsumque Regem arreptis armis à suis mœnibus exturbarent. Romualdi igitur adventus Tiburtibus apprimè utilis fuit, qui ejus apud Imperatorem interventu ab obsidione sunt liberati, & in gratiam pristinam recepti. Taliter enim inter eos pactus est Imperator; ut Tiburtini ad honorem ejus murorum partem diruerent, & obsides redderent. Ducis verò interfectorem ad ejus Matrem catenatum dirigerent. *Quæ sancti Viri fassis ad DEUM precibus, & efficaci adhortatione, mitigata; licet crudeliter offensa, & crimen indulsit, & incolumen ad propria redire permisit.*

## CAPUT XXXIII.

### *Sacri Romualdi mysteriosa visio, & Camalduli descriptio.*

**E**O tempore, quo Papa Sylvester secundus, qui fuit natione Gallus, & primò vocabatur Gilibertus Remensis Episcopus, postea factus Ravennas Archi-Episcopus, ac demùm Papa Sylvester II: primus revocavit Sanctum Romualdum in Italiam de Parentii confinibus. Rediens itaque S. Pater in Romandiolam, ascendit festinus altissimum Appennini



pennini montem luitrans alpes per circuitum, cupiens pro Eremitis idoneum reperire locum: cui superno Numine disponente, occurrit Comes quidam nomine Maldulus, dicens se habere amœnum locum in alpidibus, vulgari nomine vocatum *Campum jucundum*, velut alii volunt, *Campum bellum*; quem Beato Romualdo ultro offerebat, petens instantius; ut nomine ipsius *Camaldum* vocaretur. Ubi dùm Romualdus ex itinere lassus quiesceret: vidit instar Jacob scalam excelsam cœlum suo vertice tangentem, perquam albescentium Monachorum multitudo videbatur ascendere in Cœlum. *Mox sanctus Pater divinò illustratus oraculo habitum nigrum commutavit in album* Quo in loco ope Comitum Malduli Ecclesiam miræ pulchritudinis in brevi ædificavit, quam Theodaldus Aretinus Episcopus in honorem Salvatoris nostri consecravit. In circuitu autem ejusdem Ecclesiæ quinque cellas construxit, & totidem Eremitas ibidem collocavit.

Est autem hæc sacra Eremus Camalduli in Italia, in partibus Romandiolæ distans itinere unius Diei à Civitate Aretina, in qua sunt cellæ viginti quatuor Eremitarum separatae, & quidam Eremitæ sunt aperti (ut vocamus) alii verò reclusi. In circuitu autem dictæ Eremi est pulcherrima sylva abietum, per spatium unius miliaris Italici: quam abietum sylvam nulla mulier poterit ingredi sub pœna excommunicationis latae per Pontificem sententiæ.


Post hæc sanctus Pater Romualdus descendens de dicta Eremo duorum miliarum Italico spatio, invenit locum, fons bonus appellatum, ibique unam domum construxit & unum Monachum cum tribus conversis ibidem ordinavit pro adventantium hospitem susceptione, atque charitativa refectioe; ut præfata Camaldulensis Eremus

mus semper sit pacifica , & ab omni strepitu sæcula-  
ri remota. In præfato Hospitio Fontisboni Eccle-  
sia pulcherrima est constructa , quam Gregorius Papa IX.  
ad honorem DEI & SS. Mart. Donati, & Hylariani propriis  
manibus consecravit. Locus hic hodiè multis redditibus  
dotatus , amplius , quàm ante sancto decore floret, His  
peractis sanctus Pater Romualdus redibat ad præfatam Ere-  
mum Camalduli ; sed lassus in medio itineris requievit pau-  
lulum super ingens saxum , quem diabolus apprehendens  
per caputium conabatur præcipitare in vicinam fluminis  
fossam. At Romualdus præfatum saxum manibus arripuit,  
& duro lapidi, ac si mollis cera fuisset , vestigia manuum ac  
pedum infixit. mox ut invocasset JESUM , ante oculos  
ejus repentinò terræ hiatus omnis furia Diaboli absorpta est,  
de quo plura inferius.

Reversus itaque Pater sanctus ad prædictam suam Ere-  
mum , mox ex opposito Ecclesiæ cellam sibi parvulam ex-  
struxit, in qua nudis pedibus damnatò ostiò seipsum reclu-  
sit. Arbor autem quædam fagus, ita cellæ ejus acclivis im-  
minebat , ut si ventò fracta dejiceretur , totam ejus cellam in-  
dubitanter obrueret. Hanc sanctus Pater succidi præ-  
cepit : cumque oprarii securibus in ipsa jam arboris visce-  
ra venirent ; arbor autem indubitanter super Beatum virum  
impetum minaretur : cœperunt eum omnes rogare, & clamo-  
ris vocibus vehementer insistere, ut relictâ cellâ foras exiens  
semet salvaret. Ille autem nequaquam clamoribus eorum  
aquietens, ut arborem citò incisum pergerent , seriò præ-  
cepit. Cùmque arbor defecta gravi strepitu super cellam  
directè rueret, & jam ædificio appropinquaret , sanctus Pa-



ter signum crucis per fenestram contra eam formavit, mox-  
que arbor nimiae magnitudinis ita aliorum terribili sonitu  
divinâ virtute est projecta, ut cunctis mirantibus cella Ro-  
mualdi maneret illaesa. Omnes igitur tantò obstupefacti  
miraculò, lætas ad aëra voces tollunt, & immensas Deo  
omnipotenti grates referunt. Hinc manifestè agnoscitur,  
sancti Patris Romualdi meritum quantum apud Deum pon-  
dus habuerit, ut in ejus conspectu gravissima arboris moles  
pondus habere nescivit, ac si non arbor, sed stipula  
esset.



## CAPUT XXXIV.

*De UGOLINO Episcopo, qui postea  
GREGORIUS Nonus summus Pontifex factus  
est. Item de piissimis Exercitijs Sancti Patris  
FRANCISCI Inclyti Seraphici Ordinis Fun-  
datoris: Ac Magnâ semper Veneratione  
Sacrae Eremitae Camaldu-  
lensis.*

**U**golinus Episcopus Ostiensis, & Cardinalis Vellestren-  
sis captus dulcedine Vitæ solitariae, mundum post ter-  
ga rejicere statuit, & ut procul omni familiari curâ medita-  
tioni solum æternæ Patriæ incumbere posset, ad sacram  
Eremitum

Eremum Camaldulensem comitate Beato Francisco Sera-  
phico festinus venit, ubi cellam cum sacello in capite Ere-  
mi, quæ ad hanc diem celeberrima visitur; sibi delegit, at-  
que Eremiticum convictum, vitæque austertatem incredi-  
bili animi consecutus est constantiâ. Quam vitæ degen-  
dæ rationem, ipse quoque B. Franciscus per sex menses,  
omnibus sanctis operibus pollens, ad ejus solatium inire non  
recusavit. Quo tempore cellam suam notissimam habita-  
vit, quæ ad hanc usque diem ex ejus nomine cella sancti  
Francisci nuncupatur, & propter sanctissimi Viri memo-  
riam à Generali sacræ Eremiticæ incolitur. Qui dum vice qua-  
dam sacram Eremum visitaret, cellamque Divi Romualdi  
sibi ostendi cuperet, mox Eremiticæ ostensam, ipsi inha-  
bitandam obtulerunt, quam piè veneratus; ut ingrederetur  
neutiquam adduci potuit, præ summa humilitate dicens;  
tam illustris sancti cellam, non convenit, ut tan-  
tus peccator ingrediatur. O sacro-sancta humilitas!  
Post hæc verò Gregis sui ovilia repetens, ad Alverniæ  
Montem profectus est, ubi stigmata vulnerum Corporis  
Domini nostri JESU Christi Cœlitus mirabiliter meruit ac-  
cipere. Interea Ugolinus Cardinalis sacrum fieri curavit  
Altare SS. Apostolorum Petri & Pauli, quod extra chorum  
cœptum fuerat. Dehinc annò 1220 Oratorium cellæ suæ,  
Deiparæ Mariæ semper Virgini sacravit, centumque dierum  
indulgentias illud piè adeuntibus concessit. Postea cum  
Templum sacræ Eremiticæ, quod S. P. Romualdus erexerat;  
vetustate collapsum, instauratum, & ampliatum fuisset, &  
pari modo Fontis Boni Basilica, Ugolinus pontificali indu-  
tus ornatu illud, & hanc ritu solemni consecravat. Qui-



bus peractis inclusionem in ipsa sua cella maximâ alacritate arripuit. Sub id tempus Ubertinus Comes de terrenis opibus thesauros sibi in cœlis comparare disposuit, Eremumque magnificentissimâ donatione pro salute animæ suæ, ac suorum illustravit. Fecit namque oblationis scriptum ipsi Guidoni Generali de omni proprietate, jure & actione, quod habebet in Oppidis *Valentiniani, Vagoniani, Corbentiani*, & eorum territoriis, & in tota *Dioecesi Aretina*, tam in *Castellis*, quam in *possessionibus*. Item omne jus *Abbatie Saxci. Abbatie sylvæ mundæ. S. Mariæ Valentini. Sancti Nicolai Vagoniani, Sancti Christophori de Basciano. S. Lucie de Aquino, Sancti Andree in Bagnolo; S. Mariæ de Cimbeciana, & Hospitalis Cerreti.* 4. Septembr. manu *Juliani Notarij* 1221. Sequenti annô Bobo Romanorum Consul, & perusinus Prætor, nomine *Perusini populi*, suffragante nobilium consilio, donavit sacre Eremitæ territorium. *Montarij, juxta montem Teuzinum situatum cum universis fundis, & aliis appertinentijs, ac libertatibus, ut edificaretur Domus hospitalis in refugium pauperum, nec non Monasterium secundum institutionem Ordinis Camaldulensis* 13. Julij, manu *Oratoris Not.* Sed ut cœptam materiam prosequamur. Vetustissima sacre Eremitæ consuetudo obtinuit, ut Eremitis, qui damnatis januis procul ab omni mortalium consortio Regi sæculorum unicè in cella sua militare statuerint, unus constitutur Minister, qui in omnibus necessitatibus iisdem præstò interserviat, præcipuè verò (si inclusus sit sacerdos) singulò quoque mane Ministrandi gratiâ ad ejus se Oratorium sistat, ei que operam suam in sacro ministerio cum reverentia impendat. Per id temporis spatium, quô Cardinalis Ugolinus Eremitam Camaldulensem agere decreverat, inque sua re-

clu-

clufione moraretur, ſacra Eremus Leonardum magnæ ſan-  
ctimonix Virum aiebat. Quem cum Prior Cardinali con-  
ſueta ſervitia impendere juſſiſſet, Vir Venerabilis tantâ hu-  
militate, ac charitate ſe comparavit, ut Cardinalis miran-  
dum in modum ejus exemplô in ſancta converſatione pro-  
ficere viſus ſit. Porro quadam die dum pientiffimus Anti-  
ſtes rem ſacram ageret, factum eſt divinâ providentiâ, ut  
Leonardus ſuper caput ejus in conſecratione corporis & ſan-  
guinis Chriſti columbam de Cælo deſcendere, ac requieſce-  
re viderit. Itaque ubi finis Miſſæ impoſitus eſt, Leonar-  
dus ad Præſulis pedes maximâ humilitate ſe provolvit,  
ipſumq; non diutiùs in Eremo manſurum, ſed ad Gregis Chri-  
ſti ſupremam paſtorales curam promotum iri liberè præ-  
nunciavit. Cujus Vaticinium, talis mox ſubſecutus eſt ef-  
fectus, ut paucô poſt tempore à pedibus Domini ex Ere-  
mo, ad Marthæ Miniſterium revocatus, Honoriô apud  
Septizodium deſunctô ſuffectus ſit, & Gregorius nonus  
nuncupatus. His accedit teſtimonium ipſiùsmet Pontifi-  
cis, qui aſſumptô Pontificatu Apoſtolicas literas ad Patres  
exaravit, quibus illorum ſuffragium ſumma pietate implo-  
rat, rogans illos, preces ad Deum fundere, ut in ſummo  
Regimine gerendo veniat ſibi auxilium de ſancto. Ejusdem  
Pontificis Epiſtolam de verbo ad verbum hic inſertam ha-  
be: *Gregorius IX. Servus Servorum DEI, Dilectis filiis Priori,  
& Fratribus Eremitæ Camaldulensis ſalutem, & Apoſtolicam bene-  
dictionem. Aſſumpti nuper, imò veriùs rapti ad ſummi Pontifi-  
catûs officium, quod Fratres noſtri nos quantumlibet reluctantes  
ſuſcipere coegêrunt, eò plenius inſufficientiam noſtram agnoſcimus,  
quò diligentius incumbencia nobis onera penſamus. Si enim quili-  
bet ſanæ mentis anxiatur, & metuit, utrum pro ſe ipſo dignam  
poſſit*



possit reddere rationem in extremo examine : quis ad eam reddendam pro omnibus , pro Prælatiſ & ſubdiſ : pro ſapientibus & inſipientibus ( quibus ipſum officium eos , qui ad illud aſſumuntur , conſtituit debitores ) ſe ſufficientem audeat reputare ? Plenè recognoſcimus , & fatemur ; quod in hac altitudine maris , in hac tumultuoſa mundanorum fluctuum tempeſtate Petri Navim , univerſalem videlicet Eccleſiam gubernare nequaquàm noſtra virtute ſufficiamus , ſed à ſolo DEO , qui dat omnibus affluenter , & non improperat , ſufficientiæ gratiam expectamus : atque inter Maris hujus magni , & ſpatioſi : inter videlicet hujus ſæculi turbulentiffimos fluctus noſtra mens ad ejus auxilium ſe levat , & erigit ; qui Beatum Petrum ambulanti in fluctibus ne mergeretur erexit. Inquo nimirum non parvam dignata eſt nobis dare providentia Divina fiduciam : oſtendens Eccleſiam ſuam , quæ præfiguratur in Petro , fore ipſo manum ſui auxilij porrigente ſæculum calcaturam. Quia verd importuna lipientis Liæ inſtantiâ nos frequenter à ſuavibus perſpicacis Rachelis amplexibus avelente , ipſi DEO precibus inſiſtere , non poſſumus , ut oportet. Vos , qui ad pedes ejus ſedetiſ jugiter cum MARIA , & quibus ab olim nos junximus , bitumine charitatis ſolicitandos duximus , & prece affectuoſâ rogandos , pro grandi munere poſtulantes : quatenus in ara cordis veſtri pro nobis Orationum veſtrarum ſacrificium crebrius offeratiſ , ſuppliciter poſtulando , ut ad ſeipſum dirigat noſtras cogitationes , & actus , & ad exuperandam negotiorum mundanorum turbulentiam dignetur nobis porrigere manum ſuam ; quatenus ejus nos præveniente gratiâ , & ſequente , ſic impleamus officium Apoſtolice ſervitutis ; ut cum venerit poſiturus cum ſervis ſuis calculum rationis , illam deſiderabilem vocem ; euge ſerve bone , intra in gaudium Domini tui , audire ipſo miſerante poſſimus. Datum Laterani quinto calend. Aprilis , Pontificatus noſtri anno primo.

Idem


Idem Pontifex sacram Eremum ac Camaldulensem Ordinem quam maximis honoribus ex suo Pontificatū exornare volens, Antecessorum suorum amplissimo Diplomate omnia confirmavit Privilegia. Item haud immemor facelli sui, quod in sacra Eremo ad cellam suam ædificaverat, thesauros Ecclesiæ aperiens, memorabili Diplomate impertitus est plenarias indulgentias confessis & contritis, quæ ad Sancti Petri Apostolorum principis in vaticano habentur, omnibus Christi fidelibus illud piâ mente adeuntibus, (confirmavit Clemens quartus anno 1248. qui veniens cum Henrico Imperatore in partes Cassentini, addidit quotidie annos 212. In dominicis verè, aliisque profestis annos 264. In festis Paschæ & Ascensionis Domini annos 734. & in festis Assumptionis, Nativitatis, Purificationis, & Annunciationis Bearæ Virginis Mariæ annos 1248. cum subscriptione septem Cardinalium) Concessit quoque præfatus Gregorius nonus Camaldulensibus insigne privilegium, ut videlicet aliarum religionum fratres, expressis etiam Carthusianis, ad Etemitico Camaldulensem Vitam aspirantes, etiam Superioribus suis controvenientibus liberè in sui gremium suscipere possint. Idipsum confirmavit postmodum & Paulus Pontifex: ipsissima ejusdem Pontificis accipe verba: *Ac pro dicti, inquit, Ordinis propagatione, ut omnes, & singulos Religiosos, quorumcunque etiam mendicantium Ordinum, & Congregationum ac Monasteriorum ad Eremitoria præfata, tanquam ad arctiorem vitam, convolare, & sub societate, & eorum habitu Aliissimo famrlari eligentes, superiorum suorum licentiâ petita, licet non obtenta, absque aliquâ contradictione, vel obstaculo recipere, ipsique sic recepti, & in eadem societate, sive Ordine professe, ad omnia officia, & dignitates eorundem Eremitarum pro-*  
*nove-*



*moveri, & assumi liberè, & licitè valerent, indulfit; ac ne ulli  
bominum liceret hanc Decreti paginam infringere, aut ausu teme-  
rario contraire, sub indignatione Omnipotentis DEI, praecepit.  
Invocatò etiam ad hoc, si opus fuerit, auxiliò brachij saecularis.  
Datum Romæ apud sanctum Petrum annò Incarnationis Domi-  
nicæ 1534. Tandem iteratis Pontificum oraculis decisum  
extat, Congregationem hanc omnibus alliis esse strictio-  
rem. Unde meritò dixit quidam Congregationem Camal-  
dulensium esse Congregationem grandium, &  
congregationem Congrega-  
tionum*



DIVUS



# DIVUS ROMUALDUS

Eremitici Propositi Patriarcha  
Gloriosissimus, ob mysteriosam ( instar  
Jacob ) Cœlestis Scalæ visionem, ac sacratissimi  
triplici ORDINIS institutionem; aliaque præ-  
cellentia sanctissimæ Vitæ suæ merita, Illustriori-  
bus, ORDINUM Fundatoribus ( *inter cæteros* )

*à Venerando quoque Patre Augustino Sarto-  
rio jure meritò annumeratus, hocce*

ELOGIO festivè ce-  
lebratur.

*C*athedrâ Petri illustris Roma!  
Scalâ Cœli insignis ROMUALDUS!

In illa sedet Numinis Claviger :  
in hac scandit Cœli SCALIGER.

Cœlestem Jacob Patriarchæ Scalam  
terrīs restitutam crederes,

Genes.  
28.

X

nisi



nisi in illa *Angelos* cerneres ,  
 in hac *homines* :  
 Sed qui *Angelorum* ruinam in *cœlis*  
 denuò implerent è *terrīs*.  
 Infelicis illius *lapsus* impulsor ,  
*Angelus Lucifer* :  
 Felicis hujus *ascensus* auctor ,  
 ROMUALDUS Scaliger.  
*Facilis descensus averni!*  
 Sed revocare gradum ,  
 hic labor , hoc opus est , & opus Excelsi ,  
 qui superbos *dejicit* ,  
 humiles *erigit* :  
 atque *innixus Scalæ*  
 tam *Scalam* tenet , nè ruat ,  
 quàm *scandentes* , nè gradu excidant.  
 Nè tu crede , hoc Patriarchæ somnium  
*somnium esse* ,  
 in ROMUALDO *veritas est*.  
*Scandunt* Poëtæ , in hoc ROMUALDO fimiles :  
 sed dum *scandendo fingunt*.  
 dissimiles eidem :  
*Verior* ROMUALDUS , & *Scansor* , & *Scaliger* ,  
 suis , suorumque *Vigilijs* , laboribus ,  
 Scalæ intra soporem visæ veritatem

probat

probat verâ extra soporem Scalæ scansione.

Et poterant Cœlites Aligeri *Scalam*  
momentô emetiri *volando* ;

Sed quia ea *Scala*  
debebat unâ esse *Schola* ,  
in hac *Schola* DEO *Præsede*  
*Scala* innixô ,

*Doctores* hi *Angelici*  
adhuc ante *Aquinatem Angelicum*  
quâ nempe homines arte  
è terris ad cœlum eniti possent ,  
*descensûs* , *ascensûsque* *Magisterium*  
tradidère ipsi per suum exemplum  
enitendo *gradatim*.

*Nemo enim repente fit summus :*

*Ascendendo* , non *volando*  
*apprehenditur summitas Scala*.

S. Bern.  
Serm.  
de S.  
Andreas

Quære annos in ROMUALDO ,  
quos DEO vxit ,  
& invenies , quotô *altitudinis gradu*  
is apud DEUM steterit :

*Anni* centum , *gradus* centum ;  
idem ipsi fuit

scandere de annô in annum ,  
ac de gradu in gradum



de virtute in virtutem.

Scanderem propè fractis etiam pedibus carmen:

*Scaliger unus erat, qui centum gradus habebat:*

nempe centum gradus, centum annos,

centum virtutes.

*Sæculum integrum traxit ad Religionem,*

tum maximè *Religiosus,*

cùm maximè *Sæcularis:*

totò annò, imò integrò *Sæculò*

non aliud solemnius celebravit *Festum,*

quàm *Ascensionis,*

quia *Scaliger*

tam diù *scandit*, quàm diù *vixit,*

qui fursum sunt *gradus,*

sapuit, rapuit, arripuit,

non qui *super*, versùs *terram:*

nam qui *ad aratrum,*

infimum in humanis *gradum*

*respicit,*

ex eo solo *respectu*

*non est aptus ad Regnum Cælorum!*

Sic nempe boni solent scandere *Scaligeri,*

ut ante *se posita* semper,

*post se relictà* aspiciant nunquam.

Dum *Poëtæ scandunt,*

necessariò *scædere*

*pedes*

*pedes* digitis jungunt,  
in hoc super fabulæ conditionem veraces:  
quô enim pactô scandes;  
nisi *manibus*, *pedibusque* *Scalam* prentes?

Sic divinus *Scaliger* ROMUALDUS

*manibus*, *pedibusque* ut ajunt,

id est, se totô,

in *Scala* semper altius sese prorigens  
ad Cœli fastigium contendit.

Non satis est,

si pede unô, manuque feriente  
*cadenti* similior, quàm *scendenti*  
è *Scala* pendulus hæreas:

Vult DEUS:

ut ibi te totô sis *comprehensor*,

& hîc te totô *Ascensor*.

itaque ROMUALDUS

*Ascensiones* in corde suo sic disposuit, Psal. 83.

ut suum, suorumq; *sursum* corda, manus, pedes,

id est, totos se semper *haberent ad Dominum*:

Nullas sibi in his *Ascensionis* suæ *Solemnijs*

*indulgens indulgentias*, aut *ferias*:

adèd ad *Summa*

enitendum est *conatu summô*.

Ecce *centum* nunc *anni*

ante



*Psal.*  
89.

*ante oculos Cœlestis Scaligeri  
tanquàm dies hesternæ, quæ præterijt.*

*Quæris, cur? Quia præterijt.*

*Tenet ille nunc, quæ nunquàm prætereunt;  
quia præterita pertulit, quæ transierunt.*

*Condignum utique est,*

*centum dare pro centuplo.*

*Id unum tibi, Centenarie Scaliger  
adhuc dicere,*

*imò è Scala Musica*

*canere habeo:*

*Habent Musici in Scala sua Claves:*

*Tibi gradus tui, Claves Cœli facti sunt:*

*Virtutes tuæ, gradus tui, claves tuæ:*

*ijs cœlum tibi scandisti, aperuisti.*

*Nos tuos in Scala sequaces*

*Clavibus Musicis*

*Sol la re*

*Salare!*

*Ut tuo Solamine tuoque Fatò*

*facti pariter Scaligeri,*

*tali vèlimus, ac valeamus*

*tendentix connisu,*

*vitaque tali vivere*

*quæ possit Cœlos scandere!*

A M E N.

PRIVI.

# PRIVILEGIA

*Sanctissimo Proto - Parenti, & Patriarchæ Nostro Divo BENEDICTO à CHRISTO vivæ vocis Oraculò concessa. Quorum beneficiò, & ipsa Institutio Eremitarum Camaldulensium ( quæ Arboris Benedictinæ ramus primarius ) optimò jure gaudere dignoscitur ; quia Benedictinæ Regulæ semper observantissima ; adeoque meritò Benedictina Proles à Cunctis censi debet. Nam & Divus ROMUALDUS primò Benedictinæ Religionis Alumnus , ac postmodum Ordinis Camaldulensis Fundator Gloriosissimus , sæculum hoc relicturus , non aliam suis ; quàm Divi BENEDICTI Regulam fideliter observandam Testamentò reliquit. A cujus observantia vel tantillùm deviare inter Camaldulenses piaculi locò habetur. Ac proinde Ordinem Camaldulensem ab exactè observantibus Benedictinis solò dumtaxat colore differre , manifestum est.*

## PRIVILEGIUM I.

Quòd videlicet ORDO suus , usque ad Mundi finem durabit.

PRIV.



PRIVILEGIUM II.

Quodd in Orbis consummatione pro Ecclesia Romana stabit fidelissimè, & plurimos in Fide confortabit.

PRIVILEGIUM III.

Quodd nullus in eo morietur, nisi in statu salutis, & si malè incipiet vivere, & non desistet, vel confundetur, vel ab Ordine ejicietur, vel per se egredietur.

PRIVILEGIUM IV.

Quodd omnis, qui Ordinem suum persequetur, nisi resipiscat, vita sibi abbreviabitur, vel malâ morte morietur.

PRIVILEGIUM V.

Quodd omnes qui Ordinem suum diligent, bonum finem habebunt.

*Refert hoc ORACULUM Augustinus Florentinus Monachus Camaldulensis Historiar. suar. Cap. 6. Item Prudentius Sandovallus. Arnoldus Wion. Stengelius. Cornelius à Lapide. Benedictus Hestenus & alij.*



CAPUT



## CAPUT XXXV.

*Sanctus Romualdus visionem Scalæ instar  
Jacob Patriarchæ cœlitus in Campo  
Malduli habet.*

**D**Um hæc Romualdus ad Discipulos concionaretur factum est ( quemadmodum fessis interdum accidere solet ) ut Pater sanctus non nihil dulci, ac placida quiete murmurantibus aquis, leviq̃ue aurâ cacuminibus abietum circum latè obstrepentibus, correptus sit : raptusq̃ue in spiritu vidit in somnis instar Jacob Patriarchæ, Scalam stantem super terram sublimem, in cœlum usq̃ue suo vertice pertingentem, per quam divino splendore rutilante fulgentium atq̃ue albescentium ascendebat, descendebatq̃ue Monachorum multitudo. Inter quos anima Romualdi delata est ante DEUM. Ibi verò sicuti D. Paulo quondam contigit, Romualdus arcana DEI intuitus, quæ non licet homini loqui mox præ magnitudine mysterii lætabundus evigilat, & majori quàm dici possit amore Dei repletus, fixò in Cœlum oculorum obtutu, toto corpore quasi in aëra suspendi visus est, & in Cœlum indefinenter aspicere, perindè ac si Scalam ipsam corporea mole ascendere posse persuasum haberet. Quandò Discipuli, qui procul Patrem observabant, novitatem rei admirati festinabundi propiùs ad eum accesserunt, & ad sydera oculos intendentes, partem lucis, quæ adhuc non exigua erat, videntes, cœlestem revelationem ei factam fuisse apertissimè cognoverunt. Itaq̃ue quid novi sibi accidisset percontantibus, Vir DEI re-

Y

spon-



spondit : *parcat vobis DEUS Filij, parcat vobis DEUS, qui me ex statu tranquillitatis veri summiq̃ue boni rursus in hanc miseriarum vallem vestro adventu revocastis.* Petentes illi suppliciter veniam, & quid rei contigisset cognoscere instantes, quomoddò mirabilem Scalæ visionem habuisset, & voluntatis divinæ esse, ut illic loci eremum sub nova candidi habitûs institutione conderet, ab eo tandem, insolitâ cordis jubilatione arcanum referante, extorsêre. Noluit tamen Vir sanctus, qualiter ante Deum delatus esset præ humilitate eisdem detegere, quemadmodum quisque, qui se quærit conservare immaculatum ab hoc sæculo, futilem gloriam Mundi, & popularem auram præter cætera semper vitare debet. Retexit tamen postea ( ut jam supra meminimus ) in eremo Sytriæ à Discipulis itidem interrogatus, cujus ætatis anima Christiana cernitur, vel in qua figura ad judicium præsentatur, sic in tertia persona respondit. *Scio, inquit, hominem in Christo, cujus anima delata est ante DEUM splendida velut nix : humana quidem effigie, & staturâ perfectæ ætatis.* Inquisitus autem quis is esset, dicere noluit, Discipuli tamen ex evidentibus rationibus ipsum fuisse compræhenderunt.



## CAPUT XXXVI.

*Qualiter S. P. Romualdus ad instantiam  
Ottonis Imperatoris insigne Classense Monasterium  
Ordinis Sancti Benedicti, reforma-*  
*verit.*

**O**TTTo tertius Imperator veniens in Italiam omnibus Ecclesiæ Viris, maximè verò Religioni deditis plurimum impen-

impendit honoris, ac reverentiæ, & ad ordinandas Ecclesias non paucas, atque Cœnobîa, animum convertit: inter quæ Cassinates magnis auxit Privilegiis, & pariter Classenses. Cum verò Classensibus eligendi sibi Abbatem optionem dedisset, unanimi consensu elegerunt illi B. Romualdum. Atqui diffidens Imperator sanctum Virum per nuncium ad se venturum, neque Abbatiam suscepturum, nisi ipse ad eum in persona proficisceretur, consensu igitur equis eodem die ad eum perrexit, & per noctem cum eo in humili cellula mansit: adjecit Imperator anathematis poenas ab omnibus Episcopis nisi consentiret, tandem ut Monachos regeret, Imperator obtinuit. Igitur S. Romualdus cum Imperatore, atque Archi-Episcopo Joanne veniens ad Classenses, ibique honorificentissimè totius Congregationis, atque Civitatis Ravennæ maximâ lætitiâ susceptus, in Monachorum Conventu hujusmodi fecit verba.

Maximo quidem mysterio factum est ( dilectissimi in Christo JESU Classenses Filii ) ut homo post Angelos nobilissima DEI Op. Max. creatura ad imaginem & similitudinem sanctissimæ Trinitatis conderetur. Nam homo, si bene pensamus DEUM ipsum in anima ( qui est ille spiritus, de quo scriptum est: insuflavit Deus in Adam spiritum Vitæ, & factus est homo in animam viventem ) tantum refert manifestè, quantum tres ipsius animæ potentiæ imaginem DEI in se divino penicillo referunt impressam. Intellectus Patris personam respicit, Memoria Filium. Et voluntas Spiritum Sanctum. Nec durus est hic sermo Filii Classenses; quia sicut Pater est, qui genuit Filium ab æterno, & ab utroque Spiritus Sanctus procedit: sic intellectus nutrit memoriam, & ab utrisque fit, ut homo, dum vivit, actiones suas secundum voluntatem operetur. Quid ergo mirum,



quodd Deus dicatur sæpè Paterfamilias , & homo in sacris paginis ? ratio in promptu est manifestissima : quia Deus idè creavit hominem ex limo terræ , ut homo se portionem Dei ubique esse cognoscat , & ut homo se Dei imaginem gestare non ignoret. Et pari modo , ut si homo bene voluerit uti sua voluntate , corregnet cum DEO & Homine JESU Christo Domino nostro in Cœlis : qui propter nimiam charitatem de sinu Patris descendit ad terras , factus obediens usque ad mortem. Nimirum nobis testatum relinquens , quatenus magnum fœdus ex arbitrio hominis , nostra cujusque voluntate inter DEUM & hominem initur , quando per obedientiam voluntatem sic maçtamus propriam , ut ab illo commendari mereamur , qui dicit : *Obedientiam volo magis , quam sacrificium.* Voluntas namque hominis , veluti aurum in fornace , probatur maximè , cum à superiori potestàtè ad aliquid faciendum impellimur , eique propensiore animo parere acquiescimus ; quia nemo est qui nesciat scriptum esse , *imposuisti homines super capita nostra.* Non ignoro ego ( Classenses Filii ) quæ quantaque sit Imperatoriæ Majestatis celsitudo , quæ dignitas , quæ potestas ? Non sum nescius , qualiter Otto Cæsar devotissimus noster vices Imperatoris æterni gerat his diebus in terris. Non me præterit , quàm difficile sit illi velle obfistere , cui totus paret orbis terrarum. Non me fugit , quàm turpe sit fidem fallere contra charitatem illis , qui Religionem Christianam amplificare , atque illustrare student maximè. Invitus hinc ego adductus sum , ut vobis Patris fungar officio : utpote solitariæ vitæ , ut probè nostis , magis asuetus. Ac propterea potissimum me terret moles curæ animarum , quæ ars artium merito , atque optimo jure dicitur , ex eò quod potestas , prælationisque dignitas nomen oneris,

ris, non honoris revera est, idque optimè insinuat Apostolus dicens : *qui Episcopatum desiderat bonum opus desiderat*, id est laborem, ut Divus Augustinus exponit, non delicias, non crescere fastigiò, sed humilitate decrescere. Aut sicut habet Hieronymus: ut intermissa Rachelis decora facie, intret ad Lyam oculis lippam, & de monte ad campos cum Moyse descendat, id est de ocio contemplationis, ad laborem actionis.

Equis autem secundum DEUM alios regere posse speret, nisi justitiæ trutinâ evaginatò severitatis gladiò propter improbos utatur? equis duræ cervicis sciolos, edomare, corrigereve discat sinè invidia & difficultate? quandoquidem inter Religiosos illud vetus proverbium passim latèque versari videmus; *obsequium amicos, veritas odium parit*. Verumtamen quicumque secundum Deum vult præesse, Moyses vestigiis inhæreat, est necesse, qui in delinquentes tam duriter animadvertere visus est, quos amavit, ut eos, etiam Domino parcente, prosterneret: causam populi apud DEUM precibus, causam DEI apud populum non minùs legatus fortis, quam admirandus mediator, egit. Igitur, Classenses Filii, si imperator ipse, si Archi-Episcopus, imo si vos cum illis Cœnobium hoc vestrum, per meam electionem reformari, & corrigi vultis: vel quia antiquæ Patrum sanctimonix facies abolita videatur, vel quia non desunt inter vos, qui carni nimium affixi, terræ inhærere non curant: adeò ut sanctæ Religionis fervor, ignisque divinus, quò Patrum nostrorum animi caluère, in vobis videatur extinctus: videtis quàm id facillimum sit factu, & quia Synderesi conscientix agimini, & quia me Cœnobium administrante, vos Imperatori, atque Archi-Episcopo satisfacere posse jam jam statuistis. Recolite igitur mente, quòd Ser-



*us sciens Domini voluntatem, & non faciens plagis variabit multis, ut testatur summa Veritas. Et si amanti haud difficile sit regularis observantiæ decus, sic, amabo, amplexamini, ut unus alteri Virtutis, ac sanctimonix ea præbere incipiat exempla, quæ duratura sint; non modò; ut terreno Regi gratificemini; sed ut Imperatori Cœlorum, ac Regi Regum Christo, cui militare elegistis, & in cuius introitis vineam, veram & non fictam ex debito Professionis vestræ impendatis servitutem, ab eoque æterna promereri valeatis stipendia.*

Habetis luculentissimum speculum ob oculos, (*Sanctissimi Patris Benedicti regulam*) ad quod aciem mentis sedulò impendatis: tum ratione exolvendi divini cultûs diurnis horis & nocturnis, tum ad componendam vitam, moresque moderandos. A quibus sciatis ne latum quidem unguem quavis occasione declinare licitum esse. Habetis sanctorum Patrum Collationes, ut æmuletur alter alterum DEI æmulatione. Habetis Sacramentum magnum, tria sanctæ Religionis vota: per quæ fœdus cum DEO sanctisque suis pepigistis, ut abjiciatis operâ tenebrarum, & induamini arma lucis. E quid autem aliud Imperator unâ cum Archi-Episcopo à vobis expectat? quid aliud flagitat; quid aliud vos quoque ex nova mea electione vultis? nisi ut vos verè Monachos comparare verbò, factis, incessu, & exemplò studeatis. Superfluum est, Classensis Filij in Domino charissimi, in re tam manifesta, dispositis omnibus, diutius immorari: superfluum equo currenti stimulos addere. Venistis in arenam, curritis in stadio: quod reliquum est; viriliter agite: Athletas strenuos vos comparate: utque Virtuti debitum præmium assequamini: expurgate vetus retrò irreligiosè actæ vitæ fermentum, ut sitis nova con-

spersio,

persio, in vera corporis, ac mentis puritate. Ante omnia eliminetur à vobis omnis conscientiae turpitudine, elevetur mens in DEUM. Et sicut omnes ideò saeculo abrenunciavimus, ut Discipuli JESU Christi Redemptoris mundi efficeremur, ita omnes unanimes, uno ore fundamus preces Throno sanctissimae Trinitatis, munusque debitae servitutis nostrae eò coelestium affectu exolvamus, ut tam Imperator, quam tota Ravenna, atque simul universus terrarum Orbis intelligere & cognoscere possit, quae sit voluntas DEI bona, beneplacens, & perfecta, qui est benedictus, & gloriosus Saecula.

Postea quàm Beatus Romualdus finem dicendi fecit, Monachi Classenses ejus electionem, obedientiae, fidelitatisque Sacramentò singuli viritim confirmant. Instauratur brevi tempore prioris sanctimoniae facies, invulgatur per omnes Flaminiae oras reformati Cœnobii Classensis fama, crescit plurimùm Congregationis, Familiaeque numerus, ubique nomen Beati Romualdi deprædicatur.

## CAPUT XXXVII.

*De Meditatione, quam fecit S. Romualdus circa proprietatem Abietis Arboris in Campo Malduli.*

SANCTUS Romualdus Eremitici, ac Monastici studij alter post S. P. Benedictum instaurator à DEO Opt. Max. datus & singularis eruditor, institutò post plurima loca Cœnobio Vallis Castri, ubi sacrum Corpus esset terrae commendatu-

daturus, de loco quoque rursus maximopere erat sollicitus, ubi contemplativæ vitæ formam, regulas, & instituta perfectiori modo quam in aliis locis, mundo traderet, ac posteris relinqueret. Itaque factum est divinâ providentiâ, ut Vir DEI per confraga densis dumetis & arboribus in Appennino iter habens, densissimam valde abietum sylvam sit ingressus, atque ad amœnum pulcherrimumque in ea recessum venerit, qui prati speciem referens Campus Malduli speciosus, & amabilis dicebatur. Hoc in loco Vir DEI Romualdus sistens gradum, de ejus pulchritudine Deo gratias agere unâ cum Discipulis ex fatiari non poterat. Erat autem illic pellucidus fons (is ad hanc diem apud Templum prorumpere visitur) cujus crySTALLINIS undis Vir Dei pellectus, necesse duxit esse laborem itineris non nihil remittere, & (quod sæpè ad inventas vivas aquas facere solebat) paululum ad ipsum fontem requiescere. Itaque precibus DEO fuis sumptoque modico cibò haud mora (quemadmodum semper ad cœlestia erigebatur incredibiliter sanctissimi Patris animus) incidit ei de loci speciositate, deque abietis natura pulcherrima in corde meditatio. Cujus gratia inhians tota mente in superna fluentia fontis vivæ, speciositatem cœlestis Patriæ considerare cœpit, & à radice, usque ad verticem circa proprietatem Abietis arboris pariter philosophabatur. Quatenus videlicet singulæ partes ei arbori ab universi orbis artifice attributæ vestigia almæ charitatis, si rectè inspicias videntur referre: præsertim quatenus considerare possumus quatuor charitatis qualitates, de quibus eximius Doctor gentium prædicabat 1. Cor. 13. *Charitas omnia suffert, omnia credit, omnia sperat, omnia sustinet, charitas nunquàm excidit.* Philosophabatur autem imprimis charitatem in radice secundum Apostolicum eloquium in charitate



ritate radicati, & fundati : in eoque capite tolerantiam charitatis in iusto Noë Patriarcha maximè relegebat, qui cum mortales sui temporis, corruptis moribus, atque omni infando scelere Deum ad perdendum diluviô mundum ad-egissent, bonus malos, iustus iniustos, pius impios incredibili patientiâ per longum tempus toleravit : nec à charitate in arca inclusus unquam recessit, licet secum essent feræ omnis generis. Quali ad totius Orbis multitudinem Romualdus concionaretur, aiebat : felices qui mundum relinquunt virtutem charitatis possidendi gratiâ : felices, qui ad pedes Christi Crucem amplexati nîl magis, quàm mysterium humanæ redemptionis meditari student. Quis enim vereatur quin unâ cum Noë bestiis dominari possit, id est conculcare sæculum, & concupiscentiam ejus, qui seipsum contemptui habens, subdiderit Cruci, & obedientiæ Conditoris : quis non exploratum habeat, quod sicut Noë post diluvium obtulit Deo sacrificium de animalibus mundis, & non immundis, quin ipse quoque adeptus virtutem charitatis secundum Deum, & proximum non offerat se Deo sacrificium laudis, & contriti cordis ? id est, ut ait magnificentissimus Vates regius, *sacrificium DEO spiritus contribulatus. Cor contritum & humiliatum DEUS non despicies. Utiq; holocaustis non delectaberis.*

Philosophabatur item sanctus Pater charitatem in caudice alto, recto, & nodoso, in quibus virtutem charitatis quæ omnia credit, altiùs pensabat, quatenus à solo virtutis fidei principio ascensus ad cœlos homini paratur. In eoque charitatem in amico Dei Abraham considerans, de quo habetur in sacris eloquiis (*credidit Abraham DEO, & reputatum est ei ad justitiam*) quali cunctis mundi Principibus, ac nobilibus concionaretur, aiebat. Ecce mundi poten-

tes, ecce quomodo per bonarum actionum varietates, animique apparatus charitas in virtutum habitibus sic continet alimentum, ut honorum atque divitiarum contemptus ad Deum usque haud dubio pertingat. Ecce quomodo Abraham Vir dives & potens credens Deo, divina mandata peragens, & animum suum supernae voluntati in omnibus coniungens, merito virtutis fidei, spei & charitatis amicus Dei fuit dignus appellari, nec non benedictionis omnium Tribuum terrae in semine suo promissum recipere. Eia agite cum Abraham paternam domum demigrate, qui enim dixit Abraham offer mihi genitum tuum, idem non desinit unum quemque vestrum per Sapientiam vocare. Fili praebe mihi cor tuum; ego sto ad ostium & pulso si quis mihi aperuerit ego intrabo, & cenabo cum illo.

Recogitate, quod nulla alia de causa Abraham ante nos peregrinatus est, nisi ut nos peregrinos esse nunquam obliviscamur, qui terram caelestis promissionis cupimus intrare. Intelligite id ex abietis in Caelum tendentis natura. Erudimini, quod haec arbor, nullum omnino patitur cultum, nullam sobolem à radice profert, seu reliquias plantae, ad designandum nimirum, quod quicumque vult charitatis virtutem possidere, is necesse habet in negligentia corporis ante omnia animum accuratissime excolere, ut deinceps veluti vere in radice charitatis fundatus, proximi vitae aedificium, & animae suae ad Caelum volatum parare possit.

Philosophabatur similiter S. Pater in ramis, tam in intervallo, quam in numero praegrandibus, & quodammodo infixis folia semper viridantia, rara tamen & ferrata, in extremitateque pungentia. Meditabatur autem ex illis charitatem, quae omnia sperat, praecipue in Patribus & populo

Israël.

Israël. de quibus habetur : *in te speraverunt , & liberaſti eos : non ſunt fraudati à deſiderio ſuo.* Jam jamque quali in conventu Religioſarum perſonarum verba faceret, dicebat. *Discite ſervi Dei : diſcite, quali Deo vinculo charitatis obligati ſitis in terris , & quæ præmia vobis proponantur in Cœlis.* Fugerunt Patres populi Israël ex Ægypto : mare tranſiére rubrum , & in deſertum , eremumque venére ducti ſola charitate Dei : qui per diem in nube, nocte verò in columna ignis ductor illis extitit, quare ? ut diſcerent Deum amare gratis. Fugiſtis & vos ex Ægypto mundanarum ærumnarum, ut in ſolitudine eremi per ignem tranſeuntes & aquam, per charitatem ſic vigore pudicitæ, & ſanctimoniæ novitate reſlorere nitamini, ut Deus ſit ſemper in vobis, & vos in illo ſecundum Apoſtolicum eloquium. *Deus charitas eſt, & qui manet in charitate, in Deo manet, & Deus in eo.* Induite armaturam fidei, accipite galeam ſpei & ſalutis, ut ſicut DEUS pluit populo electo manna in deſerto dum ad terram promiſſionis venirent, ad inſinuandum, quodd charitas eſt arx virtutum promiſſio Regni, & præmium ſummum Sanctorum in Cœlo, ita in vobis nîl dulcius, nîl gratius Dei amore emineat. *Discite Dei juſtitiam, qualiter ſcilicet populus Israël non niſi per eremi aſperitates ad terram venit promiſſionis.* Ut vobis detur intelligi, quodd niſi religioſi Viri per ſpem almæ charitatis fugerint ex Ægypto, id eſt ex hujus ſæculi deſiderio, & niſi ſint utentes hoc mundo tanquam non utantur, neuti-quàm hoſtes fugere valebunt, & temptationibus reſiſtere, nec relinquere peccata, nec denique fugere mel de petra, qui eſt Chriſtus JESUS, cui ſervire regnare eſt.

Philophabatur quoque S. Pater, quod abies non ſit fragilis, ſed nervoſa, lignoſæque apparentis medullæ. Cu-



jus fanè truncum rami triplici numero totam gradatim com-  
 plent. Meditabatur autem ex his charitatem, *quæ omnia su-*  
*stinet*, in ipso DEO, & Homine JESU Christo Domino no-  
 stro, qui est vera charitas, quæ nunquam excidit. Et in  
 ea cogitatione relegens toto cordis affectu, quanta bona  
 fecit *Verbum Caro factum*, & quanta mala sustinuerit dulci-  
 loquis suspiriis clamabat. *O pietas! O magnum mysterium!*  
*O Redemptionis Mundi indicibilis Charitas, Charitas te bone JE-*  
*SU de Cœlis in terras traxit.* Charitas te summum rerum  
 opificem edocuit singulari patientiâ Diabolum perferre ten-  
 tatorem; Discipulum traditorem; odiorum populi electi  
 flammæ, atque linguarum pessimarum non devitare æstus.  
 Charitas te, qui mortuos vivificas, ac toties ab inferis ex-  
 citasti, patibulum crucis, & mortis angustias pati ad hor-  
 tata est. Nec mora abietem amplexatus intulit. O feli-  
 cem arborem! jure rami tui crucis figuram referunt, jure  
 triplici numero eos transfundis, siquidem illis, tum crucis,  
 tum incircumscripti luminis sanctissimæ Trinitatis myste-  
 rium haud dubiè designatur: Quemadmodum incarnatio-  
 nem Divini Verbi Pater operatus est in Majestate, Spiritus  
 Sanctus in cooperatione, & Filius in susceptione humani-  
 tatis. Tum Discipulis propius ad se vocatis, quasi cor sibi  
 ob Dei amorem in varias partes præ charitate discindere-  
 tur, sic verba facere exorsus est. Hic locus, Filii, cœle-  
 stis paradiscus in terris mihi esse videtur; haud enim amœ-  
 norem usquàm me invenisse memini, quot quot abditissi-  
 mas sylvas per universam Europam lustraverim. Maxi-  
 mè verò ex pulcherrima hac abietum corona, quanta sit  
 Dei erga humanum genus charitas elicitur, si ejus opera  
 scrutemur, & quot miris modis ipse suâ clementiâ homi-  
 nem ad studium cœlestis Philosophiæ ubique excitet, qua  
 just-

justitiam & pietatem colat, & solida ipsa, & vera atque æterna bona consecetur, quæ cum fallacibus mundi bonis ac celeriter interituris nullatenus sunt conferenda. Eja dulcissimi in Christo JESU Flii, discite qualis, quantaque sit hujusce arboris virtus, quæ vobis omnia sanctæ charitatis munera insinuat, præcipuè quoddam ex ea transfunditur oleum, per quod, mysterium & insignia considerare debetis. Porro id dulcissimum nomen JESU Domini nostri est, quod in Pontificatûs, regalisque dignitatis oleo, quod delibuti sunt in Lege Moyſis Sacerdotes, & Reges, atque ipsi etiam Prophetæ Domini, maximò mysteriò fuit expressum. Ipse namque verus est Rex omnium sæculorum; ipse verus Pontifex futurorum bonorum, ipse verus Propheta, qui prophetias inspirat, de quo per magnificentissimum Regium Prophetam dicitur. *Sedes tua Deus in saculum saculi, virga directionis, virga Regni tui, & iterum, unxit te Deus, Deus tuus oleo lætitiæ præ participibus tuis.* Spiritus Sanctus, Filii mei, in sacris volumnibus per oleum lætitiæ designatur; Christus enim dicitur Sacerdos secundum ordinem Melchisedech eam maximè ratione, quia nimirum, cum fuerit ante Legem Moyſis, non fuit unctus oleo chrismatis, nec ex successione generis suscepit sacerdotium, sicut Hebræi Sacerdotes facere consuevère. Christus quippe JESUS semper fuit Sacerdos, & Rex Regum ante mundi constitutionem. Ecce Filii quod sæpè dicere solitus sum vobis, qualiter materia Olei se habet; ut omnibus reliquis humoribus superemineat. Ex Oleo siquidem Charitas Dei, & Proximi designatur, quæ omnibus virtutibus sublimior comparatur; usque aded; *ut dives quisque pauper sit, si charitate careat, & pauper cum charitate ditissimus;* est enim dives sine charitate illi similis, qui habet plures lucernas, sed lucem nequaquam habere

re valent. Videte Filii, videte, qualiter vestras lucernas probe aptetis, & sanctæ charitatis vinculo in Deum ex tota mente feramini, qui vocavit vos in spem vivam, ut nutriamini in dies almæ Charitatis æternæ.

CAPUT XXXVIII.

*S. Romualdus è præcipiti saxo in flumen à  
Dæmone præcipitatus mirabiliter eripitur, ejus-  
demque de Diaboli potestate sermo-  
cinatio.*

SUB ipsâ Fontisboni ædificatione cum B. Romualdus nimis acriter pondus diæi, & æstus perferret, placuit divinæ Bonitati non pauca miracula per Servum suum patrare; nec non confluentibus undiq; ad illum populis propter suâ merita innumera beneficia exhibere. Cæterum humani generis hostis Diabolus, ut fuerat Viro Dei ubiq; semper infestus, tunc operibus sanctis magis, ac magis invidens, in eumq; atrociùs solito sæviens, illum totis viribus nunquam impugnare desisteat. Quem cum nullis laqueis, nullis terroribus, nullis deniq; artibus seu dolis ab inchoato opere revocare posset, novum maleficium novâ calliditate huiusmodi excogitavit. In descensu eremi penes *Sonorium* fluvium, qui venientibus Camaldulum necessario transiri debet, strictus valde erat callis super vastissimi saxi dorso præ angustia loci, qui magno aquarum gurgiti maximopere præceps prominebat. Ad hunc locum cum



cum sanctus Romualdus quadam die festinus venisset, & Discipuli, qui secum erant nonnihil ab eo remoti, invicem de potestate Diaboli in homines tentandos, post Patrem venientes, fermocinarentur, spiritus nequam opportunam nactus occasionem S. Romualdum ex ipso præcipiti saxo in flumen deturbare, in vastumque gurgitem præcipitem dare pertentavit. Verum Vir sanctus in discrimine vitæ positus manus extendens ad saxum (ad solitam invocationem dulcissimi nominis JESU) Dæmonis vim, impetumque adedò illæsus contudit, ut ipsa saxi durissima materies, extensarum manuum accessum, perinde ac mollis cera, illico exceperit. Interea Discipuli propius facti, & tempestivè ex insolita Patris voce factum compertum habentes, celeriter accurrere, visò miraculò, quòd hujusmodi periculo Vir sanctus liberatus fuisset, Deo gratias egerunt, & veniam ante omnia, quod ab eo remotius mansissent, petiere. Tùm Petrus Dagninus magnæ Sanctimonix Discipulus, qualiter de impugnatione dæmonum sermonem ad invicem habuissent cæpit ei exponere. Cui Vir sanctus hæc dedit responsa. *Benedicat vobis JESUS unicum animæ meæ desiderium, Filij mihi in Eo, in cœlestem spem vivam Cbarissimi, & desideratissimi, quorum meritis ipse misertus mei, me à teterrimi hostis insidiis liberavit. Oportunè vos quidem certè ea de re sermonem intuleratis: Dæmones siquidem sedula pugna homines exercitant odiò, & invidiâ perciti, quòd homo in cœlesti Patria illis sufficiens sit, ex qua ipsi dejecti fuere, quod Lucifero adhæsissent, qui perperam supernaturalem felicitatem appetijt. Non quidem quòd appetierit se esse Deum, ut quidam temerè crediderunt, quod sciebat esse impossibile, neque quòd appetierit esse aequalem Deo simpliciter, sed ea potissimum ratione: quòd videlicet, sicut Deus est beatus à seipso, & non ab alio beatificatus, ita & Lucifer se beatum esse*

appe-

appetit, sed non veluti à Deo; sicut nec credidit propria virtute felicitatem supernam habiturum; sed peccavit, quia nec de sua, nec de divina virtute cogitavit; id enim est, quod habetur apud Prophetam: Ponam sedem meam ad aquilonem, & ero similis Altissimò. Licet autem Dæmones & propterea homini semper infesti sint, & in potiori loco, dum tentant, in aëre consistentes, homo autem in terra; nihilominus potior est pars nostra, tum per auxilium gratiæ Dei, tum per custodiam Angelorum bonorum. Proinde Helisæus ad ministrum agebat 4. Reg. 6. noli timere plures enim nobiscum sunt, quàm cum illis. Tum Petrus Dagninus ut erat semper discendi avidus, Virum Dei summâ reverentiâ, ac modestiâ sic compellavit. Pater sancte, edissere nobis, si placet, unde sit quod Dæmones non paniteant, & dent Laudem & Gloriam DEO? misericors enim & miserator Dominus nîl odit eorum quæ fecit, ut inquit Psalmographus, & habemus ipsius Dei vocem per Prophetam Ezech. 18. si impius egerit pœnitentiâ ab omnibus peccatis suis, omnium iniquitatum ejus non recordabor. Hinc verisimile esse videtur, quòd Diabolo etiam pœnitenti parceret DEUS. Cui ille: tua questio Petre levi responsione solvitur, quòd Diabolum in eodem appetitu semper perseverantem nunquàm pœnitere posse; quia quod facit hominibus mors, hoc malis Angelis semel fecit casus: post primam enim electionem fuerunt in termino nunquàm resiliendi, sicut & Angeli boni fuerunt, & sunt in termino, ut nunquàm valeant peccare in gratia confirmati. Tunc rursus Petrus, Utrum Pater sancte Dæmones sic homines excruciare juvet, quod per hoc eorum fortè minuatür pœna, sicuti sæpe improbis hominibus contingere videmus: qui lætitiâ alieni mali exultantes malum suum alleviare quodammodo videntur! cui duplex locus ad pœnam dæmonibus assignatus est, Pater Venerandus respondit. Alij namque illico post lapsum in infernum detrasi sunt

ratione



ratione sua culpæ, qui supernè homines nullis maleficiis afficiunt per se, & si in Inferno cruciandi fontes animas ex divina justitia munus exequuntur. Alii ex divina permissione in caliginoso media regionis aëre ad hominum exercitium locum sortiti, qui licet jugi impugnatione hominibus sint inferfi, ac molesti, nunquàm tamen ignis æterni cruciatuum sunt expertes; quia ubicunq̃ue Diabolus est, semper tormenta suarum flammarum secum defert, sicut ignis quocunq̃ue in loco accendatur, & qualicunq̃ue ex materia, nunquàm suam naturam amittit, & vires. Hic subjunxit Petrus interrogationem, quomodo Dæmones corpora vexantes operentur interiùs commovendo carnem sanguinem, & membra per spiritus vitales. Cujus postulatis, continuando iter, Pater sanctus satisfacere volens in pulcherrimam incidit hujus rei fermocinationem hujusmodi. Deus, Filii, justorum neminem unquàm interiùs Diabolo torquendum commisit, & si exterius servum suum Job à planta pedis ad verticem usq̃ue gravi ulcere, ad insinuandam ejus bonitatem, & patientiam vulnerari permiserit. Quid quid de vexatis à Dæmone legimus, & videmus, de his, qui aliquo peccato irriti sunt, haud dubiè intelligi debet. Propter quod eos in Sues & bestias non semel introire voluit, sicut peccatores computrescunt ut jumenta in stercore suo. Unde benè ait Greg. in Dial. suo, quòd Datius Mediolanensis Episcopus Corinthi in quadam domo (ubi habitabat malignus spiritus: quiescens, dum rugitus Leonum, balatus pecudum, rugitus asinorum, sibilos serpentum, porcorum grunntus, & murium stridores audisset, contra antiquum hostem inclamavit, benè tibi miser contigit. Tu enim, qui dixisti ponam sedem meam ad aquilonem, & similis ero Altissimo, ecce præ superbis tua similis bestiis factus, bestias imitaris. Quibus verbis antiquus hostis locò cedens nunquàm redire ausus est. Ea



recordatione quasi Pater sanctus cum tota Philosophorum schola loqueretur subjunxit; mementote Peripateticorum doctrinam fugere, qui imaginationi demonum effectus tribuere, asserentes; quod phantasia brevi momento animam hominis vitare faciat, & instar somniorum mutationes in multiformes passiones, & imaginum species vertat. Dum enim animus semper naturaliter movetur, motus ipse vel phantasia, vel quadam intelligentia, vel magis corpus triste ipsum est, ut illi volunt, quod eleuet intellectum, atque divertat: quibus rationibus Dæmones nullò pacto esse, neque hominum habere formam, aut vocem, siue potentiam quæ ad nos pertranseat, sibi persuadere queunt. Quod falsum ea potissimum ratione est: quia sicut anima humana inter immortales spiritus infima corpus ad libitum movere potest quadam limitatione: quin idem superioribus spiritibus faciendi potestas sit, negare non possumus, quin etiam alicujus elementi partem (puta montem) ut docet Augustinus movere possunt, quemadmodum superiores illis movent corpora Cælestia & orbes. Quo fit, ut omnes effectus operari possint Dæmones, qui per naturalia fiunt corpora, eaque movendo applicare ad effectum aliquem, puta sanitatis vel infirmitatis. Potest ergo Dæmon immutare phantasiam hominis imprimendo nova phantasmata, sicut in somnio agitur. Potest figurare, ac colorare oculis aërem sub diversis speciebus rerum, sicut cum B. Antonio apparuit in forma argenti. Potest circumponere cuique rei corporeæ quamcunque formam, ut in ejus specie videatur, sicut accidit in ungue, aqua, & præstigiis, quibus furta exquiruntur. Nec mirum quod in eo casu à pueris, & virginibus se videri permittant Dæmones, ab eisque advocati frequentius adveniant; nam id ea ratione faciunt, ut nimirum veluti munditiæ amatores, homines in suæ Divinitatis opinionem adducant. Possunt denique Dæmones vexare corpora interiorius, ut Petrus proponit, operando commovendo carnem, sanguinem & membra per spiritus vitales,

tales, licet non per informationem, sed tantum per operationem. Urque aded ut viderimus, quam sapissime Dæmones sic obsessis dominari, ut eos vel ratione uti non sinant. Quos etiam secundum Lunæ incrementa magis excruciant, tum lunam creaturam Dei infamandi gratiâ, tum etiam, quia cum non possit operari nisi mediantibus virtutibus naturalibus, occasionem à cerebro natura humidissimo desumunt, in quo perficiuntur vires animales; quodque maxime subjicitur operationi lunæ, quæ ex sui proprietate habet movere humorem. Videte ergo quam Platonici Peripateticis in hoc præstent, qui non humanæ imaginationi, ut illi: sed ut res se habet, spirituum supernorum effectibus Dæmonum operationes tribuant, & Christianæ veritati mirabiliter adhæreant. Quis enim mortalium varios Diaboli effectus variis in Dæmoniis non vidit? non exhorruit? non admiratus est? Quæ natio, qui populi, quæ Urbs, quod oppidum, quis locus ejus maleficia unquam vitare potuit? Num Ægyptii? num justus Job? num Saul? num Achab? num ipse Mundi Salvator ab eo in deserto tentari renuit? Hinc tot claruerunt semper exorcistæ, hinc tot magi. Hinc legimus Act. 19. Quod adjurantibus quibusdam Dæmonium in nomine JESU, quem prædicabat S. Paulus; illud respondisse, JESUM novi, & Paulum scio, vos autem qui estis? & aggressus est eos Dæmoniacus repente, & spoliavit, ac vulneravit, multi namque provinciam ejiciendi Dæmonia inibant in nomine Christi, qui ei non adhærebant, ut habetur. Luc. 9. Hinc multi per exorcismos Salomonis Dæmones fugabant, maxime si radicem cujusdam herbæ in naribus obfelli ponerent. Unde & Josephus astringit tempore quo Vespasianus Judæam vastabat, se exorcistam ad Imperatorem adduci vidisse, qui annulum habebat, sub ejus gemma radix inerat, quæ naribus cujusdam Dæmoniaci adhibita, adjuratus Dæmon ab eo exivit, signumque dare



coactus pelvim aqua plenam subvertit. Hinc Joannes Apocalyp. 8 vidit Angelum clamantem quatuor Angelis, quibus datum est nocere terræ, mari, atque arboribus, sicut Deus de fontibus pereos pœnas summit ad exemplum aliorum. *Enimverò Dæmones ex ira & odio, viris præsertim bonis invident, eorum rebus gerendis obsistunt, metus ac perturbationes inducunt, fallereque nituntur, & omnia conquassare, ne homines post supremum vitæ diem meliorem illis sortem assequantur.* Cœperat item verba facere S. Romualdus, qualiter regnum Diaboli potissimum in possessione humanarum voluntatum consistit, magis quàm corporum, licet corpora (uti prædictum est) tam immaniter exagitet, & excruciet, quandò jam propius ad recessum Fontisboni factus, Theobaldus Vir religiosissimus Aretinus, qui postea electus est Episcopus, qui ut fabricam hospitii Fontisboni videret, simulque Sanctum Romualdum visitaret, in montes cum quibusdam Presbiteris, laycisque Aretinis ascenderat, ei occurrens dulci sermoni finem fecit. Præcesserant sermocinantem S. Romualdum quidam alii hospites, qui ab Eremitio venientes, ex alia parte fluminis miraculo sancti Viri interfuerunt, & quid factum fuisset artificibus ædificii, ipsique Theobaldo jam prænarrauerat. Quocirca Theobaldus locum festinabundus adire voluit, ibique Sacellum suffragante Maldulo erigendum ad perpetuam rei memoriam curavit, quod usque hodie S. Romualdi Casella vernaculâ linguâ propterea nuncupatur, quòd ex inde quoties ob pluvias, vel atros nimium Nimbos ad Eremitum Patri sancto noctis tempore redire non daretur facultas, illic super ipso nudo saxo excubare, ac placidam quietem capere consuêset; verùm tamen ibidem manuum suarum impressionem ad tanti Miraculi testificationem omnes ad hanc diem liquidò admirantur.



CAPUT XXXIX.

*S. Romualdus ex Sacra Eremita abscedens,  
Venerabilem Petrum Dagninum in Prio-  
rem creat.*

POSTQUAM S. Romualdus charissimos Discipulos suos in Eremita Camaldulensi per annos aliquot Eremiticis moribus imbuisset, Spiritu Sancto dictante, aliò, ubi majus Deo suo animarum lucrum parare posset se transferre statuit. Verumtamen antequam inde proficisceretur bonus Paterfamilias, vocavit servos suos, & tradidit illis bona sua, ut illo longius proficisciente sollicitè negotiarentur; eos ad viriliter agendum in Eremita pugna hortatur, ad sanctæ charitatis munia implenda excitat, & qualiter tria sanctæ Religionis vota incorrupta mente sanctificare, præcipuè verò obedientiæ Sacramentum nullâ unquam occasione temerare debeant, edocet.

Quibus Petrum cognomine Dagninum, qui prudentia & religiosis moribus longè præstabat, legitimè præesse voluit. Tandem Discipulis suis coram se constitutis sic eos allocutus fuisse perhibetur. Quo animo in vos fuerim, quamdiù vobiscum versatus sum Filii charissimi, quia operibus vobis ostendere: nunc autem discessurus ad exemplum Domini mei JESU Christi, Pacem & Fraternali dilectionem vos semper invicem paternò affectu habere moneo; satis enim videor mihi fecisse, si pro terrenis caducisque (quibus vos pro Dei amore carere semper suasi)

pretio.

pretiosam hanc margaritam vobis relinquam, quam si inviolatam apud vos servaveritis, nec corporalia alimenta, nec spirituale gaudium vobis deerit; nam diligentibus se, dixit ipsa veritas, hæc omnia adjicientur, & iterum: vobiscum sum usque ad consummationem sæculi. DEUS autem Patientiæ & Solatii det vobis idipsum sapere in alterutrum, ut unanimis uno ore honorificetis DEUM: sit omnium vestrum anima una, cor unum, & DEUS pacis erit vobiscum, quem habentes omnia possidebitis. Verum Paupertatem sanctam tanquam Sponsam habete, & obedientiam tanquam sororem cum perseverantia usque in finem diligite. Me de cætero dilectissimi præsentem habere non potestis, aliò enim me vocat spiritus, quid acturi sitis, apud vos manens, exemplis, ac frequenti exhortatione non negligenter vos informavi. Exempla quæ dedi æmulemini, & verba quæ locutus sum vobis, cordibus inculpta servate. Jam autem ne sine Duce Ambuletis, Petrum ( licet non illum, quem JESUS universæ Ecclesiæ præposuit ) sed hunc Dagninum vobis Præpositum relinquo, ipse Prior, ipse Dux vester erit. Tu verò Petre, quem semper præ cæteris dilexi, pasce oves meas, imò non meas, sed Christi, non quasi Dominans in eis, sed quasi forma gregis factus ex animo. Exemplò tuò eos instrue cum charitate, & patientia. Noli animas eorum irritare, sed potiùs eos cum aliquandò confractos videris, quasi Fratres tuos dulcius conforta, quod, si fideliter præstiteris, cum apparuerit princeps Pastorum, immarescibilem proculdubio percipies gloriæ coronam. Quibus dictis, & singulis eorum spirituali osculò datò, omnibus simul paternè valedicens, inde recessit.

## CAPUT

CAPUT XL.

*De novissimo reditu S. Romualdi ad sacram  
Eremum Camalduli. Ejusdemque ad  
Eremitas sermo valedictorius.*

**T**Andem posteaquàm S. Romualdus finem ædificandi sanctæ conversationis loca fecit, videns prope esse tempus ut depositum suum æterno Patri redderet, corde tenens gestiens jugi precatu cum Propheta agebat, quando veniam & apparebo ante faciem tuam? dilexi Domine decorem domus tuæ, fatiabor cum apparuerit gloria tua. Interim exæsa longissimò senio, diutino labore atque nimis districtæ vitæ asperitate labantia corporis membra incredibili modo sustinere nitebatur, usque dum singula fere loca ultimatim reviseret. Novissime igitur cum ad sacram Camalduli Eremum remeasset, Concilio Fratrum convocato, Concionem paterni affectus plenam, atque syncerissimæ charitatis exuberantem ad eos hujusmodi habuit.

Oportet Fratres, & Filij in Domino JESU charissimi, ac desideratissimi, nos semper ita stare & ambulare, ut exhibeamus nosmetipsos sicut DEI Ministros. Visum est illi, qui me ex sæculi blanditiis, seu potius tenebris in admirabile sanctæ Religionis lumen vocare dignatus est, inter multa, quæ suæ Divinæ Bonitati construxi loca sub auspiciis nigri habitus, quem primitus in Classensi Cœnobio susceperam, Eremum con-

grega-



gregationemque hanc vestram instituere in albis vestimentis, propter mysterium visionis Cœlestis Scalæ, hic apud fontem, uti vos non latet, mihi cœlitus ostensum. Benedictus DEUS, & Pater Domini nostri JESU Christi, cujus stat verbum in æternum; quod una hæc Eremus, unà cum Fontisboni hospitio brevi temporis spatiò Anachoretici studii, cœnobiticique instituti eò facilius reliqua à nobis erecta loca quasi vitis fecundissima, fertilissimusque ager antecellat, quod candidus color, omnibus aliis coloribus puritate, ac synceritate præstat, præsertim spiritualiter. Futurum est enim magno sanctissimæ Trinitatis arcano, ut una hæc domus, fundis, opibus, Cænobiis, ac fortunæ bonis Christi fidelium largitione mirò modò in dies augeatur; ejusque vivendi forma, Pontificum omnium, ac Regum præcipua tutelâ, patrocinoque latissimè se extendat. Jam verò propè adest, ut vergente corpore meò in resolutionem, sarcinam corruptibilis molis apud Cænobium Vallis Castri, ut sæpè jam prædixi; deponam. Itaque discessurus à vobis, nec ultra reversurus, vos ante omnia in visceribus dulcissimi Domini JESU rogatos esse volo, ne contristemini ob meam discessionem, nec perturbetur cor vestrum; sed clementissimum Patrem omnipotentem precibus ac votis ardenti pietatis studio rogetis, ut ipse mittat S. Angelum suum de Cœlis, qui vos parrocinio cœlesti custodiat, seduloque excitet ad omne opus bonum vitæ æternæ, in quo & vos confirmet: quod sanctæ charitatis officium & pro vestris Fratribus aliis in locis Deo famulantibus, præstare non obliviscamini; qui similiter sine intermissione pro vobis orant: ut Spiritus Sanctus urat renes vestros & cor vestrum igne sui sancti amoris, multiplicetque in dies super vos, ac super successores vestros dona misericordiæ, atque

atque Gratiae suae. Præterea rogo vos cum Apostolo in Domino JESU, *ut ambuletis quemadmodum accepistis à nobis, quomodo vos oporteat ambulare, & placere DEO.* Proposita siquidem vobis semel cœlestium anhelatione, jugi recordatione reminisci debetis, vos non obtulisse Throno sanctissimæ Trinitatis holocausta medullata cum incenso arietum, nec boves cum hircis; exhibuistis enim vosmetipsos hostiam viventem sanctam, Deo placentem, vobis ergo Dominus dicit. *Nemo mittens manum ad aratrum, & respiciens retrò aptus est Regno DEI.* Et Apostolus vobis stimulos addit inquiens. *Sic currite ut comprehendatis:* vestra enim conversatio in Cœlis esse debet. Porro cum omne agens agat propter finem, duo vos potissimum in sancto instituto quàm maximè confirmare debent, & ad bravium æternæ salutis incendere. Alterum est dignitas Philosophiæ, atque militiæ Eremiticæ: quæ nimirum talis tantaque est, quam omnia humana studia, omnisque Mundi Gloria, atque ipsa imperia minimè superare possint. His namque Mundi gloriam atque terrena vix sibi comparare possunt homines. Illâ verò cœlestem Patriam, Dei que perpetuam visionem Christi servuli cum perenni lætitia consequuntur. In hanc arenam prodiere felicissimo successu Christi Domini Athletæ Paulus primus Eremita: Antoninus Magnus, Hilarion, Macarii duo, & reliqui Viri Deo pleni, qui Eremiti vastas solitudines ante nos priores incoluere. Qui quantum innocentia vitæ: quantum corporis, sensuumque mortificatione: quantum carnis maceratione: quantum fervore spiritûs, quantum perpetua oratione, quantum antiqui hostis virium propulsatione, ac propterea quantum Dei vivifica visione hanc ipsam militiam illustraverint, nemo nescit, qui gesta sanctorum Patrum aliquando legerit. Cum vos igitur



tur ego ad eorum vestigiis insistendum sponte satis excitatos esse videam, pluribus verbis in hoc capite non laborabo, ne equo currenti calcaria addere velle videar. Alterum, quod vos in sancto Instituto confirmare debet, est fructus, qui ex ipsa Eremitica militia, eiusque perseverantia colligitur. Hic fructus qualis quantusque sit, Apostolus post Prophetam insinuat dicens: *Nec oculus vidit, nec auris audivit, nec in cor hominis ascendit, quæ præparavit DEUS diligentibus se.* Quin etiam stat firmum Domini JESU promissum: *Omnis qui reliquerit Domum vel Fratres &c. propter nomen meum, centuplum accipiet, & vitam æternam possidebit.* O Filioli, gaudium meum, & dulcedo cordis mei! O quam bene meditabatur hæc magnus Gregor. dicens: *quæ lingua dicere, vel quis intellectus capere sufficiat, quanta supernæ Patriæ sint gaudia, Angelorum choris interesse, præsentem DEI vultum cernere, & incorruptionis perpetuæ munere letari?* vilescant vobis Filioli, vilescant, quæ habentur in terris, considerantes quæ & quanta vobis promittuntur in Cœlis. Ad ea inardescat animus, ubi speramus sine fine nobis fore gaudendum. Proposuistis vobis in agone Eremiticæ militiæ pro his magnis præmiis comparandis laborare. Ascendistis in montem, undè venit vobis auxilium ex alto cœlorum habitaculo: in montem videlicet sanctum: in montem divinæ contemplationis: in montem de quo dictum fuit ad Loth, *in montem saluum te fac*: in montem de quo Petrus nusquam abicere voluisset propter gloriam & præsentiam sanctissimæ Trinitatis in transfiguratione JESU regis gloriæ dicens, *Domine bonum est nos hic esse. Si vis faciamus hic tria tabernacula.* Tria Petri tabernacula, Camaldulenses dulcissimi mihi in JESU Filii, sunt vobis contemplativæ vitæ excitanda in hac sacra Eremitica ædificia, ubi Angelicam vitam

in



in Dei servitute ducentes, post hanc miseriarum Mundi  
 i vallem ad Civitatis Dei mansionem transferri feliciter me-  
 reamini, ubi ( O incomparabile beatificatorum spirituum  
 gaudium ) omnes sancti amici stolis albis cantant canticum no-  
 vum ante Thronum DEI & Agni. Porro trium tabernacu-  
 lorum fundamenti pars prima sunt Fides, sine qua impossi-  
 bile est ut docet Apostolus, placere DEO. Spes : quia De-  
 us regeneravit nos in spem vivam. Charitas, quia in Cha-  
 ritate radicati, & fundati, Justitiæ DEI cultum in vero ejus  
 timore potissimum servi Dei retinere possunt. Altera Fun-  
 damenti pars, sunt tria S. Religionis vota. Paupertas primùm  
 quia parum esset ut Eremitarum quisque sæculi commoda,  
 fortunæque bona abdicaverit, nisi is cum Petro & aliis Disci-  
 pulis Domini, etiam propria voluntate, propriisque affecti-  
 bus se se omnino nudaverit : nam hic status ipsius Magistri  
 summi JESU consuetudinem nobis refert, Qui cum sit Deus,  
 & omnium Virtutum largitor, exhibitor bonorum, ex  
 paupere Virgine nasci dignatus est, in præsepe se reclina-  
 ri permisit : pauperes Discipulos elegit : & Adolescenti di-  
 yiti dixit ; *si vis perfectus esse, vade & vende omnia quæ habes,*  
*& da pauperibus, & veni sequere me, & habebis thesaurum in*  
*Cælo.* Obedientia deinde ; quia sicut JESUS mansuetissimus  
 Agnus in operando redemptionis humani generis myste-  
 rio non venit facere voluntatem suam, sed voluntatem  
 Patris æterni, qui misit illum ; ita quicumque discipuli ejus  
 esse cupiunt summâ ope niti debent, ut per obedientiam  
 cum Abraham amici DEI appellari digni sint, & per mansue-  
 tudinem cum Moyse in monte Deum alloqui mereantur.  
 Castitas ultimô locô, quia cum omne, quod in mundo est,  
 sit aut concupiscentia carnis, aut concupiscentia oculorum, aut  
 superbia vitæ, nemo debet duci in desertum, nisi à Spiritu

Sancto ut tentetur, cum JESU famelico, à Diabolo. Quis enim in Eremito esuriens, aliud quam fructus spiritus esuriat? siquidem scriptum est? *quæ seminaverit homo hæc & metet.* Numquid alium cibum appetierunt Paulus primus Eremita, & Antoninus magnus, qui in ejus excessu à Deo illuc directus est, ut una cum duobus Leonibus sepulturæ sacrum Corpus traderet. Num Petrus in Crypta pœnitendo? Num Maria Magdalena dum audiret JESUM loquentem? Num alii Viri DEI qui se castraverunt propter regnum DEI?

Trium Tabernaculorum murus ex lapidibus mundæ Conscientiæ, habitûs, aspectusque Majestatis, & bonæ secundum Deum voluntatis, veris omnibus Christi servis erigendus est. Est conscientia primus lapis apprimè necessarius; quia docente Apostolo, *gloria nostra hæc est testimonium conscientiæ nostræ*; quippe, quæ est Paradisus, in qua plantatur lignum Vitæ, & Cœlestis Sapientiæ, & cujuscumque tanta est vis Joanne Evangelista teste: *quod si cor nostrum non repræbenderit nos, fiduciam habemus ad DEUM, & quid quid petierimus accipiemus ab illo.* Præfulget deinde & lapis Majestatis habitus, & aspectus Deo servientium propter præceptum Domini JESU. *Nolite fieri sicut hypocritæ tristes, exterminant enim facies suas, ut appareant hominibus.* Unde, quia Deum nemo decipere potest, contra quem non est consilium, non est sapientia, non est prudentia, merito de hypocritis illa promulgata est sententia. *Amen dico vobis receperunt mercedem suam.* His autem addendus est preciosissimus, ac fulgentissimus omnium lapis bonæ voluntatis, quia scriptum est, *quam bonus Israël Deus his qui recto sunt corde.* Deus enim in servis suis cor inspicit intus; quapropter nihil ditius offertur Deo bonâ voluntate, quam qui facit, manet

net in æternum, sicut è contra malâ voluntate miser quis-  
 que efficitur, quod accidit quoties voluntas hominis aver-  
 tit se à superiori incommutabili bono, & ad inferiora con-  
 vertitur. O magnum mysterium Camaldulenses Filii, vi-  
 dete ne ullus vestrum aliud ponat in spirituali ædificio  
 fundamentum, præter id quod virtutum est auctor, JE-  
 SUS Christus. Videte, qualiter super ipsum nullum aliud  
 poni potest ædificium, præterquàm *gloriæ in excelsis Deo,*  
 & *in terra pacis hominibus bonæ voluntatis.* Quis aliter se as-  
 sistere posse speret cum anhelante Petro gloriæ summi Re-  
 gis JESU? & cum eo, atque aliis duobus perterritis Disci-  
 pulis ejus dulcissimam vocem audire? *surgite, nolite timere!*  
 Tectum tabernaculorum in monte divinæ contemplatio-  
 nis cum Petro excitandorum ex tribus Eremitis statûs potio-  
 ribus muneribus diligentissimè aptandum est. Ea sunt,  
*Oratio perpetua, Silentium, & observantiæ sanctæ rigor.* Ora-  
 tio, quia omnis ædificationis spiritualis securissimum ope-  
 rimentum orationis trabibus sustineri imprimis dicitur; quæ  
 in re exemplo sunt Josue, & Prophetæ, quorum ille solem  
 usque ad alteram diem stare ne advesperasceret, impetra-  
 vit, isti cum Deo locuti, & videntes propterea apellati  
 sunt; ad insinuandum nimirum nobis, quodd servorum  
 Dei oratio, sit locutio ad Deum, & quod nemo se securius  
 in spirituali contubernio continere potest, quàm perpe-  
 tua oratione mediante, ad quam utique nos Propheta invi-  
 tans inquit: *benedic anima mea Domino & omnia quæ intra me*  
*sunt nomini sancto ejus: & rursus, benedicam Domino in omni*  
*tempore, semper laus ejus in ore meo.* Et Dominus. *Orate &*  
*nunquam deficite.* Secundò silentium, quia scriptum est, *cul-*  
*tus justitiæ silentium.* Unde Propheta, *Silui,* inquit, *à bonis;*  
 quid quid enim non ædificat, in periculum vertitur dicen-  
 tium



tium & audientium: sermoque vanus vani spiritualis ædificii index est; quia subrepunt sensim abstractionis mentis venti, cadunt desuper imbres & pluviae tentationum, atque variarum cogitationum, quibus homo ad libidinis incentiva, & in reliqua vitia prolabitur, ad mundi inanem gloriam accenditur, & in ocio superfluaque dormitione marcescit. Tertio. Observantiæ rigor. Quia sicut nullum manufactum ædificium absque suis compagibus, atque trabibus, seu catenis diuturnum esse potest, ita nemo in sacra militia contemplativæ vitæ structuram, quæ citò collapsura non sit, & interitura, facere potest, nisi ex compagibus Charitatis, catenisque perseverantiæ, atque patientiæ, eam diligentissimè formare, stabilireque studeat. Id enim est, quod in divinis paginis habetur, quod dum Elias diù famis angustia pressus cœlestem cibum meruit accipere, & Joannes Baptista, qui locustis, melleque sylvestri, camelorum pilis indutus, vitam longo tempore sustentavit, Agnum DEI Christum JESUM digitò dignus fuit ostendere. Id, quod Moyses jejunaverit diebus XI. ut legem populo DEI promulgandam acciperet in monte. Id, quod ait Salvator, non qui incæperit, sed, *qui perseveraverit usque in finem salvus erit.* Id, quod uxor Loth retrò aspiciens in statum salis versa est: tanta est subtilitas spiritualis, sanctæque in DEI servitio perseverantiæ, patientiæque virtus & efficacia. Enim verò sapientes estis vos Architecti Camaldulenses Discipuli, qui in montem, ut dicebamus, venistis, in quo cum Petro assistentes JESU in gloria constituto, tria Tabernacula ædificetis. O quàm felicissima omnium erit hæc Sacro-Sancta Eremus, si vos tales artifices. ac Magistros in eis excitandis exhibebitis successuris vobis Fratribus, ut pro stabili eorum fundamento quilibet fidem humi-

mili-

militatemque Publicani ardentissime confectetur, qui stans  
 à longè non audebat oculos ad Cœlum levare, sed percu-  
 tiebat pectus suum dicens: *DEUS propitius esto mihi Pecca-*  
*tore*; hæc est enim Scala Jacob quæ à terra in Cœlum ver-  
 tice pertingebat. Hæc est quadriga, qua Elias raptus est  
 in Paradisum: hæc est virga, in qua Moyses signa & prædi-  
 gia coram Pharaone patravit, maria aperiri, & rursus in  
 unum misceri fecit. In ædificii verò reliqua perfectione cha-  
 ritas nunquam refrigeat; vigeat sanctæ observantiæ fervor,  
 cadat cœlitus Manna sacræ lectionis, assidue non desit in Al-  
 tari panis vivus esurientis animæ, expurget quisque ita se  
 à commissis delictis, ut ne in veniali quidem peccato, quan-  
 tum per fragilitatem licet, se Deo mentiri patiatur. Pera-  
 gatur opus Dei tali devotione; ac fervore, *ut comedat vos*  
*ælius domus Dei*; Et in conspectu Dei psallatis, & *serviatis*  
*Domino in timore, & exultate ei cum tremore.* Quid quid tem-  
 poris residuum fuerit, privatæ orationi, cœlestiumque me-  
 ditationibus impendatur, aut scribendo, vel quid aliud ho-  
 nesti operis faciendo tribuatur. Aded ut ne punctum qui-  
 dem temporis prætereat, quin fratres aliquid semper honesti  
 operis faciant. Id enim est quod agebat S. Hieronymus,  
*Castrum mihi carcer est, & solitudo Paradisus.* Hæc vox, quæ  
 ad Arsenium in palatio Principis facta est, *fuge homines, &*  
*salvaberis.* Hæc ratio, quæ vos vitatō Urbium populique  
 concursu huc Deo in deserti confragosa, aspera, montuo-  
 saque regione militare duxistis. Porro Filii Camaldulen-  
 ses, si homines naturalium rerum Philosophiæ, contempla-  
 tionique dediti procul omni mortalium curâ frequentiaque,  
 abditas sylvas, latebrosos montes, ac singulares recessus per-  
 quirere consueverunt, nempe, ut exoptato ocio sibi frui  
 liceret. Si Democritus Abderides Philosophus insignis,

ocu-



oculos sibi ultro propterea eruit , quod rerum naturalium Philosophiæ sibi impedimento esse viderentur. Quantò magis Eremitarum, Cœnobitarumque studium in eo maxime versari debet , ut abstractus Frater ab hominum frequentia , non modò in Eremiticam Cœnobiticamque Philosophiam in Eremo , seu in Cœnobiò procul omni impedimentò incumbat , sed etiam velut cœcus , mortuusque mundo , Deo vivat. Humana namque Philosophia tantummodò circa naturalia versatur , Divina verò , Cœlestia & æterna , rimatur. Illa secundum hominum traditionem est , hæc secundum traditionem Spiritûs Sancti. Illa Professores suos cum morte deserit , hæc JESU Christi Servulos Angelicam vitam in terris agere facit , & in Cœlis æternam. O Excelsam Eremitici studii militiam ! O vitam sanctam ! vitam perfectorum , & semper magis ad perfectionem tendentium ! vitam Angelicam , non humanam ! vitam pœnitentium , vitam contra mundum , carnem , & Dæmones pugnantium , vitam ad DEUM fugientium. O desertum Christi floribus vernans , O solitudinem in qua illi nascuntur lapides , de quibus in Apocalypsi Civitas magni Regis extruitur. O charissimi ac dulcissimi Camaldulenses Filii , ligate hæc in cordibus vestris. Amate solitudinem , perseverate in Eremi convictu , capeßite ejus Philosophiam , aspirate toto spiritû ad Cœlestes delicias ut ad sancta Paradisi gaudia per ejus studium pertingatis.

Libuit hæc Filii dulcissimi , & in Domino JESU desideratissimi monita vobis tradere , ac relinquere. Non quidem ; vel quia de promptissimo animi vestri proposito , vel de humilitate , vel de patientia , vel de fortitudine , atque constantia , sive de perseverantiæ spe , aliquid dubitem , quos in sancto DEI servitio valde confirmatos jam diù

cogno-



cognovi. verum paterno amore, Dei que charitate adductus: ut novissima hortamenta, in ultimo meo à vobis discessu ad consolationem quoque posterorum non desint. Parcite dulcissimi filii lachrymis, nolite ex mea discessione contristari. Ego *bonum certamen certavi, cursum consummavi*, reliquum est, ut nihil magis cupiam, quam *dissolvi & esse cum Christo*. Relinquo vobis dulcissimi in Domino JESU filii Camaldulenses, testamentum pacis & mutue dilectionis in vinculo sancte Charitatis: nec non benedictionis DEI, & Domini nostri JESU Christi. Et sicut benedixit Isaac, Jacob, & Jacob Joseph filio suo, pax DEI, quæ exuperat omnem sensum, custodiat corpora vestra, & intelligentias vestras in omni opere bono, & justitie cultu in veritate, & sanctitate timoris DEI, & D. N. J. C. qui est benedictus in sæcula, Amen.

\*\*\*\*\*

## CAPUT XLI.

*Sanctus Romualdus Theodaldo Episcopo ante mortem suam Eremum, & Camaldulensem Familiam commendatam relinquit.*

POSTquam Beatissimus Romualdus finem dicendi fecit, mox inter lachrymas, & amplexus, singulis fratribus in osculo sancto salutatis, ab Eremo discedens ad Reverendissimum Theodaldum Episcopum Aretinum divertit, ut ab illo ultimam benedictionem pro mutua inter sese observantie veneratione, ad Cœnobium Vallis Ca-

stri migraturus reportaret, pariterque sacrum Eremi, ac Fontis boni locum cum omni familia, ejus præsidio ac patrocinio commendatum relinqueret. Audiens ergo Pontifex servi DEI adventus causas, difficile dictu est quanto ex ipsa ejus discessione mœrore fuerit confectus, & quantum Pater sanctus operæ ac sermonis insumpserit, ut ei persuaderet, sic voluntatis Divinæ esse, ut alibi, quàm in sacra Eremo Camalduli, depositum corporis sui usque ad diem octavæ sanctissimæ Resurrectionis, deponeret. Quibus rationibus, uti DEO in nullo contrarius, demùm Præsul acquiescens. sanctum Romualdum à se prius dimittere noluit, quàm longis de Cœlesti gloria protractis invicem sermonibus, & quòd sæpe, cum ejus copiam haberet, facere consueverat, ejus pedibus prostratus peccatorum admissorum generali expiatione factâ. Cui, cum in omnibus Pater sanctus fecisset sâtis, prostremò sacram Eremum & Fontem, bonum, ac novam assurgentem Camaldulensem familiam eidem uti singulari Patrono in visceribus Charitatis Domini JESU etiam atque etiam commendavit. Cui extuncpientissimus Antistes patrocinari ob ejus memoriam sic cœpit, ut usque dùm vixerit nunquàm ejus commodis, & amplificationi studere desierit: cujus vestigiis successores quoque, uti dicetur, mirandum in modum incubuêre.



CAPUT

CAPUT XLII.

*Theodaldus Episcopus Aretinus Camaldulensium patrocinium init, sacramque Eremum Donationibus ac Privilegiis primus exornat.*

**I**Nterea Deo plenus Antistes Theodaldus Anno 1027. post felicem S. Romualdi transitum videns paucillum gregem in solitariae militiae exercitatione plurimum in dies proficere, subvereri coepit, ne nimia loci omnium rerum sterilitas, paupertasque ob stare possit, quo minus in hujusmodi sanctae vocationis proposito validius imposterum firmarentur, nisi aliquo auxiliò sublevati. Congregatò igitur S. Aretinae Ecclesiae Clericorum ordine, Mense Augusti in Claustro Canonicorum copiosam, gravemque ad eos habuit orationem: per quam eis in memoriam revocavit: qualiter S. Romualdus Camaldulensem familiam suggerente Spiritu sancto in Beatissimi Donati territorio instituerit, eamque studiosissimè in ultimo suo recessu sibi per viscera Charitatis Christi commendasset. Se non semel ad sanctum locum accessisse, vidisseque eandem in dies in summa Vitae disciplinae austeritate; in Dei vero cultu, ex sanctissimis exemplis, atque populorum concursu, proficere; aded ut splendore ejus non Tuscia modo, sed universa Italia, ac totus ferme orbis terrarum maximopere propterea illustretur. Sacram familiam rerum omnium, quae ad sustentationem necessariae forent, ob loci infœcunditatem, adventantiumque hospitum frequentiam, multum inopiâ premi. Cum vero DEUS nulla alia ratione pauperes faciat, nisi ut probet divites, di-



cens per Prophetam : *frange esurienti panem tuum, & carnem tuam ne despexeris.* Et Apostolorum Princeps. *Pascite eum qui in vobis est gregem Domini.* Cujus sententiam magis explanans Doctor gentium dixit: *si quis suorum, & maxime domesticorum curam non habet, fidem negavit, & est infideli deterior.* His omnibus de causis sua, & totius Civitatis presentia perorando conclusit, temporalibus sacræ Eremitæ commodis, ejusque dignitati atque incolumitati velle prospicere. Qui omnes cum libentissimo animo Pontificis consilium laudassent, ille primam Donationem, primumque exemptionis, ac libertatis Privilegium sacræ Eremitæ concessit. Cujus tenor est hujusmodi.

In Nomine sanctæ & in dividuæ Trinitatis, Theodaldus sancti Donati Vicarius. *Si servis DEI, eisque maxime, qui divinæ contemplationi insistant, de bonis Ecclesiæ vitæ necessaria conferimus, sanctorum Patrum statuta proculdubio servamus. Dignum quippe est, ut his, qui intra sanctam Ecclesiam Mentes suas in Cœlestibus defixas habent, Rectores Ecclesiarum temporalia commoda subministrent. Quapropter omnium fidelium Christianorum hoc dilectio noverit: quod nos ab amore pia memoriæ spiritualis Patris nostri D. Romualdi clarissimi Eremitæ comuni consilio, & consensu Fratrum Clericorum nostrorum donamus, & concedimus pro remedio Animæ nostræ, omniumque successorum nostrorum Episcoporum D. Petro Venerabili Eremitæ ad usum, & sumptus confratrum Eremiticam Vitam sub eo ducentium, suisque successoribus Eremitis quandam Ecclesiam in mediis alpihus juris Episcopalis sancti Donati, quàm nos rogatu præfati D. Romualdi Eremitæ consecravimus sub honore & nomine Domini nostri JESU Christi sancti Salvatoris, consistentem in territorio Aretino ad radices alpium dividendum Tusciam, & Romaniam, in loco qui dicitur CAMPO MALDULI per sua loca designata.* Primo  
igi-

igitur latere præcurrit rivus, qui vocatur niger, cui è contra ob-  
 viat quidam alius rivus, qui dicitur de tellito, ambo pariter emer-  
 gentes in rivum cujusdam fluminis. De secundo latere est via de-  
 scendens à summis jugis alpium. De tertio latere sunt feri montes  
 apud intonsa juga alpium. De quarto latere sunt Sicheta prorum-  
 pentia in præfatum rivum nigrum. Intra præfixos igitur termi-  
 nos enitet ille locus, qui dicitur CAMPO MALDULI: Campus  
 speciosus & amabilis, septem purissimi fontes, & amœna vireta.  
 Hunc igitur locum D. Romualdus pius Eremitarum Pater delegit,  
 & providit aptissimum contemplativæ Vitæ DEO servientium: con-  
 structaque inibi Basilica sancti Salvatoris, quinque cellas cum suis  
 tabernaculis ibidem distinxit, atque ab invicem separavit; sed &  
 singulis cellis singulos deputavit fratres Eremitas, qui secularibus  
 curis, & sollicitudine remoti, soli divinæ contemplationi insistant.  
 Quibus etiam Venerabilem Eremitam Petrum tanquam fidelem Mi-  
 nistram, & præceptorem dedit. Cui nos quoque cum nostris poste-  
 ris successoribus, ut cum denominato sancto Viro Romualdo partem  
 in æterna vita habeamus, largimur memoratum locum secundum præ-  
 fixos terminos ad usum Fratrum Eremitarum pro tempore ibidem  
 DEO famulantium, atque per paginam hujus nostri privilegii eum  
 investimus in his omnibus, quæ infra designatos terminos nos hodie  
 ad manum nostram habemus & detinemus. Præterea addimus præ-  
 libatæ Ecclesiæ sancti Salvatoris ad usum, & sumptum confratrum  
 Eremitarum medietatem Ecclesiæ S. Miniatis in Villa, quæ dicitur  
 Alina, una cum medietate unius Mansi, & Donnicati sicut re-  
 gitur per Vivalem, & Bonizonem Presbiteros cum decimatione e-  
 jusdem Villæ de Alina, sicut Petrus Abbas de Campo leonis in com-  
 mutatione à nobis habuit, & nos hodie recipimus, & ad manum  
 nostram tenemus. Donamus etiam eidem Ecclesiæ S. Salvatoris  
 Mansam unum in Monte, sicut quondam rectum fuit per Ursum  
 Manfredi, & modo regitur per quosdam suos nepotes. Sed & ad  
 usum



usum & sumptum confratrum Eremitarum pro tempore ibidem solitariam Vitam agentium concedimus illi Venerabili loco Sancti Salvatoris integras decimationes totius Ville quæ dicitur Larinano: constituentes inviolabiliter, ac præcipientes, ut de omnibus quæ incolæ illius Ville laboraverint, passim per quascunque alias Villas & loca, soli illi Vener. loco S. Salvatoris nominaliter integras decimationes DEO reddant, sicut prædictus Petrus Abbas in concambio à nobis habuit, & nos ad manum nostram habemus & tenemus. His igitur illi almo loco S. Salvatoris in alimoniam confratrum Eremitarum ita concessis statuentes, & cum universo Clero nostro per omnia corroborantes præcipimus, ut ipsi Fratres Eremitæ, qui ibidem pro tempore DEO servierint, nullo unquam tempore sese, suosque actus ad aliam, præterquam Eremiticam, & solitariam atque contemplativam Vitam transferant, nec unquam liceat eis ipsum sanctum locum ad Cænobitarum Monasterium retorquere. Quia ergo quod nos pro salute & remedio animæ nostræ, nostrorumque Successorum Episcoporum DEO obtulimus, per æterna sæculorum spatia ratum, firmum, atque inconvulsam debet permanere per DEUM omnipotentem, & Dominum nostrum JESUM Christum, sanctumque Spiritum interdiciamus, & modis omnibus inhibemus, ut nullus noster Successor Episcopus Aretinæ Ecclesiæ prædictum Fratrem Petrum Eremitam, suosque posteros Successores Eremitas de his, quæ S. Salvatore concessimus ad usum, & sumptum Fratrum Eremitarum, aut ipsi à nobis, aut aliis hominibus adquisiverint deturbare, molestare, inquietare, aut ullam diminutionem inferre præsummat. Quod qui fecerit (nisi emendaverit) in die tremendi iudicii se se tanquam sacrilegum, à Domino iudicandum pertimescat. Ut hæc igitur nostra donatio à nostris posteris Successoribus Episcopis per æterna sæculorum spatia conservetur, & conservata jugiter permaneant, hujus Privilegii paginam manu propria confirmari, & muniti Sigillò sanctæ nostræ Ecclesiæ, corroborarique jussimus.

CAPUT



## CAPUT XLIII.

*Episcopus Aretinus, si ad inopiam deveniat,  
ab Eremita Camaldulensi honestè inter tene-  
ri debet.*

**T**Andem tractu temporis orta est controversia inter Epi-  
scopum Aretinum, & Priorem, atque Eremitas Ca-  
maldulenses: propterea quod ipse Episcopus prætenderet  
jura Patronatus in sacra Eremum, & quædam loca, Op-  
pida, & Prædia, quibus sacra Eremus ab Episcopis Areti-  
nis in præjudicium Successorum (ut sibi videbatur) jam o-  
lim aucta, illustrata, datatæque fuisset. Usque adeo, ut cum  
major pars patrimonii S. Donati in Eremitas sic collata fuisset,  
alimentorum quoque jura, si quando ad inopiam ver-  
geret, sibi competere existimaret. Econtra verò Eremitæ  
vigore translationis pleni dominii in Eremum omnium do-  
natorum locorum; nec non virtute Privilegiorum tum A-  
postolicæ sedis, tum Imperatoriæ Majestatis; se se ab omni  
hujuscemodi jure immunes, ac liberos efficere contenderent.  
Cum autem memoratus Episcopus prætenfa Jura in Ere-  
mum diutius prosecutus fuisset, Honorii Pontificis demum  
intercessit auctoritas, quâ hujusmodi controversia finaliter  
decisa est. Ut, videlicet, Episcopum; uti optimè, ante  
omnes alios, de sacra Eremo, deque toto ordine Camal-  
dulensi meritum, veluti præcipuum Patronum recogno-  
scant. Ipse verò Episcopus ut olim, ita imposterum sacrae  
Eremi, & totius Ordinis Camaldulensis patrocinium sem-  
per studiosissimè agat. Si quando verò (quod absit) ipsum  
vel



comprehendam: bonum medium Italiæ in Romualdo indulsit Christus. Quis non tristitiam mutavit in gaudium apud Romualdum? quis non iram vertit in pacem? quis turbatus luctum ad ejus non mutavit aspectum? quis non abjecto paupertatis mœrore, statim & divitum despexit opulentiam, & suam lætatus est paupertatem? quis post lassitudinem Monachus non ejus refectus est aspectibus? quis adolescens ætatis succensus ardoribus, non ex ejus admonitione pudicus factus est & castus? quis vindictæ cogitationibus distractus, non sanô animô est ab ipso regressus? sciebat, enim Pater sanctus, quô quisque laboraret incommodô, & ex Vitæ merito discretionem spirituum, agnoscens, adhibebat unicuique verborum, prout erant vulnera, medicinam. Unde factum est, ut innumerabilis multitudo Nobilium & ignobilium, senum & juvenum, ad ipsum conflueret, & quasi ruinam mundi fugiens, Christo servire sub ejus Magisterio affectaret. Quos sanctus Pater benignè suscipiens, docebat vanitatem Mundi despiciere, & desideria carnis elidere, ac in regulari observantia vivere, jugiterque permanere.

Post hæc sanctus Pater Romualdus videns Monasterium Vallis Castri regulari observantia optimè ordinatum, maxime multitudo Fratrum copiosè repletum; nec amplius dubius de celeri sua resolutione, cellam sibi ædificari cum Oratorio haud procul à Monasterio inter duos altissimos Montes in nemore præcepit, in qua recluderetur, ut silentium usque ad obitum observare posset; factô itaque reclusionis, cum mens eius in eo esset, ut jam ingrederetur perpetuam reclusionem; convocatâ universâ fratrum multitudine ita prolocutus est. *Ultimam filioli Patris audite sententiam; non enim arbitror; ut in hoc sæculo amplius vos videam:*



cogit namque conditio Natura humane, ut post centenarium numerum, quem annis jam viginti supergredior, tandem resolver. Ita locutus audientium fratrum pectora nimium quantum contristavit; moxque gemitus & lachrymæ, verba secutæ sunt. Amplexabantur universi fratres Senem cum lachrymis, quasi jam amplius non visuri. At ille tanquam aliena deferens, ad propria proficiscitur, magna cum lætitia properans ad Recluforium.

Quadam igitur nocte, cum solus in cella oraret, cœpit paulatim corporis virtute destitui, & ingruente molestiâ gravius fatigari: viditque in spiritu Angelorum cuneos, quasi scintillas in arundineto discurrentes, in sui venire obsequium. Mox Vir sanctus intelligens Salvatoris quoque adesse præsentiam, non quasi funeris, sed jam quasi præstolatæ gloriæ suscepit triumphum, in manus Domini suum commendans spiritum. Nimirum qui sic obiit ut prædixit, illuc transiit quod speravit. Nunc igitur inter vivos Cœlestis Jerusalem lapides ineffabiliter rutilat, cum ignitis beatorum spirituum turmis exultat, candidissima stola immortalitatis indutus, ab ipso Rege Regum vibrante in perpetuum diademate coronatur. Sole itaque jam ad occasum vergente, præcepit duobus fratribus qui adstabant, ut foras exirent, cellulæque januam post se clauderent, ac post matutinas laudes ad se remearent. Cùmque illi de ejus fine solliciti velut inviti exirent, non statim ad quiescendum properant; sed ne Magistrum obire contingeret anxii, pretiosi thesauri talentum prope cellulam latentes observant. Aliquandiu igitur commorantes; cùm deinceps curiosis auribus attentius auscultarent, & neque motum corporis, neque sonum vocis audirent, jam quod venerat, rationabiliter opinantes, perfractâ januâ, velociter irruunt, lumen accendunt, & beatâ animâ

animâ in Cœlum raptâ, supinum jacere sanctum cadaver inveniunt. Jacebat itaque velut neglecta tunc Cœlestis Margaritha, in summi postmodum Regis ærarium honorificè reponenda. Rumor confestim de transitu sancti Patris Romualdi totum stupendo sonitu concutit Monasterium, currunt mœrentium fratrum agmina, omnes lugentes veniunt à primo usque ad ultimum, plangunt filii destituti sancti Patris aspectu, & quem ultrà, ut prædixit, visuri non essent, cum lachrymis prosequuntur. Dolent amarissimè totum ipsorum solatium cum illo recessissè, & se in valle lachrymarum relictos, non jam à suo Magistro ulterius consolandos. Vix à dilaceratione corporum solus pudor continet manum. Imperat claustralis censura silentium, extorquet vis doloris gemitum, & singultum. Tument lachrymis facies, & novas adhuc aquas moribundi cordis impetu subministrant. Accurrunt Comites Camerinæ Provinciæ cum caterva Militum, & multitudine armatorum, ne forte de pretioso thesauro, qui jacebat in medio, pati contingeret detrimentum. Commovetur etiam totius Marchiæ provincia, atque infinitâ multitudine gentes inundant, omnesque sanctum, omnes Deo charum Romualdum proclamant, & inter laudum verba, nonnulli præ gaudio lachrymis manant. Fratres quoque memores, quod Advocatum perpetuum, & Patronum præmiserint ante Deum, & ipsi luctum proprium convertunt in gaudium, & cantum mœroris mutant in jubilum laudis. Levatur pretiosum pignus, cum hymnis & laudibus ad Monasterium Vallis de Castro portatur honorificè tumulandum. Veneremur itaque & nos Nationis Ungariæ Eremitæ, & votivis honoremus obsequiis sanctum Patrem nostrum Romualdum, per quem omnipotens DEUS totius Ordinis nostri voluit illustrare con-

ventum; ut dum gloriosissimum Patrem nunc amando, & imitando prosequimur, ipso intercedente ad gaudia Regni Cœlorum pervenire mereamur. Quod nobis præstare dignetur.

JESUS Christus DEI Filius, qui est super omnia  
DEUS benedictus in sæcula, Amen,

CAPUT XLV.

*Romualdi Cannonizatio à Pontifice Maxi-  
ximo, Joanne XX. facta ; ejusque Cor-  
poris incorruptio.*

**A** prima die post felicem nostri Romualdi ad Cœlum transitum, universo Orbi ejus sanctitatem Omnipotens Deus testatam reddidit : ad sepulchrum namque ejus ex longinquis terrarum partibus toto annò, maximè verò ejusdem festivitate Fidelium multitudo concurrens cupita recepit beneficia. De Miraculorum ejus frequentia *Petrus Dam. Episcopus Ostiensis* hoc in Fastis suis perhibet testimonium : quæ, *inquit*, apud sepulchrum ejus fiunt miracula, tanta sunt ; ut melius putemus cuncta silentiò præterire, quàm narrare. Corpus ejus effossò post quinquennium tumulò, teste ante citato fideli Scriptore, sanum illibatumque reperiunt, velut tunc fuerat, cum sepulturæ illud primitus tradiderunt. His impulsus sumus in terris Christi Vicarius Joannes XX. sine aliquò alio processu quàm totius Italiæ testimoniò post suæ beatæ mortis quinquenium cum Maxima Ordinis sui gloriâ eum Sanctorum cathalogò adscripsit. Anno reparatæ salutis 1032.

*D*



*De reſeruatione Corporis Sancti Patris Romualdi, &  
Epiftola Michaëlis Abbatis venerabilis.*

**A**Nnô à partu Virginis millefimo quadringentefimo ſexageſimo ſexto, Michaële à ſancto Laurentio Montisfaſci Abbate, cum incidiffet ſermo inter ſuos Monachos, utrùm Corpus ſacratiffimum Sancti Patris Romualdi in Sepulchro adeſſet, necne: dicentibusque nonnullis, non eſſe impoſſibile, quin ex variis rerum, ac temporum mutationibus Sarcophagum aliquando temeratum fuiſſet: reſellentibusque aliis argumentum ea potiſſimum ratione, quia Sepulchrum integrum in omni ſua parte appareret: factum eſt, ut unus ex illis omnium audaciſſimus, Bartholomæus nomine, ſic divinâ diſponente providentiâ, quomodo ſeſe res haberet, tacitus videre velle diſpoſuerit. Is noctis tempore ad ſepulchrum accedens cum quodam complice, cuneisque vaſto ſuperiori lapide per vim elevato: facinoreque detecto: die vigefima ſecunda Novembris, mirabilia Dei ex illius audacia eô modô patefacta: ſicut ipſe Venerabilis Michaël Abbas his verbis teſtatum per ſuam Epistolam reliquit.

ſpectabilibus ac Venerabilibus Viris Prioribus, &  
comunitati Sancti Quirici ſalutem.

**D**Ecet meam parvitatem per omnia primum aperire literis meis, & quid mirandum nuper illuxerit, inſinuare. Notum quidem eſt cunctis, tam de Provincia Anconitana, quam de tota Italia, ſanctiſſimum Romualdum, qui fundavit primordia noſtræ Religionis, in Monasterio Vallis Caſtri per quadringentos & quadraginta, vel circa annos jacuiſſe inuiſum, & anteaquàm tumulus ejus patefieret nobis, omnes qui illuc confluxere à die ſepelitionis  
ejus

ejus Sacro-Sanctum corpus sedulo veneratos fuisse. Placuit notissime sanctissimo Patri ( licet per temerarium & presumptuosum, Sarcophagum illud fuerit apertum ) se diebus istis palam facere obtutibus nostris, ut quod diu latuerat, ad infidorum fortasse confusio- nem se visibile faceret mortalibus oculis. Vidi propriis oculis san- ctissimum cadaver sacco cilicino vestitum usque ad talos, desuper- que parvo habitu posito. Accersivi Primates Fabrianenses, ut ad tale spectaculum visendum properarent. Qui omni mora postposita, una cum Praesule Camerinese, atque Commissario Apostolico, ad- juncta maxima Virorum multitudine ad monumentum ipsum Vallis Castri accesserunt. Stabant circa sepulchrum vehementer attoniti, videntes sanctissimum Virum aetate longævum ( nam centesimum & vigesimum annum transegit in terris ) & diuturnitate quadringen- torum quadraginta annorum, vel circiter, ibi jacentem, maximam devotionem, præcipuamque venerationem præferentes. Quo viso Praesul Camerinenfis assurgere è tetra coepit, omnibusque accurren- tibus præter visum à tactu prohibuit dicens: quæque aspicere, non tamen tangere Sacro-Sanctas reliquias debet. Postquam prohibitio- nem ex sua liberalitate quadraginta dierum veniam advenientibus indixit. Latetur modo sancta Mater Ecclesia, quæ una cum ca- teris sanctis Beatissimum adsevit Romualdum. Gaudeat non so- lum Fabriana tellus, verum Provincia omnis, in cujus gremio noscitur consedere. Plaude & tu Quiriquina tellus, quæ talem, ac tan- tum tua juxta confinia meruisti Romualdum habere sanctissimum. Quem si tota animi devotione, ac fide integra imitati fueritis, pro certo sciatís vobis adesse propitium. Timeant vehementer illi, qui vobiscum incolunt, non verentes procacissimam linguam adversus illud Venerabile corpus commovere. Expectent paulisper ultionem, qui nituntur adversari veritati. Placuit igitur mihi, pro eximia affectione, quam gero erga Terram & Claustrum vestrum hæc scri- bere, ut tanti Viri mirabilium, ac meritorum participes efficiami- ni. Bene Valete. Die 3. Decemb. 1466. Inte-



Interea missis nunciis Camaldulum, quæ gesta fuissent in primis Marioto Generali nunciata sunt. Qui factus certior rem magni momenti talem accidisse, aded ut nemo, ipso absente, quicquam deliberare auderet; festinanter iter in Picœnas arripuit, circumstantium Prælatorum comitante caterva; acriusque solito impulsis equis, Fabrianum ad 15. diem pervenit. Ibi autem visitato Episcopo, impetravit sibi tradi ipsum Bartholomæum Monachum detectio- nis auctorem, quem in vinculis habebat; ut scilicet secun- dum libertatem privilegiorum in eum per se animadverte- re posset; qui nec leves quidem suæ temeritatis, admixta misericordia, luit pœnas. Porro dum Mariotus Generalis in Cœnobio sancti Blasij Fabriani degeret, dum nobiles qui- que illum visitatum adirent; gestiebant multi ennarrando miracula, quæ Deus Optimus Maximus ad sacratissimum Corpus patrare dignabatur in horas. Quæ cum ille digna reputaret, quæ posteritati commendari deberent, eam ope- ram Joanni Juliano à Laterino Notario, & Scribæ suo de- mandavit, se dictante. Ea nos in Bibliotheca sancti Mathiæ Murani invenimus, sicut Maurus Lapius illa ab ipso Do- mino Generali, & Michaële Abbate acceperat, & ex originalibus transcripserat. Tertia autem die advenienti Generali ad Vallis Castri Cœnobium, occurrit Monacho- rum conventus cum processione, ipse verò Templum in- gressus, & sacratissimum Corpus pronus reverentissimè in primis adoravit, & tres Ulnas serici panni illi obtulit. Cum verò propter podagram Missam canere non posset, ab uno ex sociis Prælatis id muneris præstari voluit. Ecce autem inter Missarum solemnias, mulier unicum filium in ulnis gestans, duos cereos sacro Corpori offerre nititur, sed nimia populi multitudine, quæ aderat, impeditur ad illud



illud accedere. Cui populi frequentia denique per strictum callem locum dante, illa propius ad Sepulchrum facta, gratias agere Deo, & Sancto Romualdo exsatiari non poterat: narrans quomodo filius à media corporis parte jam deperditus, & contractus, meritis sanctissimi Patris in vota invocati fuisset liberatus: quæ res omnibus lachrymas ob lætiti-  
am excussit.

*Miracula que in detectione Corporis Sancti  
Romualdi facta fuere.*

**M**iracula quæ DEUS Optimus Maximus in detectione Corporis sancti Romualdi facere dignatus est, plurima notata fuere. Retulit Marioto Generali Antonius Fabrianensis de nepte Filia sororis suæ quæ adeo membris contracta erat, ut non posset se movere, nisi quatenus à domesticis gestaretur, idque replens totam domum clamoribus, sed hæc commendata à marre Sancto Romualdo, illico suis pedibus ad sacrum Corpus cum cereo perrexit, benedicens Deo, viditque illam ipse Generalis Sanam cum aliis Prælati, Retulit Tiburtius, quod Bartholomæus cæmentarius murum in sua vicinia erigens, ex ponte ligneo cadens cum machina tota, & S. Romualdum invocans, lapidum, ac lignorum congerie obrutus, mox illæsus inde exivit, stupentibus cunctis, qui accurrerant, & Deum laudantibus. Venitque ad Generalem, & quomodo per merita sancti Patris vitam haberet, enarravit.

Retulit Paulus Eques, quod cum ipse Româ remigrasset, in febrim maximam inciderat, adeo ut medici de salute desperassent. Cum ille interea se devotissimè Sancto Romualdo

romualdo commendans: ex improvifo leviozem à febrì reddi-  
tum eſſe cognovit, redeuntesque Medici ſtupuerint.

Filia Marioti ruſtici à Cerreto Fabriani tumore ingen-  
ti poplitis vexata, perexerunt parentes ad ſacrum Corpus,  
illam ſancto Patri commendantes, redeuntes ſoſpitati red-  
ditam invenerunt, & ad Vallem Caſtri adduxerunt.

Uxor item Caſparis Oppidi Caſtelletti filium laſtabat  
ernii, apoſtemate periculoſo laborantem, pro cuius ſalute  
cùm votum emiſiſſet, illum repente ſanum factum depre-  
hendit.

Filius item Angeli Fabrianenſis tibiæ dolore crudeliter  
cruciatuſ, vim ſibi fecit, ut ad Sanctum Romualdum per-  
geret, & conſeſtim ſe liberum cognovit, & rediit lætiſſimus.

In agro Aefino boves arando Axillo exagitati, aratro  
Burim fugiendo in alvum & inteſtina Bubulci impegere.  
Qui domum relatuſ & medicamentiſ ſotuſ, cum ſomnum  
capere vellet, nec poſſet præ dolore, viſuſ eſt audire vo-  
cem ſibi dicentem. Commenda te Corpori glorioſiſſi-  
mo Sancti Romualdi nuper in Monafterio Valliſ Caſtri de-  
teſto, à quo ſine dubio ſanitatẽ recipieſ, quod cum feciſ-  
ſet, mox ſe ab omni vulnere ſanatuſ cognovit.

Petrus Joanniſ in Oppido Arcarotti diuturno labore  
crurum impedituſ, ſe ſine baculo ſubſtentare non poterat.  
Iſ audita Sancti Romualdi deteſtione, votum vovit, & ſani-  
tatiſ gratiam ſe inveniſſe commeruit, & voto ſatiſfacere  
non diſtulit.

Retulit Baptiſta Nicolai die 20. Dec. Domino Genera-  
li, quòd cum ejus filia graviſſimiſ lateriſ doloribuſ torque-  
retur, ille timenſ ne moreretur, ad imaginẽ Sancti Ro-  
mualdi, quæ habetur ad ſancti Blaſii Templum, triſtiſſimuſ  
venit, devotiſſimeque ipſam illi commendavit; poſt preca-


tionem verò domum rediens , ex Uxoris relatione eam  
fospitem esse cognovit ex insperato.

Item Uxore ejus quartana febre crudeliter laborante ,  
adeò ut quadam die ad extrema venisse videretur , adivit  
rursus Baptista ipsam imaginem , orans Deum pro ejus sa-  
lute , & S. P. & domum regressus , eam paritet convaluisse  
gavissus est.

Retulit D. Bernardus Aretinus Prior sanctæ Mariæ de  
Serra Massacii 17. Jan. in oppido Soci eidem Domino Ge-  
nerali ; quod Frater suus , qui sanguinis fluxum tres Annos  
patiebatur , meritis Sancti Patris Romualdi sanitatis bene-  
ficio impetrarat , & quod Filius cujusdam sui Filii spiritua-  
lis eandem gratiam , sanatus ab ernio , receperat. Item quòd  
rusticus ad secandum ligna egressus , & à quadam caden-  
te arbore oppressus , ob commendationem sui sancto Ro-  
mualdo liber evasit.

Miracula scripta sunt præterea numero 109. à Francis-  
co Hispano venerabili Eremita sacrae Eremitæ , qui à Marioto  
Generali ad reformandum Cœnobium Vallis Castri missus ,  
ibi sex Menses in summo austeritatis rigore degit , & sancto  
Corpori servivit devotissimus ; diligentissimeque illa ex ore  
eorum , qui veniebant ad solvendum vota , notavit , & ad  
ipsum Generalem misit , quæ in Bibliotheca sancti Matthiæ

Murani videri possunt , hic brevitas gratia præter-  
mittuntur.



*Mira-*



*Miraculum de Uxore Petri Medicis Clarissimi  
Viri ex Epistola Venerabilis Abbatis Michaëlis Vallis Castri,  
& de sepulchri sancti Romualdi ultima Clausura.*

Venerabili in Christo Domino Mauro Monacho in  
Monasterio sancti Matthiæ Murani Fratri amantis-  
simo salutem.

**C**APTÂ oportunitate Nuncii, placuit has Literas meas  
ad te mittere Frater, & Domine mihi semper hono-  
randissimè. Licet namque jam dudum complura ad te fa-  
mâ per lata sint sanctissimi Patris nostri Romualdi miracu-  
la; hodie tamen nec dici, nec scribi potest, quàm mirabi-  
liter se gerat hic mirificus Pater noster. Et ob id placuit  
Duci illustrissimo, ac Patri meo scribere de tanto sancto,  
illumque multis precibus adhortans, ut Regionis illius in-  
colis gloriosum sancti Patris nomen manifestum reddat, &  
mirabilia, quæ omnipotens DEUS meritis sui sancti operari  
dignatur, clarissimis Civibus Venetianis significet. Petrus  
de Medicis Vir illustrissimus in solemnitate sancti Patris Ro-  
mualdi aurea cuncta Altaris paramenta obtulit pro maximo  
beneficio, quod ab ipso Patre sanctissimo recepit Uxor ejus  
Lucretia, quæ longo tempore gravissimis, & inauditis ex-  
cruciata languoribus, de Morte fermè ad Vitam restituta  
fuit. Hinc tu quoque Maure, Domine, & Frater mihi  
venerande, age cum Urbis tuæ incolis, tuoque interven-  
tu disponas illos, ut suâ largitate illustrare velint hunc sa-  
crum locum: quatenus meritis tanti Patris serventur & ipsi  
immunes unâ cum Republica tota à morbo pestifero. His  
cursum exaratis; benevaleas. Ex Abbazia Vallis Castri die  
decima tertia Junii Anno millesimò, quadringentesimò sexa-  
gesimò octavò. *Frater tuus. Michaël Abbas Vallis Castri.*

Ecce

Dum

Dum hæc DEO Optimo Maximo per merita sanctissimi Patris Romualdi exhibere populis beneficia placet, Mariotus Generalis ante suum discessum locum opportunè reformare volens, ad consolationem populorum, qui ita fieri flagitabant, utque Religio ibi, atque ad Sepulchrum sancti Patris Romualdi in dies majora caperet incrementa, habito Prælatorum Conventu, hæc ordinat.

Ut in Cœnobio regularis observantia de cætero perpetuò vigeret: simul ut illuc quinque ex sancta Camalduli Eremitæ, quos & matura ætas, & vitæ merita commendarent: quique optimè regulariter vivendi normam tenentes, & observantiæ initium præstarent, & cæteros ibidem viventes ad bene regulariterque vivendum verbis & exemplis provocarent. Amovit præterea ex loco Monachos aliquot licentiùs viventes. Quoniam autem non sine difficultate per solum Abbatem in spiritualibus, ac temporalibus regi, ac gubernari duo illa Monasteria possent: videreturque Abbas alterius auxilio indigere, de consilio omnium Prælatorum, necnon prædictorum Monachorum, Abbatisque voluntate, datus est ipsi Abbati pro adiutore in temporalibus tantùm, Abbas sanctæ Elenæ, qui & constitutionem loci calleret, & rerum peritiam habere videretur. Nullò etiam Prælatorum discrepante, in eodem loco indictum est Generale Capitulum de Mense Junii in festo sancti Romualdi proximè futuro solenniter celebrandum. Ad quòd ut convenirent, universi Ordinis Prælati, tùm pro negotiis Ordinis tractandis, tùm pro honore illius sanctissimi Corporis diligenter significatum est. Data deinde per D. Generalem fuit opera, ut Corpus ipsum Romualdi sanctissimum arctissimis custodiis traditum tegeretur, relictum ibi à superiori parte ferrea crate, per quam inspicendi corpus





Mox oportunitatem nacti nocturno tempore vestibus, & cuneis saxum moliuntur, sceleratas sacro corpori manus injiciunt, quasi integrum sublaturi, sed vix attigerant, tùm habitu, ac carnis specie mox in cinerem delapsâ, ossa tantùm supererant, quæ illi festinanter rapta, ac multas in partes divulsa in saccum immittunt, temploque egressi, in seposito & inaccessò domûs latibulo ita condunt, ut omnem perquirentium sagacitatem fallere facîle possent. Summò mane in templum reversi, primi omnium surreptum Patris corpus exclamant. Strepitu, mœrore, luctu, Cœnobium totum permiscetur. Abbas, cellas omnes, omnes Templi ædiûmque angulos perlustrare, cuncta rimari, excutere incipit; sed incassum; ergò missi protinùs, qui diversis itineribus frustra sacrilegos persequerentur. Illi verò dies aliquot in Cœnobio commorati, nocte constitutâ, cum rebus quibusdam aliis è sacrario sublati, pretiosum saccum conducto jumento imponunt, ac Æsium versùs iter arripiunt. Cumquè prope arcis portam ad Cauponam divertissent, ibique sacras reliquias in cubiculo diligenter clausissent, ut quædam ex iis divenderent, quæ postremò sustulerant, Urbem ingressi sunt. Insigne interea miraculum est consecutum. Puer Cauponis, ostium cubiculi, in quo sancta ossa posita erant, cum pertransiret, lucem quandam effulgentem visus sibi conspicerè, rimis oculos admovet, ac statim perterritus, Parentem magna voce ad restinguendum incendium, quod ingens arderet in cubiculo, plorans inclamat. Præcipitat, moras Pater, inspicit per easdem rimas, volvi flammæ ad tectum videt. Dejectis foribus, nullum ignis vestigium, nullæ flammæ repertæ. Vilis tantùm saccus humi positus cernebatur, quem Caupo exolvens, ubi ossibus plenum offèndit, novo terrore percussus, miraculi magnitudinem multis undique venientibus narrat. Interea Val-

lis

lis Caſtri Monachi, & reliqui Milites ab Abbate, & Civitate Fabrianenſi ad comprehendendos ſacrilegos miſſi, ſuperveniunt. Rem omnem ad Epiſcopum deferunt, quò caupo illico ad prodigioſum eventum in ſuo diverſorio ſignificandum accerſitur. Perquiruntur ſacrilegi Monachi, qui comprehenſi, adhibitis tormentis facinus confeſſentur, & in carcerem detruduntur, poſtremò dimiſſi, poſtquàm ob timorem Religionis Superiorum profugi hinc inde vagarentur, fama volavit, in quodam nemore à feris immaniter devoratos, infelices miſerè vitam finiviſſe. Hæc Pro exemplo Deo permittente facta ſunt; ut quivis ſanctorum reliquias in veneratione habeat, & illas intactas, ubi reperiuntur, & indiviſas relinquat, cùm ſolùm ad proprios Prælatos jus eas dividendi, alioque transferendi pertineat. Epiſcopus cum Clero, & univerſo populo ad Cauponam ſe confert. Inde ſanctiſſima oſſa in majorem Eccleſiam proceſſionaliter translata honòrificè collocat, ubi erecta magnificentiſſima ara in honorem Sancti Romualdi uſque in hodiernum diem viſitur. Quæ cum ad aures Juliani Abbatis Vallis Caſtri perlata fuiſſent. Ille non ſegnīs feſtinanter ad Epiſcopum pervenit, ſuppliciter poſtulans ſibi Sacro-Sanctas reliquias reſtitui. Quas cum obtinere non potuiſſet; Fabrianum remigrat. Populoque longa oratione prædicat injuriam hanc vindicandam, & ſacraſſimum corpus (cujus theſauri per tot annos hæredes, cuſtodesque fuiſſent) hortatur redimendum. Igitur factò per Oppidum rumore, confluit in forum omnis populi multitudo; nec deſunt, qui armatâ manu. Æſinates adoriendos eſſe tumultuando ſint parati. Cæterum ſenioribus obſiſtentibus, res ad Piceni Legatum proceſſualiter deferitur. Is poſt multam partium contentionem, ſacras reliquias, quibus ablatae fuerant, reſtituendas

das decernit ; brachii tamen offe Æfinis concessô , quod illi  
 summa ad hanc diem Religione venerantur. Reliquum cor-  
 pus magnificentissima pompa in sancti Blasii ædem Fabrianum  
 defertur. Cujus celebritatis memoriam duo inter cætera illu-  
 striorem fecêre. Alterum quod excitata in itinere controver-  
 sia, essetne ad Antiquum Vallis Castri monumentum, an Fabria-  
 num eundum, mulus, cui sacrum onus erat impositum, nulla  
 ratione adigi potuit, ut ducentem Fabrianum viam omitte-  
 ret. Alterum, quod pridie ejus Diei, quo in Oppidum tantus  
 thesaurus illatus est : cùm sub noctem suburbio appropin-  
 guarent nec ullus eâ de re nuncius ad Cives pervenisset,  
 omnes repente campanæ suâ ipsâ sponte signum  
 publicæ felicitatis præclarum  
 dedere ?


FINIS PARTIS PRIMÆ.





V I T A  
B E A T I S S I M I  
P A U L I  
J U S T I N I A N I,  
R O M U A L D I N Æ C O N G R E G A -  
T I O N I S M O N T I S C O R O N Æ  
F U N D A T O R I S  
I N C L Y T I,  
A C  
M U N D I, C A R N I S, & D Æ M O N I S  
T R I U M P H A T O R I S  
A D M I R A N D I.

O Filioli gaudium , meum , &  
dulcedo cordis mei ! Paterna vos in  
Domino J E S U. adhortor dilectio-  
ne : ut ita ambuletis ; quemadmo-  
dum accepistis à nobis. Exempla  
quæ dedi vobis æmulemini , & ver-  
ba , quæ locutus sum ad vos opere  
complere non negligatis. S. Romualdus  
Exhortationum suarum Cap. 30.



# PROLOCUTIO.

PATRES & FRATRES IN CHRISTO  
VENERANDI

PAX VOBIS.



Aluberrimis verbis illis, quibus Beatus Petrus Dagninus ardentissimâ Christi Charitate vulneratus primus Sacræ Eremitæ Prior suos affari consuevit, ad Vos Sermonem meum ordior; *Memineritis Patres & Fratres in Domino JESU Charissimi, qualiter Vos Sanctissimi Patris ROMUALDI hæreditas maneat.* Nempe sedula Eremiticæ Militiæ exercitatio, profundissima à viventium consortio solitudo,



tudo , importunarum MUNDI, CARNIS, ac DÆMONIS tentationum expulsio. Præclaram hanc Fratres de facili dubiò procul adire potestis hæreditatem ; atque in ejus possessione vos palam ostendere, si Patris tam Sancti, tantiq̃ue Magistri Vos Discipulos esse jugi memoriâ recoletis, si ejus præceptis atque monimentis studiosissimè inhærendum curabitis , si Paupertatis Castitatis, & Obedientiæ thesaurum indefessâ observantiâ , perpetuisq̃ue Divinæ Contemplationis studijs custodire non negligetis : dicit namq̃ue Vobis Dominus : *Vovete, & reddite Domino DEO vestro omnes qui in circuitu ejus affertis munera.* Ad id autem facilius vos in dies excitari continget, si Sanctissimi Progenitoris, & Legislitoris vestri Vitam *parte primâ Operis hujus* fideli calamô exaratam sedulâ Virtutum suarum reminiscentiâ relegere nunquàm obliviscamini.

Sed ne Congregationis Montis Coronæ Confratribus meis (quos sincera complector charitate) in quopiam deesse videar, VITAM DIVI PAULI JUSTINIANI dictæ Eremiticæ Congregationis INSTITUTORIS GLORIOSI, omnis omninò labis & impuritatis expertem parte hac exarandam decrevi.

Ubi

Ubi & Primordia, Progressumque Novæ ROMUAL-  
DINÆ Societatis perspicuè intueri licebit. Tan-  
dem *et documenta dabo, quâ sitis origine nati.*  
Patrem, & Parentem vobis offero PAULUM JUSTI-  
NIANUM; *Nam & si decem millia pædagogorum*  
*babeatis in CHRISTO, sed non multos Patres.*  
*In CHRISTO enim JESU, per Evangelico-*  
*rum Consiliorum traditionem ipse vos genuit. ad*  
*Cor. 4.* Cujus illustrissima Vitæ Sanctitas summo  
vobis universis ejusdem Clientibus sit incitamen-  
to, oportet; ut ad majorem erga Patrem aman-  
tissimum cor vestrum animetur amorem, ad ul-  
teriore excitetur venerationem, amplioremque  
in dies erigatur, spem & fiduciam.

Nullus quapropter vestrûm Patres & Fratres  
in CHRISTO dilectissimi ambigat, quîn genui-  
nos Filios suos, sedulosque Sanctioris Vitæ suæ  
imitatores in Paternæ Protectionis tutelam assum-  
mat, sublatoque in humeros Providentiæ, & Be-  
neficentiæ ad altissimum evehat Perfectionis, San-  
ctitatisque fastigium.

Et certè si altiùs aciem mentis vestræ diriga-  
tis, indubiè comperietis: quodd ille ipse; qui vos  
sua intercessione, hic in Eremiti solitudine tempo-  
rali-

ralibus alit nutrimentis, Cœlestis Beatitudinis magis consortes fieri expectat, & ad Thronum DEI proindè sedulò perorat. Currite igitur magnanimi, & fortes stadiodromi, contentis viribus severioris licet Eremiticæ Disciplinæ stadium decurrite ! *Sic currite, ut comprehendatis*, ad exemplum eorum, qui in stadio constituti, totò conatu, & plenò cursu ad desideratam feruntur metam : nec respiciunt, quantum jam decurerint spatium, sed sollicitè provident, quantum ipsis etiamnùm decurrendum supersit. Consimiliter & vos Patres & Fratres dilectissimi præteriti vestri cursûs, & profectûs obliti ad anteriora semper contendite ; neque recogitatis, quid præclarum, & commendabile hætenus egeritis, sed solum quid imposterum restet agendum. Mementote, NOVITIUM scriptum esse : *Bonum est homini, cum portaverit jugum ab Adolescentia sua.* Roboramini PROFESSI, ut cum Divo PAULO Magnanimo Athleta CHRISTI gloriari valeatis : *Bonum certamen certavi, cursum consummavi, Fidem servavi ; in reliquo reposita est mihi Corona Justitiæ quam reddet mihi Dominus in illa die Justus Iudex.*



In universum verò fraterna vos obtestor charitate ; ne quis vestrū in vanum gratiam DEI recipiat ; sed ita currite in stadio terrenæ Eremitæ , ut bravium Cœlestis Hierusalem DEI misericordiâ accipere mereamini. Si amaritudo asperioris solitudinis , vel nonnunquàm rigidioris abstinentiæ , instar Israëlitici Populi , de aquis amaris vos calicem Domini quovis modò bibere præpediat , injicite Fratres charissimi , injicite vivificæ Crucis Domini nostri JESU Christi lignum , interponite memoriam suæ sacratissimæ Passionis , & statim omne amarum dulcescet , omne Mundi fel in dulcissimum mel convertetur , & omne asperum fiet vobis in vias planas. Si serpentina tentatio vos vel in cautos momorderit memoriâ exaltati serpentis in Eremo , id est : *Respicientes in faciem CHRISTI* propinquissimò vobis semper medicamentò vulnus sanate. Quid enim aliud Fratres dilectissimi vult sibi Eremitæ Nomen , quàm ut quilibet , qui in solitudine DEUM quærat , & CHRISTI esse desiderat , *crucifigat carnem suam cum vitiis , & concupiscentiis suis* , intemeratamque Legislatoris sui imitando Vitam , Paternarum Virtutum se faciat ex asse hærædem.


Quod

Quod sicut omnibus , ac Universis Romu-  
aldinæ Disciplinæ Clientibus cordicitus vo-  
veo , ita mihi vel maximè ardentissimis votis ex-  
oro , laboresque meos Charitatibus vestris conse-  
crans pro grandi Munere expostulo ; quatenus  
mei viventis , supplici illâ Ecclesiæ precatione ,  
*Salvum fac servum tuum Domine* , Defuncti  
vero ; *requiem æternam dona ei Do-*  
*mine* , meminisse ne dedigne-  
mini.

HIS VALETE.



PARS



# PARS SECUNDA.

## CAPUT I.

### *Sancti Pauli Justiniani Ortus, & Juventutis studia.*

**P**Aulus Justinianus Eremita Camaldulensis, ac Fundator Societatis Eremitarum sancti Romualdi Montis Coronæ: cui antè ingressum Religionis nomen erat Thomas, Venetiis anno ab Orbe redempto 1476. ex clarissima Justinianorum Familia natus est. Patrem habuit Franciscum Justinianum Virum Patritium, atque ab amplissimo Senatu, ob inclyta gesta Equestris Ordinis, Militiæque insigniis magnificè decoratum: Matrem verò Paulam de *Maripetris*, Matronam Nobilissimam, ambos Christianæ pietatis maximè cultores. Qui ab incunabulis ipsis magnum futuræ Virtutis specimen ostendere cœpit: eò præcipuè, quòd sola literariâ tabellâ delectari solitus. vix fari peritus, elementa novèrat cuncta ordinatè pronunciare. Pueritiam autem in Grammatices rudimentis, ac Rhetorum figuris, ita fructuosè expendit, ut nondùm pubes. disertissimus evaserit Orator: hinc latinis græca conjungere cupiens, perindè se in eo ludo exercuit; ut non faciliè discerneretur, latinanè, an verò græca lingua in eo excelleret magis. Hæc dum domi Paternæ agerentur, mirabantur domestici omnes, & in stu-



diis diligentiam, & in factis innatam pueri modestiam : & quamvis natura hilaris, facetusque dignoscebatur, attamen cum discreto silentio, studebat gravitati. Foris cum cœtanis pueris & modestè ludere, & aliorum moribus, honestate servatâ, se se accommodare non dedignabatur. Hoc certè in puero meritò divinum existimabatur ; quòd nunquam lectulum ascendere, aut indè descendere visus est, quingenibus flexis, devotè aliquantulum oraret : cibum capere mane, re sacrâ non auditâ nunquam ei persuaderi potuit. Parentibus obedientiam, Magistrisque reverentiam, fratribus, & cæteris omnibus gratum officium perpetuò libens præstabat. His demùm naturæ Virtutisque dotibus præditus erat, ut futuræ virilitatis miranda opera clarè pueritia ipsa præmonstraret. Quam ob causam multi non imprudenter considerantes, in eum, illud Evangelicum retorquebant : *quis putas puer iste erit ?* Decimò septimò ætatis annò, jam utroque Parente orbatus, non lascivientibus juvenibus, ut fieri solet, se miscuit : non similis ætatis deliciis se dedit : sed potius domò, Patriaque relictis, à clarissimis fratribus, atque dilectis sororibus ( habebat enim sex, & fratres duos ) discedens, Patavium se contulit. Ubi per annos undecim, & Philosophicis, & Theologicis, in florentissima, totòque orbe celeberrima Academia, studiis sedulam navavit operam. Ita autem scientiis perdiscendis animum applicuit, ut se à Virtutibus exquirendis nusquam averterit : vitia fugere, tempus studiosè redimere semper intentus. Eam tandem doctrinam sibi juvenis comparavit, ut nulli, ætatis suæ vel doctissimo Viro, extiterit secundus : cujus rei nobis satis plenum testimonium perhibuit Delphinus libro Epistolarum decimo. Epistola quinta ad eundem, in hæc verba : *omni tempore, inquit, futura est tibi solatio divina lex, meditati in ea*  
die

die ac nocte: nunc ad latinos, nunc ad græcos Doctores conversus, atque alternis oblectatus congressibus, vel utilissimè, vel jucundissimè disponas otium. Idem testatur eodem libro ad Cardinalem Volaterranum scribens. Verùm cum de ejus documentis, (qui multa scripta, & nonnulla vulgata reliquit) ageretur, plenius ejus studia demonstrabuntur. In ipso studiorum suorum felicissimo cursu multos habuit Paulus officiosos, summæque amicitia conjunctos socios: quorum tamen præcipui extitère doctissimus ille Paulus Canalis, & Caspar Contarenus, Vir Nobilissimus, & postea S. R. Ecclesiæ meritis Cardinalis. Verùm inter omnes Pauli amicos primas semper tenuit Vincentius Quirinus, & ipse Patritius, qui deinde tam dilectum sodalem secutus, Eremita factus est; quique Romæ Cardinalis designatus, licet nondum insignitus, feliciter obdormivit in Domino; de quo inferius uberius fiet mentio.

\*\*\*\*\*

## CAPUT II.

*Paulus in Patriam revertitur, ac dotes Corporis & animi prænotantur.*

**P**Atavinis itaque studiis tempore debitò relictis, vigesimum octavum ætatis annum agens domum revertitur; non minori virtute, quàm doctrina imbutus. Et quanquàm Nobilitas sanguinis, ac scientiarum ornatus, elationis fomentum ministrabant; nihilominus ipse, & inter æquales servato decore, semper mitis, & apud inferiores benignus apparuit. Hinc animos omnium ad se trahere, cunctos benevolos sibi facere, amicitiam conjungere, ac populi reve-

rentiam comparare cœpit. Erat quippè animo facilis, ingenio clarus, aspectu affabilis, sermone blandus, & cum gravitate jucundus. Quibus sanè, & corporis delineamenta per omnia correspondebant: nam ejus statura mediocris, corporis plena habitudo; erat facie venustus, gravis incessu, ac viribus robustus; per quæ exteriora signa, animi quoque celsitudo designabatur: nec sinebant divini ignis portionem in pectore latentem cernentibus occultari. Delectabatur frugalitate victûs, gulæ, & ebrietatis maximus odor; sicut sobrietatis, ac parsimonix impensè amator. Inter omnes autem ejus Virtutes, modesta taciturnitas, divinumque silentium mirabiliter præluxit: eoque libenter remota habitare loca, domesticorum colloquiô, librorumque lectione contentus, assueverat. Undè inter familiares, & amicos, hoc frequentabatur dictærum: *Thomæ Justiniano* (sic enim appellabatur) *cubiculum cum pane satis est*. Si quando domo egressus, animi justam recreationem quærebat; non per vicos, & plateas, vagabundo similis oberrare; sed Ecclesias, Religiosorum Cœnobia, aliavè pia loca visitare, magis placuit semper. Præterea lascivas juvenum conversationes cautè declinans; maturis, ac sensatis Viris, consilio, atque honestate pollentibus avidissimè usquequaquè adhæsit. Quibus prudenter consideratis, multa aut filios, aut alios familiares, cognatosvè suos dissolutioni deditos objurgantes, illicò Thomæ Justiniani exempla in medium proferbant, typum virtutis eundem appellantes. Jam cum multi ex Nobilioribus ejus amicitiam modis omnibus venarentur, non omnes ille admittere, sed paucos admodum studiis, ac moribus sibi consimiles elegit. Quâ quidem in re stupendum ei semper fuit judicium: nequè unquam aliquem in amicum habuit (quos suo loco recensēbimus) qui aliqua præ-



præclara Virtute non eluceret. Rursus fratres, & cognati eum hortabantur Palatium frequentare: Senatorum animos, auresque (ut fieri consuevit) demulcere; atque ad publica munia, quæ in illa Republica multa, & amplissima sunt, obeunda, aspiraret. At noster Paulus longè se aliter sentire, & potius fugienda, quàm amplectenda esse, labores eorum, qui talibus funguntur, considerandos, & Animarum detrimenta in hujusmodi negotiis ponderanda, respondere. Item desiderabilem animi quietem sollicitè querere; pium justumque otium, omni curiosò commerciò rejectò, sequi satius esse: nec non damnosam corporalium sollicitudinem, cum utilissima spiritualium rerum delectatione sagaciter esse permutandam. Attamen cum nostri corruptissimi sæculi status se ita habeat; ut salutaria quæque difficilè suaderi queant: & inter cives, notosque nostros; piè vivere, non satis liceat: cumque res humanæ ita videantur compositæ, ut qui sanctitatis opera inter suos exercere velit, exosus fiat; inde citius recedere cogitavit. Domum igitur, ac civium frequentiam fugiens: in suburbanum (cui Muranum nomen est) cum sola librorum supellectili, recessit. Ubi in remota, propria tamen domo, satis solitarius, quemadmodum ipse in quadam Epistola testatur, prout optabat, tribus annis vixit.

~~~~~ \* ~~~~~

### CAPUT III.

*Paulus studia mutat, & Hierosolymam profiscitur.*

**D**Um sic ab omni sæculari strepitu segregatum se videt Paulus, nova aggredi studia, quæ scilicet, non sæculi

li rebus, sed spiritui prorsus conducant, animo statuit. Atque imprimis se optimo, peritoque Confessario visceribus patefactis; totum tradit, cujus consiliò cuncta se facturum, propriæque voluntati, quæ sæpe sensus nostros pervertere solet, jam tunc renunciare, firmiter proponit. Futuri autem operis hoc fuit stabile fundamentum: temporis cujusque diei divisionem facere, ut futura exercitia justa distributione procederent, ne postea subsecuta confusione, laborum fructus impediretur. Deindè exercitia ipsa, quæ assummenda proposuerat, inchoare non distulit. Manè, ac sero, eorum quæ noctu diuque acciderant, stricta fiebat discussio, literariis studiis certâ parte assignatâ, quod reliquum fuerat, totum orationi, ac meditationi cedebat.

Verùm tamen quia in his duobus hætenus parùm, aut nihil versatus erat, utpotè totus in Quæstionibus scholasticis, lectionibusque variis occupatus, magno labore, vel modicùm proficere poterat. Nitebatur nihilominus novus tyro, & mentem erigere, & fluctuantes cohibere sensus. Repugnantem carnem flagellis, ciliciòque domans: nec non moderatis jejuniis, carnales appetitus refrænans. Sed ecce, ut incipientibus evenire solet, insurgunt perturbationum cogitationes pessimæ, immisiones scilicet, per angelos malos. Adde quod quasi in Ægypto confusionum positus, *linguam, quam non noverat, audivit*: afflictiones nempe spiritûs, quas nunquàm expertus fuerat: nec sinè labore magno novæ artis principia superare valuit. Dum in hoc genere non infrugiferè perseveraret; accidit aliquandò, ut dum salutiferam Passionem Christi meditaretur, loca ipsa mente considerando discurreret. *Hic nimirum, factus in agonia Patrem orabat JESUS; hic reliquerat Apostolos sanctos: hic Petrus, & Joannes cum Jacobo seorsum dormiebant: hic Judas proditor osculum*

osculum dedit benevolo magistro: hinc cecidère retrorsum perfidi Ministri: hinc comprehenderunt JESUM: hac viâ ligatus funibus trahabatur: hac est Annæ domus, quò ductus est primum, ubi alampam accepit: hac Caiaphæ Pontificis habitatio, ad quem postea missus est: en tibi Pilati prætorium, ubi flagellis, & alapis crudeliter cæsus, & inde foras extractus, nudus, plagatus, cum spinea corona populo ostensus est: en Palatium Herodis, ubi illusus, & ad Pilatum inde remissus. Hinc Crux ponderosa suis humeris imponitur: hac portâ onustus Urbe egreditur: hac via in Calvariam vadit: hinc Simon Cyrenæus angariatur: hinc ad mulieres consolandas convertitur. Ecce locus Calvaria: hinc Cruci affigitur, affixus extollitur, pendet in ligno justus, & moritur. Deponitur, & ecce sepulchrum, in quo sepelitur, ex quo etiam gloriôsè resurrexit. Hæc & alia, multa similia, dum mente pertractat Paulus, tanto desiderio Hierosolymam peregrinandi affectus est, ut nullo modo ab eo, donec effectum est, avelli potuerit: Cumque per annum, aut eò amplius rem differens; ex Deo nè spiritus iste foret, diligenter examinans, atque in dies magis ac magis in proposito confirmaretur, Confessariô (cui se totum manifestaverat) approbante, Hierosolymam peregrinari statuit. Tandem Annô 1507. ætatis suæ 31. navim ascendens felici satis navigatione, brevi temporis cursu, illuc incolumis pervenit.



## CAPUT IV.

*Paulus loca Sancta devotè perlustrat.*

**E**T si Paulus ex Patria Hierosolymam Literas commendatitias secum detulerat, quibus non minimum sperabat



bat favorem : attamen id in diminutionem meritorum ratus, easdem apud se occultavit, donec inde recessit, dicebat enim intra se, *quid tu agis ? ille cujus famulus esse cupis ex regia stirpe natus hic in proprio solo, interque cognatos & notos, abjectus contemptusque haberi spontè voluit, & tu vermis & non homo, hominum gratiam quæres, qui tibi applaudant, & inferviant, qui te indignum, honore afficiant ? Humillimi Salvatoris vestigia inspecturus, venisti, & dedignaris inter pauperes, ac mites computari ?* Hinc omni spe humanâ rejectâ, aliis etiam pauperrimis peregrinis se commisceri, eisdem obsequium, atque auxilium præstare, infirmos propriis manibus attrectare, fovere, ac verbis, & opere summa cum benignitate consolari, in nullo se reliquis divitiarum vel Nobilitatis ratione præferens, sed omnibus ultrò se subiciens. Loca autem mysteriis consecrata, quasi in singulis Christi vestigia impressa intueretur, tantâ veneratione percolare curabat, ut cæteris Peregrinis magna esset admiratio : utque facile agnosceres, non curiositate videndi, aut divagandi gratiâ ( ut multi solent ) sed verè contemplandi, lachrymandique causâ, Hierusalem petisse. Perquirebat tamen curiosè omnia, quæ in præfata meditatione mente conceperat. In quibusdam locis, quæ communiter visitari, ac venerari solent, ea cordis lætitiâ se affici, agitarique sentiebat, ut sibi omnibus sensibus pænè deficere videretur. Tria autem loca non satis habuit semel & bis visitare ; Calvariæ, in quo Crux erecta fuit. Montis oliveti, ubi vestigia pedum Christi ascendentis in Cælum apparent : atque Sepulchrum sanctissimum, in quibus præcipuam consolationem sentire aliquandò confessus est. His, quæ Hierosolymis sunt accuratè perlustratis, non satis habuit, Paulus, nisi & sanctificatas Jordanis aquas videndo biberet,

beret, & sacri baptismatis mysterium, in proprio loco contemplaretur : nec hoc quidem contentus, transacto flumine famosa deferta Jordanis circumjacentia, sanctorum Patrum olim habitacula, & ut quidam volunt, ad Sinai usque penetravit. Eo autem vastæ solitudinis desiderio captus, ac nimia affectione ductus, ad loca sancta Hierosolymorum, crebra visitatione percolenda accensus, illic ad extremum usque diem manere proponit. At cum omnium, quos de hac re consulerat, opinio, ejus proposito contraria foret, maluit aliorum consilio, quam proprio desiderio, acquiescere. Non tamen prorsus inane fuit propositum illud, eò quodd ex illa die nunquam solitariae vitæ desiderium animo excidere potuit ; imò futuræ electionis radix firmissima extitit. Sacris ergò locis animo impressis, quodd tamdiu optaverat, Judæam reliquit, & licet non sine laboribus multis, variisque periculis, Patriæ tamen incolumis restituitur. Animus illi erat in solitam Murani habitationem reverti, ibique donec de eligendo futuræ vitæ statu plenè deliberaret, manere. Sed Deus, qui novum militem instruebat, aliis exercitiis, primisque multum contrariis exercere destinavit. Non etenim sufficit, in uno aut altero genere pugnae expertum esse eum, qui aliorum Dux & Magister esse deberet ; sed oportet eum in variis certaminum modis esse exercitatum, quò suos aliquandò tyrones ad futurum prælium instruere sciat. Oportet inquam eum, qui Deo placere intendit, non semper suam, sed sæpè alterius facere voluntatem, nec suis semper commodis, sed plerumque aliorum servire.

H h CAPUT



## CAPUT V.

*Paulus specie recti deceptus negotijs sæcularibus implicatur.*

CUM primùm itaque Venetias appulit, fratres ( ut par erat ) sororesque invisere sollicitè curavit , qui omnes cum læto animo accipere , venientem diu desideratum Fratrem arctius amplecti; & quò ad possunt penes se ( et si frustra ) retinere nituntur. Erat illi Soror præ omnibus dilecta, quæ cuidam nobiliori de Contarenorum præclara Familia, nupserat, quæque vicissim Paulum intensè amabat. Ad quam cum divertisset aliquando novus hospes, Mulieris manus, qui tot Viris ipsum rogantibus viriliter restiterat, non evasit. Sic namque illa lachrymis admixtis lamentari cæpit: *Intelligo charissime Frater, te iterum in tua solita suburbis caverna, velle abscondi, meque cum cæteris cognatis, atque dilectis tuis, quasi alienam relinquere, seu ut melius dicam, quasi feram leonam fugere. Scio te sapientem, sed in hoc te decipi, mihi persuasum habeo: vereorque ne dum tu Deum querere intendis, ejus præcepta contemnas. En duo sunt tibi Fratres, opera tua utique egentes ambo sex sunt tibi rursus Sorores, quarum duæ sine viro, sineque parentibus manent, quæque à te uno solatium sperant. Non tu illis Frater, sed Pater esse debueras: quæ te non ut Fratrem, verùm plusquam Patrem diligunt, ac reverentur: in te misera omnem spem suam collocantes. Quid? nonne charissimus Frater tuus Jacobus moriens, duas tibi filias, quas Orphanas relinquebat, summis precibus inter positis commendavit? Nonne easdem puellas cum facultatibus suis tibi educandas,*



das, ac defendendas fiducia tradidit. At tu dum labores vitas, dum otium quaritas, dumque tuis inservis commoditatibus, hac omnia misericordiae opera praetermittis: hac sancta exercitia contemnis, ac parum sapienter pro nihilo ducis. Sanè Frater non jam mihi pius, sed impiissimus esse videris: tu tygride immanior, ac crudelior leone, quem nec fraternus amor, nec Orphanorum desolatio, nec pupillorum necessitas quidquam movent. Jam si alibi fortassis inter tuos habitare non placet, hic mane mecum: hac tua domus sit, eadem pro libitu utere; hoc mihi, hoc Domino Marito meo (de cujus assensu ipsa loquor) gravissimum erit. Memento tandem pupillorum, ac pauperum nos curam gerere, voluisse Christum; non autem sibi soli prodesse. Hæc cum finisset mulier, in dubio audientis animus versatur, nec quò se vertat, satis deliberare potest. Ponderat quanti momenti sit animi, jam aliàs gustata, quies, urget ècontra charorum necessitas, ac pietatis opus. Denique hac inde multis rationibus, tacitâ linguâ, mente pertractatis, tandem vicit pium hominem fraterna charitas; atque Fratribus, Sororibus Neptibusque pupillis subveniendum potiùs duxit, quàm sibi unitantum consulere. Firmato itaque proposito in domo Sororis suadentis manere elegit; ac deinde Sororum, quæ sine Viris erant, ac pupillarum negotia gerenda suscipit, sicque sæcularibus curis pius homo immergitur. At dum ista peraguntur, incipit tepescere animus, frigescit spiritualis fervor, à divinis mens ipsa distrahitur. Rursus temporalium rerum sensim subintrat affectio, nascitur ob multa adversa carnalis passio pullulat in corde iracundia, accenditur bilis, ex quibus, & mentis subsequitur perturbatio. In summâ, in tanta rerum occupatione, dimittuntur studia sacra, cessat oratio, & in actionem periculosam vertitur præterita contemplatio. Adeo ut ipse alicubi, vicem suam

dolens : aperte confiteatur , se dum talibus intentus esset , parum innocenter vixisse . Sanè in his quoque expertum fieri servum suum permisit Deus . Jam fere biennium transierat , ex quò sic delusus detinebatur miser , nec se inde extricare valebat , donec repente Deus eundem quasi è somno mirabiliter excitat . Residebat eo tempore in eadem Urbe Delphinus totius Ordinis Camaldulensis Generalis , Vir & morum sanctitate , & doctrina clarus , ac rerum gerendarum longa experientia doctus . Cum hoc Venerabili Viro magna erat ei , atque diuturna familiaritas : hunc ( ut sæpe solebat ) quadam vice convenit Paulus ; cui , quid ipse agat , quo in genere vitæ versetur , quo se immiscuerit periculo , quamque anxie vivat , ritè manifestat ; nec non ab eodem consilium salubre hos laqueos evadendi , supplex expostulat . Cui senex , *nostri filii charissime scriptum esse ; qui tetigerit picem , inquinabitur ab ea . Si tu quæ mundi sunt tractare , velis , certè mundi afflictionibus , passionibusque involvaris , necesse est . Equidem pium est quod agis , sed parum pium est te ipsum perdere . Nec te ignorare credo , quàm periculosa sit nostris temporibus secularium rerum tractatio , cum vix jam sine fraude , atque malitia inter homines quicquàm agatur . Et tamen scripturateste : Qui amat periculum , peribit in eo . Parum profectò tibi proderit , si totum mundum lucreis , animæ autem tuæ detrimentum feceris . Diverte ergo à malo , & fac bonum , inquire pacem & persequere eam : quod , mihi crede , non facies ; nisi opera ista tenebrarum abjicias , nisi sæculum fugias , atque aliquam bene ordinatam Religionem ingrediaris . Sunt autem hodie Religiones multe , sed quæ tibi earum magis conveniat , ego non dicam . Assidue tibi orandum consulo , donec Deus , quo sibi placuerit , te vocare dignetur . Verumtamen si te animi quies , ac solitudo ( quemadmodum nobis insinuasti ) tantopere delectat , nostram Ere-*  
*mun*

*num Camaldulensem tibi præ cæteris propono : sed cum loci ipsius situs, atque vivendi modus rigidissimi existant, tibi plenius deliberandum censeo.*

## CAPUT VI.

*Paulus scrutiniô de quibusdam Religionibus factô, Camaldulum pervenit, & fit Eremita.*

**O**Ptimi, Delphini consiliô confortatus, roboratusque animô, Paulus, rem quò citius ad effectum perducere statuit. Eoque Urbe egressus varias Italiæ partes peragraré, variasque Religionum species maturè considerare voluit, ne temerè aliquam earum ingressus, postea cum dedecore inde recedere cogeretur. Cum autem ad Eremum Camaldulensem ventum est, cæpit & loci habitatis, atque Eremitarum ibi commorantium conversatio mirum in modum homini solitudinis avido placere. Postulat Vir prudens ab ipso loci superiore, quatenus ibidem proprio habitu per dies triginta, Eremitico autem more experiundi causâ ei commorari liceret; quod illi benignè concessum est. Cui per id tempus, prout Eremitis, omnia quæ ad victum pertinent, ministrabantur; illeque vicissim nîl eorum, quæ ad observantiam pertinent, prætermittebat, quò minùs observando ad unguem adimpleret. Jejunabat, psallebat, vigilabat, orabat, & in jugi silentio manens, cuncta ut peritissimus Eremita, complere studebat. Mense

tan-



tandem in hac sancta experientia transactō, Eremitam fieri, ibidemque habitum sanctum suscipere decrevit. Verum antequam id fieret domum reverti, ac de rebus suis, quasi tunc moriturus, disponere voluit, ne postea aliquid impedimenti superesset, quo pium propositum impediretur, & facilius ab omnibus mundi laqueis extricatus, ab omni que sæcularium rerum cura expeditus, nudus Christum sequendo illuc remearet. Qualiter autem ibidem prædicto tempore conversatus sit, his verbis Lucæ Monacho scribens, exponit Delphinus Camaldulensium Generalis. *Petis, inquit, fieri certior, placuerit ne Thomæ Justiniano Eremitæ nostræ commoratio, & situs per id tempus, quo ibidem commoratus est. Respondeo; adeo cordi fuisse illi locum ipsum; sic est solitudine nostra, & universo ritu oblectatus, ut non potuerit magis. Non est territus austeritate Eremitici propositi, non fractus jejuniis panis, & aquæ, non fatigatus prolixitate psalmodiæ, atque nocturni officij, non longa silentij custodia tædio affectus est. Denique ita se gessit in Eremitio, ut non minus ei locus satisfecerit, quam ipse loco. Nam tanta ibi moderatione, & humilitate conversatus est, ut uno Eremitarum consensu sumopere laudaretur, omniumque promeruerit gratiam. Novus hic est dies, quo abiit, rediturus ut nobis constantissime appromissit. Hæc Delphinus. Ad suos itaque reversus. Justinianus noster, quæ sibi agenda restabant, citius (sano tamen ac prudenti consilio) expedit.*

Constituit scilicet, qui sororum ac puellarum curam gereret, & bona omnia, quibus jure obveniebant, reliquit.



CAPUT

## CAPUT VII.

### *Pauli iter , & Religionis ingressus.*

**T**Anti momenti futura erat Justiniani nostri Conversio , ut sive DEO servum suum probante , sive dæmone impediēte , sine magno impedimento , ac difficultate fieri nequirit. Quamobrem non pigebit , summatim ea hic referre ; quæ ipse ad Quirinum , & Ignatium scribit. Expeditus igitur , & rebus omnibus bene dispositis , nemine domesticorum conscio , famulô quodam familiarissimô secum assumptô , nomine Petrô , die quadam ad solis occasum navim conscendit. Cumque in ipso noctis crepusculo , silentiô factô , navis suaviter Adriaticum sulcaret , per immissam illusionem à proprio sensu Vir bonus abstrahitur. Videbatur sibi adhuc domi esse , & coram se Fratres , Sorores , Nepotes , Domesticosque omnes , atque amicos constitutos habere : quorum alii eum discedere volentem amplecti , alii collum astringere , alii pedibus advolvi ei repræsentabantur ; vocesque quodammodò sensit dicentium. *Quid nos deseris laborum nostrorum unicum levamen ? quid inte peccavimus , ut nostrorum sic fugias aspectum , nosque tuo privare velis ? Audit cælibes sorores expostulantes. Si nos desertas relinquere decrevisti , Frater , occide prius , ne quod superest vitæ , in desolatione transigere cogamur. Aderant astantes orphanæ puellæ prædefuncti Fratris Filiæ , cum singultibus ululantes , vocesque præ cæteris extollentes. O crudelis , inquit , Patruë , tu qui nobis futurus eras Pater , cui nos genitor noster moriens , cum tanta fiducia educandas , defendendasque tradidit,*

didit, cui nos quæso dilaminandas, bonaque nostra diripienda relinquis? Hæcine est fides, quam Fratri tuo decedenti dedisti? Etenim corripiet te DEUS de infidelitate tua. Erant & amicorum voces varia acclamantes; & simul omnes eum, ne domo exiret, detinebant. Hac illusione diu vexatus inexpertus athleta; nisi præsto DEI auxilium ei affuisset, proculdubio pugnae cessisset, seque hosti tradidisset cum magno dedecore victum. Attamen paulatim respirans oculis in Cælum versis: O bone JESU, ait, nonne tu dixisti: Si quis venit ad me, & non odit Patrem suum, & Matrem suam, & Uxorrem, & Filios, & Fratres, & Sorores, non potest meus esse Discipulus? nonne tu præ omnibus his diligendus es, atque sequendus? quis enim eorum pro salute mea intolerabiles labores, verbera, & tormenta passus est? quis eorum pro peccatis meis crucifigi velit? porro nemo hæc mihi beneficia præstare potest. Unde meritò dixit quidam, neglecta Matre, & calcato in limine patre, ad crucis tue vexillum esse evolandum; summumque pietatis genus esse, in hoc esse crudelem. His & similibus scripturarum jaculis contra inimicum jactis, satis lætus navigabat Paulus: cum ecce derepente, sive ventorum sævitiâ, sive nautarum imperitiâ, ad quædam scamna arenosa navis impegit: unde nisi à piscatore quodam extracti fuissent, actum erat de omnibus, qui in navi erant. Rursus cum per Æmiliam Camaldulum versùs iter ageret, ad Bidentem rapidissimum fluvium ventum est: quem Petrus fidelissimus itineris comes, primus ingressus est, cujus equus aquarum impetu abreptus, periculotissimè cum suo fessore trahebatur: dum autem periclitanti famulo opem ferre nititur herus, eodem gurgite involvitur, ex quo nisi à quodam paupere in rippa stante ( qui se protinùs in flumen dedit ) adjuti fuissent, simul ambos absorbebat vorago.

Idem



Idem Petrus , non multum inde progressis illis , in profundam foveam nive plenam cum equo cecidit , & in magno periculo constitutus fuit , nec sine rusticorum adjutorio , multaque difficultate inde extrahi potuit. Tandem cum jam arduos Alpium montes ascenderent , quia propter lubricitatem viae jumenta pedem firmare non poterant , & passim cadendo sessores deturbabant , inaccessibiles fere colles pedes ascendere coactus est Paulus. Res quidem illi inasuenta , & gravis : ideoque in sudorem versus , & intollerabili labore defessus , suggerente daemone , in varias pessimasque incidit tentationes , quas ipse perlongum enarravit , nos autem brevitatis causa omittimus. At dum inter has undas tentationum agigaretur novus miles , miserante DEO , illi in mentem venit praecleara Apostoli sententia : *Non sunt condignae passionis hujus temporis ad futuram gloriam , quae revelabitur in nobis.* Haec & similia mente pertractans viator noster , ad solis occasum Musoleam ( magnificam Camaldulensium domum ) vix semivivus pervenit. In ipsa domo tunc Delphinus Generalis aderat , qui viso Paulo , valde gavisus est , eumque nocte illa apud se retinens , miro modo , & corporali & spirituali recreatione refecit : sequenti vero die , quae 17. Decembris computabatur , ad desideratam sacram Eremum eundem suis equis , & comitibus datis , emisit. Qualiter autem ibidem habitum Eremiticum assumpsit , in haec verba ad Eusebium Priolum scribens , refert ipse Delphinus. *Quod igitur felix , ac faustum , & salutare , tum ipsi , tum Eremitae futurum speramus ; heri ( erat enim Nativitatis Dominicae dies ) in missa de aurora Justinianus conterraneus noster , jucundus , & hilaris , habitum Religionis de manibus nostris accepit : congaudentibus omnibus de hujusmodi revera mirabili hominis conversione : quod in delitiis enutritus , arduum hoc ,*

atque asperum, tum loci situ, tum austeritate vitæ, elegerit institutum. Et post pauca, non amplius Thomam didimum, id est dubium; sed Paulum, mutato nomine, placuit appellari, ut ejus in adversis, & sæculi varietatibus æmuletur constantiam, qui plus cæteris Apostolis, Apostolorum minimus laboravit: Vocatum est itaque ei nomen novum, quod olim os Domini Saulo dedit. Acta sunt autem hæc die Nativitatis Domini M.D.X. ætatis verò renati Pauli XXXIV.

## CAPUT VIII.

### *Pauli Novitiatus, & Petri Quirini conversio.*

SUSCEPTO itaque sanctæ conversationis habitu, sine mora Paulus se totum DEO tradidit: Eremiticæ observantiæ admirabili quodam modo incumbens, super omnia autem jugi orationi insistens. Sed hac de re audiamus iterum Delphinum Generalem differentem. *Mirantur, inquit, omnes constantiam ejus, devotionem, humilitatem, charitatem, atque rerum omnium mundanarum contemptum: exemplum est omnibus religione, & pietate, nulli est in Eremiticæ districtiōis observatione secundus. Heri namque visitavi Eremum, & reperi Paulum exultantem in Domino, ac non tantum corpore, sed et spiritu valentem. Hæc & alia multa de ejus religioso tyrocinio antedictus Generalis libro 10. Epistolarum suarum enarrat. Etenim non in congruum erit hic referre, perinde se à principio abnegasse, Prælatorumque manibus se totum tradidisse, ut nihil prorsus sine expresso moderatoris consensu inten-*

intentare, aut minimam cogitationem celare sit ausus. Unde factum est, ut etiam in ijs, ad quæ nimius fervor ( ut incipientibus accidere solet ) eum impellebat, summa ubique cum discretione se haberet; eoque abstinentiis panis & aquæ, iustâ moderatione utens, ut nullum ei detrimentum in corpore tale jejunium attulerit. Sic in vigiliis, disciplinis, & aliis piis exercitiis semper visus est prudentissimus, in omnibus denique temperatè agere novit, oratione & silentio exceptis, in quibus nec modum, nec tempus servare poterat; quin semper & ubique ( nisi impeditus orare, vel loqui compulsus ) clauso super se ostio silens & in cella quiescens cœlestem Patrem precabatur. Tentationes multas, & magnas perpeffus omnes facile prudentia, opeque divina superabat: tres autem earum longo tempore ei infestæ fuere. Prima fuit recordatio pupillarum, quarum curam ipse domi agebat: non enim poterat, pro innata pietate non illis compati, & condolere. Secunda, curiosum desiderium erat (opus sathanæ) ut scilicet sacra Eremus lapideo muro stringeretur: quod Delphinus Generalis eidem scribens exprobrat, immisiones, asserens, per angelos malos. Tertia multò his durior, & durabilior visâ est; quia majori ratione nitebatur, plusque ponderis in se habebat, quæ quidem si exitum consideremus, tentatio non erat, sed Dei inspiratio; quæ jam tunc velut semen futuræ segetis à Spiritu Sancto, in novo agro ad hoc præparato, ferebatur. Porro hæc imaginatio quædam fuit, seu potius consideratio in intellectuâli parte formata, ipsaque rationabilitate procedens. Considerabat namque Vir desideriorum, quàm sancta in se consisteret EREMITICA INSTITUTIO; quamque apta non solum ad salutem æternam, sed etiam ad perfectionem vitæ in terris consequen-




dam vel maximè sit idonea : admiratus siquidem solitudinis quietem , orandi opportunitatem , à populari tumultu sequestrationem , & servorum Dei perpetuam conversationis sanctitatem. Accedebant ad hæc ; mirabilis sancti Silentii observatio , ciborum parsimonia , nocturna pariter , atque diurna officiorum divinorum melodia ; stupebat strictæ observantiæ exactam custodiam , reverentiam omnium erga superiores , mutuam invicem charitatem , ac similiter admirabatur vigilantiam , & benignitatem Prælatorum. Ex quibus facilè sibi persuasum habebat , solitariæ Camaldulensium vitæ , aliam institutionem similem sub sole non inveniri. Econtrà animadvertens tam pretiosum thesaurum in tam angusto vasculo concludi , & quod omnibus manifestum esse debuit , tam paucis innotescere : quodque per totum orbem terrarum ad salutem animarum extendi oportebat , in uno Hetruriæ strictissimo angulo latere , magno cordis dolore afficiebatur. Inde animo concipiebat , hoc tam sanctum Institutum ampliandum fore , ut multis prodesset , quod nunc absconditum vix paucos juvaret , magnumque inde Universitati fidelium provenire damnum.

Hæc sane profunda cogitatio sæpiùs , perque multum tempus animo ejus adhæsit , atque mentem quodam zelo pietatis nimium occupabat , quamque tam efficaciter imbiberat , ut nunquam potuerit à se depellere. Ac præter id , quod ad mores , & tentationes ejus attinet , multis modis pii animi affectionem in suo Novitiatu ostendit : nam ex propriis pecuniis , quædam ædificia domui utilissima construere curavit. Obtulit & quædam non minimi pretii munera in Templi ornamentum. Tanta præterea erat in moribus ejus modestia , & in conversatione affabilitas , ut Magnates multi , Prælatique non pauci Eremum inviserent ,

ea potissimum de causa, ut ejus aspectu, dulciq̃ colloquio vel modicum fruerentur. Inter quos Joannes Medices Cardinalis, qui postea Papa, & Leo decimus nominatus, fuit: hic ejus conversatione adeò oblectabatur, ut quoties Paulum Justinianum nominaret; *nostrum* addere non pigeret. Julio quoque Cardinali, qui deinde Papa creatus, Clementis nomen accepit, charissimus extitit, à quo & multa tempore suo Privilegia accepit, & gratias amplissimas obtinuit. Possem hic & aliorum multorum Nobilissimorum Virorum Comitum & Principum amicitias enarrare, quas tamen (brevitati studens) ex industria reticebo. Postremò, non cessat interim diligens vineæ Domini operarius, Quirinum Nobilissimum Virum, & alios compatriotas amicos literis crebris sollicitare, ut fallaci sæculò relictò, ejus exemplò ad Eremum confugiant. Quà sanctâ industriâ intra annum tres magnæ Nobilitatis Viros, omnes Patritios Venetos, in solitudinem traxit. Horum primus Quirinus, secundus Hieronymus Georgius, tertius Joannes Baptista Ignatius fuit, qui tamen postremus Ignatius horrore austeritatis fractus, recessit. Erat autem Quirinus Hebraicæ, græcæ, ac latinæ linguæ peritissimus, haud vulgaribus in Patria legationibus functus. Tales quippe ad se trahebat Justinianus, qui aliquando solatio Religioni essent. De istis tribus Patritiis Venetis, sic ad Cardinalem Volaterranum scribit Delphinus: *Agas DEO gratias, quod suscitare dignatus sit de lapidibus filios Abrabæ, qui, sicut omnes vaticinantur, labenti, & cadenti Religioni humeros supponere idonei sunt futuri.* Hoc idem sentit Eusebius Priolus, cum ait, ornata fuisse tunc temporis Camaldulensem Religionem duobus luminaribus magnis Petro Quirino, & Paulo Justiniano. Venit Quirinus ad Eremum circa finem anni Novitiatûs

tiatûs ipsius Pauli, utpote, qui de ejusdem Generalis die Cathedræ S. Petri M.D.XII. habitum sumpsit.

His tandem, cum in ipsa Eremo biennio summa cum omnium laude vixisset, Romæ Cardinalis designatus, feliciter obiit. Justinianus autem tyrocinii annô felicissimè transactô, cum jubilo vota emisit, qui post paucos menses, simul cum Quirino, sacris ordinibus decoratus est, DEI Sacerdos factus.



## CAPUT IX.

### *Paulus Sacræ Eremitæ defensore agit.*

**D**Um in stricta tyrocinii, solitariæque disciplinæ militia, sub vigilantissimo Magistro educatur Paulus: silentio, orationi, & Anachoreticæ perfectioni tantummodò intentus, quid foris ageretur, quæ essent negotia domûs, quid sacra Eremo vel boni, vel mali contigisset pænitus ignorabat; at professione factâ, cum Senioribus colloquio misceri cæpit; ac dùm conventualibus etiam Capitulis (quæ illic frequenter celebrabantur) vocatus intervenisset: tunc primum agnovit domum illam adversâ premi fortunâ, ac variis modis familiam sacram vexari. Audit venerabilium Patrum suorum quærelas, & quàm mutata facie Camaldulensis Eremita incedat, manifestè percipit, ac tanti mœoris causas animadvertit. Rem insuper tacitûs considerans miratur valdè, ac tandem non potest concepti doloris non foris ostendere signa. Hinc humili quadam modestiâ, Patri-  
bus



bus negligentiam, quâ circa hæc ufi sunt, tentabat objicere, addebat & modos, rationibus adhibitis, quibus tanta jactura vitari posset: atque adeò perpeffum damnum recuperari. Hæc interim audientes superiores, animi virtutem, & rerum peritiam in Paulo considerantes; convocatô Capitulô, eidem adversariis resistendi, & recuperandi provinciam delegare decreverunt, plenâ ad hoc autoritate impertitâ. Quô nunciô auditô, ingemuit pius homo, & ad genua Patrum procidens, copiosis lachrymis admixtis, supplex orat revocari decretum; se novum hominem, & in similibus inexpertum causans; addens (quodejus animam magis angebat) quid quid in spiritali exercitio tanto tempore, atque labore aquisierat, in puncto esse amissurum. Assurgunt Patres, nec satis ejus verba attendunt, sed perseverantes, ad Patientiam eum hortantur, magnum obedientiæ fructum ei proponendo. Qui egressus Capitulo Ecclesiam intrat, & coram Sanctissimo Sacramento amarissimis suspiriis Deum Optimum maximum orat, ut adjuvare dignetur mærore confectum servum suum, & quid sit factururus, inspiret. Causæ hujus inquietudinis sacræ Eremitæ istæ præcipuè referuntur. Basilius quidam Conventualis, Abbas perpetuus S. Felicis Florentiæ, Vir sagax, & humana prudentia maximè pollens, lingua velox, animo intrepidus, & corporis viribus præstans. Is in Hetruria vices Generalis gerens, cuncta agitabat, nec qui ei resisteret, facile erat invenire: quem nec ipse quidem Generalis refrænare poterat, aut certè compescere non est ausus. Inter alia hic, sive dignitatis nomine, seu factô ita permittente, Monasterium Fontisboni, & res omnes Eremitarum præter ordinem, liberè administrabat. Nec his contentus, ad radices montis, domum quandam, sive palatium (quod Mulesoleam

soleam vocant) voluit ædificare : cujus fabricæ prætextu, multa in Eremum ipsam machinatum esse ; etiam hodie sentiunt ejus cultores. Magnas imprimis excessivâsque pecuniarum quantitates absumpserat, magnoque ære alieno pauperes Eremitas aggravare : agros item, & possessiones eorum alienare non verebatur, &, quod gravius erat, quasi ædificio necessaria providens abietum sylvas valde decoras (Eremiti non parvum ornamentum) in maxima copia defecabat. Tandem illi in mentem venit latissimum nemus quod incolæ *macciam* vocitant, ad ultimam usque abietem defecare, ratus (ut creditur) attentâ lignorum multitudine, & pulchritudine, multa millia florenorum inde parare posse.

Ex quo pretioso nemore non tenues quotannis (defectis solum superfluis arboribus) redditus proveniêre. Auditô hocce nunciô ægrè tulerunt Patres Paulumque illico ad obviandum imminenti damno stimulant. Egreditur itaque foras novus defensor, & dilectam solitudinem derelinquit. Convenit vicarium, & reverenti eum salutatione blandè alloquitur : conqueritur de damnis Eremo causatis, audenter exprobrat agrorum, possessionumque alienationes, enumerat etiam contracta debita, & sylvarum devastationem deplorat, & tandem imminentem denuò magni nemoris extirpationem, ei dissuadere conatur. Postremò, cum addidisset prædicta omnia illi in magnum dedecus verti, nec salva conscientia id fieri posse. Tunc homo ferox torvo oculo, truci que vultu Paulum respicit, asperâque voce hæc & alia sibi licere asseverat, imo majora se de cætero facturum comminatur. Ad quæ Paulus ; *falleris R. Pater, ait, si credis ad hoc tibi dignitatem istam, quâ fungeris esse collatam, data namque fuit, non ut destruas, sed ut ædifices ; non ut evellas ; sed ut plantes, non ut*

*dissipes, sed ut congreges; conserves, & defendas.* In summâ excommunicationes, & graviores censuras privilegiorum, quæ multa & magna habet domus illa; in eos qui domui sacræ damna inferunt, seu injurias irrogant, plenius commemorat; eis se usurum, nisi à cæpto desistat, protestatur. Quin & si opus fuerit, summum Pontificem adire, & alia quæcunque remedia oportuna quærere, comminatur. Erubuit, Vir aliàs intrepidus, & magnâ iracundiâ accensus cum fremitu discessit. Post hæc tanta fuit in eo pertinacia, ut non solum devastationi solitæ insisteret, sed & alia hætenus inaudita intentaret. Ex adverso Paulus literis crebris, ac nunciis apud Delphinum Generalem (omni submissione servatâ) de damnis, atque irrogatis injuriis conqueritur; sed cum nec inde debita emanaret satisfactio (senex etenim adversus Vicarium suum ne mutire quidem audebat) Romam se confert, & summo Pontifici longâ, elegantique oratione coram eo habita, infortunia omnia, quæ sacra Eremus sustinuit, exponit, ejus auxilium humiliter exposcens. Dum hæc inaudit Basilius, mirum in modum excruciat, audit & contristatur Delphinus quoque Generalis, non enim existimabant, eousque negotium perventurum. Scribit statim Paulo Generalis, & quodammodò derelicta solitudinis eum arguens, pulchrè, ut ad illam redeat, relicta Româ, nititur suadere. Atqui Patres, qui durius Camalduli vexabantur, eundem ad perseverantiam hortantur, imò timentes ne in tanto conflictu deficeret, aut in gratiam Delphini Generalis, infecto negotio Curiam Romanam desereret, eidem Petrum Quirinum, in socium, & adiutorem mittunt. Quò auditò Generalis ambobus infimul scribit, eundem ferè sermonem repetens: Epistolis 70. & 73. libr. 10. Nihilominus illi constanter perseverantes,



donec Vicarius seriò inhibitus, & sacra Eremus à vexationibus liberata est, cæpto in opere viriliter persistunt. Perfectò tandem Negotiò ad optatam solitudinem, partâ victoriâ, redeunt, ubi cum maximo Patrum jubilo excepti sunt.



## CAPUT X.

*Delphinus, & Paulus de congruo Religionis remedio deliberant.*

**P**ER aliquot menses in sancta solitudinis quiete, juxta desiderium suum, post reditum à Curia Romana, commoratus Justinianus noster : & ecce à Patre Generali, tunc in Fontebono commorante, accersitur ; descendit obediens filius, & post factam humilem reverentiam cubiculum senis ingressus, per longum temporis spatium conferunt : inter loquendum de misero Religionis statu incidit sermo. Multa ad invicem proferuntur, atque utriusque desiderium ad unum eundemque scopum tendebat, idque erat, ut per generale Capitulum inveterato morbo mederetur. De modo autem quo idipsum pertractandum esset ab invicem discrepabant. Senex namque longâ in his experientiâ pusillanimis factus, sine strepitu Orationibus, & validis persuasionibus ad potentiores Religionis Prælatos fiendis, agendum censebat. Juvenis verè solito animi vigore actus, præter illa ? Pontificum, Principumque auctoritate utendum, & nolentes, etiam cogendos esse, existimabat. Timebat senex, sicut aliàs expertus fuerat, ne pertentatò, nec  
succe-

succedente negotiô, foris admiratio genereretur. Iste vero considerans non in paucis, sed in multis, diversisque generis viris rei cardinem verti, propterea sine supremo imperio id minimè fieri posse judicabat. Re igitur ad maturiorem deliberationem dilatâ. - Cum ex his vidisset senex animum & maximum zelum Juvenis, & ad futura negotia idoneum agnovisset, lætatus est valdè. Etenim per annos triginta remigaverat Delphinus, quò naviculam suam è fluctibus eriperet, sed frustrabantur labores ejus, imo quò magis ille laborare nitebatur, eò minùs proficiebat. Hanc ergo occasionem nactus, quid quid illi in votis erat, Paulo aperire non distulit: quem & sibi socium opus ad opus peragendum (fide mutuò datâ) assumpsit. Et hoc erat, quòd jam aliquot ante menses eidem scribens, dixerit: *Ego inquit, nihil magis cupio, quàm ut mecum sis mecumque labores.* Hujus verò secreti aliàs consilii Quirinum quoque participem fuisse, affirmant quidam. Ideòq; de his duobus præstantissimis Viris sic scribit Eusebius Priolus. *Hi ubi inspexerunt naviculam hanc Benedicti procellis agitari, ac fluctibus ferè obrui, necesse duxerunt periclitanti Religioni succurrendum esse.* Interim dum hæc apud eos cunctando aguntur: ecce Romanus Pontifex Julius secundus moritur, in cujus locum Joannes Cardinalis Medices suffultus est, Leo decimus dictus, utrique eorum (ut sæpe retulimus) magnâ amicitia conjunctus. Tam lætò igitur ac prosperò nunciò auditò, Delphinus, qui tunc Florentiæ agebat; Paulum confestim ad se venire jubet: quò cum ille impiger pervenisset, magnâ invicem gratulatione peractâ, paucis concludunt, novum Pontificem præfati negotii causâ sine mora esse adeundum, & ejus auctoritate omnia fieri debere, intra se statuunt. Mittitur Romam Paulus, qui prius Julianum Medicem Pontificis

Fratrem convenit, qui etiam Patres Camaldulenses semper summo opere dilexit, suamque operam in rebus Eremiti libentissime impendit: cujus favor, ac potentissima auctoritas, non parum ad hoc opus perficiendum profuit: deinde summi Pontificis pedes osculaturus accedens: omnia quae in mandatis habebat, eidem humiliter exponit. Quò auditò, benignè Pontifex petitioni ultrò annuit, ut qui cuncta Religionis incommoda jam antea intellexerat, nec quid fieri opus esset ad ejus reformationem, ignorabat. Expeditò igitur de more Curiae mandatò, omnibus simul cujuscunque Classis Camaldulensis Ordinis Religiosis, generalis Conventus Florentiae, assignata in literis die celebrandus indicitur. Congregatis tandem ad destinatum locum, omnibus tam Conventualium, quam observantium, nec non Eremitarum Prælati, multa consideratione, longoque tractatu (prout res ipsa postulabat) ad debitum finem generale Capitulum deductum est: Mense Maij Anno M.D. XIII. In quo præter ea, quae observantiae vigorem concernebant, actum est; ut sacra Eremitus Camaldulensis in suum pristinum præeminentiae statum restitueretur? sicut revera restituta fuit, & in suam primævam dignitatem redintegrata, inque Religionis totius caput denuo erecta. Rursus ex Conventualibus (licet non omnibus) una, & ipsa observantissima Congregatio est facta, quae unita cum sacra Eremita capite suo, in unum corpus redacta est Camaldulensis Religio. Ideoque doctissimus Petrus Bembo, qui tunc Pontificis à Secretis erat, & postea Cardinalis factus est, in principio Privilegii Leonis ad Camaldulenses: hæc dirigit verba. *Attendite, quam pie sanctissimus Pontifex Religionem vestram restaurare, ac decorare studuerit, separata, & dissipata pene, atque à capite suo Camaldulensi Eremita divisa membra redigere,*



gere, & capiti suo unita, ad unam Congregationem reducere curavit. Similiter provisum est, ne de cætero Generalatus perpetuus foret, sed triennis; quodque alternatim ex Monachis & Eremitis, Prior Eremitæ, hoc est Generalis, eligeretur. Præterea, cum constitutiones Eremitæ præ vetustate, temporumque diversitate, atque auctorum varietate vix jam inter se cohærent, obque multitudinem, quid observandum esset ægrè constaret: ordinatum extitit: ut chaos istud in iustum opus, & certum ordinem reduceretur, de quibus latius dicto Privilegio. Hoc itaque insigne munus, imo veriùs gravissimum onus humeris Pauli impositum fuit; atque ei tanquam fidelissimo, idoneoque Religionis ministro totius negotii substantia commissâ est, cum plena tollendi, mutandi, corrigendi, addendi, & juxta arbitrium suum reformandi auctoritate. Quod prolixum, difficile, ac laboriosum opus, post longam recusationem, omninò invitatus à superioribus suscipere cogitur. Quò tandem munere suscepto, multa diligentia, atque labore ex infinitis determinata collegit, varia, ac dissona concordantia fecit: ex multis denique unum, certumque mira arte coadunavit opus: quod quidem ex alienis, proprium suo jure reddidit. Opus inquam, quod nec gravitate Hieronymo, nec facundia Augustino, nec facilitate Gregorio cedit: in quo & auctoris ingenium, artificis peritia, scientiæ magnitudo, & omnia pietatis dogmata relucet. Porro cum Delphino Generali, bonisque omnibus mirum in modum placuisset Libellus, eundem non constitutiones simpliciter, sed Eremiticæ vitæ regulam appellari voluerunt. Originale auctoris manuscriptum, in sacræ Eremitæ Montis

Coronæ Bibliotheca custoditur.

## CAPUT



## CAPUT XI.

### *Labores & Prælatura Pauli.*

**M**ortalium natura, humani cordis sensus: & cogitationes ad malum prona esse, sacra testatur scriptura; atque rectos virtutis tramites abhorruisse semper, experientia, optima rerum magistra, quotidie docet. Gaudet siquidem infelix homo, juxta proprium sensum, & si corruptum liberiùs oberrando ambulare, ac sancta monita prudentum, ubique respuens, fidelem doctorem contemnit, adulatorem autem pessimum in suam perniciem sequitur, & iniquum diligit consultorem. Unde verissimus illud comici Poetæ: *Obsequium amicos, veritas odium parit.* Porro ob hæc, quæ supra retulimus, multi tam Monachi, quam Eremitæ paulum magis, ac magis diligentes, summoque amore complectentes, Patrem, ac defensorem eum vocitabant. Etenim Religiosi omnes, & sanctæ observantiæ amantes, ejus operâ, & virtute consideratâ, hominem Dei, & Religionis zelum habentem suspicere, continuisque laudibus efferre non cessabant, perpendentes, quanti boni fuerit auctor. At ex adversò, multi eorum, qui comitia celebrata ægrè ferebant, eò quod suis illicitis commodatibus privati existerent, regularis quippè observantiæ osiores, in ejusdem observantiæ protectorem magno odio exarserunt, procacibus verbis eum lascessere non cessantes. Remanserant utique non pauci in sua conventualitate, in qua perseveraverunt usque ad Pontificatum Pij quinti, qui Tridentini Concilii decreta sequens, eos, sicut in aliis quoque re-

reli-

Religionibus fecit, radicitus extirpavit. Iſti inquam benigniſſimum Juſtinianum, tanquàm ſuarum calamitatum cauſam exiſtimantes perſequi ſtatu-erunt. Attamen Paulus, cui pia mens ſemper inerat, eorum omnium certior factus, patienter ferre, bonum pro malo eiſdem reddere, pro perſequentibus ſe inceſſanter orare, & tanquàm ſurdus non audiens, & mutus, non aperiens os ſuum, æmulorum inſanias cum ſumma benignitate diutiſſimè ſupportavit: cuncta propter Deum, quaſi ſtultus factus, diſſimulans. Memor proſecto illius, qui dixit: *Beati qui perſecutionem patiuntur propter juſtitiam, quoniam ipſorum eſt regnum Cælorum.* Atqui hæc mala, & adverſa, eum parum, aut nihil afficiebant, ut qui patientiæ aſuefactus modicum quid etiam in magnis adverſitatibus vix ſentire poterat, imò ipſe ſolitus eſt dicere: tunc non bene cum Dei ſervo agi, cum omnia ei arridere videntur, & ſecundum votum ſuccedunt: ſed tunc rem illi proſperè contingere; cum undique eum adverſa circumdant, & dolore urgente premunt; juxta illud: tanquàm aurum in fornace probavit illos, & quaſi holocausti hoſtiam accepit illos. Reverſus itaque Vir Dei in Eremum, externis negotiis omnibus rejectis, iterum ſolitariæ Cellæ poſſeſſor factus, ſecum negotiari cæpit, & quid foris boni egerit, quidve mali admiferit, juſta trutina examinat: de bono gratias agens Deo, de malis, ſi quid erat, gravi cenſura corpus affligens.

Hoc illi familiare erat, nullum vel minimum erratum impunitum relinquere, propriæ ſcilicet carnis ſæviſſimus ultor. Revertitur inſuper ad priſtinam orationis frequentiam, reaſſumit ſecreta pœnitentiæ exercitia, & quaſi mundo exul effectus, omnis ejus converſatio in cœlis erat. Hoc eodem loco, & tempore, in hac aſſidua mentis ad Deum eleva-



elevatione ( sicuti postea suis narrare consuevit ) passim occurrebat illa ampliandæ Eremiticæ conversationis divina inspiratio : quæ in ipso Religionis tyrocinio ejus menti ( ut diximus ) inhæserat. Verùm cum ipse Seniorum dissuasione eandem tanquàm suspectam totis viribus ejicere tentaret, tunc illi tenaciùs insidere visâ est. Quæ res quandoque, dum libens in illa cogitatione moraretur, consolatio magna, sed quoties eam à se abdicare niteretur, toties cordis dolor, & mentis summa consequebatur turbatio. Præterea tanta iisdem diebus abstinentia utebatur, ut ministri, qui quotidie cibos Eremitis per singulas Cellas ministrare consueverant, mirarentur ; quibus rem superiori nunciantibus, actum est, ut jussu Majoris, majorem portionem summere cogeretur alimenti. Sacrum silentium violare nunquàm visus est, nisi interrogatus : ita, ut intuentes in admirationem adduceret. Postremo, omne tempus, quod peractis divinis officiis supererat, absorbebat lectio cum oratione ; quibus eò modò se applicuerat, ut videntibus stupidus, ac sui absimilis appareret. Si aliquando sylvas ingressus animi recreandi causa, prout illic fieri solet, deambularet ; statim in aliquàm non momentaneam meditationem inducebatur : quòd per ea ; quæ facta sunt ut Apostolus ait, invisibilia Dei intelligere posset. Sic utique die quadam, dum inter abietes, & fagos versùs Eremum novam, solus specularando pergeret, scalam obedientiæ excogitavit, de qua postea elegantem libellum dedit. In cujus principio, taliter de se scribit : *O quàm dulce commercium, O quàm felix occupatio, O quàm suavis conversatio mihi evenerat, O utinam diutius in ea manere potuissem.* Hæc sane operabatur in sermo suo divina bonitas, quòd postea, cum sibi placuerit, à tanto otio ad majores labores eum avocaret : sic eundem exer-

exercens ut suo tempore & actioni, & contemplationi simul esset idoneus, nec otiosam tantum, aut laboriosam, sed mixtam perageret vitam: unde illi contigit, quod vix per semestre, gustata dulcissima quiete, ad exteriora iterum negotia egredi cogeretur: cum enim experientia didicissent Patres, quanta in eo esset rerum peritia, alium necessitate occurrente mittere, ne cogitabant quidem. Nec illi quicquam profuit magna, qua usus est apud Superiores excusatio, quod minus perseverantibus in proposito Patribus, obedientiae jugum ferre cogeretur; quod ipse etiam proprio sensu repugnante, semper libentissimè amplexus est. Hinc factum est, ut sine mora foras egressus, amata solitudine relicta, ad populares tumultus accederet, factus quippe quasi mollis cera ad omnem formam obedientiae recipiendam aptus. Dum igitur extra Cellam, imo extra fines Camalduli versatur, dum sæcularia inter sæculares tractat, quod labores, quanta incommoda perpessus sit, explicari non potest. Unum præterire non debeo; quod scilicet, quandocunque vel in cubiculo, vel alio in loco solum ei manere datum est, toties, suspiria emittere, & lachrymis abundare non cessaret (attestante ejus comite) continuo dilectæ Cellulæ amissum solatium deplorans. Neque hic silentio prætereundum est, (quod ultrò ejus socius referre solebat) nunquam videlicet vidisse eum aliquod negotium tractare cæpisse, nisi longa oratione præmissa, propterea cuncta incredibili temporis brevitate, mirabilique facilitate perficiebat. In his ergo negotiis, quæ multa, & difficillima tunc temporis in eadem Eremita fuerant, propter quædam beneficia recuperanda, ferè biennium consumpsit, vix tertium quemque mensem in Eremita agere valens. Cruciabatur miser tot laboribus, difficillimisquæ itineribus fatigatus, nunc Romam,

nunc Florentiam; Senas, Aretium, & alias Civitates adeundo: nunc Cardinales, nunc Episcopos, ac sæculares Principes interpellabat. Tandem Deo auxiliante ab omnibus extricatus in solitudinem revertitur. Sed dum post longum tempus relicta pia Exercitia reasumit, dum denuò celestis roris libamina degustare incipit: ecce Anno M.D.XVI. quarto nempe à Professione sua, Generalis votis omnium declaratus est; Quam, supremam, scilicet, Ordinis Prælaturam invitus suscipere adactus; eâ diligentia, & rectitudine administravit, ut omnium, qui tunc secum degebant testimoniò, nunquam melius, neque utilius sacra Eremus tam in spiritualibus, quàm temporalibus gubernata fuerit. Multa dum hoc Generalatu emereret memoriâ posterorum dignissimâ gessit, quæ omnia hic referre prolixum foret; inter alia tamen opere pretium est scire, brachium unum sanctissimi Patris Romualdi ad Eremum deportasse, quæ per annos ferè quingentos sine reliquiis sanctissimi Fundatoris mansit. Quod quidem mirabili quodam modo obtinuit, nec sinè miraculo à sacro ejus corpore abstraxit, de quo suo loco plenius. Finito autem ejusdem prælaturæ cum summo Dei honore, Religionis decore, & utilitate, triennii tempore, cum ipse viam unitivam, seu contemplativam experiri unice desideraret, humiliter loco & tempore debito reclusionem sibi per annum concedi petiit. Est autem reclusio apud Camaldulenses, cum quispiam in Cella ad hoc destinata perpetuò, aut ad tempus, de licentia Superiorum suorum semet includit, de qua reclusionem, inferius ex professo tractabimus. Hæc tamen gratia tam ardentis desiderio expedita, non solum non fuit illi concessa, sed illico reclusionis loco, Romam quorundam negotiorum causâ missus est; ubi coactus fuit per aliquot menses reside-



dere. Camaldulum postea reversus, sed nec ibi defuerunt illi occupationes, & distractionum fomenta : quamobrem tanquàm puer ablactatus, seu à lacte depulsus, quietis religiosæ privationem amaris lachrymis plorabat ; videns omnem viam spiritualis otii, quàm ipse tantopere anhelabat, prorsus sibi esse ademptam. His & aliis justissimis laboribus virtute obedientiæ sedulò vacans, Deo, Religioni, & sibi satisfacere conabatur piissimus DEI Servus.

## CAPUT XII.

*Vetus desiderium Pauli, Eremiticum Institutum dilatandi, matura deliberatione expenditur.*

**M**eminisse oportet nos in ipso Operis frontispicio, Paulum Justinianum, secundum Romualdum nominasse, quod quidem vel ex hoc satis comprobari potest, quòd ab initio conversationis suæ vehementer eum optasse manifestum est, ut Eremitica Camaldulensis proles latius propagaretur. Quod similiter & sanctissimo Romualdo semper in votis fuit, qui per totam vitam novas, & novas Eremos condere, ut suam Religionem dilatare anxie studuit, & ut Petrus Damianus annotavit : *Mundum universum in Eremitum, & omnes homines in Eremitas convertere anhelabat.* Simile quid fieri nostro quoque Justiniano desideranti, displicuit nimis, tanti boni viam mortalibus claudi, nec non animas suas lucrandi occasiones tolli. Ut autem ea, quæ diximus rectius intelligantur, scire oportet ; ea ætate inter Eremitas

tas Camaldulenses institutum fuisse ; ne Eremitica familia, extra illam Eremum Camalduli dilataretur, & qui ibidem de augmentando Ordine verba faceret, non parvam Patrum notam incurreret. Quæ superstitiosa observatio Paulo Justiniano, & aliis meliora sentientibus Viris parum æqua visa est. Non defuerunt argumenta, quibus zelum Pauli subvertere niterentur, aiebant namque multa condidisse Romualdum Eremitoria, quorum hodie vix vestigium superest ; eò quod difficile sit Institutum, & in diversis locis illud exactè observari non posse. Quam ratiocinationem Paulus paucis dissolvit ; dicebat enim ; eandem rationem retinendæ observantiæ in singulis ; (licet pluribus) locis haberi posse, quæ in uno solo habetur, quod numerosa aliarum Religionum Cœnobia nos docent. Nec obstat plurima Romualdi Eremitoria, quæ bellicis illius ætatis tumultibus infestata defecerunt. Sancto igitur zelò plenus Paulus noster, non amplius nitebatur coram Delphino Generali, & aliis coeremitis suis talia proponere, & justis rationibus honestum utileque futurum ostendere, à quibus ejus sententia longe semper rejecta fuit, eoque jam ei superflua videbatur omnis de hac retractatio. Verumtamen non ideò ex toto in eo cessabat pia intentio, quin imò sancto suggerente spiritu, magis ac magis augebatur, & velut parturiens ad producendum fœtum impellebatur. Quæ res (& si sancta) magno ei fuerat impedimento in conservanda animi quiete, frequenter mentem ejus à divino abigebat consortio. Huic alia potentior, magisque molesta jungébatur perturbatio, perpetua videlicet exteriorum cura, & negotiorum occupatio continua. Scimus enim, quot labores, & animi molestias, ut Eremum à diripientibus tutaretur, pertulit. Vidimus ad generalem Conventum congregandum qualiter insudavit

insudavit : in Constitutionibus conscribendis, quot dispensanda spiritualis boni sustinuit, quot vigilias egit, insomnesque noctes pertransiit.

Rursus in Generalatu suo, quantis occupationibus, curis, & anxietatibus pressus, & angustiatum esse putandum est? Itinera, difficultates, controversias, & animi cruciatus in tot negotiis peragendis, quis valebit enumerare. Quid moror, nunquam sine gravi rerum agendarum pondere Camalduli vixit, & ut verbô dicam, ex Eremita factus est negotiorum gestor. Hæc dum intimius secum cogitat Dei servus, non benè agi secum sentit : frustra patriam, donumque paternam reliquisse, frustra Urbes, ac popularem turbam fugisse, sine causa in solitudinem venisse, & tandem in vanum seipsum, suosque abnegasse, sibi persuasum pergit. Hinc Deum, quem ipse quærebat, & mundum simul quem fugerat, amisisse : atque in profundum perturbationum, tempestatum, negotiationisque barathrum iterum incidisse, miratur. In summa, cum prædictis de causis sese à divino commercio alienum penitus perpenderet, cepit de opportuno remedio cogitare. Qua in re cum diu multumque detineretur, inter cogitandum ( mirabile dictu ) non amplius laborum præteritorum recordabatur, nec molestiarum supradictarum meminerat, nil aliud menti occurrebat, quàm ut conceptum suum viriliter prosequeretur, & sanctum propositum ad effectum niteretur perducere. Et cum adhuc propter Delphini ( quem semper magni fecit ) & aliorum sententias quodammodò hæsitaret : ecce alia ex adverso ratio ipsum ad hæc ulterius pertractanda, vi quadam, impellebat. *Quis ( intra se ait ) rationabiliter dubitabit, plures salvari posse, si plura ad hoc loca præparentur? an non duplici rete plures capiuntur pisces? an solius Camalduli Deus?*  
aut



aut inter abietes illas tantum habitantibus divinae infunduntur gratiae? absit à nobis id sentire. Non tanti facienda est horum opinio, ut eam Benedicti, aut Romualdi consilio anteponamus: qui sanctissimi Viri usque ad ultimum vitae, in Cœnobiis, Eremitoriisque ædificandis, atque Fratrum familiis adaugendis, sine intermissione desudarunt: quod & omnes Religionum Fundatores fecisse in confesso est. Et quot millia Discipulorum Benedicti in catalogo Sanctorum relata leguntur; nunquid Cassini omnes salvi facti sunt? multa insuper millia Romualdinorum beatas possident sedes; nunquid omnes ex Malduli agro illuc volaverunt? an Divus Romualdus illic obiit? an sancti Viri Joannes & Benedictus, Bonifacius & Parisius, Dominicus loricator, & Joannes de laude, Matthæus & Cristinus, & alij quam plurimi vitae suæ sanctitatem in hac Eremo adepti sunt? quorum vix aliquis Camaldulum vidit: quos tamen scimus inter electos Dei triumphare. Jam silaudanda est Eremus ista Camaldulensis ratione integritatis & observantiae; nunquid non alias similes potest dare Deus? non est, non est revera abbreviata manus Domini. Illud profecto illud in hoc laudabili Viro valde mirandum venit, quod præfatum suum desiderium, seu verius, ut credendum est, divina inspiratio, non erat in Italia, neque in Europa remanendi, sed ad Indos, atque Antipodas noviter repertos, aut in terram sanctam, denique ad infideles nationes Anachoreticum institutum animus dictabat transferendum.

Memor equidem beatissimos olim Antonium, Hilari-  
nem, & alios Sanctos solitarios, multum exemplò & insti-  
tuto suo nascentem tunc Ecclesiam juvisse: simili modò  
existimans hodie in India, vel ut vocant Orbe novo, plu-  
rimum profuturum solitudinis propositum ad infideles illos  
convertendos. Dum ergo in hac deliberatione per menses  
aliquot dubius versatur animus, plurimæ illi occurrunt  
tum

tum opportunitates, tum etiam difficultates ad hujusce modi rem peragendam. Quamobrem ad aliorum consilium, orationesque multorum confugit, à quibus ipse, nec quidem momentò vacabat : jejunia strictiora addens, & aliis spiritualibus secretioribus Exercitiis non parcens. Quò videlicet, dubietatis certitudinem à Patre luminum obtinere mereretur.

C A P U T XIII.

*Beatus Michaël consulitur & respondet.*

Commorabatur tunc temporis in sacra Eremita Cella quidam piissimus nomine Michaël, qui per annos, ut ferunt, viginti, secundum Religionis nostræ morem in quadam Cella seorsum inclusus manserat : Vir magnæ sanctitatis, cui Deus de thesauris gratiarum suarum quinque talenta tradidit, quibus ipse negotiari, & alios multos ditare abunde valeret. Fuit imprimis miræ abstinentiæ, & raræ parsimoniæ possessor, silentii ac solitudinis impensè amator, cilicio ac jejunio est singulariter delectatus ; intentionibus, & spiritualibus pugnis, quæ illi copiosæ fuere, fortem atque invincibilem se ubique præbuit, ferventissimæ orationis assiduus conservator ; Visiones denique, & crebra divina colloquia, quæ illi Deus largiter communicare dignatus est, quis enarrabit. Exstitit & Miraculorum operator, & prophetiæ spiritu mirificè dotatus fulgebat.

Iste

Iste est, qui coronam dominicam, quam hodie Patres nostri tot indulgentiis ornatam, devotis fidelibus distribuere solent, in eadem reclusionione divinitus accepit. Huic sancto Viro cum Paulo magna fuit semper spiritualis animorum conjunctio, sanctaque amicitia.

Quorum mutua benevolentia, ex hoc satis manifesta apparet; quod requisitus B. Michaël per serenissimum Urbini Ducem, ut sibi tunc in lucem editum filium sacro Baptismatis fonte ablueret, præpeditus reclusionis lege illuc ire, Paulum Justinianum, ad tam sanctum, honorificumque opus præ cæteris substituere voluit. Hunc ergo præcipuum consultorem habuit Paulus, pro facti, ac intenti sui scrutinio; quem cum non raro interrogaret, quod ejus super propositionibus factis sententiam intelligeret, hunc ferè in modum solitus est semper respondere. *Quod tu mente concepisti Pater mi, nec laudare, nec damnare audeo; sed cum res magni ponderis existat, orationibus insistere, jugique mentis intentione Deum deprecari tibi suadeo.* Quadam autem vice instantissimè, precibusque multis à Paulo, quasi adjuratus, post quoddam amarissimum emissum suspirium, ait: *Vellem te memorem esse, quantus fuerit meus semper erga te amor, quantumque te in visceribus JESU Christi dilexerim; hac eadem fidelis dilectio me retinet, quod minùs pro tua ista peregrinatione, ex corde puro DEO preces effundere valeam.* Desiderans summè, quousque tibi vita comes fuerit, te hic apud nos manere. Novi enim (Et si in hoc voluntario carcere clausus) quàm utilis sit, tum domui, tum parvulo gregi huic, tua præsentia. Nec ignoro, quantum incrementi domesticis dederit prudentia, quàm dotatus es. Et quod plus cæteris, animum meum movet, satis mihi notus est fervidus zelus, quem tu circa Eremiticam observantiam perpetuò in pectore tuo accensum geris, quo certè non uni, aut alteri, sed univ-



universis Eremiticis nostris plurimum prodes. Nec te latere debet, quousque accreverit in hac sacra Familia tuis monitionibus ac regimine, Eremitica observantia rigor, tuo exemplo, ac vigilantia, Religiositatis norma sit stabilita. Quid multis opus est? omnes te suspiciunt, omnes reverentur, cuncti denique te libenter audiunt, & correctiones tuas cum gaudio admittunt. Omnes Seniores honorem tibi gratanter deferunt, juvenibus tu Pater, Dux, & antesignanus, & ut verbò cuncta complectar, nutu tuo tota hac sancta Familia pendet, ac regitur. Nunc è converso cogita, quantam maestitiam discedens congeres in corda nostra, quàm afflictione afficis omnium nostrum animas, perpende qualis in sacra Eremita, tui causâ fiet perturbatio. Concidet sanè juvenum fervor, senes contristabuntur, & omnes, te discedente, animum despondent. Si tu lucrum animarum mihi objicere velis, ego persuaderi non possum, te alibi ( quocunque ieris ) plures acquisiturum, quàm in hac lata DEI officina Christo comparare potes. Jam tu mente peragrasti orbem, jam transacto mari penetrasti Indos, jam infideles barbarasque nationes ad Christi fidem convertisti, & tandem illic jam mille condidisti Eremitas. O quàm facile, Pater mi, rerum idæas in intellectu formamus, sed easdem ad veram essentiam perducere, hoc opus, hic labor est. In summa ne te diutius suspensum teneam, præstare quidem potest Deus, si pergas, ut aliquid proficias, desiderium autem tuum omnino non adimplebis. Ex his autem ambiguis sancti Viri verbis incertior multò, quam ante fuerat, suspensus animo, multa apud se ac varia cogitatione anxiabatur; constanter nihilominus expectans Dei, juxta suum beneplacitum, dispositionem, renuncians ex animo cuncta Altissimo ex animo disponenda.

## CAPUT XIV.

*Paulus iterum in Generalem eligitur, & privilegium Eremitici Instituti dilatandi à sede Apostolica obtinet.*

ET si animum Pauli, ad præfatum negotium pertentandum, Spiritus Sanctus (ut creditur) secreta inspiratione urgebat; attamen temerè aliquid aggredi Vir prudentissimus veritus: juxta Evangelicum consilium, sedens, seduloque sumptus computans, intelligebat Dei opus, non hominis esse tam excelsam turrim ædificare. Dum itaque in hac perplexitate versatur, ecce iterum in Generalem omnium votò sublimatur; quam dignitatem, cum ipse valde recusaret, nec tamen quidquàm renitendo proficeret, visus est præ dolore deficere. Verùm tamen Patribus in electione persistentibus, coactus est obedire, & propria voluntate calcata, vel invitus ponderosum onus, portare. Suscepto igitur hujus dignitatis charactere, incipit, quæ sui muneris sunt perlustrare; atque compositis primitus, quæ ad observantiam Eremitarum, & Fontisboni pertinebant. Egreditur foras possessiones Eremiti visitatum, inter hæc in villam quandam ad Eremum spectantem (quam vineam vulgò vocant) pervenit, colonos, & quæ ibi agebantur lustraturus; cumque illic in cubiculo quodam solus horarias preces persolveret; ecce tres famosissimi illius regionis grassatores (vulgò *banniti*) domum ingressi, ubi sit hypocrita ille, clamitant furiosi; ac domûs inferiora cubicula furore magno intran-

intranses, eidem insidiantur : quibus nisi Frater, ejus Socius prudenter obviasset, proculdubio Vir Dei gladiis impiorum occubuisset. Cujus verò impulsu, seu quo dæmone inducti infelices illi tantum facinus perpetrare voluerint, non satis compertum habetur, neque vulgatas hujus facti suspiciones propalare fas est. At Vir pius, tantum vitæ discrimen Dei providentiâ evasisse recognoscens, ad orationem se illico convertit, in qua gratiarum actione dum ferventer instaret ; in longum mentis excessum rapitur. In eo verò excessu divinitus in suo peregrinandi proposito est confirmatus ; ita quidem ut nulla in eo remanserit ambiguitas, sed firma abindè exorta fuit in eo dubiorum resolutio. Unde ad se reversus, diù quasi admirans quid hoc esset, longiorique ipsius novæ mutationis discussione habitata, in hæc verba prorupit : *Magna est misericordia tua Domine ! tu enim eruis sperantes in te : ecce eruisti me de laqueo venantium foris, & intus liberaisti ab omni anxietate cor meum, nunc demum voluntatem tuam sanctissimam cognoscens : facile, & quid mihi faciendum sit intelligo. Ecce ne amplius titubaret animus, causam discendendi dedisti. Non enim frustra dixisti tu veritas ipsa : cum persecuti vos fuerint in una Civitate, fugite in aliam. Tu inquam, ista super me venire permisti, ut ego fugiens, tuam sequar voluntatem. Sed undique mihi angustia sunt : nam si discedens : sacram Eremum deseruero, ac Patres venerabiles, Fratresque meos derelinquero, hominum indignationem incurram, atque convicia multa non effugiam. Tum labores, qui me in arduo negotio, tamque longa peregrinatione, expectant, non parùm terrent animum meum. Verumtamen si propter ista, sanctam inspirationem contempsero sequi, Spiritui Sancto resistere videor ; ideoque judicium Dei non effugiam : atqui melius est, inquit scriptura, in manus hominum incidere, quàm in Deum,*



qui bonus est, peccare. Restat equidem, ut ad sanctorum Patrum nostrorum exempla confugiam, & ante omnia, sanctos Benedictum & Romualdum imitari non negligam; qui similes ob causas, & praelaturas deposuerunt, & perversos homines fugientes, locum mutare consueverunt, an id, quod sanctissimis his Viris licuit, mihi non licebit? Nunquid sanctos erasse dicemus? absit. Iusti enim spiritu Dei aguntur. His denique rationibus, aliisque multis ritè consideratis, sanctorum vestigiis inhærendo Camaldulum relinquere, & furentibus adversariis cedere decrevit. Verum antequàm opus aggrediretur, volumen Constitutionum, quod jam excussum habebat, vulgavit. Deinde Romam Leoni summo Pontifici omnia, quæ facere decreverat, manifestaturus se conferre decrevit: quò cum pervenisset, ab ipso Pontifice benignè acceptus, eidem mentem suam fideliter exponit. Re auditâ, gavisus valde Pontifex, verbis multis devotum oratorem hortatur, ne à cæpto defistat, & quod ab ipso petatum fuerat, libentissime confirmat. Imò vel ex hoc à Deo illuminatum Pontificem, manifestum est: quòd cum Paulus ultra mare tantum pergere, ut sibi liceat, postulasset: proprio motu Pontifex clausulam adjungi jubet, ut scilicet, concessione hac specialiter in Italia, & generaliter ubique terrarum liberè uti posset. Summa autem concessionis hæc est: ut liceat Paulo, & sociis ei adhærentibus Institutum Eremiticum Camaldulense in Italia, & ubique terrarum citrà, & ultra Mare, ad Indos usque, five antipodas ad libitum dilatare: nova Eremitoria condere, erecta suscipere, seu de manu largientium acceptare. Item venientes ad se Novitios recipere, & habitu induere, eorumque professiones admittere, nec non omnia sibi bene visa, tam in victu, quam vestitu statuere, ordinare, corrigere, restringere, atque mutare (dummodò

modò à substantialibus Regulæ non devietur ) plena sit ei , ac suis in perpetuum facultas. Quibus addita est ab omnibus Prælatiſ, & ſpecialiter ejusdem Ordinis Camalduleniſ, ac Superioribus quibuſcunq; pleniffima exemptio. In eodem diplomate Congregatio hæc ; Societas Eremitarum Sancti Romualdi Ordiniſ Camalduleniſ nuncupata extitit. Cui inſuper ſocietati à ſacra ſede Apoſtolica, omnia privilegia, & indulgentiæ ſacræ Eremi, ac totiùs Religioniſ, atq; adeò privilegia, & immunitates cujuſcunq; alteriùs Religioniſ ſine exceptione aliqua, benignè conceſſa fuêre. Acta autem geſtaq; hæc fuêrunt Romæ 22. Auguſti M.D.XX. Taceo hic brevitatiſ cauſâ, quanto favore eandem Societatem proſecuti ſunt Adrianuſ ſextuſ, Clemenſ ſeptimuſ, & Pauluſ tertiuſ Pontifices Maxiſ. Qui eidem, quid quid aliis Congregationibus, & quibuſcunq; piis lociſ, aut etiam privatiſ perſoniſ à quocunq; Pontifice, & quocunq; tempore conceſſum reperitur, largiffimè ſunt impertiti.



## CAPUT XV.

*Pauluſ depoſita Generalatûſ Dignitate Camaldulum relinquit.*

**E**Runt fortaffiſ, qui hic univerſa tam privilegia, quàm immunitateſ prædictaſ, deſiderent ad verbum expreſſa, quod nobiſ non expedire, viſum eſt: tum quia tot inſtrumenta hîc inſerere longum foret, tum quia legentem tædiô forſ afficerent. Satiſ cuiq; fore exiſtimamuſ, ſi quæ ad plenam cognitionem rei, de qua agitur, ſimpliciter fuerint

rint enarrata. Re igitur Romæ tantâ felicitate, ac facilitate peractâ, tot etiam gatiis ( Deo præordinante ) in brevî obtentis, inque suo saluberrimo proposito fortiùs confirmatus optimus Pater Camaldulum revertitur. Quò cum primùm venit, Patres de more, locò solitò congregari jubet, quibus plenò numerò existentibus, quid quid absens gesserat, singillatim enarravit, discendique animum cathegoricè exposuit. At ne quid impedimenti superesset, dignitati Generalatûs, qua fungebatur, ante omnia renunciavit: neque causas, propter quas discederet, illis voluit occultare, ex quibus clarè cunctis patere potuit sui discessus ratio. Postremò de facultate sibi à sede Apostolica, omnes palam reddit certiores: ut nimirum ipsis scientibus opus inchoaret, neque eum quis temere in cæpto impedire tentaret. Hoc auditò, quidam rem summo opere approbantes, laudant sancti Viri propositum: quidam autem hominem, stulto similem reputantes, opprobriis afficiunt, atque irrident, ejusque intentum, tanquàm temerarium condemnant. Verùm tamen ex utraqûe Classe, haud multò post, nonnulli fuerunt, qui relictâ Camaldulensi Eremò, eundem libenter secuti sunt: cui dexteram dantes, associati, in omnibus, & per omnia ad finem usque adhæserunt. Inter quos vitæ, & morum integritate præcipui fuere: Augustinus Bazanensis, & Nicolaus Trivisanus Venetus, Eremitæ ambo Sacerdotes: nec non Olivus Conversus fidelissimus, ei denceps in omnibus laboribus, & ærumnis individuus comes. Hi omnes postea in nova Societate fideliter perseverantes, suis sanctis exemplis multos ad conversionem, & conversos ad perseverantiam excitârunt. Pervenit tandem ad aures Delphini hujus facti impiger nuncius, quò acceptò, quantò dolore affectus



affectus fuerit senex ( valde namque eum diligebat ) satis ipse duabus Epistolis, ad Justinianum Bergomensem Eremitam missis, ostendit : in quibus mirari, ac de præfata mutatione sui Pauli dubitare non cessat, & prænimio affectu rem improbare nititur. Sed prætermisiss his, ad eum, qui iter facturus est, revertamur : mansit enim die illa, & nocte sequenti in Eremito haud otiosus. Quidam enim eum privatim convenientes, benignis verbis benevolentiam suam ei ostendentes retinere pertentabant, alii rem apertius intelligere cupientes, variis modis sciscitantur, qualiter nam sit rem aggressurus. Cumque ille in Hispaniam primum se navigaturum, ac deinde, relictis Herculis columnis, in Indiam ( aut quod Deus deduxerit ) transiturum revelaret, stupebant omnes tantæ novitatis motum in homine pio pariter ac doctissimo audientes : atque rem altius considerando, sic apud se agebant. *Aut hic insanit, aut in eo spiritus Dei latet, & nobis ignorantibus, aliquid magni per eum operari intendit.* Alios, quos Paulus Mœstos esse agnoscebat, blando sermone ( quo ille singulariter dotatus erat, consolabatur ; & sic unicuique, prout melius poterat, satisfaciens, diem illam, non sine fructu consumpsit. Nocte verò sequenti decumbere noluit, sed in propria Cella, in oratione pernoctans, se totum divinæ voluntati resignavit, omnia quæcunque acturus esset providentiæ Altissimi regenda commisit, non semel protestatus se nihil secundum propriam voluntatem agere, neque cogitare velle. Postero autem die, ad ortum solis, re sacra peracta, ad suum Michaëlem (cujus superius meminimus) reclusum solus se confert, qui præviè omnium conscius, primus fuit alacri vultu venientem Paulum salutavit : quod non sine admiratione animadvertens Paulus, ait ; *Existimabam ego te*  
*gravius*

gravius ceteris casum tunc laturum, quem tamen letabundo similem aspicio. Ad quem Michael: si carnis affectum sequerer, te lachrymis libenter redimerem, sed spiritus, de tuo isto dono con-  
gandere jubet. Cum verò instaret Paulus, ut dictum hoc clariùs enodaret: obmutuit ille, nec ampliùs locutus est verbum. Tandem mutuis amplexibus, osculisque datis ab invicem non sine dulcissimis lachrymis recedunt. Inde Paulus, assumptò sibi Sociò Olivo converso (cujus supra mentionem fecimus) ad ostium Eremiti tendens, ecce obviam ei, quot quot erant in Eremito illa Patres & Fratres; quem circumdantes: hic manum apprehendit, ille collum amplexus, alter fletibus, alter vocibus & singultibus, omnes ore uno conclamant, ne se deserat, ne ve ipsos aspectu suo suaque sancta conversatione privet. Luxit & ipse, alioquin Vir fortis, tanta filiorum suorum charitate victus, atque præ dolore concepto, ne unum quidem consolatorium verbum dicere potuit, sed benedictione data, ostiilimen transiit. Denique humili Patrum instantia deprecatus, ut equum cum famulo quodam accipere, dignaretur, quod ipse recusans, baculumque manu tenens, pedes cum Fratre Socio, ad montem Alverniam, octo passuum millibus distantem, in domum Beati Francisci, illa die se contulit.



## CAPUT XVI.

*Alverniam in Sacello B. Francisci orat.*

**I**N sacro Alverniam Monasterio novus peregrinus noster à Patribus illis, quibus ipse bene cognitus erat, (non sine admiratione, eò quod pedestrem viderant venientem) multa benignitate recipitur, ac summa charitate tractatur. Ultrà comu-

comunem Ecclesiam per loca devota, quæ illic multa habentur, à duobus Senioribus comitatus deducitur, qui eum de omnibus, quæ ibidem singulis in locis olim contigerant miraculis, piissimis verbis informabunt. Post varia devotissima Oratoria, & miraculosam illam Montis scissuram, tempore Passionis Christi factam, diligenter perlustrata; ad sacrum Sacellum, in quo sanctissimus Dei servus Franciscus veneranda stigmata, hoc est vestigia clavorum Crucifixi suscepit, ventum est. Ubi cum paulisper orassent infimul, venerabiles illos senes rogat, ut discedentes, se ibi aliquantulum solum dimittant. Factus itaque voti compos ferventissimus Vir excluso quoque olivo foras, genibus flexis ad sacras Crucifixi effigies more Seraphici Francisci oculos convertit, perpendens totis animi viribus nudum in Cruce pendentem Jesum, & ferè nudum contemplatur ante eum orantem Franciscum; considerat vulnera pendentis, & stigmata contemplantis intuetur; stupet misericordiam Salvatoris, nec capit mens humilis, supplicantis fervorem. Accensus denique meditationibus istis, in quodam mentis excessu supra se elevatus immobilis ad mediam usque noctem permansit: inde quasi in alium virum permutatus egressus est. Quid interim viderit, quidve illic didicerit nulli patefecit: hoc unum, Senioribus nostris referentibus, novimus: quod ex illa Oratione, tantum paupertatis ac nuditatis amorem imbiberit, ut nunquam, dum illi vita comes fuit, re quapiam alia magis delectari potuit. Factus utique non solum, veræ paupertatis amator, verum etiam constantissimus nuditatis cultor, atque utriusque tenacissimus observator. Adeo certè, ut mane facto, post Missarum solemniam, cum egressus cœnobio, de monte Perusium versùs pergeret, ad suum itineris comitem verba dirigens, per duarum horarum spatium, de bonis, donisque Paupertatis, deque divitiarum incommodis continuò sit locutus. Cujus sermo-



nis tanta fuit spiritualis virtus, & efficacia, ut ipsum auditorem mirum in modum ad eam adamandam inflammaret, & ejusdem perpetuum custodem efficeret: quod quidem non illi in-  
frugiferum extitit, cum imposterum spiritu pauper factus, ferventior multò, quàm antea fuerat, evaserit, imo ex olivo, seu potius ex oleastro amaro, in speciosam, seu fructiferam in domo Dei olivam sit commutatus. Rursum opere pretium est scire, neque Discipulum, neque Magistrum usque in illam diem paupertati fuisse addictos; qui licet divitias non affectarent, nihilominus rerum commoditatem ubique libenter amplexi sunt. Præterea in ipso montis descensu contigit, ut Paulus (cui res insolita erat iter pedibus facere) sæpius ubi oportunitas dabatur, vel lapidi assideret, vel baculo innixus præ lassitudine pausare cogeretur. Quod animadvertens Socius, compassionem motus, cum oppido (quod plebem S. Stephani appellant) appropinquarent. *O Pater inquit, quam difficulter me sequaris, video, ideoque satius erit equum, vel aliud jumentum hic conducere, quò veharis. At quem Pater; & unde tu mercedem vectori solves? meum erit, ait ille, subridens, jumentum conducere, tuum verò conductionem persolvere. Mibi sane: respondit Pater, neque pecuniæ sunt, neque crumena, pauper Christi sum, in eum curam jactavi meam, ipse me emutriet, atque deducet. Et nunc scito Frater mi, si mecum pergere velis, te pauperem vitam acturum: necesse enim est nos imposterum multas corporis necessitates pati, multosque tolerare labores; quæ conditio, si tibi forsân non arridet, à me (quod non spero) discedas oportet. Ego, inquit Olivus, à te discedam? ego ne te deseram Pater mi? profecto semel pollicitus sum, & nunc iterum tibi coram Deo, pollicitationem confirmo, perge quò vis, semper me (dum tibi gratum fuerit) individuum comitem habebis. Tunc Pater valde gavisus est, & ad perseverantiam, patientiamque longa oratione, hortatus, multa de æterna retributione quæ à Deo sustinentibus se præparata est, verba fecit.*



tantæ excogitatæ felicitatis socium participem facere, & omni fiducia, animositatēque consolari. Econtra simplex Olivus ei omnia laudare, cuncta sine syllogismis probare pergit, & etiam aliquid de suo, quadam simplicitate, addere audet. De qua tandem ficta prosperitate invicem fabulantes, diem illam satis jucundè transegere. Sequentis verò diei horâ meridianâ, ultra civitatem Castelli, juxta flumen iter agentes, non longè ab oppido, quod *Fractam*, incolæ vocant, itineris labore fessi, & solis ardore æstuantes, sub quadam frondosa quercu, paululum à via semota, quietis causâ subsistunt, ubi sopore gravatus uterque eorum obdormivit. Nec id mysterio vacat, nam eo in somnio Mons Corona, inde per tria milliaria distans, oculis intuentium totus à radice, usque ad cacumen representabatur, adeo, ut nec à proximò melius conspici potuisset. Nec abs re à Senioribus nostris dictum existimo, voluisse Deum in conspectu illius montis eos soporari, in quo nova Pauli congregatio impofterum fundari, sedere, atque perpetuò quiescere deberet. Jam ergo somnò refectionis itinerantes expurgati assurgunt, & iter suum reassumentes proficiscuntur, cum ecce repente, quasi turbine quodam involutus Paulus atque agendorum mentem invasit oblivio. Unde quo præcipuè tenderet, quid ve sibi magis expediret, ita dubitare cæpit, ut nulla ei certa determinatio occurreret. Hoc unum immobile apud se continuò mansisse referens ipse agebat: in destinato opere constanter esse perseverandum modo, & loco operandi incertis. Sic equidem solet Deus multa Sanctis suis inspirare, quæ tamen non vult modò, quod ipsi desiderant adimpleri. Hinc negatum est David vehementer desideranti templum Domini ædificare. Disposuerat Paulus ille magnus Doctor gentium, & mysteriorum Dei dispensator, atque arcanorum Dei conscius in Hispaniam prædicandi Evangelii gratia proficisci, attamen alio eum impulit spiritus, & victus ductus



ductus est Romam, & sic Hispaniam vidit nunquam. Lubet hic & sanctissimi Fundatoris nostri Divi Romualdi exemplum referre, qui ad fines usque Ungariæ venit, infideles convertendi ad fidem, ac martyrii suscipiendi ardentissimò desiderio fragrans, nihilominus manu Dei tactus, ac dira febris correptus, inde regredi, & in Patriam, quam ipse fugiebat, reverti coactus fuit. Non aliter sanè egit cum nostro Justiniano Omnipotens: qui Spiritu suo Sancto, eum ultra Sauromatas, trans Gades, ultra Herculis columnas, tandem ad recenter inventos Antipodas in fide docendos, divino igne inflammavit, quò postea ire non permisit. Cur ità cum servis suis se habeat Deus, non ego perquiram, ne mihi illud Prophetæ meritò obijciatur: *Vir, scilicet insipiens non cognoscet, & stultus non intelliget hæc.* Erat eodem tempore in suburbanis Eugubii in monte, qui calvus dicitur, solitarius quidam nomine Thomas, Fabrianensis Patria, Vir tertii Ordinis B. Francisci professor, in tantæ sanctitatis opinione apud vulgus, ut à multis propter quædam prænunciata, & subsequuta, spiritum Propheticum habuisse crederetur. Homo literariæ peritiæ rudis, naturali verò ingenio admirandè ornatus. Inter hunc, & nostrum Paulum vetus fuerat amicitia contracta, eaque non in vanitate sæculi, sed in charitate Christi ab initio fundata, ac ob id nunquam excidere potuit. Dum itaque Paulus hac mentis confusione vexatur, manente adhuc divinitus immisso dubio cum ejusdem Viri ab antiquo sibi chari certior factus fuisset, & aliàs à via non longe declinandum esset, eundem inviserè statuit; quem in consueta solitaria habitatione, ut optabat, invenit. Eum salutat hilariter, à quo ipse pariter incredibili hilaritate, & charitate suscipitur. Sacellum ambo (ut affolet) orandi causa ingrediuntur: oratione facta, in mutuam congratulationem diffunduntur, deinde domunculam ingressi reficiuntur simul, resecti gratias Domino pro beneficio reddun<sup>t</sup>

dunt accepto. Tunc demum Senior, unde, inquit, te habemus O Paule; quisve spiritus te huc venire coegit? mibi tu cogitabundus videris, maestiorq; solito, pedester venis, & alius quodammodo factus appares. Dic quaeso, quid te negotij angit? Cui ille, quid quid in votis erat, servato ordine, plenissime explicuit. Deinde narratione absoluta, cunctisque attento auditori rite explicatis; Senex gravitate quadam in hunc sensum desuper respondisse perhibetur. Compellunt me, dilectissime in Christo, diuturnae inter nos amicitiae necessitudo, sincera benevolentia, Religionis vinculum, ac mutua charitatis obligatio, ne quid consilii, quod (largiente Deo) mente conceperim, te celare ausim. Eremiticam vitam, sanctissimamque D. Romualdi Institutum latissime amplificare velle te magnopere laudo, ad Indos, sive Antipodas transfretare, omnino laudare non valeo; idque tum propter innumera, & evidenter pericula passim tibi imminuentia, tum etiam propter difficultatem, incertitudinemque, quam in seipso negotium continere videtur. Putasne Venerande Pater mysterio vacare, quod te jam ad iter accinctum, consilium, ut refers, inopinatè deseruerit? proque consilio mentis ambiguitas, seu caligo quadam sit subsecuta. A Domino hoc factum, esse, nulla me dubitatio tenet. Etenim in vitis Patrum inter legendum reperi; magnus Heliseus, cui in spiritu ferè omnia arcana patebant, veniente ad se Sunamitide, dixisse: anima ejus in amaritudine est, & Dominus celavit à me. Beatissimus Pater meus Franciscus? qui aliud jam præter Deum, nec scire, nec cogitare potens erat, spiritu Dei actus, cum in solitudinem ardore animi duceretur, ita mente confusus est, ut quid sibi agendum, quove eundum foret, paucitus ignoraret. Quae nebula, tam diu obtenebratum tenuit, donec longissima sua, & suorum oratione, ad prædicationem se fuisse electum, audire divinitus meruit. Sic Deus electos suos quandoq; dubios reddit, ne proprio sensu, sive industria freti, pro libitu currant; sed semper cum timore ejus voluntatem perquirant. Sic tibi temperandus erat nimis peregrinandi ardor, ne spiritali licet zelo actus, ad impossibilia tenderes. Phi-




ra tibi exempla recensere, utpote in sacris, sanctorumque omnium scripturis peritissimo superfluum esse reor. Si tamen, apud te verbis meis aliqua habenda sit fides, accipe pauca, quæ pro modulo ingenioli mei proferam. Non est bonum summere panem filiorum, & dare canibus, nec sunt ponendæ margaritæ ante porcos: non ad Barbaros, nec ad indomitas gentes te mittit Dominus, ad quas pij amoris parum discretè te urget excessus. Moderare istam tuam, etsi sanctam cupiditatem, & noli ambulare in mirabilibus super te; sed humiliter illa tantum, quæ verisimiliter potes, aggredere. Ea igitur, quæ in Capharnaum facere poteras, fac prius hic in Patria tua. Forsitan Italia, quæ latissimè suos protendit fines, incapax est propositi tui. Minimè id puto. Ubi namq; terrarum, plura aptioraq; loca deserta invenies? ubi plures, aut faciliores ad ea incolenda reperies. Postremò non tam utilis tu Indiæ populis, seu Antipodum gentibus futurus es, quàm Italis, non solum profuturus, sed planè necessarius existis. Quando siquidem temporibus nostris dissolutius vivitur, tantò magis, qui ad pœnitentiam, non verbo (cum hodie vix prædicatores capiant Urbes) sed exemplis, atq; operibus sanctis homines incitent, desideratur. Restat nunc, ut vicissim tibi animum meum paucis aperiàm. Si longius eas, pro absente (si tamen oratio nostra apud Deum quidpiam efficaciam habet) orare non desinam, si verò remanens consilio meo aquiescas, scito me tibi & socium & adiutorem esse futurum: nisi forte Dei voluntas contrarium dicet. Nam ut verum fatear, hic jam dudum invitatus habito, putà frequentia sacularium infestatus: atq; adeò propter depravatos quorundam mores pene corruptus. Ac proinde te Duce, alio pergere non dubitabo, quod solus facere non sum ausus. Tunc Paulus assurgens, lachrymis præ gaudio perfusus, Senem jam silentem amplectitur, eique gratias tum de sano, salubrique consilio, tum de societate promissà agit ingentes. Et quanquàm non à primo consilio prorsus mutatus, nequè pij amici non inculto eloquio prorsus aquiescens: nihilominus malens alterius sententiam sequi, quàm propriæ volunta-



ti pertinaciter inhærere, Thomæ sententiam fideliter tenuit. Iisdem temporibus in Monasterio quodam Scopeanorum Sancti secundi, quod extra mœnia Eugubij situatum est, Vir quidam Cardinalis Urbinatis Nepos, cui nomen erat Galleatius, ex inclyta familia de Gabrielis, Fanensis Civitatis, quietis causâ manebat. Qui cum natura mitis, animoque pius esset, Mundi facinora abhorrens, fratribus, familiaribusque suis, eò quod in iurgiis multis, inimiciis, & factionibus malis continenter versabantur, commisceri noluerat, sed in remotis locis, solus cum Deo agere, maluit. Hic consolationis, ac consilij causâ frequenter Thomam solitarium adire solebat, cui non raro solitudinis amorem, quem habebat, verbis manifestarat. Sed cum dives esset (possidebat enim Abbatiam sancti Salvatoris montis acuti, diœcesis Perusinae, cum alijs nonnullis beneficijs) non poterat adhuc nudum sequi Christum. Hunc itaque simul cum Paulo adiit Thomas: cui cum rem inter eos gestam manifestasset, sibi placuisse, & verbistunc, & postea operibus satis manifestè comprobavit. Eos zelô magnô hortatus est, ut intentum prosequerentur, inventoque loco, si perseverarent, se pro facultatibus illis non defuturum. Addidit præterea, quod si aliquandò à negotijs sæculi se Dei munere extricaret, eos omnibus relictis se esse secuturum, quæ omnia plenius quàm promisit, occasionem ex voto consecutus, ut fidelis sponsor, adimplevit: de quo tamē suo loco pleniori stylo tractabitur. Præsenferat ista, quæ diximus Pater quidam nomine Raphaël, natione Hispanus, Ordinis Prædicatorum, qui tunc in Conventu sancti Dominici ejusdem Urbis religiosè degebat: Vir Theologicâ doctrinâ non mediocriter ornatus, morum integritate clarus, concionandi gratiâ mirabiliter doctus, qui cum Patribus colloquiô habitô, per aliquot temporis spatium re maturius considerata, tandem eisdem associatus est.

FINIS PARTIS SECUNDÆ.



# PARS TERTIA.

## CAPUT I.

*Paulus Eremum cum Socijs intrat.*

**E**T si in omnibus operibus suis mirabilis sit Deus : attamen in sanctis suis, propter stupenda, quæ in eis operatur, mirabilior existit : nam dum eos leviter errare permittit, rectius dirigit, dumque tentari finit ; altius provehit, atque omnia diligentibus se in bonum cooperari facit. Permittit etenim sæpe numero dilectos suos falli, & ab ignorantibus doceri ; finit eosdem variis tentationibus agitari, & plerumque ab impiis corripiri ; nec non ab æumnis suis per simplices, rudesque viros sublevari : quod proculdubio non casu, sed magnâ DEI providentiâ contingit ; ne videlicet magnitudine gratiarum, Spiritualiumvè donorum sublimati, in superbiam incidant ; sed potius propriam agnoscentes miseriam, coram DEO suo prostrati, toto corde prorsus humilientur. Hinc est, quod in exodo legitur, magnum Dei amicum Moysen in populi regimine errasse, ideoque à Jethrone cognato suo homine barbaro reprehensum, edoctumque fuisse. Hinc Gentium Doctor Cephæ Principi Apostolorum in faciem restitit, & aliter esse in lege

Domini ambulandum ostendit, dum ipse gentiliter vivens, cogeret gentes judaizare. Quid ergo mirum, si Deus Justinianum nostrum, à vetulo, ignaroque Thoma corrigi, & instrui voluit. Tali utique modo sanctissimum opus, hoc est Religionis fundandæ negotium, juxta Dei voluntatem initium sumere oportebat. Jam igitur, quatuor unius voluntatis, in Spiritu Sancto congregati, atq; conjuncti, in solitudinem tendunt. Inter Apennini Colles, quà ex Piceno in Umbriam transitur, vallis quædam est, cui ingentissima rupes imminet, ex alto emittens aquæ præcipitem rivulum, qui vallem ipsam non injucundo murmure complet. Sub rupe ipsa antrum apparet, in quo est antiquissimum Sacellum divo Hieronymo dicatum. Antrum verò olim luporum receptaculum fuerat, ubi foetus suos edebant, & catulos ex præda vicini gregis alere consueverant. Unde antiquitus vallis illa ab indigenis, *Pascilupum*, appellata est; quod nomen, & vallis, & Pagellus quidam ad ima vallis situs, in hunc usque diem retinet. Ante Cavernam hanc, triginta passuum plus minùs spaciò, rupes in planum, & inque arcùs modum protrahitur, rursus in abruptum declinans. Ac licet locus iste arduus, ac invius existat, tamen ad octo milliaria populosam habet Civitatem, **Saxum**, videlicet, ferratum Bartholi Jurisconsulti Patritiam. Ex alia verò parte Fabrianum inclytam Sancti Romualdi sepulchro Urbem. Ad prædictas Cavernas unicus datur, secundum vallem, juxtaque descendentes aquas, arduus horridusque ascensus. Reliquas verò partes præalta nudi Saxi rupes concludit. Locus iste ex luporum fovea, in latronum speluncam jam olim fuerat conversus. Factum est autem ut id temporis, seu paulò ante ex eadem spelunca ejecti fuerint violenter, nonnulli facinorosi homines, falsæ monetæ fabricatores. In hunc ergo locum, Thomas & Paulus




Paulus cum Sociis, nempe Raphaële & Olivo primò deveniunt, quo vacuò repertò, sese ( vice expulforum ) in latebris illis locant. Cæpitque res ista tandem per vicos, pagosque vicinos famâ volante, vulgari, quin & intra dies paucos ad Urbes & Castella pervenit rumor. Confluent illuc undique homines, quasi Angelos de Cœlo demissos, non sibi similes mortales, visuri, quorum plurimi haud vacui apparebant in eorum conspectu. Nam quidam panes nonnulli vinum, pleriq; legumina: nec deerant qui omnis generis, fructus Dei serviscum charitate deferebant. Iterim non dormit satan, ut Dei famulos etiam à ferarum foveis, malitiosorum hominum ministerio expellat. Nunquàm proprium dominum noverat facellum Hieronymi, utpote nullos redditus habens, & ecce Presbiter quidam Pascilupi Plebanus ferox, consurgit furore maximo, contra pauperrimos Eremicolas dirissimè, investus, ac propriæ Ecclesiæ quodam antiquæ unionis jure prætenso, tanquàm è domo propria eos ejicere tentat. At Paulus ad Leonem Pontificem properat, qui re auditâ, eidem ac Sociis Capellam cum circumferia sua in perpetuum confert, cui collationi Plebanus quoque assensum præbere debuit. Eodem tempore novæ societatis Privilegium in forma brevis à Curia Romana obtinuit. Jam igitur de loci possessione securi novelli Eremicolæ, manus licet inastuetas haberent, ad laborem se accingunt, nam & latibula rupis claudere, & cavernæ foramina, in habitacula sibi convertere ( quibus imminens saxum pro tecto est ) proprio labore, atque industria nituntur. Cumq; illic ligna, tam ad ædificandum, quàm exstruendum ignem deessent, certior factus de vita, & necessitate eorum Dux Urbinas ( in cujus ditione locus ipse continebatur ) eisdem ligna cedendi in propinquiori montis latere facultatem concessit, similiter &

Pascilupi habitatores idipsum magna cum charitate indulserunt. Talibus adjuti novi Christi tyrones, aliquantulum commodius necessaria vitæ sibi parabant, faciliorq; spiritui vacandi præbebatur occasio, quam ipsi tantopere sitiebant. Sed (proh dolor) his felicissimis initiis invidia plenus non cessat obviare Sathan. Paulus namq; cum vidisset, & loci commoditatem, & sociorum animos ad solitariam vitam aptè convenire; cum animadverteret eos uni sibi sponte subjici, suisque mandatis ultro parere; nactus oportunitatem, regularem cæptam vitam sub uno habitu, & unius Religionis nimirum Camaldulensis, juxta præfatum privilegium, amplectendam proponit. Sex personæ jam eorum erant, quorum quatuor sine mora ejus verbis annuerunt, ad cuncta parati: Thomæ verò, & Raphaëli durus hic videbatur sermo, qui nec habitum mutare, nec votis se cuiquam submittere (ignorante Paulo) jam ab initio apud se statuerunt. Quibus planè non placuit omnium regimen penes unum residere. Causa hujusmodi contradictionis in eis diversa fuit, Senior enim rerum proprietatem affectabat, Raphaëlem decipiebat concionandi ambitio. Tantum ex hac sociorum dissonantia in Paulo invaluit pusillanimitas; ut parum abfuerit, quin locò desertò in Hispaniam arriperet iter. Maturius tamen agens, ut illi semper de more fuit, ad salubrius consilium, ac orationes multorum piè viventium confugit; ubique prudenter cum domesticis agens, dissimulataque priori displicentia, legem pacis sincere observabat. Unde rebus sic stantibus, ad duas cœlibes sorores suas missam Epistolam his conclusit: *Octo fere sunt menses, ex quo locum mutavi, sed non habitum, neque vivendi modum, imo locum abjectiorem, magisque solitarium, in majori paupertate cum sodalibus paucis habito. Sum equidem corpore sanus, nec unquam mihi mens magis lata fuit.* Attamen

unam

unam quamque vestrum, nunc pro me ad Dominum orare, quam maxime precor, ut ille me illuminare dignetur ad suam sequendam voluntatem. In maximo enim dubio versor, debeam ne in Italia permanere, an potius Hispaniam versus pergere, inde ad Indos recter Christianos factos navigaturus. Nollem sane in hoc facto errare: ideoque ad multorum preces, sed precipue ad vestras confugio, utpote certior, quia cum majori affectione orabitis, præmutuo inter nos amore: Idem fere scribit ad Magnificum quendam Dominum Florentinum.



## CAPUT II.

*Quanta dilectione Patres Camaldulenses  
Paulum persecuti sunt.*

**B**ENè poterat Venerabilis Paulus noster cum Propheta dicere: *Ego autem mendicus sum & pauper: Dominus sollicitus est mei.* Nam cum in deliberatione moram faceret, & novellus grex non modicum adauctus esset, non erat custodi, locus, ad eum retinendum sufficiens, neque pascua supeditabantur, quibus tot oves pascere valeret. Numerosum enim armentum Pascilupi territorium non capit, neque aspera vallis necessaria alimenta producit: quæ res satis anxium optimi Patris animum reddebat; & ecce statim Dei providentia præsto fuit. Nam ille, qui solus est Pastor bonus, qui dat jumentis escam ipsorum, & pullis corvorum invocantibus eum: cuiusque sunt oves & boves, & universa pecora campi, non distulit de loco & pabulo oportune providere. Etenim Dei negotium agebatur; ideo non poterat ipse



ipse agenti seruo suo deesse, & necessaria abundantius non præbere. Quando namque fidelibus suis defuit Dominus? Eodem igitur tempore inquirentes diligenter piissimi Camaldulenses, quid de Patre suo absente actum esset; tandem intellexerunt in rupe Pascilupieum prædicto modo detineri, sæpius quosdam, qui illi noti essent, clanculum mittere conabantur, quò ei ad Eremum reverti prudenter suaderent. Quibus Camaldulum re infecta redeuntibus, intelligebant difficile futurum, quod ipsi optabant: his tamen non obstantibus, considerantes loci angustias, rerum inopiam, ac terræ illius sterilitatem; in itò consiliò, quandam inter se sanctam, atque misericordiâ plenam astruunt astutiam, ut sagaces pisces, modica linientes esca hamum, pastorem simul cum ovibus attrahere possent. Quis enim eorum non vehementer optabat amissi Pauli videre præsentiam? quis non desiderabat tantam Eremitæ iacturam refarciri. Erant profectò inter Camaldulenses Patres plurimi, qui eum ex animo, sineque fitione diligerent, qui que discedentem acriter luerant; nec inter eos inventus est, qui ei non benè cupe-  
ret. Unde in primæ conferentiæ celebratione Decisum est; ut illi, & fociis suis locus Criptarum Massacii, (qui ad sacram Eremum tunc temporis spectabat) ad habitandum concederetur. Haud multò post, quò maiorem in eum benevolentiam, mutuamque charitatem ostenderent, ipsum cum suis assèclis, de familia sacræ Eremitæ esse voluerunt; ac ne nudo solum Eremitæ nomine gaudere viderentur, quandam eis pecuniariam summam, quasi suppetias mittentes; pro victu necessario in annos singulos assignarunt. Cujus rei extant etiam hodie acta capitularia (sic enim vocant suas  
ordina-

ordinationes Camaldulenses ) quorum alterum undecima Januarii , alterum vero tertia Junii Anno 1521. emanata sunt. Quô beneficiô cum gratiarum actione per Paulum acceptô , ipse cum Olivo ( reliquis debito ordine Pascilupi relictis ) confestim ad locum Criptarum se contulit. Ubi tunc temporis Elias Mediolanensis Sacerdos , & Antonius Rachenas Frater conversus Eremitæ Camaldulenses , Paulo jam olim Camalduli notissimi commorabantur ; qui Paulum advenientem magno cordis jubilo suscipiunt ; & brachiis charitatis amplectentes , tanquàm antiquum Patrem suum reverenter venerantur , eidem libenter se subjicientes. Est autem locus iste in arcta profundaquæ valle situs , intra fines Diæcesis Efinæ , ab opido Massacii duobus passuum milibus distans ; Criptarum verò nomen sortitus , eò quòd super terram nulla essent ædificia , sed in rupe ipsa effossa habitacula , foramina veriùs , quàm cellæ , nuncupanda. Quæ quidem non adæquata terræ , sed ad cubitus viginti elevata in medio rupis , quò triginta graduum scala , aut eò amplius ascenditur ; neque certè adhuc rei facies mutata est , cum & Cellulæ , & Oratorium etiam nunc in sua forma maneant ; licet hodie satis adornatus fabricis , & aliis commoditatibus nobilitatus locus appareat. Nullos habebat proventus , solò hortulò , & fonticulò ditatus : tales quippe decebant sanctos Eremitas divitiæ , in quibus pauperes Dei valde delectati , ac recreati censentur. Nunc autem vallicula illa non parum dilatata , multisquæ ac pulcherrimis cellis , atquæ necessariis officinis adjunctis , numerosæ Eremitarum familiæ capax reddita est ; nec non Oratoriolum illud primum in majorem formam redactum , & ab Efinæ Urbis Civibus , mira loci , habitantiumquæ devotione incitatis , decentibus picturis illustratum & auctum , ampla Ecclesia habetur.

Accessit

Accessit per industriam Patrum loci pulchritudini , alterius copiosissimi fontis saluberrimæ aquæ vena ; quæ latepatentes hortos hodie irrigat , & domesticis occurrentiis abundantes suppeditat aquas. Torrens autem rapax & infestissimus , qui per medium vallis decurrebat , præparata illi prius nova fossa , ad aliud latus remotè derivatus , pertransit. Tandem profunda , actaque in vallicula olim , in eam hodie formam mutata apparet , ut pulchrior , & ad Eremiticum propositum aptior non facile reperiatur. Verùm tamen hanc loci dilationem , domuncularum augmentum , & aliorum ædificiorum ampliationem , non pecuniarum vis ( quâ nunquàm effluebant ) effecit ; sed continuus Eremitarum labor , ac sudor elaboravit , cum aliquo piorum fidelium auxilio. Interea ( ut ad rem redeamus ) ibidem illis in tanta quiete commorantibus sanctitatis odore commoti , certatim hinc inde illuc confluebant homines , quorum multi eorum consortium expetentes difficulter inde recedere sunt visi ; sed & ex sacra , altissimæque Eremitæ ad humillimam valliculam hanc nonnullos descendisse compertum est , tantæ felicitatis cupientes fieri participes. E quibus præcipui fuere Venerabiles Viri , Augustinus Bassanensis , & Nicolaus Trivisanus Venetus , ambo Eremitæ Sacerdotes , & magni sanctitatis amatores , qui consensu , & benedictione majorum suorum obfatis , advenerant. Eodem quoque tempore , ad Criptas venit Hieronymus Sueffanus , homo omnifanè scientia ornatus , sed præcipuè medica arte excellens , sacri Palatii , vivente Leone decimo Protho-Physicus , qui quantò nobilior , atque perfectior in Religione factus , mirâ sanctitatis operâ , dum viveret , ostendit.

## CAPUT



# CAPUT III.

*Monasterium Sancti Leonardi de Volubrio,  
& Eremitus Sancti Benedicti ultrò, Paulo  
offeruntur.*

Quanta fuerit novellæ Christi Familiæ in speluncis illis habitantis vitæ perfectio, sanctitatisq; apud omnes opinio, hinc intelligi facillimum est: quod per unius anni spatium eò usq; accreverant Discipuli Pauli, ut nec eos torrentis angustia capere, nec parùm referta penus sustentare sufficiens esset. Extendebatur quippè supra modum inauditæ rigiditatis, insuetæque austeritatis vulgatum nomen, & spirituales progressum eorum mirabantur omnes: unde factum est, ut novus Paterfamilias, ubi noviter adventantium multitudinem locaret, aut unde illis ministraret panes, non satis sciret. His visis, non dormit piissimus Paulus, sed ad solitum suum orationis refugium se totum convertit, id ipsum suis omnibus facere longa exhortatione suadens. Quam illorum orationem adeò gratam Deo extitisse constat; ut sine mora, quod justè petebatur, obtentum sit. Ecce enim eodem tempore Galeatius Gabriellus divina inspiratione advenit, qui pauperum indigentiam erogatis pecuniis supplavit, & loci angustias dilatavit. Nam Monasterium Sancti Leonardi de Volubrio, quod ipse possidebat, Paulo, & Sociis primùm ad habitandum concessit, & paulò post in favorem societatis liberè totum resignavit. Est autem Volubrium mons immensæ magnitudinis in Diœcesi Firmana:

P p in

in ea Piceni parte, qua ipsa provincia à Nursiæ montibus dividitur, juxta oppidum Montis Fortini, Tenæ fluminis caput, & origo. Locus igitur iste valde excelsus est, atque ab omni humana conversatione alienus, adeoque solitariæ vitæ apprime idoneus: ad quem nostri celeriter accedentes, magna cum spiritus hilaritate ibidem habitare cœperunt, sed de his alibi copiosius. Iisdem diebus Desiderius quidam Monachus Cassinensis in Eremitorio Sancti Benedicti Montis Conari, seu Anconitani, cum quibusdam Sociis solitariis commorabatur, soluto tamen more, ac sine aliqua obedientiæ observatione. Unde conscientia stimulante, auditò quid in Criptis Massacii ageretur, illuc se contulit: quire ipsa, & prudenter considerata; præsentia, & sermonis suavitatem ipsius Pauli permotus, & se, & socios unà cum loco eidem tradidit. Hic autem locus, situ mirabilis est, utpote in proclivi Montis supra ripam Maris Adriatici positus, in superiori parte ejusdem promontorii arduam celsitudinem, in inferiori verò abscissæ rupis inaccessibilem anfractum ad mare usque protensum habens: cujus radices continuè Maris abluit unda. Sed quanquam situs angustissimus videatur, nihilominus solitudini aptissimè deservit, quem mirum in modum circum adjacens sylva perornat. Hoc item summè mirabile apparet, quòd cum reliquam montis partem hyemali tempore bruma densissima quotidie infestare soleat, Benedicti tuguria ne appropinquat quidem, Denique Eremiticæ conversationi alia aptior statio non facile reperitur. Iste locus quondam spelunca ferarum, hodie ipsa spelunca Oratorium facta, Divo Benedicto sacrata est. In eadem specu olim muliercula quædam, Nicolosa nomine, quæ quia ibi cum magna pœnitentia, & animi constantia vixit, inter Beatas animas reputata, probatur. Huic

filia

filia ejusdem nominis erat, quæ post mortem Matris, maternam habitationem laudabiliter per annos aliquot solitaria incoluit, quæ tamen postea decrepita facta in Urbem se recepit. Res nostris temporibus prorsus inaudita, ut tantæ solitudinis mulieres reperirentur esse capaces. Post mulieres prædictas ejusdem recessûs habitator factus est Beatus Hieronymus Anconitanus; qui sacellô, & cellulâ fabricatis, valdè locum decoravit; ubi annis quindecim adedò solitarius vixit, ut nunquàm Urbem ipsam viderit. Obiit cum magna sanctitatis opinione, ideoque vulgò Beatus appellatur & habetur. Ut autem ad primordia redeamus, locis ac Discipulis ditatus ultrà opinionem suam Paulus, velut diligentissimus Archimandrita, cuncta componere, ac justo ordine disponere non cessat. Cujus curas, & animi charitatem ex quadam ejus epistola liquidò Intueri valemus: quæ sic habet. *Evenit, inquit, ut dùm à facie Domini fugere tento, quò nullatenus ire volebam, me pervenisse sentiam. Nam alijs ad me accedentibus, alijs me ad se vocantibus, in hac Marchiæ Anconitanæ provincia, in quatuor solitariis valde locis circa viginti quinque Fratres habeo Eremitas. A quibus discedere; etsi solitudinis, quam à juventute mea semper quaesivi, amor suadeat; fraternæ tamen charitatis necessitas non permittit. O Beatissime Pater, legitimè revera dicere poteris, cum venerit Dominus tuus: quinque talenta tradisti mihi, ecce alia quinque super lucratus sum: Nec deerit tibi justum responsum: sed audies; euge serve bone, & fidelis, quia in pauca fuisti fidelis, supra multa te constituam, intra in gaudium Domini tui. En tu, in tanta paupertate, in tanta locorum angustia, ac rerum necessitate constitutus, uno anno viginti quinque filios acquisivisti: & nos in abundantia victus, in omni habitationum commoditate, vix quin-*



que singulis bienniis retinere valemus. Quod quidem non aliunde provenire crediderim, quàm ex abundantia charitatis tuæ, & nostrorum omnium tepiditate : sperabas tu in Domino Deo tuo, & ipse faciebat, jactaveras super eum cogitatum tuum, & ipse te, & tuos enutriebat. Nos verò in industria nostra nimium confidimus, & inde nobis meritò contingit sterilitas ista. Postremo omnibus sapienter dispositis, ac rebus stabilitis, ad Criptas revertitur Paulus noster, ubi aliquandiu quietus cum suis habitavit.



## CAPUT IV.

### *Spelunca Massacij Paulo & Socijs in perpetuum confertur.*

Venerabiles Patres Augustinus, & Nicolaus Sueffanus, & alii qui in Criptis morabantur, quasi paternæ mentis conscii, optimum Patrem continuâ instantiâ stimulare non cessabant: quò novo instituto initium daret, atque ad hoc, ultra humiles preces, seipsos in socios, ac subditos obtulerunt. Quamobrem Pater ne in alieno fundo ædificaret, coactus per literas à Patribus suis Camaldulensibus locum ipsum sibi, & suis in perpetuum conferri, petere decrevit. Quod facilius dictu impetrare potuit, tum quia omnes eo faventes extiterant, tum quia inde sacra Eremus nullum proventum accipere, sed potius quoddam damnum sentire solita est. Prima igitur Capituli celebratione (quæ fuit 26. Junii 1522.) liberè in favorem novæ Congregatio-

gationis locus ipse Paulo, & Sociis collatus est, cum expressa segregatione, & separatione ab ipsa sacra Eremo: tantaque usi sunt erga suum alumnum Patres illi benignitate, ut præter hæc, primum ipsius subsidium non solum non revocarent; sed etiam de novo extiterit ab eis confirmatum. Quæ omnia, præter Capitulare Decretum (ut fieri solet) contractu solenni die & Anno prædictis confectò, roborari jusserunt, cujus Instrumenti authenticum non solum apud nos, verum etiam in Archivio sacrae Eremi hodie conservatur. Rursus & alia multa nostris concesserant (de quibus in prima parte actorum constat) quæ hic singillatim exprimere, necesse non duximus. Postremo hæc, & alia faciebant Patres, vel, ut suum Paulum iterum ad Eremum suam attraherent, vel certè, ne prorsus amitterent. Nec mirum profectò, cum esset Vir ille religiosissimus, intus ac foris purus, ac mundus, inter subditos minimus, ac mitissimus; inter Prælatos peritiâ, ac auctoritate præcipuus. Unde non immeritò quidam eorum dicere consuevit, *qua die Paulus Appenninum reliquit, Eremus nostra quasi vidua facta est, & filii ejus orphani reputati sunt.* Siquidem gratissimi Patres, quanta bona ministeriò, industriæque ejus suæ Eremo provenissent, non meminisse non poterant. Demùm laude dignissima est eorum liberalitas, quæ tanti boni extitit causa, nunquam satis commendanda charitas, quæ futuræ Religioni fortissimum præbuit fundamentum.



## CAPUT

## CAPUT V.

### *Novi Instituti prima exordia.*


**H**Ac itaque Patrum suorum benignitate, largitatēque devictus novus Religionis Institutor, tunc primum Dei voluntatem cognoscere cœpit, tunc dubitandi consequitur finis, atque omnis peregrè abeundi aufugit cupiditas, nec non in Italia manendi firmatur propositum, & agendorum ratio stabilita quievit. Eadem die illi in mentem venit obscurum illud Beati Michaëlis reclusi responsum, neque amplius ejusdem vera eum interpretatio latuit. Hæc enim dixerat : *Præstare quidem potest Deus, si pergas, ut aliquid proficias, desiderium autem tuum omnino non perficies.* Ecce jam aliquid, imo multum proficit Pater dum instituit Societatem; transmarinam autem peregrinationem, quæ illius animo semper inhæsit, non perfecit. Talibus ergo initiis in proposito confirmatus, atque animo confortatus Dux noster solitariae militiæ insignia, tyronibus suis sine mora tradere statuit. Sed hic neminem latere debet, à prima die, qua Sancti Hieronymi latibula ingressus est, ad se venientibus habitum dedisse Paulum, & eorum professiones suscepisse, sed utrumque imperfecto quodam modo, habitum in solo cucullo, & professionem in perseverantia tantum statuens. Etenim incertus prudentissimus homo, maneret in Italia necne, non est ausus aliquid innovare. nec aliquem solenni votò astringere : unde etiam nunc, quorundam discipulorum, qui primi ad eum accesserunt, professiones in libellis, duplicatas, seu interatas legimus, quarum



quarum ultima solennis cum tribus votis more nostri Or-  
 dinis solito emittebatur. Nunc autem solidam, in perpe-  
 tuumque permanfuram institutionem statuere intendens,  
 certam atque immutabilem habitus formam, ac tria sub-  
 stantialia vota profitendi, solennem, perfectumque modum  
 secundum Camaldulensis Ordinis statuta tradere studuit.  
 Imprimis itaque sciendum est, habitum Camaldulensem in  
 hoc uno consistere, ut album strictumque cucullum, quo  
 caput tegitur, scapulario confutum deferamus, & ipsum  
 scapulare, à scapulis sive ab humeris, ante est retro super  
 candidam tunicam, ad talos usque pendentem, laneo cin-  
 gulo astringamus. Hæc est vera forma habitus Ordinis  
 nostri, extra quam, quid quid induimus, sive latum mona-  
 chalem cucullum, (candido colore servato) nihil penitus  
 refert, nec habitus qualitatem in aliquo mutat, alterat, aut læ-  
 dit. Nova igitur novæ Congregationis fundamenta jacturus  
 Paulus, novamque novæ familiæ vivendi normam traditurus,  
 quid aut quomodo fieri debeat, diu prius voluit pensitare. Ma-  
 nebat apud eum alta mente repositum paupertatis, nuditatisque  
 desiderium illud, quod in sacello Beati Francisci Alvernæ ani-  
 mo conceperat, nec ille fervor imminutus aliquatenus fue-  
 rat, sed potius sensim magnum sumpserat augmentum. Id-  
 circo attenta facultate sibi in rescripto Apostolico, circa  
 visum, & vestitum concessa, ab ipsa nuditate incipere de-  
 crevit. Demum die secunda Julii, & ipsa Dominica, in  
 qua etiam Solennitas Visitationis sacratissimæ Virginis MA-  
 RIÆ ad Elisabeth, celebrabatur, existentibus in præfato  
 Oratorio Criptarum compluribus sæcularibus, qui vel de-  
 votionis causâ aut certe rem sacram audituri venerant, co-  
 ram omnibus, modò quò sequitur ornatus, hora Tertiæ  
 Divini Officii comparuit Paulus. Rejctis nempe, quæ  
 ante

ante deferebat, indumentis, proque eis ex rudissimo pan-  
no tunicâ ad carnem sine tunicello indutus, nudis pedibus,  
solo calopodio, seu ligneo focculo utens in publicum pro-  
diit statim celebraturus. Mirantur omnes monstruosam,  
novam, & insolitam vestem, erumpunt in cachinnos qui-  
dam ipforum, alii prudentiores lachrymis perfunduntur,  
in asperitate illa signum rigidissimæ pœnitentiæ perpenden-  
tes. Cum verò ad Offertorium Missæ ventum est, ecce  
quatuor Novitii, ante Altare genibus flexis assunt, ad  
quos conversus Pater, debitis solitisque ceremoniis usus,  
eosdem blandè interrogat: an idem, quo ipse indutus est,  
tegumentum suscipere, perpetuoque deferre velint? qui-  
bus sponte, *Velle* respondentibus, eos sanctissimæ pauper-  
tatis vestibus condecoravit. Postremò pallium supra re-  
censitis vestibus ligneo globo ad pectus conjunctum super-  
addidit. His positis fundamentis, ad habitationes simili  
paupertate componendas se vertit, in quibus, ex vilibus  
tabulis confectis lectulis paleis substratis, & villosâ culcitra  
utebantur novi Milites. Cibus sæpe siccus panis, brassica  
& olus, quandoque tenue ferculum de piscibus dabatur,  
vinum ibidem raro bibebatur. Tempus verò sic distribue-  
rat diligens Pater, ut præter moderatum somnum, divinum  
officium, aut manuale opus totum penitus consummeret.  
Divisis interim juxta consuetum ordinem diei, noctisque  
horis: tum ad liorarias preces persolvendas, tum ad ora-  
tionem, lectionemque peragendam, tum etiam ad servitu-  
tis, domusve munera necessaria adimplenda. Sed hæc per  
transennam dicta sufficiant. Præterea opere pretium est  
scire, quanta hic angustia degebant Dei pauperes: de qua,  
in hæc verba scribit Paulus ad quendam. *Ubi nunc firm ni-  
bil habeo, & utinam una mihi saltem cella esset: Utinam, ut me-  
lius*

lius dicam, spelunca una mihi uni : fuisset sane Cræso, & Midaditior. Sumus autem in duabus Criptis quatuor &c. In Summâ dum in hac stricta valle, inque rerum magna penuria morarentur nostri progenitores, Venerabiles Patres, Augustinus Bassanensis, & Nicolaus Trivisanus, qui licet animo semper in societate decreverant manere, nihilominus adhuc solitum amictum deponere, & novum assumere, propter ejusdem austeritatem, formidabant : quos tamen Paulus ob eorum auctoritatem ad hoc cogere, vel persuadere minimè ausus fuerat. Atqui paulatim tantò aliorum sanctitatis exemplò compuncti, & inter pauperes, ac nudos cum diversitate vestium decenter ornati conversari erubescerent : asuetis tandem vestibus rejectis : rude illud indumentum sponte sua sumpserunt. Et ità universa Dei familia unius habitûs, unius moris, atque unius spiritûs facta ; unanimiter de cætero in Dei honore mirificè cum omni perseverantia ambulavit.



## CAPUT VI.

*De Elia, & Antonio primis hujus loci habitatoribus.*

SEnex Venerabilis Elias, quem cum Antonio Converso in Criptis à Paulo repertum fuisse diximus : circa victum ac vestitum, ejusdem voti cum reliquis non erat, nam perpetuæ abstinentiæ rationem admittere, & villosum opertorium humeris suis recusabat imponere. Nec mirum profecto, senuerat enim valde ; quam obrem tantæ rigidita-



tis onus debile corpusculum minus poterat sustinere : & sancta illa , quâ diu usus est libertas , iterum strictæ obedientiæ jugo collum submittere non sinebat. Quare ne Sociis tædiosus fieret , aut inter observantissimos Viros singulariter vivens , illis aliquod ministraret offendiculum ; inde recedens , Camaldulum , unde exiverat , reverti satius duxit. Antonius verò , qui his , & durioribus pugnis resistere asueverat , novæ militiæ adscribi , rudique sago indui summopere anhelabat. Verùm tamen Eliam , cui tam diu obediens fuit , & quasi officiosus filius tot charitatis impenderat opera , contristare non audens , solum inde abire non permisit. Sed euntem illum , uti fidelissimus comes secutus ad sacram usque Eremum fideliter comitatus est ; qui tamen discedens Paulo bona fide promissit , se , deducto prius Elia in domum suam , statim ad Criptas reversurum. At qui itineris labore contractus , adhuc in via malè habere cœpit. Denique Camalduli constitutus , febriculâ quadam affectus , per menses aliquot infirmus jacuit : & tandem quadam die Dominica obdormivit in Domino. Libet ergo corpore demortuum , spiritu autem æternaliter viventem , paucis laudare , ne tam salutari hujus sancti Viri exemplò lector benevolus defraudetur. Antonius igitur iste Rechenati ortus in ipso juventutis flore uxorem duxit ; quam postea in adulterio deprehensam ab eodem occisam , fama vulgavit. Sed cum esset Antonius naturâ mitis , & animo pius , licet terrenus Judex ei formidandus nequaquam veniret , nihilominus tremendum Dei judicium non poterat non timere. Quamobrem seriæ pœnitentiæ se tradere statuit , ac primum tertii Ordinis Sancti Francisci factus Professor , in sanctis suæ professionis exercitiis pie detinebatur. Postmodum verò hoc ipsum , fervore crescente , parum aut  
nihil

nihil reputans , solitudinis avidus ad Criptas Massacii, de quo loco jam abunde locuti sumus, se contulit. Ubi solitariam vitam summa cum austeritate agens , propriis laboribus, ac sumptibus , incultam vallem non mediocriter reddidit ornatam. Nam juxta suam cavernam, aliam non sine sudore effodit ; nec non ad ipsius rupis radices , gratiosos sibi paraverat hortulos , unde postea olera , dulcesque herbulas colligebat. Victitandi modus ei talis fuisse fertur, quotidianus panis quo vescebatur, decem unicarum pondus, eo tamen vel sicco, vel biscocto utens, cui pauca brassicæ folia, alteriusve oleris pulmentum adjungere, aut certè leguminis pugillum, idque multoties solo sale, sine butyro vel oleo conditum in cibum summere solitus est. Carnes seu ova, aut lacticia exquò speluncam ingressus est, non gustavit unquam, à vicino similiter quasi semper abstinuit. Oderat supra modum otiositatem, nutricem peccati eam appellans : erat in oratione continuus, & in sacris lectionibus frequens, ita ut ne punctum quidem temporis sine fructu transire permetteret. O felix homo, qui sine regulari disciplina, tam prudenter novit vitam suam regulare. Nunquam irasci visus est ; mirum in modum certe humilis, ac patiens, pius devotusque animus ejus extiterat : sed hæc omnia superabat castissimus Dei timor, quo universa vincere ei difficile non fuit. Cum igitur prædictò modò ibidem esset commoratus per sexennium & ultra, audiens aliquos referentes, speluncas illas ad Patres Camaldulenses spectare, delicatæ conscientiæ stimulo actus, sine alia veriori facti informatione, Camaldulum se contulit, illicque statim Patribus illis, & locum, & quid quid in eo factum fuerat, sponte resignavit, tantummodò

Q q 2 10 20 30 40 50 60 70 80 90 100 110 120 130 140 150 160 170 180 190 200 210 220 230 240 250 260 270 280 290 300 310 320 330 340 350 360 370 380 390 400 410 420 430 440 450 460 470 480 490 500 510 520 530 540 550 560 570 580 590 600 610 620 630 640 650 660 670 680 690 700 710 720 730 740 750 760 770 780 790 800 810 820 830 840 850 860 870 880 890 900 910 920 930 940 950 960 970 980 990 1000

supplex novam ejusdem loci habitandi facultatem efflagitavit. At Patres, qui jus quodpiam se in eo habere prorsus ignorabant, imò secundum quosdam, hæc prima loci hujus acquiritio fuit; ideoque facillè petitis annuerunt. Dùm hæc Camalduli agerentur, Antonius (Deo sic disponente) in Paulum incidit, qui eum facillè induxit, ut Eremiticum habitum indueret, sub obedientiæ jugo vivere utiliùs ei futurum, benignè suadens. Cùm igitur Antonio salubre consilium placuisset, suscepto conversorum habitu, post annum sacram professionem emisit, & paulò post adeptâ Cryptas iterum habitandi novâ licentiâ cum præfato Elia Sacerdote sibi Socio à Superioribus dato, illuc reversus est. Ubi ambo simul per annos fere septem, summa cum charitate ac mutua dilectione, fideliter Deo servientes perseveraverunt. Non erat ibi Oratorium, aut Capella ulla, quod ei satis grave efficiebatur, neque ipse illud facere tentabat, eò quod esset in solida petra maximo labore excavandum, nec erat pauperi unde expensas persolveret. Et ecce nobilis quidam Vir Efinus illuc veniens, re auditâ eum ut opus inchoet vehementer hortatur, se omnes fabricæ sumptus soluturum promittens. Nec mora vocantur, lapidariæ, & cœpto opere ad finem usque operari non cessant. Requisitus autem nobilis sponsor, ut operariis mercedem solveret, promissis stare recusavit. Tunc Antonius illusum se videns, lectuli opertorium, & paucos libellos, quos habebat, vendidit; seu veriùs pignori dedit, cumque id nec dimidium solvendi pretii adæquaret, ad orationem solitum sibi remedium confugit.

Dùm ipse seorsum secreto oraret, ultima operi manus imponebatur, & factum est, cum ultimus angulus cavernæ poliretur, aperta est rimula quædam pecuniis repleta.

Mone-



Moneta hæc Anconitana antiquissimæ signaturæ tantula fuit, ut solutis operariis, ad pignora redimenda, & ad ea paranda, quæ ad oratorium exornandum necessaria esse solent abundanter sufficeret. *O quàm benè*, exclamat ille, *omnipotens oratio, cuncta per te fiunt, tibi nihil impossibile effectum reperitur: quia teste Jacobo, multum valet oratio justæ assidua!* Rursus cùm aliquando ita ægrotaret Elias, ut in agonia mortis versaretur, & Antonio eidem ministranti deesset panis neque infirmus in tali statu relinquendus ei videretur, ad Deum suum conversus more suo ex alto auxilium quærit. Et ecce adhuc eo orante, à corvo ibi in ripa nidum habente (& ipsis piis hominibus diuturnitate temporis familiari factò) panis recens ponderis duarum librarum allatus est. Res quidem mira, & nostris temporibus inusitata, de qua tamen minimè est dubitandum, quia hæc omnia propria Pauli manu annotata reperta fuerunt.

## CAPUT VII.

*Quædam in Paulum, & Socios ejus objecta dilutunur.*

**E**T si ex præcedentibus jam satis manifestum esse non ambigimus, nostræ Congregationis Fundatorem in cunctis actionibus suis satis legitimè, & laudabiliter processisse: attamen ne candida ejus societas maculam contraxisse videatur, opere pretium duximus, quibusdam ex adverso objectis, breviter respondere. Auctor quidam, alioquin disertus ac nominatus, in suis monumentis in lucem editis, post

post complura in laudem nostri optimi Parentis prolata, hæc nescio quo spiritu adjecit. Nempe occasione conversionis Petri Fanensis, Patres Camaldulenses, tunc primum exploratum habuisse, Paulum suam peregrinationem in erectione novæ Congregationis terminâsse. Quod, inquit, graviter accipientes, quasi à sacra Eremo rebellâset, lite mota habitu Camaldulensi, ei & omni ejus Congregationi interdixisse. Et alia quædam similia, quæ tanquàm superflua omittimus. Ista sane omnia, ex iis quæ supra cap. 3. diximus, falsa esse remonstrantur. Siquidem in sacra Eremo extet libellus quidam, cui titulus est prima pars Actorum, ex quo objecti criminis plenissima defensio elucet, in quo omnia Patrum Eremitarum decreta annorum vigesimi primi, & secundi exactè inserta etiam hodie leguntur, quibus sole clariùs apparet veritas ipsa. Hoc eodem tempore, memoratis videlicet annis, Venerandos illos Patres sola charitate modos, præfatas Criptas primò ad habitandum Paulo, & suis concessisse; deinde in suam familiam eis receptis, annuam quandam pensiunculam, pro victu fuisse elargitos: ac tandem Anno XXII. vigesima sexta Junii, donatione, separationeque præmissis, locum ipsum mediante irrevocabili contractu benignè transtulisse. Adde, quòd Elias & Antonius primi loci habitatores sine Prælatorum suorum mandato nostros venientes admittere: aut certè majoribus rem celare, non potuissent. Præterea Delphinus totius Ordinis Generalis libr. 12. epist. 77. scripta 18. Julii ejusdem anni, de prædicta segregatione, & translatione certior factus, sic Camaldulensibus loquitur. *Congratulor plurimum vobis, quod malè copulata, & conjuncta haud multò ante sacra nostra Eremo antra deserti Piceni penitus repudia veritis. Conferet vobis separatio ista ad quietem utriusque homi-*

*hominis &c.* Et in epist. 86. eodem libro ad Justinianum Bergomensē scribens : *Putavi ego, inquit, abiisse te in Picenum, à Justiniano altero accersitum, sicut mihi retulerat Vicarius vester.* Accedit ad hæc unio quædam inter nostros & Camaldulenses inita anno vigesimo tertio, quæ per sequentes annos duos utrinque observata, authenticô instrumentô probatur, de qua paulò inferiùs plenum tractatum dabimus. Ex his ergo manifestè apparet, ab initio ad ultimum usque diem novam Congregationem fuisse notissimam, quin & eidem semper fuisse benè affectos & fautores. Utique Patres Camaldulenses sacræ Eremitæ nîl graviter ferre possunt, patientes enim sunt, & æquo animo ferunt omnia, non æmulantur, neque invident alterius bono, non sunt ambitiosi, neque litigiosi : non quærunt quæ sua sunt, multò minus repetunt, quæ semel dederunt. Ad habitus præterea interdictionem ex dictis cap. 2. satis responsum puto. Sed quid ego in hac defensione oleum (ut dici solet) & operam perdo ? nonne semper Paulus, & Socii ejus habitum Camaldulensem detulerunt ? nonne nos indigni ejus filii hodie eundem gestamus ? nonne & qui futuri sunt nostræ Congregationis filii, Deo annuente, ipsum in æternum portabunt. Jam ad eos stylum vertamus oportet, qui contra præfatum auctorem sentientes, Paulum male egisse etiam nostris temporibus clamitant, & sui Ordinis corruptorem non cessant etiam hodie appellare ; eò quodd monachali amictu, quâ delicatiori relictô, pallium rude assumpsit, comminantes insuper nos ad eum resumendum cogendos. Quos ego certè in historia vitæ sanctissimi Patris nostri parùm versatos crediderim ; vellemque eos antiquorum ejusdem sancti Discipulorum paupertatem, ritus, ac mores didicisse, prima Dagnini, & reliquorum sociorum ejus meminisse indu-  
mento.



mentorū : atque aded diligenter legiſſe Beati Rudolphi ( quas vocant ) compilationes. Quibus benè conſideratis, forſitan, imò abſque omni hæſitatione, Paulum Juſtinianum verum Sancti Romualdi, & Diſcipulorum ejus imitatore, & antiqui Eremitici rigoris reſtauratore extitiſſe, fatebuntur. Profectò apud ſcriptores, viliffimas, atque aſperimas veſtes, nuditatem & ſquallorem lego : nullum autem illorum ſanctorum mollibus indutum reperio. Cur ergo quæſo, eorum æmulatorem reprehendimus Paulum ? cur illi, & Sociis ejus, quod virtutis eſt, vitio vertimus ? Nunquid perperam egerunt glorioſæ Capucinatorum familiæ Principes, qui nuditatem, ac ſanctiſſimam paupertatem ; & tandem viliffimam, rudiſſimamque beatiſſimi Patris ſui Franciſci veſtem jam olim ſepultam ſuſcitaverunt, & ſuſcitata induerunt ? Sed vae illis, *qui dicunt malum bonum, & bonum malum.* Nunc denique me neceſſitas cogit ad te optime Delphine, & ſacræ Eremi Generalis digniſſime mea dirigere verba, qui dilectum alioquin filium tuum levitatis quodamodò notare non deſiſti : ais ſiquidem, non alibi eum ſuaviorem panem reperturum, quàm in Eremo Camaldulenſi : an nescis illas eſſe ſuaviores eſcas, quæ magis palato placent ? non triticeos jam quærit panes ( ut tuis utar verbis ) ſed hordeaceos inquit ; ſciens utique talibus olim Dominum ſatiâſſe turbas in deſerto, non eſurit ampliùs terrenas epulas, ſed ſpirituale nectâr ſtitit. Ecce deſcendit ex alpium ( ut ais ) altitudine, verùm ſanè, atque abiit in locum, quem monſtravit ei Dominus : deſcendit in vallis ima, non ignorans ſcriptum eſſe : *Omnis vallis implebitur ; & valles abundabunt framentò.* Ivit tandem in vineam Patrisfamilias, ne ſtaret tota die otioſus, ſed operaretur uſque ad vespèram, tunc denarium diurnum accepturus. Cupis præte-

rea

rea fieri illi aspera in vias planas. Quid quæso, planius illi contingere potuit, quam in suavissima lege Dei sui inque via mandatorum, atque perfectionis semitis ipsum suaviter ambulare, multosque instruere ac deducere. Crede jam Delphine Venerande, prout te crediturum promittis, hanc fuisse mutationem dexteræ excelsi, quia ita probavit à te expectatus eventus. En vidisti eventum antequàm diem obiveras, eventum, inquàm, quem optaveras: vidisti sterilem peperisse plurimos, multosque esse filios desertæ, magis quam ejus quæ habebat virum. Lætare igitur Vir piissime, & in perpetua pace quiesce: quia ante obitum tuum, quæ de filio tuo dilectissimo desiderabas, cum magna jucunditate vidisti.



## C A P U T VIII.

### *De prima Capituli celebratione.*

**J**Am igitur in quatuor Eremos dilatata nova societas, & in quatuor partes divisus novus grex, non ita facile ab uno Pastore, licet vigilantissimo, poterat custodiri; aut quadripartita familia justo moderamine regi: utique unam quamque domum suum rectorem desiderare in confesso est. Quòd si in privatis sæcularium ædibus, ita se rem habere videmus, quantò magis in religiosis Cœnobiis eadem ratio militare debet? quandoquidem adversarius noster serpens antiquus religiosi Viris semper insidiatur, cui jugiter magnâ curâ, & vigilantia, resistere est necessum. Verùm istud fieri nequit, nisi idoneus peritusque custos, unicuique

que gregi præponatur, qui eum in temporalibus regat, in corporalibus naturali alimento pascat, & in spiritualibus incessanter doceat; & tandem in omnibus fideliter cauteque ducat. Præterea quemadmodum una quæque Respublica suis legibus, & statutis regi solet, ut cives in iustitia, & rectitudine morum contineantur: ita quamcunque Congregationem suam certam regulam, suasque constitutiones habere oportet, quibus & subditi quæ acturi sint, addiscant, & prælati quæ illis imponenda veniunt, quæve præstanda, non ignorent. Quæ sanè omnia prudenter animadvertens Paulus noster, tanquam hujus militiæ expertissimus miles, imò peritissimus Dux, utrumque præstare, suamque societatem & justo regimine, & scripta lege munire diutius non protraxit: sed statim omnes, quos ætate provectos, scientiâ ornatos, aut experienciâ edoctos noverat, vocari jussit. Quibus in unum congregatis, juxta facultatem Apostolicam, Capitulum consueto Religionum more, debitis modis, ac forma servatis, celebrare cœperunt. Ac licet Congregatio ipsa tunc paucorum, tenuisque fuisse noscatur: nihilominus tamen Conventus iste nec sine debito decore, nec sine multa prudentia habitus est, ideoque meritò primùm generale societatis Capitulum meruit nuncupari. Quamobrem quæcunque in eo statuta, sancitave fuere, in perpetuum observata manent, nec non ordinationes, & constitutiones tunc editæ, seu approbatæ universalis legis vigorem obtinuerunt. Quales fuerunt constitutiones viginti sex, quas Paulus jam ante confecerat, sed eis uti noluit, donec justis solennitatibus ritè confirmarentur, quas nos propria ejus manu vidimus scriptas. Multa etiam ibi ad regularem, Eremiticamque vitam instituendam, multa de regimine & familiis com-

po-



ponendis, atque adeo ad necessaria negotia peragenda sapienter, prudenterque sancita fuerunt. Et ut verbô dicam, hinc primam, certam, regulatamque vivendi formam cœpithabere Religio nostra. Huic memorandæ primi Capituli celebrationi locus Criptarum, tanquàm eo tempore primus, & aptior reliquis, deputatus est: Definidores vero extitère peritissimi Augustinus Bassanensis, & Nicolaus Trivisanus, ambo veterani, atque similibus assueti negotiis. Hieronymus item Sueffanus, qui licet in Religione novus, longâ tamen experienciâ, ac doctrinâ gravis, & Vir cordatus est semper habitus. Aderat & Venerabilis desiderius, qui in his summa peritia gaudebat, utpote, qui Cassinensium negotiis diu adhibitus fuerat, & sæpe Decani officio, & aliis muneribus fuerat functus. Eorum tandem Præsides Paulus, qui & totius Congregationis Generalis factus est: licet quasi naturali jure, ac summa ratione electus videretur, nihilominus eandem dignitatem ultrò recusavit. Tandem ex prædictis Definitoribus in singulis Eremitis Priores designati sunt. Unde ab illa die justo ordine ambulare cœpit novella Congregatio, ac deinde semper in melius cum observantiæ ratione, tum locorum, personarumque augmentô, Dei Optimi Maximi beneficiô, mirabili modo accrevit.

\*\*\*\*\*

## CAPUT IX.

### *Patientia Pauli in adversis.*

**I**Nter ea, quæ supra tam prosperè gesta retulimus, non defuerunt piissimo Patri & multa adversa; eo, quòd

( Divina bonitate annuente ) eum tanquam verum Christi Discipulum Sathanas cribrare non cessavit ; quæ omnia eâ patientiâ tolerabat , ut lætior multo in tribulationibus , quàm in prosperitatibus sit semper agnitus. Solitus equidem dicere : *sine cruce non vere sequimur Christum.* Post Leonis decimi obitum diu Romanam Curiam vacâsse ; eò quòd Adrianus sextus ejus successor tunc in Hispania ageret. Hinc multis , maximè discolis , quidlibet audendi data est occasio , quod non parum Eremitis nostris nocuisse , compertum est. Morabantur itaque in superiori parte montis Anconitani Eremitæ quidam , soluto more , sineque certa & approbata regula degentes , qui nostrorum vicinitatem æquò animò ferre non poterant , timentes , ne istorum laudabilis conversatio , eorum dissolutæ cupiditati aliquod afferret nocumentum. Quæ abominanda æmulatio , seu radix omnium malorum avaritia , perinde animos eorum agitaverat , ut veluti furentes in pauperes Christi irruere non dubitarent. Ac primum minis eos irritare tentantes , & nihil proficientes , cogitaverunt miseri , si aliud non valerent , saltem eos terrere , quò formidine ipsa pellerentur ; atque ad id hac arte utebantur. Mittebant nimirum ex eminentiori loco in inferiora nostrorum latibula immania saxa ingentem strepitum de nocte causantia , quò latitantium eremicularum animos ingenti terrore concuti credentes , totas ferè in hoc diabolico exercitio insummebant noctes. Quamobrem cum lamentatione venientes Patres ad se suas proponebant quærelas. Quibus ipse sua solita alacritate : *an ignoratis filioli , naturale esse , post tonitrua ex alto decidere grandinem ? necesse est præcedentes comminationes quodammodo subsequi facta.* Sed vos nolite expavescere , territamenta sunt hæc , quæ vobis nocere non possunt , qui Deum in defensorem , habetis : *sustinete modicum , & orate*

*orate pro persequentibus vos , & statim tonitrua cessabunt. At obcoeati illi , quandoquidem hac via nihil proficiebant , aliam aggrediuntur : Cardinalem , videlicet , Anconitanum adeuntes , tot calumniis , falsisque suggestionibus apud eum contra Dei servos egerunt , ut magno impetu Vicario suo demandaret , quatenus & Paulum , & universam ejus familiam extra fines Anconitanæ Diæcesis sine mora expelleret. Verumtamen Vicarius sapientius omnia considerans , & justa inquisitione persequentium malitiam , & eorum innocentiam sagaciter rimatus , noluit tantæ iniquitatis fieri auctor. Unde majori furore accensi Diaboli ministri ad Marchiæ Legatum tendunt , quid illi dixerint nescio , hoc unum non ignoro , de mandato Vice-Legati pauperes nostros ex omni territorio jurisdictionis ejus crudeliter fuisse ejectos : capitur Paulus , quasi malefactor , & Maceratæ in carcerem conjicitur : ita percussus est Pastor , & dispersæ sunt oves , exulant sine causa dilecti filii , & amantissimus Pater clausus custoditur. O quantum potest iniquorum hominum nequitia ! O quantum nocet iniqui judicis temeritas ! Infamatur sine crimine Vir purus infamia facti , expoliantur absque causa pauperes possessione sua , expelluntur de nidulis suis , & ejiciuntur ad exteras caulas. Benignissimus Pater tanquam surdus non audiens , & tanquam mutus non aperiens os suum in ergastulo jacet : sed non ideo cessat omni sollicitudine Discipulos suos crebris literis confortare , & ad animi constantiam exhortari. Etenim extat adhuc quædam ejusepistola ex carcere ad suos missa , unde hæc desumpsi verba : Paulus vincit JESU Christi , charissimis Hieronymo , & Desiderio , universisque sociis eorum , salutem in Domino , & pacem in Spiritu Sancto. Et post pauca : Non equidem mihi carcer molestus est , sicut vos existimatis ; quos nec contristari ob hanc cau-*  
*sam*



sam velim, sed potius congaudere mecum; quia dignatus est Dominus Omnipotens me indignum servum suum alicujus portuuncule passionum dilectissimi filii sui facere participem. Unum tantum mihi & vobis dolendum censeo, quod ego reus, & peccator merito hac, & si graviora fuissent sustineam, ille autem innocens & immaculatus injuste pro me passus sit. Et infra. Mementote, quæso, scriptum esse, si compatimur, & congaudebimus. Quid? nonne ipsa veritas ait: Beati eritis cum persecuti vos fuerint homines, & exprobaverint, & ejecerint nomen vestrum tanquam malum mentientes propter filium hominis. Et quid addit Evangelista? Gaudete in illa die: ecce enim merces vestra multa est in Cælis. Et ego cum Apostolo dico vobis Fratres mei dilectissimi: constantes estote & immobiles, abundantes in opere Domini semper: scientes quod labor vester non est inanis. Jam ergo cum eodem Apostolo omnes dicamus simul: Quis separabit nos à charitate Christi? tribulatio an angustia, an fames, an nuditas, an persecutio, an gladius, an vincula? Sanè hæc omnia delitiæ sunt, solis charissimis amicis Dei reservatæ. Et in fine. Oratio, inquit, fiat ab omnibus vobis pro me ad Dominum, ut ex hac me carceris custodia liberare dignetur. Tandem post dies fedecim certior factus & in se reversus furibundus Judex, eum extrahi, & ad se adduci jubet: cuijam appropinquanti, ait, parce mihi O Pater! non enim noveram te, nec tuos audiveram. Et Pater ad eum: Pareat tibi Dominus; nam ego quid tibi remittam non habeo, conscius te nihil in me facere potuisse, nisi quatenus esset à Deo præordinatum. Tales utique complures extitère eodem tempore optimi Patris labores: Tantæ siquidem molis erat Eremiticam condere gentem. In optimum denique finem desuit turbulentissima tempestas, ita ut verissimum sit, quod Propheta canit:

clama-



nostri, atq; à tumultu perturbationum vacans nova Congregatio tota ad observantiam regularem stabiliendam conversa est. O si ea esset nobis describendi facultas, si tanta facundia, aut eloquentia: ut ad plenum eorum virtutes exprimere possemus. Præstat equidem tacere potius, quàm imperfectè de tantis Viris, dequè illorum eximiis animi virtutibus perperam tractare. Ibi namque inter eos pax summa, animorum unitas, & charitas perfecta; ibi simplex humilitas, cordis puritas, & promptissima obedientia; ibi jejunii continuatio, ciborum parsimonia, & strictissima abstinencia, ibi ardentissima devotio, spiritualis fervor, & jugis oratio: ibi discreta taciturnitas, nulla verborum superfluitas, sed perpetuum silentium. Ibi demum nuditas rerum omnium necessitas, vera ac sacro sancta paupertas, certantes invicem quis studiosior foret, reverentia & honore se invicem prævenientes. Atque adeò (quod omnia superat) ut Paulus omnium major, factus sit omnium minister, & inter pauperes semper pauperior ipse visus est. Iter factururus pedester, qui juvenis absque navigio, vel equo nec miliare unum pedibus conficere poterat, senex jejunos (ut ipse in Epistola ad Marcum Antoninum Flaminium testatur) viginti Italica miliaria dietim ambulabat. Erat certe in seipsum adeo crudelis, ut tunica, quæ asperrima, simul & strictissima ambitu erat, aliquando in itinere ex ejus nudis tibiis sanguinem rupta pelle, eliceret. In summa, in infinitum tendere dicerer, si cuncta ejus strenuè gesta enumerare vellem. Divulgabatur interdum fervorum Dei mirabilis conversatio, ideoque undique ad eos confluebant homines religiosum habitum avidius exposcentes. Venit tunc temporis ad Criptas Innocentius quidam Florentinus genere; Vir jam dudum solitariæ vitæ deditus, sed obedientiæ inexpertus habitum



bitum sumpsit, & in humili subjectione didicit obedire. Ob-  
tinuerat Innocentius in Apulia à Licinensi Episcopo Eccle-  
siam Sanctæ Mariæ de Spiritu Sancto nuncupatam, sitam in  
asperrimo monte, locoque deserto, in qua ipse per annos ali-  
quot habitaverat. Eandem Patribus unâ secum obtulit  
Vir bonus; eoque idem cum nonnullis sociis mittitur, quod  
& eundem locum Eremitico more ex ædificet, & alia eremi-  
toria si Deus dederit, erigat. Quod tanta diligentia, ac se-  
dulitate Dei servus adimplevit, ut duas, præter hanc, Ere-  
mos in brevi obtinuerit in Patria illa, & mirabili temporis  
compendiò eas habitari fecerit. Unde nostri in Apulia tria  
loca possederunt. Innocentius iste oblatum Presbyteratum  
renuit, libenter in conversorum classe abjectus laicus Deo ser-  
vire eligens. Miserunt ergo Patres ad singulas eremos,  
quosdam de Fratribus societatis, inter quos fuerant Venera-  
biles Sacerdotes Romualdus, & Zacharias, quorum alter  
Fabrianensis, alter vero Siculus, probatæ sanctitatis ambo,  
de horum autem successu inferiùs latiùs differendum erit.  
Post Innocentium præfatum, accessit Venerabilis Vir Ro-  
mualdus Fabrianensis, qui intuitu virtutis magis, quàm pe-  
ritiæ factus est Sacerdos. Homo naturâ blandus, & quietus,  
spirituali sapientia plenus; omnis terreni commercii inexper-  
tus, quia omnis conversatio ejus in Cœlis erat. Semper in  
casto Dei timore manens, cordis suæ custodiæ incessanter  
intendebat; quare tantam carnis puritatem adeptus est, ut  
nunquàm fuerit ullò pactò coinquinatus. Quanta rursus  
in homine humilitas desiderari debet, in ipso ad plenum pro-  
culdubio residebat: ore tacitus mente quietus, corde semper  
in Cœlum elevatus, mortalem maculam nunquàm sciens con-  
traxisse creditur. In laboribus & ærumnis usquequaque  
patientissimus, adeo ut semel ex Apulia in Picenum rediens

à latronibus in itinere captus, inque mediam sylvam deductus, & arbori cuidam alligatus, ne minimum quidem mortis signum ostenderit: quin & baculo bene percussus, in spiritali sua alacritate immobilis permansit. Cum autem Prædones stricto ense mortem illi comminarentur, intrepidus perstitit: *Facite*, inquit, *quid quid vobis ex alto permisum fuerit, mihi enim nihil interest cras vel hodie mori: nam quidd Deus cras daturus est dabit & hodie.* Semper in psalmis, meditationibusque occupatus, vix momentô ab oratione vacabat: facies ejus nunquàm perturbata visa est, sed semper hilari vultu cunctis apparuit, ex ore sacro, quasi taciturnum producens. Quod ei adeò assuetum fuit, ut etiam moriens ridenti similis absque dolore, vel horroris signo, spiritum efflaret. Obiit autem Beatus iste nonagenarius; post annum 56. conversionis suæ in Monasterio Sancti Salvatoris Montis acuti 1579. Iisdem fere temporibus ingressus est Religionem hanc Placidus conversus ex Fracta Urbini oriundus, Vir quadam naturali gravitate dotatus, statura procerus, corpore robustus, ingenio sagax, ac judicio clarus. Legalis, ac fidelissimus in omnibus actionibus suis. In solitaria cella silens, & abstinentissimus: odedientiæ, & regularibus observantiis jugiter incumbens, ad exteriora negotia (sine quibus Religio stare non potest) diligentem atque utilissimum se præstitit. Unde per annos plures Procurator constitutus, totum beneficium Abbatiae Sancti Salvatoris tanta diligentia, ac rectitudine administravit; ut ea in re nec hætenus parem habuerit, nec habere speretur. In hoc autem mirabilis fuit: quòd sive iter faciens, sive manu laborans, domi, vel foris agens, regularia jejunia, eremiticasque panis, & aquæ abstinentias nunquàm prætermisit. Denique in controversiis componendis speciale donum à Deo habuisse,

buisse, omnes qui eum norunt, autumant: ideoq; quoties inter Paganos illos Fractenses aliqua de rebus rusticis orirentur jurgia, seu quævis diffidiæ nascerentur: *Ad eam*, ajebant, *Fratrem* (sic eum per antonomasiam vocabant) & quid quid ipse dixerit, sequamur. Vixit annos 78. in Religione verò 55. obiit circa annum 1580. Quantum iste Religioni nostræ profuerit, si plenè ostendere vellem, novo tractatu opus esset.

## CAPUT XI.

*Unio quædam inter nostros, & Camaldulenses inita, & Justiniani Bergomensis ingressus.*

**N**E quid narratione, cognituque dignum negligere videamur, non erit abs re hic quandam unionem, inter nostros, & Camaldulenses initam paucis adnotare: quò plenius totius Ordinis favor, erga societatem hanc novam dignosci queat. Dùm igitur prædictò modò dilaretur, eaque prosperitate frueretur nova Romualdi progenies, dùm inquam in tanta quiete agerent Patres nostri; ecce ad Criptas missi sunt Venerabiles Patres, Bernardus Pistoriensis, & Ventura Helvetius totius Ordinis Camaldulensis illò annò Visitatores, ut videlicet cum Paulo de conjungenda sibi nova Congregatione tractarent. Quod quidem negotium haud difficile fuit; eò quòd ab una, eademque radice uterque ramus procedere deberet: nec in substantia professionis aliqua esset differentia. Paciscitur ergo, ut nova socie-



tas in suo maneat, & conservetur statu, ritu & cæremoniis :  
salvis quoque sibi cunctis privilegiis, ac facultatibus suis :  
permanente etiam auctoritate celebrandi Capitulum, Præ-  
latorumque eligendorum plena potestate. Item, ut dila-  
tari ad libitum possit, & quæcunque oportuna, ac bene vi-  
sa in augmentum, utilitatemque ejusdem facere : veluti no-  
vas Eremos erigere, constitutiones condere, & omnia ne-  
cessaria adimplere. Et tandem, ut suo primævo nomine  
( hoc est ) Societas Eremitarum Sancti Romualdi nominaretur.  
Econtrà sacre Eremo hoc solum reservatum fuit, ut in  
suo Capitulo Generali quotannis Generalis novæ societatis  
eligeretur, & per Visitatores Ordinis singulis trienniis novi  
Eremitæ visitarentur. Et quædam alia, quæ in ejusdem  
unionis instrumento latius continentur, quod actum est  
Fabriani undecima decembris 1523. confirmatum per Reve-  
rendos Patres Cyprianum Abbatem Vallis Castrensis, Pau-  
lum Laudensem Vicarium Generalem, & Visitatores præ-  
fatos : Paulo Justiniano pro Societate agente. Inter alias  
conditiones hæc præcipua fuit, ut in sequenti Capitulo Ge-  
nerali omnia prædicta confirmarentur, quod actu, factaque  
intentione factum fuisse, rei eventus probavit. Quod cum de  
ejus unionis rescissione ageretur, manifestius monstrabitur. Ex  
hac tamen unione magnum bonum Societati evenisse in con-  
fesso est ; nam ejus occasione ( quia ea concordia stante, ab Ere-  
mo sacra ad nostros, & è contra, transitum facere cuiq; licitum  
erat ) aliqui Camaldulenses ad Paulum in Picenum venerunt.  
Quorum insignior Justinianus Bergomas, Vir doctrina exi-  
mius, eloquentiâ clarus, ingenio moribusque ornatus, ac  
Religione pius, de quo Delphinus Generalis pluribus in lo-  
cis plenum, ac pulchrum reddidit testimonium. Hic pri-  
mo Monachus Benedictinus, postea Eremita factus per an-  
nos

nos octo Camalduli vixit, ubi cum nostro Paulo Justiniano magnam contraxit in spiritualibus familiaritatem. Unde jam à principio optaverat ipse ad Criptas descendere, sed suâ prudentiâ, ac maturitate utens, honestam causam id faciendi voluit expectare, quam adeptus statim arripuit. Juvit etiam hoc pium desiderium, quod ipse nuper strictioris vitæ cupidus reclusionem à superioribus humiliter petierat, quæ penitus fuerat ei denegata. Quantus hic in Religione nostra fuerit, quantumque ipsam juverit, & auxerit, suis in locis apparebit; nunc autem hoc unum dixisse sufficiat, quòd per annos triginta, aut eò amplius societatem rexit quàm laudatissimè.

## CAPUT XII.

### *De conversione Galeatij Gabrielij Fanensis.*

**G**aleatius Abbas, cujus non semel retro mentionem fecimus, per annos quatuor, post primam ejus promissionem, quia dives erat, suam conversionem protraxit, qui tamen anno 24. prudenter Religionis successu considerato, tandem à jurgiis tricisque mundi extricatus, seipsum dare Deo non contentus, sua omnia tam Ecclesiastica, quàm sæcularia bona secum dedit. Habitum namque Eremiticum suscepturus, ita se Deo consecrare voluit, ut nihil omnino ab Apostolica conversione discreparet. Cujus utique ingressus, plenissima Religionis hujus confirmatio extitit. Merito enim cum Apostolorum Principe decantabat;

bat ; ecce nos reliquimus omnia. Diximus superius, hunc obtinuisse præter alia Beneficia, Abbatiam Sancti Salvatoris Montis acuti Diæcesis Perusinæ : Monasterium hoc, Ordinis olim Cisterciensis fuit, quantum ex consecratione Ecclesiæ percipitur, quæ facta est Anno 1105. ditissimum olim non solum possessionibus, sed & innumerabilibus subditis, Castellis & amplissimis dominiis, quod videre est in quodam vetustissimo instrumento, cujus transumptum in Archivio Montis coronæ custoditur; reperto mirabili modo in Monasterio Sanctæ Columbæ Perusii. Quæ omnia ante actis temporibus, ingruente Tyrannicò bellò in Hetruria, dissipata, & direpta fuere, & quod miserabilius, totum Monasterii ædificium funditus dirutum, nunc autem à Patribus nostris appositè reparatum est. Est autem Monasterium hoc non longè ab Oppido Fracta, quæ Perusina dicitur, fundatum in calce montis acuti, à Tyberi vix centum passibus distans. Ex adversa prædicti torrentis ripa, quæ orientem respicit, mons quidam in altum assurgit, cui Coronæ nomen indiderunt antiqui : mons inquam hic non modicæ celsitudinis, nec parvæ latitudinis. Ab oriente Tyberis undâ per duo milliaria cinctus, à meridie alio quodam torrente concluditur : ab oriente tandem valles habet duas, ab aliis quibuscunque montibus longe distinctus, ac separatius prostat : propter sylvas per circum sitas visu pulcherri-  
mus, Castaneis, pomorum cytrinorum copiâ, aliisque omnis generis fructibus abundans, lignorum abundantiam, & olei copiam cultoribus præbens, nec pascuis carens. Talem quippè locum futuris servis suis, jam olim præparaverat Deus. His ergo beneficiis simul cum Galeatio, Dei providentiâ acquisitis, Patres quasi plenum profectum, ac stabilitatem cernentes novæ Congregationis, incessanter  
vigi-



vigilabant meliori quodam , ac perfectiori ordine indies cuncta disponere.



## C A P U T XIII.

### *De rescissione mentionatæ unionis.*

CUM supra de quadam unionem , five concordia inter nostros , & Camaldulenses inita ageremus , hanc conditionem contractui quadam sanctâ astutiâ appositam dixisse nos memoramus , ut videlicet , in primo Generali Capitulo omnia pacta , & conventiones novam confirmationem accipere deberent , quò res ipsa suum robur , atque firmitatem adipisceretur. Id autem quam ob causam factum fuerit , ex subsequen- tibus fiet sat manifestum : finis tamen eorum optimus. Cuncta etenim excogitata fuerant , ut abolitò nomine novæ Societatis omnia ejus subiecta ad se traherent , & universa in eorum commoda verterentur ; nam tunc temporis Sacra Eremitus penuria hominum laborabat. Quam penuriam non parùm augebat discessus eorum , qui illinc ad nostros in dies descendere cernebantur : quod incon- veniens radicitus tollere illis videbatur summè necessarium. Ac proinde Capitulum , quod sequenti annò celebrandum erat , in alium subsequen- tem , ut nostros molesta quadam expectatione afficerent , præter morem & consuetudinem protractum est. Rursus , dum dilatio ista prolongatur , multa per Camaldulenses Patres contra pacta & conventiones innovata fuere , quæ vix honesta , nedùm justa censerebantur. Tandem aderat tempus , quò Camaldulenses

ses Patres ad Generale Capitulum conveniebant, quod celebratum est in Monasterio Classensi anno 1525. Quamobrem ut inchoatæ concordia, sive unioni ultima imponeretur manus Venerabilis Paulus cum Hieronymo Sueffano illuc properare coactus est. Ubi Patres Definitores Paulo suadere conantur, ut nullâ concordia mentione habitâ, se, suosque Camaldulo subdere non recuset: objicientes ei pauperrimæ vitæ labores, ac nimiam in ea perseverandi difficultatem, sicque sacrae Eremitæ opes societati suæ efficacis adiutorio futuras; alioquin in brevi finem habituram ejus Religionem, quod si facere recuset, annullandas esse conventiones omnes cum Visitatoribus olim initas, minantur. Quibus auditis virili vultu, ut ei de more erat, Paulus in hunc modum respondit. *Ego Patres venerandi, ob spiritualia bona, non propter temporalia commoda, in unum vobiscum convenire optabam, simulque convivere: temporalis autem utilitatis ratione subjectionem: quam exposcitis de novo facere, neque ratio suadet, neque charitas patitur. Is ego sum, qui nunquam de misericordia Dei desperaverim, sciens Dominum mendicorum ac pauperum suorum esse sollicitum, utpote qui non derelinquit quærentes se. Quod sanè non solum sacrarum scripturarum testimoniis didici, verum re ipsa plenissime sum expertus. Ecce abhinc annis quinque ex vestris alpibus descendens solò baculò (velut alter Jacob) transivi Jordanem, & nunc cum turmis Fratrum revertabar ad vos. Ego pascua meis defutura ovibus nihil vereor: ille namque qui producit in montibus fœnum, & herbam servituti hominum, ipse dabit & gregibus meis uberrima pabula. Non magnis opibus egent, qui levissimò, ac parvò cibò, & vilissimò, ac rudi tegumentò contenti sunt. Has tandem divitias quas nobis offertis, vobis in pace servetis, nos in paupertate nostra latantes permanebimus. Quod de dissolvendis conventionibus locuti estis, non displicet, dummodò aliò*

novò

novò instrumentò prior contractus abrogetur. Hæc itaque cum utrinque placuissent, factò novo scriptò die 10. Maij prioris unionis contractus cassatus est.

\*\*\*\*\*

## CAPUT XIV.

### *Paulus defensor PP. Capucinatorum.*

**P**Rædictò modò sopitis negotiis, dùm Paulus ad sua re-  
versus in Eremo criptarum, in cavernis illis, optatam  
duceret quietem: ecce sequenti anno 26. duo Fratres ordi-  
nis sancti Francisci de observantia ad eum veniunt. Qui  
Fratres germanierant, patria Foro semproniani: quorum  
alter Ludovicus, alter Raphaël nuncupatus. Ambo (res  
mira) spiritu DEI agebantur nescientes: nam cum Aposto-  
lica licentia à propria religione discesserant; ac proinde va-  
gantes Italiam circuibant, quò tenderent, aut quid quæ-  
rerent prorsus ignorantes. Auditâ verò Pauli suorumque  
pia conversatione, quasi curiositate quadam ducti, illuc ac-  
cesserunt; ubi per dies aliquot commorati, solitariæ Vitæ  
amore capi, atque tale institutum laudare cœperunt. Ve-  
rumtamen cum DEI voluntas, cui resistere nemo potest,  
aliò eos vocaret, utriusque animus, imò divinus Spiritus  
manere ibi non permittebat. Postremò de seipsis piè pro-  
pter mentis instabilitatem conquerentes, ruboréque persua-  
si erubescences inde discesserunt, inque Patriam reversi sunt.  
Erat tunc temporis quidam Frater ejusdem ordinis, nomi-  
ne Matthæus à Bairo, qui simplici licentiâ Papæ, habitum  
quo nunc utuntur Capucini primus omnium induerat (quo  
tamen non semper utebatur) sicque indutus sine sede per

T t varias



varias Italiæ provincias discurrendo (passim infernum con-  
clamando) æternas pœnas peccatoribus sine arte aliqua, so-  
lâ vociferatione, comminabatur, in quo exercitio & Vi-  
tam finivit, diesque suos Venetiis clausit. Erat & in ter-  
ritorio Carraceti quidam Frater Franciscus Eremita ætate  
decrepitus, infirmus, præ senectute sui impotens, Vita præ-  
clarus, atque prophetiæ spiritu dotatus. Hic præfatum  
Matthæum monstruoso habitu indutum (per biduum ante-  
quàm accederet) ad se venientem in visione vidit. Venit  
igitur Matthæus, ut senex prædixerat, quô visô exultavit  
animô infirmus, & illum esse verum Divi Francisci habi-  
tum pronunciavit. Eodem tempore, quô Matthæus illic  
ageret, ad sanctum Eremitam visendum, non sine Dei ope-  
ratione, accedunt Semproniani Fratres. Qui cum Matthæi  
novum habitum conspicerent, audissentq; ab ipso sene illam  
propriam esse B. Francisci vestem, rejectis suis vestimentis,  
non dubitarunt, illam sibi assumere gaudentes. Illo igitur  
novô, & nondum visô habitu induti, ad nostrum Paulum  
in Criptis adhuc agentem revertuntur. Cui rem miranti,  
causamque tantæ mutationis inquirenti, cuncta præ gaudio  
gestientes narrant; cûmque instaret Paulus, quid tandem  
agere cum novo habitu intenderent, se penitus nescire, qua-  
dam erubescentiâ, fatentur. O quam incomprehensibilia  
sunt judicia tua Domine, O quam inscrutabiles sunt viæ  
tuæ! Relinquunt primam religionem, habitum mutant, huc  
atq; illuc cursitant; quid sibi expediat, ignari prorsus quid ista  
parturiant. Atqui non dormit interim Satanas, timens sagaci  
conjecturâ id, quod postea secutum est, hinc illorum vias præ-  
pedire non cessabat. Factum est siquidem, ut dùm apud Paulum  
charitativam capiunt refectiorem, à curiæ secularis Ministris  
invasi

invasi raparentur, & vincti ducerentur in carcerem Massacii, & hæc facta sunt instantibus certis religiosis, quorum ut consulam honori, parco nomini. Paulus contra, tantam injuriam Deo primum, deinde sibi, ac Religioni simul ob sacri loci violationem, illatam dissimulare non potuit. Captos pauperes viriliter repetit, contra renuentes (vi privilegiorum) fulminat excommunicationem. Quod factum est, ut cuncti seculares Ministri ad Patris pedes revoluti restituerent captos. Qui ne aliâ novâ persecutione vexarentur, statim noctu per nostros ad Eremum Pascilupi transmissi sunt. Hinc post dies paucos, quasi oves aberantes Camerinum perveniunt. Cives ridiculos cucullos aspiciunt irridentes ipsos; pueris post eos acclamantibus, *Capucinos, Capucinos*: ex qua acclamatione tale illis nomen remansit, & ex ore infantium perfecta est eorum laus. Narratur Ducissæ quasi inaudita visio, jubet illa accersiri homines, veniunt in Ducale palatium Viri. Quibus visis Ducissa, non risit; sed obstupuit nobilissima mulier. Per contatur ab eis, quid sibi velit monstruosæ vestis forma, quod tendant, quæ eorum religio, quidvè facere intendant. Tunc primum apertum est os illorum, & locutus est Spiritus in eis: quid pectore gerant plenò intimant Ducissæ sermone. Illa divinitus afflata, sine mora ad Clementem septimum, qui tunc Petri claves tenebat, scribens misit, à quo sine difficultate aliqua, plenissimum indultum pro fundatione regulæ Capucinorum obtinuit, & juxta Urbem eis Monasterium ædificavit, quod primum hujus Religionis fuit. O ineffabilem Dei sapientiam, quàm suaviter per te omnia disponuntur. En Lector benevole, quomodò tanta, tamque sancta Religio incæpta sit. En quàm pauperes, quàm simplices habuit auctores. Sed brevi sacer hic Ordo mirum in modum

multiplicatus, innumeros Viros sanctissimos. æquè ac Doctissimos DEO, & Ecclesiæ Catholicæ progenuit. Hoc etiam sciendum est ex illa prima cum nostris Eremitis brevi conversatione, semper inter utramquè Religionem quandam radicatam mansisse mutuam charitatem, & sanctissimam signanter in Italia amicitie conjunctionem. Item prærecensitos Fratres, quædam peculiariter sibi communiter servanda sumpsisse à nobis, manifestum est, videlicet barbam oblongam deferre, nec non sine cantu solaquæ distincta pronunciatione divinas laudes persolvere, & quædam alia. Quemadmodum postea hæc eadem Capucinatorum Religio per Franciscum Astensem, & Bernardum Eginensem, ac alios religiosos viros ampliata fuerit, non est nostrum pertractare, quamobrem ad ea, quæ dudum reliquimus, redeundum est.



## CAPUT XV.

*Paulus prævidet in fortunium venturum.*


**Æ**Quum esse duximus, ne aliqua sancti Viri virtus occulta remanere contingat, prævisum ab ipso infortunium illud, quod Romæ cum Petro Fanensi invitus expertus est, succinctè exarare. Sciendum igitur Abbatiam sancti Salvatoris, in renunciatione ab ipso Petro facta, non fuisse in perpetuum societati unitam, sed ad vitam ipsius renunciantis tantum. Quamobrem nostrates omnes Patrem stimulare non cessabant, ut vivente Clemente Pontifice, illi, societatiqûe bene faventi, perpetuam unionem obtineret. Ea igitur die, quâ unâ cum Petro iter facturus erat,

aurora



aurora illucescente (re sacra peracta) titubare, seu veriùs timere agnitus est: cui Petrus, *cur Pater ad iter non accingimur? Ego*, ait ille, *timeo frater, ne citius quàm oportet Romam per veniamus, sentio enim aliquid adversi nobis imminere. Cum*que omnes eum ad iter alacriter verbis multis impellerent, nec esse imaginationibus vapis credendum, affirmarent: *utinam* inquit, *fallar ego, dummodò vos veraces dicere possim. Sed ne animos vestros contristare videar: ibo: sciens utique nullibi nos manus Dei posse effugere, vel ejus reniti voluntati.* Et acceptò baculò, viam quàm iturus erat, Petro sequente, ingressus est. Cumque vix triduò Romæ commorati essent: ecce de repente furia illa infernalis: Dux, inquam, Borbonius cum exercitu suo eandem Urbem invasit, quæ (ut nota est historia) capta direpta, & miserè deprædata extitit. In ea direptione nemini paritum est, nec ipsi Papæ: Sed ut alios missos faciamus, Patres nostri per manus Teutonicorum capti, captivati que fuerunt, & cum eis Vir clarissimus Joannes Petrus Carafa Episcopus Theatinus, qui postea Cardinalis factus, & deinde in Papam assumptus, Paulus quartus dictus fuit. Etenim illi, cum aliis multis ad Ecclesiam sancti Jacobi, quæ Hispanorum dicitur, confugerant, Sed (ut Horatius ait) *cantabit vacuus coram latrone viator*: videbant eos milites in habitu pauperrimo, nihilque habere intelligebant, quocircà eosdem illæsos dimittere non sunt diu tergiversati. Dimiserunt quoque Carafam prædictum, pauperrimum tunc temporis Virum. Ii tres simul, ne iterum in manus militum inciderent, ad mare currunt, inde naviculâ vecti in Tusciam deducuntur, hinc denique Venetias pedestres pergere decreverunt. Ubi relictò Carafa, Patres ad sua festini, per adriaticum remearunt Eremitoria. Ferunt eundem Carafam, dùm eo tempore Venetiis ageret, Cœ-

Cœnobium sancti Nicolai Teatinorum fundâsse. Extat præterea Epistola quædam propria manu scripta, ex qua ostenditur eundem Carasam voluisse, cum quibusdam sociis simul cum Paulo Eremitam fieri; sed ad aliud majus à Deo vocatus, non potuit desiderium adimplere. Bellicum illud flagellum secuta est, haud multo potest, atrocissima pestis, quæ non unam, aut alteram Urbem, sed universam infecit Italiam. Hæc epidemiæ lues nesciens parcere bonis, nec Paulum piissimum DEI servum immunem evadere sivit, imo eum crudeliter percussum ad vitæ discrimen usque perduxit; qui tamen DEI beneficiô, & suorum fratrum precibus assiduus, paulatim declinante morbô, non sine magno, diuturnoque labore, salutis restitutus fuit. Vix cicatricis cute obductâ, Romam redire necesse habuit, quo simul duobus fratribus Camaldulensibus, sibi nimia charitate jam olim astrictis, ejus apud Pontificem interpositione egentibus, subveniret.



## CAPUT XVI.

### *De morte Pauli, & laudibus ejus.*

**I**Taque cùm primùm Romam venerat Pater, pedibus oscula daturus ad Clementem Pontificem ingressus: Abbas quoque sancti Pauli extra Urbem ordinis Cassinensis præfens aderat, qui tali nomine Ecclesiam sancti Silvestri montis Soractis possidebat.

Senserat jam alias Pontifex hunc locum à Paulo desiderari, adque solitariam Vitam esse valde idoneum, cumque ambos coram se aspiceret, ab Abbate consensu habitô, Paul-



lo dictam Ecclesiam cum suo monte concessit. Verum dum hoc negotium agitur, dumque in liberandis Fratribus, prædictis Romæ detinetur Paulus, dolore capitis, leviculaque febri laborare cœpit Paulus ne charitatis opus infectum desereret donec Fratres liberaret, sustinuit. Febricula igitur illâ affectus, ad montem Soractem, viginti passuum milibus ab Urbe distantem, se (ut melius potuit) confert ut Romam nondum peste purgatam fugeret, ac salubriorem aërem, qualem mons ille habet, sibi comparatum experietur veniens tandem illuc ab habitatoribus charitativè suscipitur, ac benignè tractatur. Verum crescente per singulas horas radicata semel febri, brevi temporis spatio ad mortis articulum senex devenit. In extremo hoc, cum periculosum videret eum, Frater itineris comes in lachrymas prorupit. Quod videns pius Pater: *quid, inquit luges Frater? cui ille, lugeo optime Pater, videns te morti propinquum, & non esse, qui te exeuntem piis verbis (ut fieri solet) consoletur, meque dulcissimò tuò aspectu privari, & omnium Fratrum meorum auxiliò carere cernens. Ah modicæ fidei, infirmus ait, nunquid deerit nobis Deus? & si ipse nobiscum est, alterius auxiliò non egemus. Bonò animò esto, non deerunt nobis consolatores, aderunt & adjuutores tibi: cuncta Deo committe, disponat ipse secundum voluntatem suam sanctissimam.* Et ecce vix unius horæ spatiò transactò, cellam in qua languens jacebat: ingreditur Venerandus Pater Gregorius Bergomensis Eremita: qui & Major sacrae Eremitæ Camaldulensis & circa annum 1511. Prior quoque fuit Generalis, ut quodam publicò instrumentò constare vidimus. Erat quoque alio Sacerdote comitatus. Cumque ita Gregorius præfatus Romam iter ageret, negotia quædam suæ Eremitæ peracturus: dum in quodam hospitio, quod ad radicem ejus montis fuerat, reficeret: narratum illi est in Eremitorio sancti silvestri quendam



dam sui Ordinis Eremitam graviter infirmari, ille de corporis habitudine, & indumentis certior factus, plenè cognovit infirmum Paulum Justinianum esse. Nec mora, relicto itinere: festinus Soractem montem ascendit: & ut diximus, ad cellam morientis amici pervenit. Visò autem infirmò, simul cum lachymis hæc verba effudit. *Nosti optime Pater me tibi semper fidum fuisse in Christo Fratrem: nec ignoras quanti semper fecerim salutem non corporis solum sed & anime tue. Ecce Dei providentia factum est, ut hac transitus tui hora ego ad essem tibi, qui eodem fidelitatis zelò, quò hactenus tecum egi, ad felicem exitum bona, firmaque fide suscipiendum exhortarer. Et hinc exordium summens ex literis sacris, ac Sanctorum optimè dictis, documenta multa, ac salutiferas doctrinas adducens, in longum protraxit sermonem, quo propter ejus efficaciam, morientis animam, contra vim morbi in corpore, retinebat. At eò modicum loqui cessante, respirans Paulus exclamat: *suavis Dominus universis, & miserationes ejus, super omnia opera ejus. Non mei meriti fuit, sed divinæ miserationis opus, ut tu charissime Frater, & Pater mihi emigranti assisteres, meque Catholicâ exhortatione morientem in fide confirmares. Qua de re Deo meo primum ac deinde tibi gratias ago ingentes: oroque supplicem, ut sicut latatus sum in his quæ dicta modò sunt mihi: ita Dominus concedere dignetur, animam servi sui latantem ire in domum suam supernam, ejusque pedes stare faciat in atriis Cælestis Jerusalem. Adesto tu jam mihi, O JESU bone, unica spes mea, sola salus mea: cui soli vixi, cui uni morior, & suscipe in misericordia tua spiritum meum, quem in manus tuas commendo: quia tu redemisti me Domine Deus veritatis. Quibus sic dictis quievit in Domino die vigesima octava Junii anno 1528. ætatis suæ 52. Venerabilis autem Gregorius Pater inde non recessit, donec defuncti corpus debitæ sepulturæ datum**

datum est, & feliciter emigratæ animæ justa persolvit. Exultate ergo in Domino O vos felices tanti Viri Discipuli, quia Magister vester, qui in paucis fidelis repertus, super multa à Domino constitutus, atque in gaudium Domini ingressus, jubilô plenus regnat in Cœlis. Lætare & tu Eremus sacra Camaldulensium, quæ tam præclarum mundo, Deoque dedisti alumnum, à quo vicissim tam scita dogmata, tamque multa bona recepisti: quique pro reformatione, sive tui instauratione, tam multos pertulit labores. Venerare eum, cujus opera, brachiô sanctissimi Romualdi decorata, ornatæque præfulges: quô per annos quingentos carueras. Jubila tu quoque tantô auctore sata ultima Romualdi proles, Univerſa Eremitarum Montis Coronæ Societas, jubila, inquam, & gaude tanti syderis illustrata fulgore, omniumq; sanctissimi progenitoris tui virtutum ditissima hæres.

## CAPUT XVII.

### *Virtutes, & opera Pauli describuntur.*

Quis quæso ejus animi dotes, quis, charitatis ardorem, quis integerrimæ Vitæ sanctitatem, aut sublimes perfectionis gradus in eo enumeret. *Hic verè Israelita, in quo dolus non est inventus.* Hic lucerna accensa sub modio non abscondita, sed super candelabrum posita, ut religionem ingredientiſ lumen viderent: nec habuit mnam à Domino sibi traditam, repositam in sudario, quinimò sanctè negociando, ejus mna decem mnas fecit. Hic verè divitiarum osor, qui semel & iterum possessas opes contempsit,

tempfit religiosæ observantiæ unicum exemplar : austeritatis Eremiticæ perpetuus vindex : in laboribus perferendis strenuus, & infatigabilis. Nec vacua fuit in eo gratia Dei, cum multos à via peccatorum convertens secum ad religionem traxit, plures domi, vel alibi piè vivere docuit, innumeros à blanditiis sæculi ad durissimam pœnitentiam, vivo sermone, & operibus transire compulit, doctrinâ plenus, verbô potens, calamô facundus atque luculentus. Scripsit (ultra sæpe memoratas constitutiones Eremiticas) opuscula multa, & præclara, quæ commemorat in quodam memoriali inde confecto Venerabilis Pater Justinianus Bergomensis, quæ centenarium numerum superant. Multa miraculosè operatus, è quibus aliqua saltem referre non pigebit. Ac primùm cum ei à presbytero quodam muliercula tertii Ordinis sancti Francisci tanquam sancta laudaretur, talemque propter ejus mirabilem vitam & propter miranda ejus facta ab omnibus haberi, ac reputari assererebat Presbyter : ex eò quòd quotidie communicabat, & futura prædicabat, & sæpe hostia è manibus Presbyteri in os communicantis persè evolabat. *Ostende*, inquit *Paulus*, & *mibi mulierem istam*, & secutus Presbyterum ad mulierem pervenit. Quam statim ut vidit, non est Spiritus Divinus hujus mulieris, dixit : sed fraus inimici latet in ea. Obstupuit Sacerdos, & qni cum eo erant, in verbis istis, & quasi delirum irriserunt Patrem. Sed post decimum quintum diem decepta fœmina in furiam conversa, palam ostendit, quid gereret in pectore, & sic detecta est antiqui serpentis malitia. Est in Monasterio sancti Blasii apud Fabrianum (ut libro primo diximus) sancti Romualdi sepulchrum : quod tribus feris diversarum clavium obferatur, quarum una apud Abbatem, altera apud Episcopum, tertia pe-

nes



nes populi rectores custoditur. Illuc Cardinalis quidam magnæ auctoritatis venit, desiderans sibi aliquam sacratissimi corporis particulam habere. Referatis itaque omnibus seris, multisque secum fortissimis Viris advenientibus, lapidem monumento superpositum nunquam levare potuit. Super quo obstupefactus, & maximò Cardinalis timore percussus, re infectâ recessit. Ad idem sepulchrum accessit Paulus noster, qui unâ tantum ex tribus seris referatâ (nam Episcopus, & populus in rem consentientes non erant) unicò Monachò adjunctus, eousque Mausolæi gravissimum opertorium elevavit, ut facilè immissâ manu dextrum brachium sacri corporis inde ex traheret, quod secum decenter in quadam theca Camaldulum (erat enim tunc sacræ Eremitæ Generalis) detulit. Quâ pretiosâ gemmâ Eremitæ hæc ornata, etiam hodie corruscet. Postremò, nonne mysterium sapit, illud supradicti persecutoris ejus, qui fractò femore sine spe aliqua redintegrationis jam jam moriturus, jejunio & oratione Pauli sanatus est? At longum esset singula quæ mirabiliter gessit, hic exarare velle. Satis abundeq; ex prædictis constare debet Beati Patris sanctitas, & supra naturalis operatio ejus; ipse sibi testis idoneus innocentiae suæ, acclamantibus omnibus qui noverant ipsum. Vale ergo beatissime Paule, & quia cum eo, cujus nomen in terris adeptus es, bonum certamen certasti, & cursum felicissimè consummasti, fidemque servasti: cum eodem coronâ justitiæ frui in Cælis quæ tibi olim reposita, hodie autem reddita à Domino justo iudice.



## CAPUT XVIII.

*Quantas perturbationes passa sit post mortem Pauli Congregatio.*

**S**I quando, quod sæpe usu venire videmus, numerosæ Familiæ Patrem, qui suos bene alat, ritè prudenterque gubernet; morte vel casu è vivis emigrare contingat, turbatur universa domus, in planctum prorumpit derelicta uxor, liberi lugent orbat, lachrymas effundunt ancillæ, tristantur famuli, abjiciuntur lætitiæ vestes, induuntur lugubres; domus ornatus tollitur, & ut poëta canit, *luctus ubique, dolor, & plurima mortis imago*. Porro non aliter evenit tanto duce, tantoque parente privatae Eremitarum novellæ Congregationi, parente, inquam, piissimo, atque omnibus benefico duce verò, provido, prudente; doctissimo, ducere, ac docere peritissimo, orbatæ. Ecce quasi temone amissò, fluctuat navicula ista, & velut inter tumentes undas derelicta agitur. Despondent animum pusillanimes, ac nullum sibi adjutorium amplius superesse credunt; desperant contristati, nec alium dari de cætero consolatorem sperant. Alii majori anxietate premuntur, existimantes in tanta paupertate, fame, laboribusque attritis Fratribus non esse futurum æque sollicitum altorem. Dubitabant multi de regiminis prosperitate, & instigante Sathana, non solum de discessu cogitabant, sed etiam secum alios trahere nitebantur. Quid plura? incipiunt sine Pastore aberrare oves, ac quasi veniente lupo terrentur agni, maleque irritatus grex

grex abhorret ovile. Attamen seniores, & qui meliori utebantur consilio, aliter agendum sentiebant, remque maturius ponderantes, modum sedandi agitados animos exco- gitant. Congregantur igitur Seniores Patres in unum, atque hinc inde singulorum collatis votis, imminentibus malis mederi prudenter statuunt: præcipue tamen de confirmandis Fratribus satagentes, quomodo id salubrius fieri queat, sagaciter pertractant. Ad hoc non minus difficile, quam utile negotium, Venerabilem Virum Daniele Venetum in locum demortui Pauli substituunt, omnem potestatem in eum communi voto conferentes. Erat autem Vir iste naturali gravitate admirandus, verbo potens, & apprimè doctus, atque quod rariùs est, in consolandis afflictis speciali gratia dotatus. Discurrit hic per Eremos singulas, & ad instar strenui Ducis, imperturbata acie, hos blandè monet, illos acriùs redarguit, indulget istis, illis verò resistit, sicque mirabili modo cunctos in disciplina retinet. Venerantur jam omnes Venetum, quasi in eo resuscitatum Paulum intuentes, cujus monitis confortati, omnem timorem deponentes, in proposito prorsus stabiliti sunt. Dum autem hæc prædicto modo peragerentur, adest legitima Capituli Generalis celebrandi dies, in quo (præter multa ad bonum Religionis statum à Patribus instituta) Augustinus de Bassano, qui primus omnium ex Eremo Camaldulensi ad Criptas Massacii, Beato Paulo ad hæsurus venit, Generalis totius Congregationis creatus fuit. Daniel verò in Apuliam missus est, ut sicut in Picæno, & Tuscia fecerat, illic quoque confracta fame, & penuria Eremitarum loca, dissipatosque Fratres consolidaret. Verumtamen cum cognovisset postea Augustinus Generalis non esse opus unius, neque in solis verbis consistere illius Provinciæ malum, ipse



ipse quoque illuc pergere decrevit. Eodem verò tempore, quo Pater in Apulia agebat, epidemiæ morbus, qui bienniô ante exorsus erat, universam Italiam invasit, atque in illis regionibus in tantum desæviit, ut Augustinum Generalem cum Daniele, nec non majorem Eremitarum partem crudeliter extingueret. Unde iterum sine capite, sineque pastore grex & ovile remansit. Quô nunciô allatô, Patres, qui in Picæno commorabantur, quique ab eadem peste graviter vexati erant, valdè turbati sunt, & factô citò novô congressu, quid agendum foret, deliberant. Perpensis itaque causis, rationibusque multis in medium adductis, Eremitoria illa Apuliæ deserta relinquere, & paucos qui superstites erant Eremitas in Picenum revocare statuunt. Ad quod maximè seniorum animos movit, gentis illius naturalis ferocitas, prædonum agmina passim solitarios infestantia, atque communis charitatis defectus. Accedebat insuper, quòd Paulo ante Zacharias Siculus Venerandus Pater, cum Joanne Maria socio capti, à Turcarum piratis, captivi abducti sunt: nec non piissimus Pater Romualdus Fabriensis cum suo comite à prædonibus in itinere deprehensus, & ad arborem alligatus gravissimè cæsus extiterat. Relicta sunt etiam nonnulla Eremitoria per Italiam propter Fratrum ex peste imminutum numerum, inter quæ solennis illa montis soractis Eremus. In medio igitur tempestatum harum, in tantorum malorum procella, magnus ille Justinianus Bergomensis, Generalis creatus est. Vir sane, qui & propter eximiam doctrinam, & propter vitæ integritatem, secunda post Beatum Paulum Religionis hujus columna meritò dici potest, qui quantæ utilitati Religioni sacræ fuerit, in sequentibus patefiet.

CAPUT

## CAPUT XIX.

### *Societas nova stabilitur, & Eremitus Montis Coronæ fundatur.*

**S**icut in sacro Evangelio legimus Apostolorum naviculam, absente JESU, fluctibus agitatam tempestateque magna jactatam, sic sæpe videmus Religiones sacras adversitatum ventis, malorumque procellis gravissimè concuti, ac penè confringi. Et sicut olim Discipulos in remigando laborantes præterire voluit Dominus, ita plerumque Servos suos in tribulationibus, afflictionibusque laborantes dissimulare videtur. Quod in nostra Societate defuncto Paulô evenisse perspicuum est. Sed tandem in fluctuantem naviculam suam venit misericordiâ motus in quarta vigilia noctis, in fine scilicet laborum, quos patiebatur, quam per suam visitationem ascendens, imperavit ventis, & tumentes æquoris undas placavit. Et quod optimum fuit eidem peritissimum dedit nauclerum, qui navis clavum regere, ac Socios in tempestate confortare sciret: quod sane fideliter præstitit ipse. Celeberrimus namque Vir Justinianus cum primum Generalis novæ Congregationis factus est; sua magnanimitate animum ad Religionem hanc in perpetuum stabiliendam viriliter applicuit. Unde eo suadente, magna audentes facti sunt Patres; & à quibus jam dudum animum averterant, quasi impossibilia ea existimantes: postea tanto Duce freti, facillima reputarunt. Ac primum, sequenti Generali Capitulo actum est, ut Eremitus aliqua ad instar Camalduli erigeretur: quæ velut arx, caputque

putque totiùs Congregationis foret. Quod præcipuè ad hoc decretum fuit, ut Eremus ista multos infimul aleret Eremicolas, inqua majores senioresque Patres commodè, fixaque sede morarentur, penes quos cæteros omnes regendi maneret auctoritas. Volentes insuper cætera loca, seu Eremitoria omnium provinciarum inde tanquam subiecta, inferioraque membra, & consilium & auxilium, nec non regiminis præcepta suscipere. Hac denique determinatione facta, de idoneo loco quædam oborta fuit difficultas; eò quòd ex Patribus quidam Eremo Criptarum, tanquam antiquiori ad hoc jam olim deputatæ, honorem hunc, quasi defuncti Pauli voluntatem sequentes, deferendum censebant. Econtra erant, qui non quod factum, sed quod convenientius, utiliusque videretur, nec præsentì modò tempori, aut moderno Religionis statui, sed futuris magis prospiciendum suadebant. Post multa tandem prævaluit, quæ nunquam confundi solet, justa ratio: sicque fuit conclusum Montem Coronæ Criptis esse præponendum, non solum loci aptitudine, temperiæque aëris consideratis: verum etiam terræ illius amænitate, atque necessariarum rerum abundantia, commoditatēque rectè ponderatis. Multum item movebat propinquitas, seu oportunitas Abbatix Sancti Salvatoris, ex qua videlicet ad radicem montis posita, facillimè possent quotidiana ad Eremum transmitti alimenta. Attendebatur insuper ibidem sine Eremitarum perturbatione peregrinos aptius hospitari posse, nec non & infirmos commodius tractari, atque senes, debiles, & quocunque modò impotentes, curari, foveri, & juxta cujusque indigentiam remedia adhiberi. Qua conclusione firmatâ, ad inchoandum opus sine mora accincti sunt viriliter omnes. At ne quid cognitu dignum intactum relinquamus, sciendum est, montem



tem hunc habitare cœpisse eodem annô , quô Petrus de fa-  
no , olim Galeatius , habitum Eremiticum sumpsit : quan-  
quàm non in eo loco , seu parte , in qua postea confederunt ,  
& quam incolunt modò . Est siquidem in latere montis ve-  
tustissimum Oratorium Beato Savino Martyri consecratum ,  
cujus situs etsi brevis , jucundus tamen , & saluberrimi fon-  
ticuli aqua dotatus . Hic igitur primùm ex luto , saxisque  
per eosdem Eremitas utcunq̃e cellulis compactis , per quin-  
que , aut sex annos detenti sunt , Quod Oratorium cum  
cellulis prædictis , & hodie cernere licet , cuius loci aspe-  
ctus suavi delectatione non caret . Consitus nimirum ab  
ijsdem Patribus , variis ac fructiferis arboribus , addita vinea ,  
tum visu delectabili , tum fruitione utilissima . Sed quia  
minus aptus , capaxq̃e cognoscebatur ad destinatum finem ,  
coacti sunt in eodem monte commodiorem , ampliorem-  
q̃ue locum , seu situm exquirere . Unde diligenter perlu-  
strato monte , nullibi convenientiùs desideratam Eremum  
fundari posse sanô judiciô existimatum est , quàm ubi nunc  
ex ædificata prostat . Erecta est igitur Eremus ista in sum-  
mitate montis ejusdem , cuius loci habitudo ab utrôque la-  
tere proclivis , sed quâ ad meridiem respicit , proclivior mul-  
tò . Verùm utrinq̃e nemorum miræ densitatis amœnitas ,  
arduum collem reddit jucundissimum ; quin & assiduo , im-  
probôq̃ue Fratrum labore , quod naturâ proclive fuerat pla-  
num , atq̃ue spatiosum magna ex parte effectum conspici-  
tur ; propterea loci prospectus latior , aut delectabilior vix  
inveniri potest . Ad orientem namq̃ue Tyber famosissimus  
amnis , cum tota simul Spoletana valle , per triginta fere mil-  
liaria , intuenti apertissime patet . In eadem valle Forolivii  
civitas , ac Divi Frincisci patria Assisium distinctè cernun-  
tur ; nec non Nursia Provincia , Beati Patris nostri Bene-  
dicti

dictinativi soli excelsi montes latissimè apparent. Rursus ad meridiem Perusii inclytæ Tusciæ Urbis, à qua per decem milliaria locus iste distat, ferè totum Dominium, & ditio- nem cum suo famosissimo lacu intueri licet. Ad occiden- tem verò, & septemtrionem, Fractæ Perusinae per vetusti oppidi juxta Tyberim positi, pulcherrimum territorium videbis. Item Sinæ tortuosi gurgites, Appennini valles, nec non antiquum Eugubium, magni Ubaldi vetus domi- cilium, perspicere datur. Erat collis, ut diximus, supra modum asper & impervius, nec humano vestigio calcabilis, atqui industria, nimioque Eremitarum sudore in eam for- mam redactus; ut in quantum Eremi tractus protenditur, equi cum curribus percurrere facile possent. Quatuor enim præcipuæ viæ aperiuntur, quæ totam Eremum deam- bulanti patefaciunt. Spatia inter vias prædictas, arboribus fructiferis, cum innumeris cypressis consita habentur. In- trantibus è vestigio, plateâ quadam mediante, se offert Templum, seu comunis Ecclesia, opus & magnitudine, & arte commendabile. Quod sub invocatione Salvatoris nostri annò 1555. 14. Octobris consecratum fuit. Degunt in hac Eremita hodie quadraginta & amplius personæ cum comoditate, nec in ullo se invicem impediētes.



## CAPUT XX.

*Quanta difficultate ædificata sit Ere-  
mus ista.*

**S**Ciendum est per quadraginta, aut eò amplius annos in erectione hujus Eremi laboratum esse, & necdum ul-  
timam

timam operi manum extitisse impositam. Nam circa annum trigesimum rem tentantes duo tuguriola crexerunt Patres: quibus Oratorium ad celebrandā sacra addiderunt, tintinnabulum in una magna quercu appendentes. Paulō post humilem admodū sibi gazulam Venerabilis Petrus Fanensis construxit, ad inferiorem videlicet Eremitam sepem, ubi nunc cisternula cum ejusdem cellulæ fundamentis apparet. Nitebantur profectō pauperrimi Dei servi, quod in se erat, viriliter præstare. Verūmtamen non habentes unde fabricæ sumptus suppeditarent, ab opere etiam nolentes superfederunt. Obstitit quoque huic rei non parū mulier quædam Perusina, quæ jus in fundo illo, in quo ædificabatur, licet injustè prætendebat. Hæc in montem veniens, Oratorium dum alter ex Patribus celebraret, ingressa est, admonita blandè, ut inde egrederetur, quasi furia agitata pauperes homines mille injuriis clamitans affecit, nec locum, nec præsens sacrificium attendens. Quos sequenti die in jus vocare non erubuit: cui boni Patres ne litigiis iurgiisque intendere, & pacem cordis contra professionem suam amittere cogerentur, pecuniolas, quas ad fabricandum summa cum difficultate præparaverant, obtulerunt. Quibus tempestas illa sedata est. Posthæc aliud majus dispendium est secutum, hoc est: quod Clemens septimus Pontifex Maximus memor sui dilectissimi Pauli, sciens desiderium, & indigentiam nostrorum circa Eremitæ erectionem, quandam ad id pecuniariam summam promiserat, quam, morte præoccupatus, præstare minimè potuit. Unde Patres sine alio adjutorio, quotidianis manuum suarum exercitiis lapides effodientes, & arenam cumulantes, magnum materialium acervum ad opus præparaverunt, quibus paulatim Sacellum, quod hodie Capituli exedra



est, construxere. Quô, pro comuni Ecclesia usi sunt, donec Templum perficeretur. Verum eodem tempore ædificiorum prosecutio diu cessasse perhibetur, ed, quodd anno 40. die 20. Maij facta sit cum Camaldulensibus unio quædam (quæ secunda dicta est) hæc utrinque per biennium observata, magnas distractiones pepererat, nostris nempe Camaldulum, & Camaldulensibus ad nos frequenter convolantibus. Quæ observantiæ dissolutio, & devotionis dissipatio in causa fuit, ut mutuô adhibitô consensu, Patres ab unione discederent, & quique eorum ad sua remearent. Et sic Societas in suam naturam reversa est. Redeuntibus igitur in unum Patribus: Templum paulô superius plenè descriptum, erigere instituunt, & quia illis non erat, unde sumptus tanti operis acciperent, habitô Apostolicæ sedis consensu, quædam ad hoc possessiunculæ distractæ fuere. Resident in hac Eremita Montis Coronæ summi Patres totius Religionis Rectores, nempe Generalis, qui inter nostros Majoris sibi nomen vendicat, duo Generales Visitatores, & loci ejusdem Prior, penes quos totius regiminis præeminentia consistit. Seniores item, qui diuturnæ perseverantiæ experimentô, alios verbô, & exemplô, nec non consiliô docere, instruere, & strictiori in observantia retinere apprimè noverunt. Hinc fit, ut sub optimo, prudenti, expertoque capite, cætera Religionis membra justè, sanctè, ac pie in regulari Eremiticæ vitæ districtione perseverent. Quod sanè in causa est, ut in tanta quiete inque tanta animorum unitate, atque tranquillitate hodie in hac sacra Societate commoretur: sic Deo

Optimo maximo per suam misericordiam annuente. Cui propterea Gloria in sæcula sæculorum, Amen.

CAPUT

## CAPUT XXI.

### *De morte Petri Fanensis.*

**D**Iximus supra Clementem Pontificem non modicam quandam pecuniariam summam in opus Fabricæ Ere-  
mi Montis Coronæ erogare voluisse, quô nunciô acceptô,  
Petrus Fanensis tremestri ante Generalis Societatis factus :  
de consilio Patrum Romam perrexit, à Pontifice idem sub-  
sidium recepturus. Et ecce Urbem ingressô, Clementem  
graviter infirmari nunciatum est, cuius rei eventum ibi-  
dem expectare decrevit. Fervebat equidem tunc tempo-  
ris æstivus calor, nempe in canicularibus. Intra paucos  
ergo dies, dùm salutem Clementis præstolatur, & ipse febrici-  
tare cœpit, atque invalescente deinde morbo, in brevi  
viam universæ carnis ingressus est. Cùm autem piorum  
exempla frequenter nobis coràm posita in salutiferam do-  
ctrinam cedere soleant, opere pretium erit, tanti Patris  
felicem exitum paucis enarrare. Is cum jam morti ap-  
propinquâisset, voce omninò vi morbi privatus, per bidu-  
um obmutuit. Interim urgentissimis animipassionibus, ac  
dæmonum tentationibus per immixtas illusiones cruciatur :  
coactus passim gemitibus, atque suspiriis dolores intrinse-  
cos exterius manifestare. Interrogabant eum Capucini  
Patres (apud quos ægrotare ei contigerat) quibus, ne ido-  
neis quidem signis respondere valebat. Tandem cum jam  
jam spiritum exhalare vellet, ecce repente os ejus apertum  
est, & exclamans exultantis modo, ter hanc vocem repe-  
titam

titam emisit. *Ego vici, ego vici, ego vici. Te Deum laudamus, te Dominum confitemur* : tunc sequentem versum suscipientes Fratres totum canticum alternatim dicentes persolverunt, quô finitô felix ejus anima ad Cœlos evolavit. Obiit verò in sancta Eugenia, ubi tunc Patres Capucini habitabant, quique de tam beato defuncti fine plenum testimonium præbuerunt : & ejus Corpus ibidem honorifice sepelierunt annô 1534. mense Augustô, die S. Augustini. Nec est quod dubitemus preciosam fuisse in conspectu Dei mortem Sancti hujus, qui verè non solum præcepta, sed & consilia Evangelica adimpleverat. Qui dum dives esset, ut pauper in plena juventute vixit, inter rixas, & controversias Fratrum consanguiniorumque suorum, ab intima cordis pace non discessit, juvenis & potens, nullis se unquam mundi illecebris miscuit. Tandem ut Christum nudus perfectè sequeretur, omnia quæ habebat, reliquit : & Religiosus factus in strictissima observantia perfectissimè degens, exultando moriens animam in Dei laudibus emittere meruit, quæ nunc in cœlis, ut piè credendum est cum Christo manens, sine fine regnat.



## CAPUT XXII.

*De Hieronymo Sueffano Socio B. Pauli Justiniani.*

**E**X gemmis, quæ nostram Eremiticam Religionem illustrarunt, duas pro ingenio Viribus hætenus demonstravimus : nunc verò tertia nobis detegenda occurrit, Hiero-



Hieronymus nempe Sueffanus præ foribus adest, qui meritò, optimoque jure intromittendus est in aulam hanc, quò omnes habitantes in ea Religiosi Fratres, ipsum vident, & revelata facie contemplantur. Is de primis Pauli Sociis extitisse ex præmissis cognoscitur, qui sicut rigiditate vitæ, & regulari observantia nemini coætaneorum suorum secundus haberi potest, ita veræ paupertatis virtute cæteris anteponi debet. Abhorruit namque non solum rerum proprietatem, verum etiam quarumcunque rerum abundantiam, idque tam ratione ipsius privatae commoditatis, quam comunis totius religionis utilitatis. Qua de re nunquam aliter docuit, quam ipse ad unguem observavit: unde factum est, ut in sua cella nullum vasculum superfluum, aut quid aliud vel minimum sponte retineret. Apud eum nulla vestimentorum duplicitas, & ea, quibus utebatur indumenta, vetusta & attrita nimium cernebantur: quin & sub tali veste asperrimum latebat cilicium, ab humeris usque ad poplites descendens. Nec non plerumque in lumbis plumbeum pondus alligatum detulisse, verissimò Patrum testimoniò compertum habemus: & quod majoris admirationis est, cum his omnibus à corporali, seu manuali opere statutis horis nunquam abstinuit. De jejuniorum observantia superfluum est dicere, cum tota ejus vita perpetua abstinentia extiterit. Oratio illi perpetuus comes semper & ubique fuit: utpote, qui nusquam non mentem in Deum elevatam gerebat. Sed inter omnes suas piæ actiones, præcipua in Virginem Matrem ignita devotio fuit. Quid moror, nullam Eremiticæ virtutis proprietatem scimus, quam in eo invenire non posses. Hoc insuper in homine admirandum venit, quòd quantò erga se austerior videbatur, tanto in alios ostendebatur benignior.

His

His ergo moribus ornatus, cunctis (invidis exceptis) magna erat admiratio, maximè considerantibus eum in mollibus ab infantia fuisse educatum, atque in deliciis enutritum. Annò igitur 1537. cum decrevissent Patres, in Venetiarum partibus Eremum quandam erigere, ne sui alumni Pauli Patria illa dignâ memoriâ careret, quæ piis semper pia esse consuevit, hunc præclarum Virum ad tantum opus perficiendum destinârunt. Qui Arseniô Conversô itineris comite assumptô, sine mora ad iter accingitur, atque diebus paucis Venetias, quò missus fuerat, pervenit. Ubi omni sollicitudine locum ad suam intentionem aptum investigare non cessavit. At per dies aliquot in simili defatigatus investigatione, videns nil prodesse laborem, dum nil reperiri sibi vacuum experitur; in Istriam navigare statuit. Sed ecce navigantem eum, subita tempestate immissa, illuc ire prohibuit Deus, atque in Urbem redire coegit. Tunc demùm mutatâ sententiâ, Hieronymus & Arsenius Bononiam ituri, celeriter arripiunt iter. Qua de re certior factus clarissimus Vir Franciscus Justinianus Beati Pauli Nepos, eos velociter insequitur, atque consequitur, hortatur & rogat, per diem saltem eos in Urbe detineri, partim ut maturior rei deliberatio fieret, partim ut Generali Camaldulensi eosdem videre cupienti satisfaciant. Ut ergò tanto Viro, tamque impensè roganti satisfaciant, Venetias revertuntur. Erat tunc temporis Camaldulensis Ordinis Generalis, Mansuetus Bergomensis, Vir haud spernendæ auctoritatis: qui cum audisset hoc genus Eremitarum Ordinis Camaldulensis, sui gregis non esse, gestiebat eos, tanquàm oves errantes, & nova monstra quodammodo, videre, hoc tamen non ideò, ut eis aliquid dare, aut beneficium quoddam conferre intenderet, sed curiositatis solum causâ.

O alii-

O a  
benj  
tem  
nec  
quo  
scie  
nov  
mar  
muri  
pen  
quo  
Dei  
inte  
que  
va r  
ficat  
stan  
non  
tio,  
de c  
igitu  
Hie  
ri pe  
ultr  
cetui  
Soci  
ven  
latu  
lecti  
vide  
dus

*O altitudo divitiarum sapientia, & scientia Dei, quam incompre-  
hensibilia sunt judicia ejus, & investigabiles viae ejus!* Tanto  
tempore anxius quæsierat Hieronymus locum optatum,  
nec invenerat, & ecce discedenti, nec amplius quærenti,  
quod optabat, ultrò offertur. Generalis quid ageret, ne-  
sciebat: Dei servus quid ageretur, ignorabat. Atqui bene  
noverat Deus, quid esset ipse facturus: nimirum antiquissi-  
mam in honorem excelsæ Genitricis suæ olim dicatam do-  
mum, præque vetustate ad fundamenta usque dirutam, &  
penitus neglectam in pristinum statum restituere voluit. Ad  
quod præclarum opus, Hieronymum fidelissimum ejusdem  
Deiparæ famulum ipse elegerat. Porro in Patavino agro,  
interque Euganeos colles mons quidam præaltus insurgit,  
quem indigenæ olim Rhuam appellaverunt, cujus non par-  
va magnitudo est, nec situs injucundus. Rhuæ autem signi-  
ficatio apud Hebræos, ut Divus Hieronymus, & Beda te-  
stantur, spiritum significat, unde latinè locus spiritualis  
non incongruè dicitur. Cujus profecto nominis imposi-  
tio, spiritualis vitæ in eo futuræ: quasi prognosticon fuit:  
de quo & Poëta Altanus pulchram dedit cantilenam. Cum  
igitur pauperes Eremitas vidisset Generalis, ex colloquio  
Hieronymi ita commotus & ædificatus est, ut mente prio-  
ri penitus mutata, eosdem miro modo venerari cœperit: &  
ultrò illis Rhuam (qui locus pro deserto habebatur) polli-  
cetur se daturum. In summa viso loco Hieronymus cum  
Socio ad Generalem revertuntur, & cum consensu Con-  
ventûs, medio publico instrumento, desertus locus eis col-  
latus est. Et ecce idem Justinianus, sufficientem illis supel-  
lectilem, & generositate quadam de omnibus necessariis pro-  
videt. Item Balthasar Morus & ipse Patritius, qui & vali-  
dus exhortator fuit, necessaria quæque ad Dei servos foven-



dos Rhuam mittere non distulit. Dum igitur novi cultores Rhuæ prima tentoria figunt, sibi que tuguriola ex virgultis exstruunt, repertum est antiquissimum Diploma Apostolicum, in quo Benedictus Papa duodecimus quasdam concedit Indulgentias Fratribus Joanni Veronensi, & Antonio Albignascio Eremitis Sanctæ Mariæ in Rhua Ordinis Camaldulensis. Ex quibus manifeste colligitur illic Eremitas Camaldulenses jam olim habitasse, uti ex alio instrumento Patavii anno 1330. emanato, plenius constat. Tandem factum est, ut prædictus Balthasar Morus Oratorium, cum devotissima sacratissimæ Virginis imagine, præter alias largitiones, ibidem curaverit, quæ imago usque in hodiernum diem manet; in qua pii homines Cœli Reginam, tum visitationibus crebris, & orationibus devotis, tum donis, & muneribus venerantur. Perquam & Deus omnipotens non pauca miracula operatus est. Cum itaque novi incolæ sic sub tuguriolis ex virgultis contextis manerent, maxima se offerebat difficultas in his, quæ mittebantur, ad tantam ardui montis altitudinem conveyendis. Sed ille qui omnia potest, cujus etiam opus agebatur tanto devotionis ardore vicinos Toriliæ, & Gargignani populos, qui ad montis radicem jacent, inflammavit: ut inter se pugnare videretur, quis eorum erga novos Rhuenses officiosior ostenderetur, nec solum jumentis sed etiam propriis humeris onera imponentes, serviebant. Adeo ut quidam Jacobus Pragassus, novâ viâ in invio factâ, boves cum curribus onustis, Rhuam primus ascendere faceret, Altare cum præfata Genitricis imagine portantes. Post hæc Nobilis Vir Galeatius Bigolinus Pataviensis proprijs pecunijs, multisque fatigijs in tantum novæ Eremi erectionem juvit, ut sæpe diceret

Hie-

Hieronymus, Bigolini ope Rhuam fuisse erectam. Qui piissimus Vir, finito amplissimo Templo, cujus structuræ ipse super omnia intendebat, statim obiit. Felix profectò homo, qui longioris vitæ delicta, tam scitè redimere novit. Sic ergo locus olim spinis, sentibusque oppletus, amænus, ac fertilis factus est, & omnibus videntibus non mediocri admiratione jucundus. Verumtamen hæc pauperrima domus nunquàm agros, aut possessiones habuit, nec illi aliqui redditus unquàm fuere; unde ejus pia familia semper ex largitionibus fidelium vixit. Nec est hic prætereunda magna charitas, simulque liberalitas excelsi Venetorum domini, cujus inclytus Senatus largam pecuniarum quantitatem quotannis Eremicis mittere consuevit. Tanta siquidem clarissimis illis Viris cura est, quid pauperes Rhuenses manducent, quibusve induantur. Nec aliter certè facit nobilissima Patavina Civitas, quæ in dies magis ac magis in eleemosynis Rhuæ mittendis exuberat. Accedit ad hæc quorundam Monasteriorum pietas; quale est sanctæ Justinæ Paduæ, Praeque veneranda Cœnobîa, quibus non minor cura est circa nostros in sanitate alendos, quàm infirmos curandos, alimenta videlicet valentibus, Medicum, ac medicinas infirmis benignè providendo. Venda quoque, quæ sacra domus propinquior Rhuæ existit, largitatem suam nostris quotidie ostendere non dedignatur. Particulares hujus Eremitæ Benefactores describere, speciatimque afferre opus esset infinitum. Sciendum igitur est, nunquàm illis defuisse alimenta, sed semper Dei beneficio, & pia Benefactorum largitate, necessaria victus sufficienter suppeditata sunt. Quod profecto admirans, magis admirari non cesso: tam magnificum Templum, tot pulchra ædificia, folis eleemosynis tanta celeritate esse confecta, Benefacto-

res Benefactoribus in dies magis , Deo inspirante , succedentes.

## CAPUT XXIII.

### *Hieronymi Sueffani Virtutes, ac Sanctitatis signa.*

**J**Am tempus est, ut ad ineffabiles virtutes finemque gloriosum Sueffani sanctissimi demonstrandum, totis Viribus accingamur. Principio Vir iste vere Apostolicus prædicandus venit, qui relicta regia aula, hoc est, Pontificis Palatio, ubi Proto-Medicus erat, & insuper amplæ suæ hæreditati renunciando totum se paupertati sine fitione tradidit. Unde postea non paucas eleemosynas viriliter refutando, Pauperibus, qui se magis indigebant, dandas suadebat. Rursus cujusdam Patavini Antonii Musati nomine possessionem oblatam ad radicem Montis situatam acceptare noluit. Sed quid ego hæc minutiora refero? Paulus Papa quartus (dictus Carafa) Neapolitanus, ideoque ejus contreraneus, & à pueritia amicissimus, anno primo promotionis suæ, Hieronymum ad se accersiri jussit. Venit Romanam Vir obedientissimus, læto vultu à Pontifice suscipitur, eumque osculo pedum præmisso, sic alloquitur Papa: quale tegumentum istud Hieronyme (erat enim vilissimis tunica & pallio indutus) seu quæ austeritas ista? Nimis dure tecum agis, dimittas ea, oportet. Cui senex: *bis indutus sanctissime Pater, expeditus inter quercus, & arbuta incedo: nec alius, ni fallor, pœnitentem decet habitus.* Nam qui mollibus

vesti-



*vestiuntur, non in deserto, sed in domibus Regum sunt. Nec tu* (inquit Pontifex) *amplius in deserto eris, sed manebis hic nobiscum; nec de cætero Eremitam te, sed Cardinalem volumus.* Quô auditô, statim cecidit pronus in terram senex; multis etiam lachrymis profusis, cum diù in refutando Dignitatem oblatam persisteret, vix tandem breve tempus ad deliberandum obtinuit. Quo finito, ad Pontificis pedes revolutus, humiliter petiit ad suum Erëmitorium remitti, affirmans nullam sibi dignitatem chariorem esse, quàm veræ pœnitentiæ sanctissimum statum: neque alicubi sibi delicias futuras extra solitudinem. Ex his cùm intellexisset Pontifex piam ac synceram Viri Dei voluntatem, noluit eum cogendo contristare, sed totum in ipsius arbitrium dedit. Quam desideratam optionem adeptus Hieronymus, elegit esse abjectus in Domo DEI sui. Sic tandem recusata, imo liberè spreta dignitate, ad desideratum reversus est Eremitorium. O miserrime Munde! heu quam paucos possessores habes, qui sic concupiscentiæ, ambitionisve laqueos effringere norint. Omnes etenim post aurum, postque divitias abierunt. Hinc tantæ virtutis, tantiq̃ue meriti longè non distulit Deus promissum præmium. Nam confestim exeundi à pugna dedit triumphum; redeuntem à victoria, coronavit gloria. Siquidem in Eremum Montis Coronæ cùm pervenisset, intra dies paucos febricitare cœpit, crescenteque in dies morbo, feliciter migravit ad Dominum. Nec certè Mysterio vacat, quòd non in Eremito ipsa, sed in tuguriolo sancti Savini (quod ut diximus in medio Montis ascensu est) mori voluerit Vir per omnia pius, ut, scilicet, qui verè pauper fuit, de pauperrimo loco ad ampla Cœli palatia transiret. Obiit autem anno 1606. Mense Martij, feria quarta cinerum, ut verè pœnitens in maximo

ximo pœnitentiæ die suam finiret pœnitentiam. Sepultum verò in Capitulo Montis Coronæ corpus ejus requiescit. Cujus vita non sine sanctitatis expressis signis, nec sine divinæ virtutis demonstratione præteriiit. Contigit etenim cum aliquando in Criptis Almasaccii Prior esset, ut de mense Januarii vallis illa nivium abundantia obrueretur, ita ut per dies quindecim illuc quis exire, aut aliunde illuc ingredi prorsus prohiberetur. Unde factum est, ut Fratribus victui necessaria per totum deficerent, (fidelium enim solum largitionibus vivebatur) propterea Pater Procurator, nomine Constantius apud eundem conquerebatur, quasi fame, atque inedia Fratres in brevi perituri essent. Cui fidelis Pater; O Constanti, inquit, fili tu fidem non habes: putas quia deseret Deus Servos suos? Ipse dixit, & non mentietur, nolite solliciti esse quid manducetis, aut quid bibatis: confide fili & ora, non deerit tibi, nec Fratribus in crastinum oportunus cibus. His & aliis multis Procuratorem consolatus, ipse Ecclesiam ingressus, ante Altare humi se prosternendo (qui mos illi frequens erat) in multam noctem orationem traxit. Cœperat tandem tenuis, paulisper mitigato aëre, imber defluere, qui paulatim in abundantem pluviam crevit. Ecce manefacto, dum Prima in Choro de more diceretur, ostij tintinabulum pulsatur, illuc properanter currit Constantius, ostiario non expectato, ac foribus patefactis, hominem cum jumento, pane & aliis alimentis onustum, coram se stare videt. Maximo repletus gaudio nihil interrogat, sed veloci cursu ad Ecclesiam redit, & quasi divino stupore attonitus; Agite, clamat, Patres, agite gratias, misit Deus cibaria nobis. Erat autem homo ille ex domo Sanctæ Lucie de Ficano: qui cum in maxima pluvia venisset (mirabile dictu) se pluviam prorsus non sensisse

fisse asseruit, nec ejus pallium, aut sarcina in aliquo madefacta fuere reperta. Quod quidem miraculosum factum nostri Hieronymi orationibus non immerito attribuitur. Fuit Patavii nobilissima mulier, atque honestissima quondam Galeatii Bigolini nurus, quæ per annos decem, aut ed amplius in Matrimonio suo sterilis processerat. Hæc cum aliquando obviam habuisset Hieronymum; O Pater, ait, pete à Domino pro me filium, ne sine sobole moriar. Cui annuit Pater se facturum; nec à die illa, promissum præstare, hoc est, summo cum fervore pro repetita Domina orare, cessavit. Concepit Mulier intra menses paucos, nec unicum tantum partum enixa est, sed deinceps annuatim parere consuevit. Cum pia Mulier plures dilecto Marito genuisset proles, casu contigit Dei Servum in ejus domum venire, in cujus conspectu omnibus ( quos peperat ) infantibus positis: quid agir, inquit subridens, Mulier? O Pater, guttam aquæ ut peteres rogavi, tu verò copiosam pluviam impetrâsti mihi; desine jam pro fecunditate mea orare ad Dominum: satis enim superque sunt mihi hæredes. Porro tanti beneficii haud immemor extitit fœmina ista, quæ largas quotidie ad nostros Eremitas solebat eleemosynas mittere. Abbas quidam Olivetanus conversationis vitæque honestæ, nomine Cornelius Vendæ Præpositus, cum in ejus præsentia quidam prudentia, atque longa experientia ornatu Viri, de corruptela, item & virtute illius ætatis sapientissime differerent, hanc protulit in medium sententiam. Tametsi modò ætas hæc nostra satis depravata existat, unum tamen perfectum Virum hodie inveniri mihi persuasum habeo; Hieronymum videlicet Sueffanum Rhux Fundatorem Eremitarum Sancti Romualdi, de cujus integritate



tate comperta sunt mihi nonnulla indicia adeò singularia,  
ut ausim eundem inter Sanctos referre.

\*\*\*\*\*

## CAPUT XXIV.

### *De Vita Justiniani, Bergomensis, ejusque memoranda Doctrina.*

**P**ost acquisitionem Eremitæ præfatæ tertio, infallor, anno  
successit magni Justiniani Bergomensis obdormitio,  
nostræ Religionis præclarissima & ipse gemma, atque ful-  
gidum ornamentum. De quo, quanquam in præcedenti-  
bus, cum de ejus ingressu agebamus, quædam nos anno-  
tasse recolimus: uberiori tamen vena hoc loco innumeras  
ejus virtutes, laudabilemque vitæ cursum tractare non pi-  
gebit. Hic non ignobilis genere, nobilior tamen virtute  
fuit; ab infantia totus literarum studiis immerfus, brevi  
tempore in Philosophicis, ac Theologicis literis evasit do-  
ctissimus. Doctrina insigniter ornatus confestim se totum  
Deo dedit per Religionis ingressum. Exercitatio ejus lite-  
raria Patavii potissimum fuit; ubi & primum Religionis ha-  
bitum Monasticum in Cœnobio Sanctæ Justinæ induit. Vi-  
gesimo secundo ætatis anno, ut de virtute in virtutem ince-  
dendo, altiore perfectionis gradum ascenderet, ex Mo-  
nacho Eremita factus est in Eremo Camalduli, ubi per an-  
nos octo piè conversatus cunctis suavissimus sanctitatis odor  
(Delphino teste) extitisse comprobatur. Aiebat namque  
memoratus Delphinus Generalis, quibus de Justiniano ser-  
monem facere contingebat; quis putas Juvenis iste erit?

tantæ

tantæ profectò opinionis apud eundem Justinianus fuit, ut nulla inveniatur ad eum data Epistola, quæ non summas ejusdem laudes contineat. Erat huic cum Paulo Justiniano, dum ambo Camalduli viverent, summa, sed in sanctitate fundata familiaritas, eoque statim ut noviter fundatam, stabilitamque novit societatem hanc, ipsum secutus est. In qua quidem Congregatione, quasi lucerna omnibus, qui in domo sunt, ardens, mirabili quodam progressu per annos quadraginta vixit. Quid iste in agris ampliandis, redditibusvè augendis operatus sit, non invenio: quantus econtra in observantia regulari adimplenda, atque tuenda fuerit, crebra Fratrum cum gemitibus recordatio superabundè testatur. Quò enim magis secularia negotia, ac forenses strepitus odio habuit, eò magis pietatis, sanctimonixque exercitium adamasse cognoscitur. Simili modo per totam vitam terrenas opes abhorruit, atque castas animi delicias dilexit semper & ubique perfectionis iter constantissime tenebat; adeo ut septuagenarius factus, nihil de stricta sui Ordinis observatione remisit. Videntes hæc Patres obtestati sunt, quatenus modum poneret in consueto rigore suo, eò quòd propter necessitatem Ordinis eum longævum optarent; quibus hunc in modum respondisse fertur. Tamdiù, observandissimi Patres, me vobis utilem futurum existimate, quamdiu solitariae, seu Eremiticæ vitæ observatorem habebitis. In multis insignis fuit Vir iste; sed in quatuor excelluit. Hoc est, in studio literario, in divinarum officiorum devotione, in solitariae quietis, silentiique mirabili observatione, atque in secretæ contemplationis indeficienti fervore. Quæ ut de-

bito Ordine digesta memoriæ dare valeamus : principiò sciendum est, in Religione ista sua ætate nullum fuisse studiorem, seu scientiarum cupidior. Scripsit itaque Vir ille doctissimus opuscula multa, ex quibus pauca supersunt hodie, eò quòd paucissimis ante mortem annis propria cella (in qua cuncta ejus scripta custodiebantur) fortuitò incendiò, dum nocturnis vigiliis ipse assisteret in Ecclesia, combusta fuit. Sic proh dolor, sudores, vigilæ, & labores optimi Patris periêre. Supersunt tamen de tam multis quatuor opuscula arte & doctrinâ miranda. Ita officiosè sanctorum Patrum vitas legebat, ut dicere consuesset: *Vellem volumen hoc mecum unâ sepeliri, ut etiam post mortem solatium ex eo haberem.* Rursus tanta ei ad opus Dei persolvendum fuit animi affectio: ut dum in Eremitio esset, nunquàm sive noctu sive die intermissionem Chori admiserit. Ubi rectus complicatis manibus stans, plena voce, qua dotatus erat, tanto cum decore Deo laudes reddebat, ut aliquando (dum alium ad hoc ipsum inducebat) affirmaret: se ne verbum quidem, nedum versum per inadvertentiam omittere. Quoties Generalis, aut Prior eligebatur (quorum altero licet invitatus nunquàm carebat) strictè ostiario præcipere solitus est, ne dum in Choro Altissimo laudes redderet, sibi aliquid cuiuscunq̃ue momenti foret, nunciaret. Neque intervntu alicujus magnæ personæ, ut fieri solet, licet Cardinalis existeret, se interpellare præsumeret. Solitariæ quieti incredibile videtur, quàm ardentè incumberebat: eò quòd pluries in privata cella de more Eremitico inclusum mansisse, manifestum est: mansissetque usque ad mortem, nisi eum tanquàm Religioni utilem, ac necessarium prohibuissent Patres. Nec quidquàm antiquius illi contingere poterat,



terat, quam absque aliqua perturbatione liberè ad Deum mentem, animumque jugiter intendere. Quoties credis in divinis meditationibus occupatum transisse sine cibo diem? quoties sine somno noctem; Idcirco sæpe dicere solebat: cibi somnive memoriam, in mente benè in Deum elevata, tardius occurrere; non enim in solo pane vivere hominem longâ experienciâ didicerat. Ante matutini signum assurgens, divinas laudes meditando expectabat. Tandem anno 1563. cum ipse in prædicta reclusione maneret, Patribus Capitulum Generale celebrantibus visum fuit summo-  
 pere Religioni profuturum eum in Generalem eligere. Id cum præsensisset timoratus Dei Servus, epistolam, veluti ultimum vitæ suæ testamentum ad Patres Diffinitores scripsit. In qua cum omni humilitate eos deprecatur, ut animi sententiam mutare non dedignentur. Non equidem quia ipse obedientiam recusare, aut laborem fugere vellet, sed quia ultimus vitæ suæ terminus instaret. Addens, ex tali electione nil aliud evenire posse, quam studiorum suorum inutilem finem, ac Patrum desiderii acceleratam frustrationem. Sed his minùs assentiente Capitulo, è cella extractus, & Generalis factus est. Tertiò verò ab illa electione mense febricorruptus lecto prosternitur, atque paulatim invalescente morbo ad mortis articulum deducitur. Aderant frequenter infirmo, ut fieri solet, seniores Patres, quibus eum bono animo mortem suscipiendam hortantibus; sic respondisse fertur: Ego Patres, licet non meis meritis, sed fide vera, speque firmissima, atque misericordia Dei fretus, mortem, quasi Virgo Sponsum, expecto. Quibus & aliis ad ædificationem audientium prolatis, in Pace quievit, die sancti Laurentii 10. Augusti. O felix non jam Justi-

nianus, sed justus Eremita, & Dei Servus; qui ab exiguo tugurio ad ampla Sanctorum palatia translatus es: à stricta cellulæ clausura, ad latissimas Cœlorum plateas deambulandas pervenisti: qui tandem pro jejuniis, silentio, & corporis maceratione immensam Dei gloriam es assecutus. Quis enim dubitabit inter Dei electos regnare eum, qui in spiritu, vitæ suæ finem adhuc vivens tam perspicuè videbat? Unde non immerito quidam Cardinalis, cui notissimus erat, sæpe cum genitu dicebat: *O utinam cum Eremita Bergomensis animam meam permutare possem.*

Jam his paucis de tantis, ac tam multis Patris nostri virtutibus breviter exaratis, ad vos Venerandi Patres novissimum converto sermonem, atque fidenter comonefaciam, ne unquam è memoria vestra excidant ponderanda illius verba, quibus vos ad observantiam crebrò solita anxietate hortari solebat. *Nolite, inquit, Patres mei, ac Fratres dilectissimi, quòd semel benè, piè, ac sanctè institutum est, destituere, nec majorum vestrorum ob vestram parandam quietem intolerabiles labores despicere. Si augere sanctæ Congregationis nostræ perfectionem non valetis, nolite, obsecro, dissolutionis esse auctores.* Et rursus: servate mordicusque tenete primam servorum Dei (qui vos præcesserunt) justissimam simul, ac discretam vivendi rationem. Et iterum: Frequenter pugnemus pro Eremitica observantia, pro re autem augenda minime satagamus. Porro tantus Viguit semper in Viro Dei religiosæ pietatis zelus, ut non aliter vixerit, quam docuit: nec monuit aliud, quàm quod ipse implevit. Attendite ergò, in universum vos obtestor, piissimi Patres: ne vobis viventibus, regentibusve sanctissimi Romualdi pereat institutio; quin potius vigilate, ne in aliquo minuatur antiquissi-

tiquissima sanctorum Patrum indefessa, jugisque observatio; ac proinde cum omni diligentia, si quid inveneritis relaxatum, restringite; dissolutum colligite, confractum summo opere consolidare studete. Utique in tremendo iudicio, coram Iudice æquissimo (quem venturum fideliter creditis, ac sancto timore expectatis) de locis multiplicatis, vel locupletatis, de bonis sive redditibus adauctis, vel non adauctis, parva & fortassis nulla erit quæstio; at benè econtrà de votis emissis, de moribus, & consuetudinibus sanctis, prætermisissis, contemptis, vel derelictis, strictissima (mihi, imo Evangelio sacro credite) discussio fiet.

CAPUT XXV.  
*De B. Rodolpho Veronensi.*

Fuit in Societate ista Vir quidam Venerabilis, Patria Veronensis, nomine Rudolphus: iustâ corporis staturâ, vultu placido, graviq̃ue incessu dotatus; liberalibus disciplinis non mediocriter eruditus; cujus tamen præcipuum studium in Sacris Literis erat. In juventute sua inter Monachos Olivetanos conversatus, in virili autem ætate factus Eremita Camaldulensis, tanta in Religione ista integritate, morumq̃ue synceritate vixit, ut omnibus esset admirationi. Cujus conversatio per totam vitam non solum sine crimine, sed etiam sine reprehensione transivit, ut per annos viginti (quo tempore ferè semper in officiis fuit) ab Eremitio ostio non sit egressus. In senectute verò bis reclusionem obtinuit, quam mirabili constantia, ac legis ipsius custodia observavit. Rur-

fus



sus innata ei gravitas, & sincera morum integritas in causa  
 erat, ut ab omnibus unice diligeretur, pariter ac timeretur;  
 cujus vel oculi intuitus durior transgressoribus, reprehensio  
 videbatur, quàm cujusque alterius Prælati gravissima  
 correctio. Non erat austerus, neque hypocrisis vitio macu-  
 latus: sed ubique inque omni sua actione liber ac purus,  
 simplex & rectus. Induebatur juxta Eremitici instituti ritum  
 honestè, vestibus semper mundissimis utens: non nimia in-  
 edia delectabatur, neque indiscretas abstinentias affectabat,  
 sed summa cum discretione quotidianum cibum, prout illi  
 dabatur, manducans (aliqua semper particula relicta, sive ex  
 ordinario detracta) laudabili parsimonia gaudebat. Brevi in-  
 super somno contentus, ac moderatas vigilias servans, divi-  
 nis precibus, privatæque orationi jugiter vacare solitus est.  
 Ad nocturnas pariter, atque diurnas laudes primus semper  
 accedere, easdemque mirabili devotione, ac perfecta atten-  
 tione persolvere illi de more fuit. Noverat ille linguam fræ-  
 nare, labiaque custodire ne loquerentur dolum, silentium  
 nisi coactus rumpere, neque vaniloquium audire nisi invitus  
 assueverat: *Cui omnis laus proximi jucunda, & contra omnis  
 detractio abominabilis semper visa fuit.* Perpetua ei psalmorum  
 cum meditatione prolatio, ita ut quoties eum extra cellam  
 inveniri contigerat, aliquem per susurrum alloquentem judi-  
 cares. Fuit enim illi in celebrationibus decus, & in cunctis re-  
 ligiosis actibus gratia admiranda. Tandem qualis illi vita, talis  
 & exitus fuisse constat: nempe quietus, sineque afflictione,  
 imò cum manifesto lætitiæ signo spiritum exhalavit. Quam-  
 obrem post sanctissimæ vitæ perfectionem felicemque finem,  
 affirmare non dubitamus, ejus beatam animam è corpore ad  
 Cælos recta evolâsse, die 21. Aprilis, anno 1584.

ætatis suæ 79.

CAPUT

Vii

B

læ s  
 trax  
 clesi  
 gare  
 acce  
 man  
 dè a  
 cont  
 los t  
 huc  
 bili c  
 spici  
 glori  
 ipsu  
 Fam  
 milit  
 re de  
 pian  
 perc  
 rore  
 do f  
 Petr  
 tant

CAPUT XXVI.

*Vita B. Petri Germani Eremitæ Camaldulensis & B. Boni æquæ Camald. Ordinis.*

**B**Eatus Petrus Zelandrinus Germanus, clarissimus Eremita intra D. Papæ primū, & postea S. Bartholomæi Cellæ secreta ad 30. annos squallidus, incultusq; corpore moram traxit, dum nitidissimus in anima pro incolumitate S. M. Ecclesiæ in abscondito Cœlestem Patrem perpetua prece fatigare non cessaret. Quapropter sicut erat Divinæ bonitati acceptissimus, factum est, ut Pij II. Pontificis Maximi animam ad Cœlos per Angelorum manus deferri viderit, perinde ac S. P. Benedicto in excessu Germani Capuani Episcopi contigisse, proditum est memoriæ, collectō ante ipsius oculos totō mundō sub rutilante quodam splendore. Ferunt adhuc ex traditione eum in hæc tunc cū clamore verba ineffabili cordis jubilō præ mysterio prorupisse. *Respicite Fratres, respicite, ecce summi sacerdotis animam ab Angelis in Cœlum evectam gloriosa assumptione æthera penetrantem !* Quod ipsum, nec qui ipsius Pij Pont. gesta literis mandavêre, intactum reliquerunt. Fama est præterea in transitu cujusdam exercitus, quandam militum phalangem ad depopulandam sacram Eremum venire decrevisse: quod illuc magnam frumenti, & utensilium copiam à Casintinatis ob timorem Belli asportatam fuisse percepissent; eam ob rem Eremitæ maximo affecti sunt dolore: adeò, ut non defuerint pavidī, qui per alta juga fugiendo salutem sibi comparare studuerint; verū Venerabili Petro incluso Familiam in Domino JESU sperare enixe hortante, solennemq; supplicationem haberi, ubi Eremitæ bini & bini

& bini præcedente S. Crucis vexillo ad ejus cellam propinquant, Vir Dei ab oratione exilit, dextraq; signum S. Crucis contra milites, qui jam sylvam ingressi fuerant, vix formaverat, & Deus magnò miraculò, muro inexpugnabili densissimæ caliginis Eremum in ictu oculi circumcinxit, ut dies antea clarissima, in atras quasi noctis tenebras sit conversa, tantusq; horror omnes milites invasit, algor & confusio, ut non absq; magna difficultate demùm in castra redire potuerint. Super-vixit Venerabilis Petrus usque ad annum 1473. reliquit verò has fragiles umbras VI. Kalend. Maij nonagesimum & octavum agens annum. Corpore verò apud B. Peregrinum condito, Divini ei æque à Patribus sunt tributí honores.

Fuit B. Bonus Monachus Camaldulensis Vir simplex & rectus coram Deo, qui sua sanctitate Vitæ Monasticæ Institutionis profectum universæ Civitati Pisarum ostendere studuit, in cujus unguentorum odorem nobilium multi currentes, pariter & ignobilium ad sacrum Ordinem relicto sæculò festinarunt, aded ut Cœnobium quoq; S. Zenonis ejus Discipulis refertum sit. Nec defuerunt ex Patritio genere, qui Filios illi erudiendos tradiderint: quos inter Albertus Avitius, quod infans illi operam dedisset, curtem in Corsica Cœnobio largitus est, quæ montes, Colles, & planities continebat sextariorum innumerabilium anno 30. à loci constructione. Porro B. Bonus tanta se vitæ paupertate constrinxit, ut unicam tantum camisiam ex stamine habuerit, quam æstatis tempore sordidam vix lavare consuevisset, solâ pariter contentus tunicâ, in qua paupertate, sicut Christum verè vivens induit, sic quoddam ad æternas Divitias fervido pectore anhelasset, felici transitu confirmavit An. 1070. summa cum reverentia in suo Templo tumulatus.

PROLO-



# PROLOGUS

## *In Vitam Sancti Dominici Loricati Ordinis Camaldulensis.*

**A**Dmirandam Sancti Dominici Loricati exaraturus Vitam, vereor, ne fortassis à quibusdam incredibilis judicetur. Sed absit à me mendacium scribere. Nam qui veritatem pro Viribus cum Divo Petro Damiano veraciter colo, commentum fallaciæ non admitto. Neque enim illud Apostoli 1. Cor. 15. me latet; qui cum præmisisset; *Si Christus non resurrexit, inanis est ergo prædicatio nostra; præstò subjunxit: invenimur autem & falsi testes DEI, quoniam testimonium diximus adversus DEUM, qui suscitaverit Christum, quem non suscitavit, si mortui non resurgunt.* In quibus Apostolicæ sententiæ verbis, ut non diutius immoremur, in promptu lector intelligere potest, quoniam qui vel Deum, vel Dei Servum mirabile quid fecisse confingit, non modò fabricati præconii præmium non meretur, verùm etiam adversus eum, quem laudaverat, falsum testimonium protulisse convicitur.

A a a

CAPUT

## CAPUT XXVII.

### *Dominicus fit Monachus & Eremita.*

**D**ominicus itaque cum esset in sæculo Clericus, vigente tunc Simoniaca hæresi, quæ utinam jam prorsus esset extincta, ut Presbiter fieret, à Parentibus ejus data est Episcopo Hircinæ pellis aluta. Sed sicut ait Apostolus: *quoniam diligentibus Deum omnia cooperantur in bonum*, hæc una beati Viri culpa multorum post bonorum probatur extitisse materia. Nam hoc pavore perterritus, contempsit sæculum, induit Monachum, arduumque mox eremiticæ vitæ, tanquam bellator intrepidus arripuit institutum. Sed quia malè promotus est, donec vixit, sacrosancti Altaris ministerium, usurpare non præsumpsit. Virgo usque ad obitum fuit, & Vitam Eremiticam constanter coluit, in qua sub Magisterio Sancti Viri Joannis, qui dicebatur de monte Feretri, per plurimos vixit annos. In illa ergo Eremita quæ erat in regione Luceoli dicta, decem & octo videbantur cellulæ ad habitandum Fratribus deputatæ: ubi vivebatur sub hac Regula, ut nunquam vinum biberent, nunquam butiro, aut adipe alimenta condirent. Unum in dominica die, sed & quintâ feriâ pulmentum sumerent, quinque per hebdomadam diebus in pane, & aqua jejunium celebrarent, solis autem orationibus vacantes, vel manuum operibus insistentes, non agriculturam exercebant, non prædia vel aliquam substantiam, præter unum Sagmarium, possidebant. Unus ibi erat cum asello minister, qui ad conqui-  
rendas fruges indeficiens hinc inde discurrebat, solusque eos in cunctis necessitatibus sustentabat, Joannes scilicet, qui post-

postmodum loci Abbas factus, sub honesta rexit administratione conventum. Tenebant autem per totam hebdomadam districtam censuram silentium, quod utique dominica die post vesperum, cibumque solventes, habebant invicem usque ad completionem officii loquendi facultatem. Nudis praeterea pedibus in cella jugiter morabantur. Referebat autem ipse Dominicus, quia cum cohabitaret Ansoni, religioso videlicet Viro, quotidie per omnes horas canonicas disciplinam sibi et invicem scoparum ictibus ingerebant. Qui scilicet Anso Eremita aliquando conquestus est, quod novem diarias panis penfas simul in ventre haberet. Tanta quippe macerabantur inedia, ut aridus panis constiparetur in ilibus, & digeri difficillime potuit.

Illic etiam quidam frater erat, qui saepe vagabundus egredi de cella tentaverat, quem Joannes Prior Eremi. prout dignum erat, prius austerè corripuit, deinde in sua praesentia vapulare praecipit, cumque jubente Magistro, se coepisset induere, superbe locutus est. Quem rursus Magister exui, & denuò percuti praecipit. Sed iteratò se vestire incipiens, superbum quid efflare non cessavit. Sic tertio, sic quarto, & si rite teneo (*inquit Petrus Dam.*) usque sexies verberatus est, necdum tamen emendatus. Exutus enim & reindutus, humili respondere non potuit. Septima vero vice flagellatus, cum se coepisset induere, clara coepit voce clamare, dicens: ecce *Diabolus abiit*, ecce *nequissimus mei cordis habitator aufugit*, meque nexibus, quibus constringebar, *perfractis liberum reliquit*. Jam jam Domino, & Magistro meo libenter obtempero, ejusque me subdendum legibus per omnia re-promitto. Hoc modo frater ille ad humilitatis custodiam rediit, & in cellula jugiter perseverans de cætero irreprehensibilis vixit.

Aaa 2

Domi-



*Dominicus fit Beati Petri Damiani Discipulus.*

**L**ongè verò post Magistrò præbente consensum (*sic de se loquens B. Petrus Damiani*) dignatus est prædictus Vir sanctus mihi misero, & quem suscipere dignaretur, indigno, mira se prorsus humilitate committere, & sicut Abbati se Monachum subjugare. Cui nimirum præstitit, non accepit. Et quem susceperam velut in subjectione clientem, gaudeo me in schola Christi verè Philosophum percepisse & Doctorem. Tota quippè Vita ejus prædicatio, & ædificatio, doctrina erat, & disciplina. Sed quia nos nonnulla hujus sancti Viri dicta & facta jam variis locis inserta apposuimus, hìc ea solùm, quæ lectoris ædificationi profutura sint, referemus.

*Dominicus ferrea ad carnem lorica indutus.*

**I**n Epistola itaque ad Domnum Teufonem inclusum missa (*suum Magistrum loquentem intellige*) hoc me scripisse reperio; sed cur ego sanctos commemorando viros diversa passim loca perlustro, quandoquidem intra limen, & præ manibus teneo, ad cujus dignè efferenda præconia impar viribus non assurgo. Certe cellulis altrinsècus constitutis, solo Basilicæ mediantis interstitio, ego illeque dividimur. Cujus si virtutibus enumerandis invigilo, ante dies elabitur, quàm scribendi materia deficere posse videatur. Dominicum dico Doctorem videlicet, & Dominum meum, cujus quidem lingua rudis est, sed Vita artificiosa satis, & exemplaris. Quæ sanè Vita satis utiliùs ad ædificationem vivis operibus prædicat,

dicat, quàm sterilis quorundam lingua, quæ accurata phaleratæ urbanitatis verba inaniter trutinat. Longo jam elabente annorum curriculo, ferrea ad carnem lorica præcinctus, infœderabilem pugnam malignis Spiritibus indixit, semperque paratus ad prælium, non solum corde, sed & corpore præmunito adversus hostiles acies fervidus bellator incedit. Hanc autem continuæ Vitæ consuetudinem indifferenter tenet, ut vix dies ulla prætereant, quin duo psalteria modulando, utraque manu scopis armata nudum corpus allidat: & hoc remissiori quidem tempore. Nam quadragesimalibus circulis. sive cum pœnitentiam peragendam habet (crebrò enim pœnitentiam centum annorum suscipit) tunc per dies singulos, dum se scoparum tunsionibus afficit, ut minus tria psalteria meditando persolvit. Centum autem annorum pœnitentia, sicut ipso auctore didicimus, sic expletur. Porro cum tria scoparum millia unum pœnitentiæ annum apud nos regulariter expleant, decem autem psalmorum modulatio, ut sæpè probatum est, mille scopas admittat, dum centum quinquaginta psalmis constare psalterium non ambigitur, quinque annorum pœnitentia in unius psalterij disciplina rectæ supputantibus invenitur. Sed sive quinque vices ducas, sive viginti quinquies, centum faciunt. Consequitur ergo, ut qui viginti psalteria cum disciplina decantat, centum annorum pœnitentiam se peregisse confidat. Quanquàm & in hoc plerosque noster Dominicus superet, quia cum nonnulli unam manum in disciplinis agendis exerceant, iste, ut revera Benjamin filius, contra rebelles carnis illecebras utraque manu infatigabiliter pugnat. Hanc autem centum annorum pœnitentiam, ut mihi ipse professus est, facile sex diebus ex more consummat. Memini quoque; quia cujusdam Quadragesimæ immi-

imminentis initio mille annos imponi sibi per nos ad poenitentiam petiit, quos certe omnes ferme antequam jejunii tempus transigeretur, explevit.

Nunc ad Dominicum, de quo coeperat sermo recurrat. Enim verò cum hunc jam ipsa senectus deprimat, & crebris insuper languoribus contabescat, mirum unde illi tantus fervor incandeat, ut in spiritualibus exercitiis se semper invictum, semper infatigabilem reddat. Nam ut ipso referente cognovi, sæpè duo psalteria cum disciplinis stando continuat; ita ut neque interim sedeat, neque velad momentum à percussionibus incredibili mentis fervore quiescat. Inquirenti mihi aliquando, utrum possit cum ferrea vestis pondere aliquantisper genuum flexionibus insudare, sub hac mihi dedit obscuritate responsum: *cum incolumitas mihi, inquit, votiva respondet, quandoque per omnes totius psalterii quindenos psalmos centies genua flectere consuevi.* Quod quidem tunc non adeò diligenter attendi, postmodum verò quod dictum fuerat; mente revolvens, à debili homine mille metaneas in uno psalterio fieri, admiratus expavi. Quadam die post vesperam, cellulam meam ingressus, Magister inquit (hoc enim indigno vocabulo me ex humilitate compellat) hodie feci, quod hactenus fecisse me non memini, octo nempe psalteria inter diem & noctem modulatus explevi. Videbatur autem tunc totus vultus ejus ita scopis attritus, ac sulcantibus quibusdam vibicibus livefactus, tanquàm si pila fuerit ptisanarum more contusus. Psalmodia sane illi idcirco tam facilè provenit, quia non tam verba, ut ipse asserit, lingua perstremente revolvit, quàm

sensum mentis vivacitate percurrit.

Law-



*Lautior cibus ejus panis cum feniculo.*

**A** Liquando à me remotus habitabat, cumque ad me ingressum, quibus tunc se vitæ legibus regeret, percontatus fuisssem: respondit se carnaliter vivere, & quintis semper feriis cum dominicis diebus à solito se abstinentiæ rigore laxare. Requisitus utrum quolibet pulmento, ovis vel caseo vesceretur, negavit. Rursus si piscibus, aut pomis; pisces, ait, & poma, si qua sunt ægrotantibus præbeo, quorum non minimam multitudinem jacere in nostris partibus ingemisco. Cumque illum durus exactor in angusto concluderem, dicens: unde ergo illis diebus remissius vivis, si nihil eorum comedis, vel necesse sit vel ignibus decoqui, vel in arboribus inveniri? Respondit: Feniculo, inquit, cum pane libenter vescor. Mox ego peritè cognovi, quàm carnaliter viveret homo, qui suas delicias in Feniculo constituisset. Habet plane uberem lachrymarum gratiam, sed alternam. Cum reclusus sub districto se silentio reprimat, mox ut voluerit, affluenter plangit. At si colloquio frequentetur, fletum se amisisse conqueritur: nam & ego illi sæpè penuriam meæ ariditatis impropèro, dicens: Heu, inquam, mi Pater, istæ tuæ lachrymæ infœcundæ sunt, quæ alias orando lachrymas parere nequeunt. Optarem namque, quod consequens est, nimirum ut sicut tu mihi pater es; ita & tuæ lachrymæ, mearum lachrymarum fierent genitrices.

In regula quoque Eremitica hoc inseruisse me recolo. Dicam. Sed quis scit, utrum fides assertioni fidelissimæ præbeatur? At parvipendendum est, si humana, temeritas arguat, quem summa veritas falsitatis excusat. Est inter nos,  
qui

qui nonnunquam uno die continuato cum nocte, novem psalteria meditando decurrat: & interim penè semper utraque manu scopis armata nudum corpus afficiat. Notandum autem, quia dum hæc peragere satagit: nocte vel die dormire non vacat: sed aliquandò genua flectens, dum caput in terra deponit, sic nudo repente somnus obrepit, quò solò contentus est. Hic mihi aliquandò fraterna familiaritate conquestus est: quia cum novem sic psalteria sæpè modulando perficeret, ad decimum nunquam potuerit pervenire.

In Epistola quoque, quam Blanca Comitissæ direximus, hæc nos indidisse videmur: *utinam daretur tibi nunc Dominum meum videre Dominicum, qui quod imperita lingua conamur officio, ipse te efficaciori luculentissimæ Vitæ doceret, & informaret exemplo.* Hic denique tribus jam circiter annorum lustris lorica ferrea vestitur ad carnem, duobus autem ferreis circulis in corpore cingitur, duobus item per brachiorum armos arctatur.

### *Duodecim psalteria continenter absolvit, virgis interim se cruentans.*

**S**ed quia de illo in aliis jam opusculis varia, digessimus, nunc quod vix ante sex dies ad nos veniens retulit, proferamus. Ait itaque: contigit me nosse, quod scripseris, novem me uno die psalteria decantasse, cum corporalibus disciplinis. Quod certè cum audivi, tremefactus expavi, & conscientia remordente congemui. *Vae, inquam, mihi ecce hoc de me, nesciente me, scriptum est; & tamen utrum hoc à me fieri potuisset, ignoro.* Ergo rursus experiar, & an hoc implere potuerim, indubitanter agnoscam. Quarta igitur feria me vesti-

vestibus exui, & armata scopis utraq̃ue manu, totam noctem ducendo pervigilem, psallere, ac me verberare non destiti, donec die altero, decursis duodecim ex more psalteriis, die tertiodecimo ad psalmum *Beati quorum*, usque repetavi. Porro quod nobis durum sæpe videtur & asperum, quàm ille puerile deputet, ac despectum, unò doceamus exemplò. Frater quidam cum se scoparum ictibus nimis abhorreret atterere, atque ut ipse sibi plagas inferret, gravissimum indicaret, tandem tamen Domini Domitici (*sic à proprio compellabatur Magistro*) crebris insistentis admonitionibus aquievit, ac per modulationem totius psalterii, & insuper quinquaginta psalmorum sibi disciplinam propriis manibus inferre non cessavit.

Erat autem nox illa præcedens dominicam diem, & B. Michaëlis festivitatem. Cumque factò mane ad prædictum senem frater ille venisset, timensque ne de discretione redargueretur, cum quod egerat, per ordinem retulisset, hac ille voce respondit: *Noli frater pusillanimis esse, vel pro hactua quæ nunc est, infirmitate diffidere, potest enim te Deus ex imis ad altiora provebere, & hujus lacteolæ tuæ conversationis infantiam ad juvenilis roboris incrementa firmare.* Et adjiciens ait: *nos etiam primo pedetentim cepimus, sensimque ad quod nos Divina pietas perducere voluit, licet imbecilles, ac fragiles perducti sumus.* Sicque factum est, ut non eum de immoderato fervore, sicut ille timebat, argueret, sed ne desperationi succumberet, tanquàm qui minimum quid egerit, animum refoveret. Hujus itaque sancti senis exemplo faciendæ disciplinæ mos adeo in Italia inolevit, ut non modò Viri, sed & Nobiles mulieres hoc purgatorii genus inhianter arriperent. Nam & Relicta Theobaldi, sublimis utique generis, & non infimæ Dignitatis, mihi aliquandò retulit, per præfixam hu-



jus disciplinæ regulam centum annorum se pœnitentiam peregisse.

In Epistola etiam ad Joannem Priorem Eremitæ, quæ juxta Suavicinum montem est constituta, cum eum, ejusque subiectos ad extensionem brachiorum in orationibus exhortatoriè provocarem, dixi prius de quodam ferventissimo in amore Christi fratre nostro, Adam nomine, deinde Dominicum in exemplo subjeci, ita inquit: habemus autem quendam juveniculum fratrem, qui mihi confessus est à capite usque ad finem psalterii elevata se brachia tenere, dum psallit, ita ut laquear tabulatum cellulæ manibus sæpe contingat. Hac tamen discretione servata, ut per quinquagenos psalmos ad momentum brachia remissa deponat, & protinus erigat. Habemus & alterum provectioris ætatis, extenuatum videlicet senem, & ut tibi secretè confitear, hic Dominicus est. Is igitur quandam scriptunculam reperit, ubi continebatur: quia si quis duodecim illic notatos psalmos vices quater, erectis in modum crucis brachiis caneret: pro uno posset anno pœnitentiæ regulariter satisfacere. Protinus ille in exercitium id quod innuebatur, arripuit, & duodecim illos psalmos extensis in modum crucis brachiis, sicut dictum est, viginti sex vicibus sub nullo prorsus intervallo, sed uno ductu quotidie decantabat. Enim verò quasi quidam divinus ignis in ejus pectore jugiter æstuabat, qui nunquam permittebat eum à spiritualis exercitii labore quiescere. Aliquandò namque cum ego perquirerem sacrosancto die Paschali cæteris fratribus juxta morem, meridie quiescentibus, utrum & ipse dormisset, ait: Certè, Pater dixi in corde meo; quid mihi tam longis adhuc noctibus in die dormire. Extensis itaque in crucis effigiem brachiis, Psalterium cœpi, quò me sic  
stante

stante decurso , signum protinus horæ nonæ personuit. Hoc itaque modo junxi victoriam crucis cum gloria Resurrectionis. Aliquando cum de quotidianis, ut mos est, invicem confabularem operibus, ait: hac etiam nocte, quid mihi contigerit, manifesto. Nam dum solutus sopore surrexi, mox brachiis in modum crucis extensis, Psalterium cœpi, cumque psalmis omnibus & canticis, quæ sequuntur, hymnisque decursis, eo loci jam essem, ut solo Catholicæ Fidei psalmo, & Litaniis deberem cuncta concludere, accidit in mentem, ut interim ista dimitterem, ac pro defunctis psalterium decantarem. Igitur brachia non deprensens, ad Defunctorum psalterium transii, quod juxta morem per quinquagenos psalmos trifaria lectionum interpolatione distinxî. Quo sic expleto, ad id protinus quod omiseram, redii: atque hoc, quod de primo psalterio reliquum erat, explevi. Cumque de tertio consequenter aggre-diendo Psalterio cogitarem, repente signum nocturnæ synaxis insonuit, quod me depositis ulnis, officium cum fratribus celebrare, coegit. Et hoc factum eo anni tempore, quo noctes breviores erant.

### *Dominicus scutica se flagellat.*

**A**liquot porrò ante obitum annis, quasi novum supplicii genus inveniens, virgarum scopas in corigiarum scuticas vertit, semelque gustatò, quia duriores sunt, in his verberandi se consuetudinem posuit. Hoc flagellum, si quandò egrederetur ex Ere-mo, portabat in sinu, ut ubique eum jacere contingeret, à verberibus non vacaret. Aliquandò verò cum loci occasio non permitteret, ut totum se posset exuere, per crura saltem & femora, per ca-

put atque cervicem senon cessabat affligere. Circulis quoque ferreis quatuor, quia sibi met præ longa consuetudine quasi jam viluerant, quatuor item superaddidit, ut duobus in coxis, duobus consequenter in cruribus stringeretur. Enim verò loricas, quibus utebatur tanquam cilicia, vellanea quælibet indumenta, post menses, sive post spatium prolixius abluebat, ut rubiginem deponerent, & aridis ingerendam membris eredinem non haberent. Porro cum omnes qui in cellulis habitamus in id nitamur, ut promuniendis à frigore pedibus vestimenta usque ad imum defluant pavementum, hoc etiam ipsi superfluum videbatur, quia cum in Eremito semper & ocreas nesciret, & calceos, vestes tamen ejus ad tibias vix medias descendebant. Nudatus autem in Capitulo ad suscipiendam disciplinam, quod omittere nunquam volebat, exesis jejuniis membrum, & hamatæ lorice mole detritis æthiopiam contraxisse nigredinem videbatur. Vestimenta verò lacera, videbantur vetustate consumpta. Hoc mihi sæpè dicebat: in hoc psalmodia provenit cito psallenti, si cor ad verba inclinatum habeat, ut quod lingua loquitur mens veraciter comprehendat: alioquin si cor vagatur, psalmorum cursus ad finem, nunc lingua fallente, nunc tepescente, tardè perducitur. Aiebat etiam, *quia somnus somnum adescat, & vigiliae vigiliis pariunt.* Nam corpus humanum, in quo paulatim prius enutritur, in hoc per incrementa postmodum roboratur.

Sed hic me quispiam fortasse redarguet, qui videlicet; non tam quem vivendi ordinem Vir sanctus habuerit, sed quibus miraculis in hac Vita claruerit, audire festinat. Cui me breviter hoc respondere sufficiat: quoniam & Maria & Joannes Baptista miraculum fecisse non leguntur, cum tamen eorum Vita, non qualibet scripturâ, sed Evangelio testante,



stante, narretur. Quanquam Maria in solo partu quem edidit omnium proculdubio sanctorum Virtutes ac signa præcellit. Hoc etiam inferam, quia uberiores fructum præbet audientibus sanctorum Virorum mirabilis Vita, quam ostensa miracula. Illa siquidem exigit imitationem, ista solum ingerunt admirationem. Miracula docent quales illi sancti fuerunt, Vita verò insinuat, qualiter & nunc homines fieri valeant sancti. Præterea qui Miraculum quæris, nonne tibi videtur esse mirabile, hominem fragili adhuc carne circumdatum, ut ita loquar, Angelitus vivere, adeò ut inter quamplurima hominum millia vix unum ei similem valeas reperire. Et certè quàm plurimi hodie quoque sunt inferioris Vitæ, per quos Deus omnipotens dignatur virtutes ostendere.

Jesu teste, non mentior, quia necdum tres menses elapsi sunt, ex quo ad me, in Gamuni videlicet Eremo diversantem, duo adolescentes Monachi venerunt, quorum alter de spoletina Monarchia, alter verò de Venetiæ partibus, Polensi videlicet Urbe, oriundos se esse dixerunt. Sed Venetus, vocabulo Michaël, sicut nobis in confessione perhibuit, in ipso suæ conversionis initio, circulo se ferreo sub hac desiderii sui pactione constrinxit, rogans Dei omnipotentis obnixè clementiam, ut cum locum salutis suæ congruum reperiret, confestim ille circulus frangeretur. Porro ipso die, quo Ereum novus hospes ingressus est, vix post trium horarum spatium, dum in B. Benedicti regula, licet esset idiota, utcunque syllabatim legeret, repente compunctionis eum Spiritus in lachrymas solvit, eodemque momento circulus ille fractus apparuit. Quod miraculum quoniam alibi jam nos descripsisse meminimus, celeriter transcurrentes, sequens aliud, quod necdum literis insertum est, enucleatius digeramus.

Beati

*Beati Viri Dominici in domanda carne  
excessus.*

**P**Aulò namque post Ravennam Urbem, me iubente per-  
rexit, ut reculas suas, atque sarcinulas, quas ibi de  
navi prodiens reliquerat, exportaret. Illic itaque apud fa-  
briles officinas nova ferreorum nexuum armamenta confin-  
xit. multisque se vinculis per diversa membra ipse sibi met  
iudex, & reus violenter arctavit. Nam duo dependebant  
vincula cervicetenus per humeros altrinsecus, hinc ad lum-  
bos, illinc usque ad femur: duos verò à coxalibus circu-  
los, duos suscepit in ulnis. Undique igitur tam multipli-  
ci constrictione vallatus, ad nos rediit secretè, quod circa  
se factum erat, ostendit: neve quod fecerat immutarem,  
vix tandem voti compos obtinuit. Sed cum hæc illum ul-  
tra vires tormenta gravarent, & ex attritis carnibus jam  
jam fætor erumperet, insuper accessit, quòd cor fratris glo-  
riam respicientis acrius perturbavit. Cœpit enim hujus my-  
sterii fama prorumpere, & prius per fratrum, deinde per  
ora supervenientium quorumlibet volitare. Rogavit itaque  
omnipotentis misericordiam, ut quid sibi super hoc cœpto  
placeret, per suæ Virtutis indicium evidenter ostenderet.  
Interim dum hujusmodi precibus frequenter insisteret, bis  
per somnium confortatus audivit: quia ferramenta illa jam  
essent divinitus resoluta. Prouti in festivitate Beatorum A-  
postolorum Simonis, & Judæ, quam nuperrimè celebra-  
vimus, dum nocturno cum fratribus interesset officio, duo  
illa ferramenta, quæ super humeros posita utrinque infe-  
rius dependebant, ventremque cum renibus coarctabant,  
prorsus effracta sunt: & unum in duas, alterum in tres di-  
visum

visum partes. Cæteri verò circuli, non quidem per partes abrupti, sed ita laxati sunt, & quadam facti sunt mollita lenitate flexibiles, ut quodammodò non tam ferrei, quàm plumbei viderentur, adeò ut etiam si vellet defluentibus eis, ac pro labentibus astringere se, ultra non posset. *Sic igitur Frater, qui sanctæ devotionis astuanti fuerat ardore constrictus, pio Dei judicio est mirabiliter absolutus.* Quid ergo magnum si per Dominicum, mirabilem scilicet Virum, signum aliquod Deus voluisset ostendere, cum in ipso tyrocinij sui exordio per hunc juveniculum duo miracula dignatus est exhibere; cum laudabilius esset fortia peregrisse, quàm nova? Unde David cum præmississet: *Mirabilis Deus in sanctis suis* protinus addidit: *ipse dabit virtutem & fortitudinem plebi suæ.* Non ait signa, sive prodigia, sed ipse dabit virtutem & fortitudinem.

Præterea cum Romanus quidam Stephanus nomine Judex sacri Palatii rem administraret Auximi, exigente causa, Dominicus ad eum venit, eumque super quadam Eremita possessione, quam ex jure sedis Apostolicæ detinebat, obnixè rogavit. Quem ille utpote nulla vestium compositione festivum, despiciens sprexit: eique nihil eorum, quæ poscebat, indulxit. Cumque sibi à circumstantibus diceretur: Noli eum tam durè excipere, sanctus enim Vir est. Ille tanquàm fel evomens ait: *Sit Sanctus, ut vultis: sed B. Petrus certè sanctior est, cujus ego causam in hac administratione defendo.* Igitur impos cœpti Dominicus ad cellulam rediit; ille quoque post paululùm reversus est Romam. Porro puer quidam despicibilis, qui ad exequendum quodcunque negotium in administratione remansit, quidquid Dominicus petierat à judice, cuncta reverenter implevit. Judex autem postquam ad propria reversus est, hostilibus gladiis per-

fossus,



fossus, interiit: multasque divitias, quia sobolem non habebat, extraneis hæredibus dereliquit.

Erat præterea Dominicus valdè cautus in verbis, ut aptè sibi congrueret illa sententia, quâ Jacobus Apostolus ait: *Si quis in verbo non offendit, hic perfectus est Vir.* Nam si quandoque etiam quereretur, quâ diei hora esset, nunquam absolutè dicebat, tota est, sed cum additamento semper, *propè tertia hora est, propè sexta hora est.* Inquisitus à me cur semper ita diceret: in hoc, inquit, mendacium caueo. Nam sive fit hora transacta, sive adhuc fortassis immineat, propinqua tamen est, quæ videlicet à momento, in quo loquimur, non elongatur.

Habebat aliquandò cellulam juxta Monasterium, quod dicitur Conjunctuli. In vigilia itaque Dominicæ Nativitatis, cum tota præcedenti Quadragesima mansisset inclusus, tantisque jejuniis, atque laboribus esset vehementer afflictus, invitante gloria solemnitatis egressus, coram Abbate loci humiliter procidit, veniam petiit, actus suos & cogitationes lachrymabiliter accusavit. Ille autem ut erat juvenculus, levis moribûs, & consiliis Spiritualibus insuetus, cum sibi sufficeret unum psalmum; vel per exiguum quid imponere, præcepit; ut pro his quæ confessus fuerat, triginta psalteria decantaret. Quâ nimirum ille sententia velut sagitta percussus, ad cor rediit, atque hoc provenisse ex divini judicii dispositione deputavit. Itaque regressus in cel-

lulam, nunquam prodiit, donec præfixum indictæ  
pœnitentiæ canonem instantissima sedulitate  
persolvit.

*Felix*



*Felix Beati Dominici excessus e Vita.*

**S**olebat autem per intervalla, licet parcissimè, vinum bibere, sed longè antequàm defunctus est, decrevit ab eo penitus abstinere. Ut itaque jam omissis cæteris ad obitum veniamus, patiebatur gravedinem stomachi, crebris insuper capitis doloribus cruciabatur. Et quoniam alterum sæpe procedit ex altero, proposuit ad purgandum stomachum antidoti summere poculum. Sexta igitur feria per continuum diem vix desit, vel modulandis psalmis insistere, vel corrigiarum ictibus se flagellare. Nocte verò sopore deposito, suscepit antidotum, deinde cœpit angustiari, & de stomachi dolore graviter conqueri. Post decursum itaque nocturnæ synaxis officium, post matutinos hymnos, cum prima jam hora sibi à Fratribus qui aderant cantaretur, Sanctum Deo Spiritum reddidit. Invenierunt autem & alteram loricam, præter eam quâ indutus erat, lateribus ejus syndonis more substratam: unde suspicati sunt Fratres hoc sibi præter consuetudinem nullatenus accidisse, & quia se sub eam sanus tenere consueverat, super quam videlicet, & infirmitate jacebat.

Somniaverat autem tunc quidam Frater de me, quoddam oculorum lumen amiseram. Quod dum ego Hildebrando Venerabili Romanæ Ecclesiæ Archi-Diacono in Lateranensi Palatio retulissem: Nequaquàm, inquit, ut times, hoc tibi propinquæ est mortis indicium, sed familiaris tibi aliquis extinguetur, qui tibi & charus sit, sicut oculus, & lumen tuum, ac splendor in bonis operibus videatur. Et, ô verum, sed amariùs omni felle præsagium! tertio die postquàm Ro-

manis mœnibus sum egressus, ecce mihi relatio crudelis occurrit, quæ mihi nihilominus opinanti excæcatum me remansisse perhibuit; Dominum scilicet, & illuminatorem meum Dominicum ex hoc sæculo nuper egressum. Illicò mihi liquidò patuit, dum ille petiit lucis Auctorem, in tenebrarum me remansisse caligine. Fratres autem corpus ejus, ne à vicinis Monachis eorum raperetur è manibus, in eadem, in qua defunctus est, cellula, defossâ humo, celeriter obruerunt. Nos autem ipso die Dominico, quo Ereum ingressi sumus, sanctum Corpus inde sublatum reverenter, ut dignum erat, in Capitulo sepelivimus. Et cum nonus esset depositionis ejus dies, prædictum Corpus sanum illibatumque reperimus.

Eant nunc qui carnis suæ delectantur illecebris, medullas absorbeant voluptatum, & occisionis victimæ ad æternum nutriantur incendium. In superbiam se cornibus effeant, ventilent innocentes, ad votum molliter vivant, ut eorum viscera postmodum pœnis semper ultricibus amarescant. Nunc velut infrænes equi, per voluptatum suarum prata discurrent, ut post eorum manus & brachia districtiōnis extremæ lora cohibeant. Dominicus autem noster stigmata JESU portavit in corpore; & vexillum Crucis non tantum in fronte depinxit, sed cunctis etiam undique membris impressit. Exustus & aridus ab humore calami, & junci uberibus cœlestis gratiæ meruit imbribus irrigari. Hic ferreâ lorica præcingitur, illic niveis Angelicæ gloriæ vestibis decoratur. Hic duritiâ cubilis atteritur, illic molli Patriarcharum gremiō confovetur. Tota hæc vita facta est sibi Parasceve crucis, illic autem festivus & splendidus æternam celebrat gloriam resurrectionis. Nunc inter ignitos supernæ Hierusalem lapides emicat, nunc ornat

tus



tus victoriarum Suarum titulis æterna laude triumphat, atque in illa beatorum Civium jucunda societate conjubilat.

## CAPUT XXVIII.

### *VITA Sancti Parisij Monachi Camaldulensis.*

**P**ARISIUS Bononiæ annô millesimô , centesimô quinquagesimô primô ex honestissimis, piisque Parentibus ortus, adhuc Infans divino spiritu adeò repletus est ; ut cum in ætate quinque Annorum cuidam Mulieri , quæ prima elementa pueros docebat, operam daret ; quadam die sitiens parùm aquæ ab ea expetiit. Cui illa indulgere volens : pretiosum poculum ; sicuti eum , ut dulcissimum puerum amabat ; Parisio obtulit : quod fortuitò ex manibus prolapsum cecidit, & comminutum est. Tunc ergo Magistra ejus scemineo more in lachrymas prorumpente , Parisius Dei gratia actus fragmenta cunctis inspicientibus collegit, super quæ signô Crucis factô Poculum integrum magnô miraculô Magistræ restituit. Ea re divulgata, de Puello Parisio per totam Urbem magna excitata est opinio ; quod in Virum Dei perfectum foret evasurus. Ille autem ætate, & gratia apud Deum, & homines crescens, ubi pueritiæ attigit annos, magna morum, & virtutum documenta præbuit, adeò ut vitiorum incentiva, quæ teneram ætatem inficere solent incredibili modo averfaretur, limina Basilicarum assidue frequentans : & non nisi de spiritualibus sermonem faciens. Quin etiam inædiâ , ac vigiliis Corpus teneraque

membra sic macerabat , ut nemini dubium fuerit eum ad Religionem natum. Duodennis itaque mundi inquinamenta devitans , soli Deo placere cupidus ad Sacram Camaldulensem militiam, Cœnobium nempe S. Damiani convolavit. Illic autem in mutatione pristini habitus ante omnia ordinem Vitæ, Monachorumque gravitatem considerans, difficilè dicta est, quanta se adhuc Puer humilitate, patientiâ, obedientiâ, charitate, ac sanctimonia comparaverit verum Dei Servum ; quàm creber fuerit in oratione, quàm cœlestium bonorum deditus contemplationi, & quàm subinde, adolescente corpore , Dæmonum superare tentationes, ac Carnis titillationes jejuniis, cilicio, & hostis profligatione laboraverit. Quò factum est , ut ipsius frugalitatis, ac Sanctimoniæ exemplis Cœnobii dignitatem plurimum amplificaverit, universæ verò Religioni quasi mellifera apis fuerit apprimè utilis, ac necessarius. Missus Tarvifium cum vix trigesimum ingressus est annum commissum sibi Sanctimonialium gregem adeò sanctè , ac piè Monachicis institutis informavit , locique amplificationi , ac splendori incubuit, ut Venerabiles Mulieres , quasi Angelum Dei sibi missum cœlitus cognoverint. Accepit Vir Venerabilis Parisius in ea administratione, ut verè bonus, à Deo Spiritum Perfectionis, & Prophetiæ. Usque adeò , ut Angelicus Medicus oppressis à Cacodæmone, & variis morbis laborantibus destinatus è Cœlis videretur. Deploravit futurum Cœnobii excidium , & concionando omnes Urbis clades Tarvisino Populo vaticinatus est , quæ post ejus mortem variis temporibus contingere. Accidit novissimis diebus, ut Albertus Reverendissimus Urbis Episcopus ; qui ad pedes Venerabilis Parisii peccata diluere semper voluit , ob quasdam cruentas rixas, cui interfuerat , Romam à summo Pontifi-

Pontifice ad dicendam causam evocaretur. Ille ergo, Episcopalem dignitatem perdere subveritus, Virum Dei cum mœrore consuluit, ut quid sibi agendum esset, disponderet. Cui Vir Sanctus, *ne trepides Reverendissime Pater, jussionem summi Sacerdotis exple, quia veniet tibi auxilium de Sancto, salvusque, atque incolumis ad gregis tui ovilia remeabis* Quod ipsum exitus ad unguem probavit. Inter miracula, quæ Deus meritis Servi sui, dum viveret, fecit, hæc ab ipso Episcopo prodita sunt memoriæ. Famulus suus quadam vice Vitem super arbore putans, fortuito casu in terram cecidit, atque crus fregit. Cum verò nullatenus posset resurgere, magno ejulatu auxilium de terra postulabat. Accurrit Vir DEI Farisius, ejusque casum miseratus orationem repente pro illius incolumitate ad Deum fudit, moxque tibiam signò Crucis consignans, pristinae languentem Virum restituit Sanitati. Qui gratias Deo agens, alacer ad interceptum rediit opus. In Monasterio item Benvenuta quædam ex Sacris Virginibus per sex Annos gravi crucis dextri ariditate vexata, adeò, ut genu monstruosè curvum haberet, & pedis digitos contractos, meritis Beati Patris multum confisa, sese ei summo cordis affectu commendavit, & pristinam consecuta sospitatem Monasterii officia exinde semper exercuit. Andreas de Piro (qui unus ex testibus juratis ejus Sanctitatis fuit) cum maximis sinistri brachii conficeretur doloribus, ad Virum Dei veniens, eum pro se orare, ac manu languentia Membra tangere, suppliciter est deprecatus: quod cum Vir sanctus fecisset, confestim omni liberatus infirmitate dedit laudem Deo. Puer quidam Faber lignarius podagrâ sævissimè laborans, nullò pactò gressum movere valebat. Ei Abrianus tunc insignis Medicus (qui pariter unus ex juratis testibus ejusdem sanctitatis fuit) cum



cum multis modis diu medicinam adhibuisset, nihil omnino profecit: is denique ad Virum Dei delatus, ex signo Crucis pristinam consecutus est sanitatem. Anno 1267. postquam Venerabilis Pater Parisius Cœnobio S. Christinæ septuaginta ac septem annos præfuerat, annum 116. agens, gravi laborans senio, ac corpusculi exesis membris, levi quadam adversa valetudine cæpit laborare. Interea Puer quidam Feltrensis contractis pedibus ad eum in lecto decumbentem delatus, altera die se incolumitati donatum gavisus rediit ad propria. Post paucos dies Vir Dei febri absumptus innumera multitudine circumstante Animam gloriosam Virgo Deo reddidit die 11. Junii. Tùm deplorantibus cunctis Viri Dei transitum, & corpus piò more osculantibus, placuit divinæ Bonitati ejus innocentiam patienti signo hujusmodi planam facere. Quidam enim hæreticus candelam ardentem in manu habens intulit. *Si is Sanctus est, manus mea, uti hæc candela ardeat.* Ecce repente ignis ejus manum invadit: tunc miserum hominem excruciatum, mortisque terrore confectum pœnitet, omnes pro se orare supplicat, dansque laudem Deo, & Parisio cunctis præsentibus sospes efficitur. Sacro corpore honorificentissimè sepulturæ tradito, innumera Beneficia Populi consecuti, Cœnobii mutato nomine, illud Sancti Parisii usque ad hæc tempora semper denominaverunt. Ei autem divini honores decretò ipsius Alberti Reverendissimi Pontificis tributi sunt. Hic Vir Pientissimus ejus miracula, in publicam formam diæcesano jure, præmisso testium juratorum processu, qui ea viderant, redigenda curavit. Interea hæc leguntur, præter supra scripta. Donatus de S. Floriano Feltrensis (qui unus fuit ex testibus) filium Bucca nomine, qui cadens, oculum turpiter attriverat, ad arcam Beati Parisii adduxit,

adduxit, votoque emisso frumentum ad pondus nati offerendi, eum extemplò sanum factum domum reduxit.

Tranquillina Albertini incurabili infirmitate agitata in pede dextro, adeò, ut nec die, nec nocte quiescere posset: monita per visum se ad sepulchrum S. Parisii conferre, baculo innixa iter arripuit, & statim se in corpore nullam læsionem habere, gratias agens DEO, persensit.

Puella mendicans manum stupidam habens, factò votò ad Corpus B. Parisii sanitatem repente recepit.

Cum Puella germana, & alia Mulier cæcitate oculorum laborantes, ad Altare venissent, & Deum adorassent, ambæ maximo omnium stupore oculorum visum recepêre.

Alia item Puella Veronensis, quæ oculorum beneficio carebat, audita forma miraculorum B. Parisii, ad ejus corpus veniens, voti compos effecta cum gaudio remeavit ad propria.

Agnes Marchesinæ de Parochia S. Agnetis Venetiarum, aposthemate se manum amittere videns, cum Matre ad Mausolæum Beati Parisii veniens libera ad lacunas rediit.

Venetus item alius Nobilissimus Vir cum Uxore gravissima infirmitate illa, quæ vulgo vermis carnis dicitur, circum guttura corrodebatur: itaque votò ad Sanctum Parisium factò, uterque ab eo morbo liberatus est, & Dei in Sanctis suis magnalia celebravit.

Mulier Germanica à dæmone vexabatur, cum hanc Exorcistæ Sacerdotes de more liberare operam navarent, clamabat per os dæmon, se non nisi in Parisio egressurum, consanguinei ergo Parisiorum Urbis Galliæ pro ejus salute iter ineuntes, in Forumjulii regionem descendunt. Ubi auditâ æquivoci Parisii famâ, dæmonisque mendacium  
cogni-

cognitum habentes, in die natalis Viri Dei ad ejus corpus dæmoniacam præsentant, eamque magnis dæmonis cruciatibus in conspectu omnium liberam recipiunt.

Quædam Navis ab Alexandria veniens, horridam patiebatur Maris tempestatem. Erat in ea homo Beato Parisio devotus, qui Deo ejus meritis suam salutem devotissime commendabat. Is cum alios qui navi vehebantur ad idem faciendum hortaretur, mox omnis procella placatur, & navis licet ventis quassata securum portum tenuit.

Angelus Bergomas Monachus gubernationi Monasterii Suffectus, Tarvisium per Terrarium equo vectus veniens, cuidam Amico in via dexteram dare volens in cautus cum equo in flumen retrorsum cecidit; is cum jam prope mergeretur B. Parisium invocavit; nec mora ad rippam delatus ab accurrentibus hominibus in cauponam proximam femi animis asportatur. Interea verò dum accitur Sacerdos, qui ei Sacramenta administret, compos voti factus, & sospes resumpto itinere ad Cænobium venit.

His accefferunt innumera alia miracula, quæ in dies innovantur, ut omnibus Tarvisii notum est. Anno 1357. Beati Parisii vaticinia sic expleta sunt, ut fervente Tarvisina regione bello, senatus tuendæ, ac muniendæ Urbis gratia Cænobium S. Christinæ humo æquaverit. Tantoque impetu negotium confectum est, ut vix sacris Virginibus facultas se in Urbem recipiendi data sit, quin etiam Venerabile Beati Parisii corpus in arca non sine gravi jactura ex mœnibus receptum cum maximè propterea exagitaretur ab his, qui illud excipiebant, ex integro in cineres, & ossium reliquias majori ex parte comminutum est. Tandem pacatis rebus condito Templo, Ara Beato Parisio erecta est, ubi ejus Corpus ab incolis summa colitur veneratione: ad quod



quod DEUS Optimus maximus multa Beneficia Fidelibus suis nunquam cessat impertiri. Ejus sacrae Turri campana inest, quam S. Parisius conflandam curavit, quæ miris modis adeò turbines, atrosque nimbos semper fugare visa est, ut Tarvisina Civitas semper, dum pulsatur, se meritis B. Parisii in tuto esse nîl ambigere soleat.



## CAPUT XXIX.

### *VITA S. Alberti Eremitæ Camal.*

Circa annum 1143. tanquàm aurora initiare diem, Ordinem Camaldulensem illustrare visus est Albertus Eremita Sanctissimus, quòd ex ejus Vita clariùs innotescet. Albertus igitur in Oppido Montis Alceti, quod in Regione Asciani agri Senensis situm est, ex honestis, piisque Parentibus ortum duxit, quem dum Mater adhuc gestaret in alvo, visa est videre in somnis, quasi Solem, & Lunam in suum gremium descendisse, quod prodigium dum tremebunda Cognatis, ac vicinis retulisset: gloriari mox cœpit, quod fœtum sine aliqua ponderis molestia portaret, quæ res occasionem vaticinandi multis præbuit: quod felix Mater masculam esset paritura prolem, quæ & Angelicam, veluti Sol, & humanam, quasi luna, illustraturus foret creaturam, summa videlicet suæ ipsius Vitæ innocentia. Nec vanum hujusmodi fuit vaticinium. Natus quippe infantulus, nonnisi certis horis lac fugere velle primùm cœpit, deinde ablactatus & in pueritiam vergens, tribus diebus in hebdomada jejunium servans miro modo sollicitus erat, ut pauperes alerentur ex cibo, quo ipse velci debuerat: timo-

ri Dei, pietati, & simplicitati maximopere deditus. Ubi  
verò excessit puerilibus annis, compertum habens, quod  
Vita hominis nîl aliud est, quam quædam peregrinatio su-  
per terram: haud segnis de domo, ac cognatione egredi  
festinavit, & ad limina Sanctorum Apostolorum profectus,  
exinde Basilicam S. Michaëlis Gargani Apuliæ adivit, exin-  
de Venetias ad navigavit: visitatoque ibi corpore S. Marci  
Evangelistæ, ad loca terræ sanctæ usque navigio penetravit.  
Porro veneratus ibi sacrosanctum Christi sepulchrum, tan-  
ta spirituali dulcedine affectus est, ut cursum Vitæ in Dei  
servitio transigere voto firmaverit, abdicato sæculo. Pe-  
regrinatus similiter ad Divi Jacobi in Compostella, colum-  
ba super humerum ejus dextrum non semel advolare visâ  
est, quæ rostrum auriculæ ejus imprimeret, ad insinuan-  
dum nimirum, Beatum Albertum columbina simplicitate  
præditum animam Deo tanta puritate mentis conservavisse:  
ut Deus illum tanquam simplicem, integrumque Vitæ ser-  
vum prosequeretur cœlesti gratia. Reversus deinde Domum,  
statuensque Eremiticum propositum arripere: oportune ei  
affuit S. Anselmus Camaldulensis Eremita; Albertus enim  
ejus januam hospes nemine indicante subintrans, hæc pro-  
fatus est verba. *Hæc domus est, in qua me hospitari oportet.*  
Subdens se ex assertionem cujusdam S. Anachoretæ (cum re-  
verteretur à Basilica D. Jacobi) merita S. Anselmi veri servi  
Dei cognovisse. Tradidit ergo illi S. Anselmus sanctæ Reli-  
gionis habitum, ex eoque die domus S. Alberti in sacrum  
contubernium versâ. Habitavit cum ipso S. Anselmus ali-  
quot dies, duriter se flagellô nocturnis horis verberans, quo  
exemplo B. Albertus sic corpus cedere, sic in servitutem re-  
digere, jejuniisque macerare studebat, ut Diabolus eum à  
sancto proposito summa ope (suggerens illi varias sæmina-  
rum

rum formas) per omnia tentationum genera illum infestans, revocare frequenter laboraverit. Sed explodebat Christi Athleta ictus oratione perpetua, Deique prævencus gratia. Factus itidem Discipulus S. Guilielmi Monachi, qui fuerat Comes Pictaviæ, & Aquitaniæ Dux, ut Dæmonum ictus facilius retundere posset, & spiritum Carnis mortificare; cilicium induit, super nudam tellurem cubans, panem hordeacium in cibum accipiens, & dominica tantum die vinum gustans. Cum vero induxisset animum B. Albertus ex labore manuum suarum victum comparare, more Sanctorum Patrum Ægypti, operarius in agrum egredi cæpit, cum vero quadam die sitiens, parum aquæ ab uno ex cooperariis poposcisset, propinavit ille pateram aquæ ex urceo, quam cum Beatus Vir primis labris gustavisset, protinus inquit ad eum, cur me decipere voluisti? repenteque quod Vinum in eo esset, bibere recusavit. Accurrunt ergo singuli, qui aderant, & viritum ad pateram bibentes, Vinumque esse comperientes, miraculum cognitum habent, Virique Dei virtutem, & bonitatem universæ Regioni prædicant. Tunc cum populi catervatim eum videre, & alloqui festinarent undique confluentes, ille nimiam frequentiam vitare volens, atque Deo in solitudine famulari, per invia nemorum & montium locum ad habitandum idoneum diu fatigatus quærebat: denique ad Montem, qui turicella dicitur, cum Grifolo nepote rediens, ubi nemo habitare audebat propter Ventorum vim, cacumina sagum assidue concutientium, ibi loci Cellam ædificare aggressus est. Benedixitque Deus loco per adventum servi sui, adeo, ut imposterum ventorum asperitas à quoquam audita non sit. Emerferat discordia per eos dies inter municipes Asciani, oppidanosque Montis Alceti: cujus causa pars alteri parti insidias, maleficiaque



moliebatur. Contigit autem ut Beatus Albertus ad Cellæ ædificium visendum sub crepusculum procedens, in prædones inciderit, qui è vestigio de insidiis prorumpentes, nec Virum Dei tangere audentes, Grifolum cæpère, ut pecunias ab ipso extorquerent. Quod ubi Pater Grifoli audivit, graviter contra Beatum Albertum commotus est, quod ejus causa damni extitisset, sed postero die Grifolus de manibus prædonum elapsus, incolumisque domum reversus, Patrem inveniens Virum sanctum adhuc maledictis lacerantem, eum verbis graviter castigavit, innocentiamque Viri sancti prædicans, illi Deum magnificandi occasionem præbuit: cujus munere per merita Viri sancti, quasi invisibilis aufugisset. Continuatō opere Cellæ, duodecim operarii fodiendis lapidibus incumbabant, hi aquam defecisse ad bibendum lamentabantur, quod audiens Vir sanctus, vasculum Vini illis tradidit, quod sibi dono missum eodem die fuerat, quod cum Operarii parvæ mensuræ esse conspexissent, invicem dicebant, quid hoc inter tantos? quibus summite, inquit, Vir sanctus, potens est enim Deus ex illo nobis sitim extinguere. Biberunt ergo singuli semel, ac pluries, & vix Vesperī vasculum evacuare valuerunt, ex miraculo Deo gratias agentes. Perfecta igitur supra memorata cella, habitavit in ea Vir sanctus septem ac viginti annos, perpetuæ Orationi, ac Cœlestium philosophiæ jugiter intentus, tantumque profecit in Dei servitio, ut neminem Eremitarum per eos dies ferventiorē Spiritu cum Deo ambulasse creditum sit, ex miraculis, quæ Deus per illum patrare dignatus est. Egressus aliquandō S. Albertus ad colendum agrum, leporem fortuitō invenit, non aufugit animal aliās natura pavidum, sed tanquā domesticum se à Viro sancto capi permisit; petentibus animal cooperariis respon-

spondit sanctus, quæ nos minimè læsit, nec à nobis lædenda est fratres : nec mora feram liberam dimittit, quam cum venatores postmodum canibus persequerentur, lepus ad Virum sanctum recurrens, protinus in ejus tunicæ manica ( in quo habitu Pater sanctus depingi solet ) se se abscondit, donec illis recedentibus, secuta ad latibulum redire iussa est. Legitur non dissimile miraculum de avicula candida; quæ ad cellulæ fenestram in ejus manus frequenter volare visa fuit. Erat in Regione eadem Comes dives opum cognomento Caciacomus, is periculosissima febre laborans, & medicorum opera diutius frustra multo impendio usus, demum ad sanctum se deferri fecit, primoque congressu aquam ad bibendum propter febris æstum proposcit, cui cum Vir Dei parum aquæ tradidisset, æger, eâ gustatâ, statim recepit valetudinem. Is item cum alio tempore propter sterilitatem Uxoris Virum Dei adjisset, obnixè illum obsecrans orare Deum, ne opulenta hæreditas extraneo ferviret hæredi. Tunc blandè hortatus est illum S. Albertus, Dei misericordiæ confidere, & ad Conjugem redire. Qui cum ex ea paulo post filium suscepisset, adduxit illum ad Beatum Virum dicens. Ecce filius tuus Pater, qui etsi non de semine tuæ carnis, de merito tamen tuæ orationis progeneratus esse probatur. Ubertinus similiter Comes qui Spadalonga cognomine dictus est, diutina quartana febre accerimè vexatus, adeò ut medici de ejus salutè desperassent, ad S. Albertum perductus, sanitatem eodem modo recepit, annulumque aureum discedens, super Altare reliquit. Comitissa loci, Uxor Comitis Barotæ, filium habens dilectissimum, qui fervida pustula absummebatur, usâ diutissimè variis unctionibus, cataplasmatibusque, ut Medici consulerunt; videns se necquidquam proficere, inaudivit, quòd

mira

mira Deus per servum suum Albertum operetur, cur aliena, inquit, quæro medicamina, quæ potentissimum, efficacissimumque habeo in proximo curatorem? ad sanctumque cum filio profecta obortis lachrymis pro reportanda sanitate ipsius filii sese adire disponebat: cumque ad sanctum Albertum perventum esset, oravit pro illo Vir Dei, manumque super plagam extendens, illico omnis morbus ab ægro dimotus est. Virgo quædam sacra in Hispania elaphantico morbo gravissimè percussa, adeò, ut scatentibus vermicibus ex membris, nemo tabem putredinis ferre posset, in Siciliam ad navigavit, ut quæreretur, qui sibi mederetur; cui cum nullus subveniret, ex Urbe Salerni ad sanctum Albertum cum una ancilla comite missa est, eadem die Comitissa quoque Barotæ visitatum venerat cum Tuscano Presbitero, ut pro afflictâ Virgine preces offerret, tandem Comitissa, & ægrâ Virgo propter Deum obnixè Virum sanctum rogârunt. Tunc intulit sanctus Albertus. Dominus ipse per suam misericordiam, atque Beatorum Apôstolorum intercessionem huius misereri dignetur. Deinde iussit Tuscanum Sacerdotem Missarum solemnia celebrare: qui dum Venerabilem Eucharistiam summit, Virgo languens vim igneam per corporis membra discurrere sentit, adeo ut ossa sibi cremari extimescat, jam jamque repentè pristinæ sanitati se restitutam gratulatur. Dei laudes ad sydera tollens, appensa-que in Oratorio imagini juxta mensuram corporis sui, residuum Vitæ apud Virum sanctum traducere voluisset, sed ille recusavit. Marianus Presbiter acutissima febris vexatus, voce ac sensu propemodum destituebatur: præstiterat is olim quædam obsequia sancto Alberto: unde domestici ad ipsum ægrum deferentes aiebant. Ecce Pater, quem amas, quàm miserabiliter crucietur. Tunc elevans super illum oculos,



culos, in oratorium ipsum poni jubet lachrymans, & flexis genibus pro illo orabat, ecce Marianus repente quasi à somno gravi expergiscitur, salvus assurgit, admirans quomodo illuc pervenisset, suisque pedibus domum repetens benedixit Deo, post mortem verò sancti Alberti, ad ejusdem sepulchrum veniens, dum vixit, inde recedere noluit. Quidam item Bubulcus pagi Modioli, gravissima affectus feбри, dum ejus salus desperabatur, voce qua poterat, aquam sancti Alberti petebat, ejus auxilium propterea implorans: tunc misso Viro, qui aquam festinus adferret: æger interim ad extrema perductus est, adeò ut ridiculum omnibus videretur amplius pro ejus salute laborare, allata autem aqua, cæpit unus, qui majori fide præstabat, undam per labia moribundi destillare: quæ ubi fauces attigit, æger in momento resumptis Viribus (stupentibus cunctis) verba formare incipit, cibum postulat, & familiares, qui sibi extrema parabant, repentino recuperatæ Vitæ afficit gaudio: simul Deo, ac sancto Alberto gratias agens, interrogat domesticos. unde allatum sit vinum tantæ efficacæ; cujus virtute à porta mortis, ad auras æthereas fuerit revocatus? quibus respondentibus hanc aquam S. Alberti fuisse non Vinum, & illo instante, Vinum esse, factum est ut haurientibus liquorem ex vasculo, Vinum optimum in illo esse ab omnibus compertum sit. Unde vas in Templo ad perpetuam rei memoriam est appensum, Accidit non dissimile miraculum in Monte Gisii, nam cum alius æger constitutus in extremis, aquam S. Alberti ad se deferendam rogavit, quam gustans, mox sospes redditus est: Deo, sanctoque Alberto miris benedicens encomiis. Ex agro Aretii mulier quædam natam unicam, quæ cæca ab ortu erat, ad sanctum Albertum ducens, misericordiam Dei super illam flagita-

gitabat, nil hæsitans in fide; cui Vir sanctus manum suam imposuit, & protinus lucem recuperavit. Adductæ similiter ad eum alia puella, quæ muta erat, porrigens ei aquam de cella, ubi illa bibere cæpit, mox linguæ vinculum solvitur, ac Dei magnalia ex indè prædicantur. Mulier alia ex Oppido Memolianda, dum dormiret aperto ore sub dio, Serpens latenter in os ipsius ingressus est, quocirca infelicissima irreparabili absummebatur vulnere, membraque teterrimo tabescebant veneno. Cui ad se perductæ, præmissa Oratione, parum aquæ ad bibendum Vir sanctus porrexit, & statim serpens coram omnibus ab illa evomitur. In Monte alceto honestissima sæmina, unicum habebat filium, in quem tota Vitæ spes materno posita affectu erat, is adversa erat captus valetudine in tantum, ut Vita eum relinquere festinaret, supra quam dici posset, nam vix amplius pectore palpitabat; tunc Genitrix gravissimo percussa doloris gladio, ad merita S. Alberti animum convertens, filium in ulnas acceptum per fenestram versùs domicilium S. Alberti extulit, proclamans. *Eja sancte Alberte Vir Dei, si hunc mihi filium morientem reddideris, tam ego, quam ille, in Dei servitio ob tui venerationem studebimus permanere:* quibus enunciatiss verbis, natus resumpsit Spiritum, & incolumitati donatus est. Mercatores quidam Vallis Urciæ Grossetum cum oneratis Bestiis proficiscebantur, horum unus, jumentum, quod de Via declinaverat, incautus amisit præcidendo, quod cum quæsitum retro venisset, nec usquam comparere cerneret, commendans se sancto Alberto emissio voto, veniensque ad quoddam nemus, vidit illud in medio duorum luporum, illud tangere non audentium, quod tangere ex eò non præsumebant, quod sancto Alberto fuisset commendatum. Comes Montiscalceti Grifonem, quendam

dam Grifonerium à sancto Geminiano injuste in vincula con-  
jecerat, pecunias ab ipso extorsurus, qui cum se S. Alber-  
to commendasset, visus est illum videre sibi dicentem: sur-  
ge, & à vinculis absolutus liber discede, statimque fractis  
vinculis, ad januam carceris veniens, eam apertam offen-  
dit: murumque Oppidi altum, uti planum facillimè supe-  
rans, per loca, quæ prius nullatenus viderat, ad cellam S.  
Alberti sine indice pervenit, mirabilia Dei tollens ad syde-  
ra. Homo quidam ex agro Aretii, manum habens con-  
tractam, adeo ut digiti brachio adhærerent retorti, ad Vi-  
rum sanctum perductus est, apprehendenteque illo manum,  
ejus manus continuò extensa est, & ad plenam integrita-  
tem reformata. Tunc clamitante Uxore, me miseram, quæ  
hactenus propter hanc mariti mei calamitatem stypis quæ-  
rendæ beneficiòungebar. Miraculum amplius auctum est,  
energumenus quidam à maligno opprimebatur Spiritu, qui  
sanctitatem Alberti, per os puellæ dæmoniacæ prius prædi-  
cabat: affirmans se cum multis sociis frequenter Viro san-  
cto negotium faceßivisse: licet in nullo tentationis genere  
contra illum prævalere potuerit. Porro idem ad sanctum  
Virum adductus statim à maximo Dæmonis cruciatu libera-  
tus est. Impugnabatur assiduè Vir sanctus à Diabolo, un-  
de proditum est, tantam luporum multitudinem ad ejus cel-  
lam non semel apparuisse, quæ totum montem occupare  
videretur. Tunc Vir Dei præmissis precibus contra falla-  
cem turbam procedens, solo signo terrifico Crucis factò;  
cuncta Dæmonum evanescere fecit præstigia. Intravit olim  
in ejus cellam vastissimus serpens, qui trabalem excedere vi-  
debatur magnitudinem, quo viso monstro, sanctus, ocu-  
lis in Cælum erectis, constanti, atque intrepido animo,  
quidnam sibi Bestia velit sciscitatur, qui cum servi Dei vul-



tum, & verba ferre non posset, præcipitem se se per declivia Montis tanto strepitu, ac ruina dedit, ut totus Mons maximopere concuteretur. Transfiguratus rursus Diabolus in formosam mulierem, & latenter ejus cellam ingressus, asserens se viduam esse locupletem, & magna industria præditam subdens: *O si attendere velis, quantanendi, texendique peritiâ præstem.* Tunc Vir sanctus dolum cognoscens, eam tumultuanter rejicit: instat illa eadem, & similia repetens verba, donec eo compellente tandem egressa, in tenues auras, quasi fumus evanuit. Sæpè per longum corporis cruciatum, instar S. P. Benedicti, inter urticas ac vepres sese conjiciens stimulum carnis reprimere studuit. Flagravit Vir sanctus desiderio incredibili bona omnia operari, ut appareret in conspectu Altissimi diligens Domini JESU servus, cui diceret Dominus: *Euge serve bone, & fidelis intra in gaudium Domini tui:* fuit potissimum salutis animarum avidissimus, hortans assiduè sæculares Mundi opes despiciere, delicias carnis vitare, futilem Gloriam sæculi, & Dei timorem ab oculos jugiter habere, sic enim fieri posse prædicabat, ut quisque vel etiam imperitus Cœlesti, veraque Divina Philosophia imbuatur, quam Plato doctus nescivit, facundus Demosthenes ignoravit, & acutissimus Pythagoras non cognovit. Docebat autem omnes, non literarum paleas, sed grana Virtutum Christianis, præcipuè Religiosis esse colligenda, fugiendamque esse literam, quæ occidit, & eliciendum Spiritum, qui vivificat, quemadmodum Schola Christi ostendit, non esse curandum, si paleæ deficiant, ubi grana palarum abundant: haud enim populus Christi se habere debet, sicut populus carnalis, qui Pharaoni apud Ægyptum in luto, atque lateribus servire compulsus est, sed virtutum inclytus possessor fieri debet, per quas, ut strenuus

nuus vitiorum, carnisque domitor, Jebusæum, Pherefeum, & Ismaelitas expellere queat: quos non quiverunt expellere Israëlità. Ardebat pariter S. Albertus charitate proximi, quæ quidem longè emicuit, præter ea quæ dicta sunt, quando Elephantiaco cuidam ab eo quærenti, ubi habitationis locum inveniret, respondit Vir sanctus: *ego quidem nullum aliud habeo Frater habitaculum: Sed hanc quam edificavi cellam, tua est, eam tibi libentissimè cedo:* quod & fecisset, nisi discipuli obstitissent: qui alibi illi contubernium providerunt. Simili modo cum Mendicus quidam ab illo Eleemosynam peteret, nec habens aliud, quàm melotem, qua tegebatur propter inclementiam hyemis, exuit eam festivè Vir Dei, sanctum Martinum imitatus, largaque pietate pauperem hominem ditavit. Voluisset sæpe numero S. Albertus quietioris Vitæ desiderio, ad imitationem sancti Hilarionis de Regione migrare, sed charitate urgente, semper ab hujusmodi proposito fuit revocatus, idque Divinæ Pietatis consiliò factum est: ut scilicet gens Provinciæ fera tanti Patroni auxilio non privaretur, quæ utique sub ejus auspiciis de spinis rosas carpere, & intra justitiæ limites sese continere assuescere cœpit. Quievit in Domino Vir sanctus, post vigesimum septimum annum, ex quo cellam sibi construxerat, ad septimum Idus Januarii inter Sanctos, magna Camaldulensium gloria, relatus.



# CAPUT XXX.

## VITA Sancti Theobaldi, Eremitæ, & Monachi.

Ortus est Theobaldus Arnulfo Nobili Campaniæ in Gallia Comite, & Vuilla Matre, cujus conceptum, Theobaldus Episcopus Viennensis Avunculus Avix, cum aliquando Neptem gravidam visitatum venisset, Spiritu Sancto illustratus, his verbis prænunciavit. *Gaude generosa Neptis, nam ex te prodibit Filia, quæ optimæ prolis Mater erit, quæ omnes nostræ stirpis consanguineos vitæ sanctimonia, virtutumque splendore longè anteibit, & apud DEUM & homines magna erit, & vocabitur.* Quod quidem præfagium, & à quadam muliere paupercula censu, sed bonis operibus divite confirmatum est, quodammodo supra felicitatem partus Matrum Ismaelis, Samsonis, Josiæ, & Sancti Joannis Baptistæ, quorum utique conceptus in Matris cujusque partu, & non Avix fuit prænunciatus. Igitur natus, ab lactatus, & educatus Theobaldus optimæ indolis Puer in Comitatu trecaffino, Castro Priviniaco, statim à Pueritia vaticinium implere cœpit. Quippe pietate Religionis totus fragrans, nil magis studere visus est, quàm præclaris omnibus virtutibus se totum ornatum comparare: nec minùs Nobilitatem Sanguinis undique præseferre, quàm ad bonitatem & virtutem natus ab omnibus judicaretur. Captus intereà desiderio serviendi Deo, ad quendam Venerabilem Eremitam proficiscitur, qui in una, ex sylvis sequanæ habitabat, ut consilium ab ipso acciperet; cui respondit Eremita, *matura*  
fili




*fili exequere propositum, quod à DEO est, ipse enim tibi auxilium feret, & viam ostendet, qui dat nobis salus benevelle, & perficere:* tunc Theobaldus domum reversus, coetaneum ex intimis familiaribus socium accipit, Oddonem nomine, ad eandem propositionem propensum, jam jamque deliberans, quomodo cum bona gratia à Parentibus discedere possit, & de domo sua, atque cognatione cum Abraham egredi: impetrat multis precibus à Patre, ut sibi in militiam Cæsaream proficisci liceat. Tandem accinctus balteo, equisq; ac famulis instructus cum socio memorato ad Urbem Remensem primum venit, relictisque ibi nocturno tempore famulis, equis, & armis in certo hospitio, pedestri itinere ad interiora deserti loca penetravit. Ubi cum duobus inventis Peregrinis commutatis vestibus pro laceris, ac vilibus, ipsa Christi militia pervenerunt nudis pedibus ad locum, qui Pitingo dicitur in Regno Teutonicorum, ubi in parvo tugurio Eremiticæ vitæ rigorem instituentes, nunc lapidibus ferendis, nunc carbones ad opera fabrilia faciendo, vel alios subeundo labores, panem quæritabant, dum vacabat otium, post orationis atque meditationis studium. Abstinent Theobaldus perpetuo ab omni carne, & pinguedine, omnibusque lautitiis, solo pane hordeaceo, vel herbis & aqua contentus. Quocirca difficile dictum est, quanta, & quam ardua prælia gessit cum hoste humani generis Diabolo: cujus ictus, & conatus Vir Dei jejuniis, abstinentia, cilicijque rigore viriliter retundere nunquam defatigabatur. Vocatus autem à Deo in vincentinam Regionem, ut sua sancta conversatione Pollicinii gentes illustraret, prænunciavit primum Discipulis, quatenus ibi depositum sui Corporis esset relicturus. Cum verò in itinere defuissent omnia victus necessaria, nec comparari possent, tunc miseratus Discipulos fame, ac siti defi-

deficere, oravit pronus ad Deum, ut famulis suis in tanta necessitate succurreret, & ecce expleta oratione, panis præparatus à Deo in via reperitur, ex quo cum omnes ad satietatem accepissent, adhuc reliquiæ supersuere; tunc allato vase, quod pridie vino evacuatum fuerat, id quoque Divinitus vino repletum apparet, quod cunctis ad potum copiose suffecit, similiter de reliquiis, tam panis quam vini, peregrini plures, qui ad eum Mediolano venerant, audita ejus fama, refecti sunt: quæ tamen, tam sibi quam Fratribus per tres hebdomadas ad instar farinæ in domo viduæ tempore Eliæ, & lecythi olei nunquam imminutæ sunt. Beatus igitur Theobaldus in Regionem Vincentinam cum advenisset, querens locum sanctæ Conversationi accommodum, à Petro Venerabili Abbate Vangadicæ hospitio susceptus est, ibique sistere coactus Monastici Ordinis accepit consecrationem. Inciderat Oddo in gravem membrorum ægitudinem propter itineris incommoda, ficique morbo correptus febris ardentissima laborans, ferire sydera clamoribus non desinebat. Pro cuius salute, cum Theobaldus preces Deo obtulisset, recepit Oddo liberos artus nec iam proximos. Quod audiens Sacerdos, qui lumine oculorum orbatus erat, & ipse ad Virum Dei veniens, rogabat eum obnixè pro sua salute, qui mox ex manu illius manuum, optatum incolumitatis recepit donum: invidabat hostis antiquus Viri sancti profectibus, tentavitque quadam die illum in flumen præcipitare cum plastro, quo secus rippam Athetis agebatur; sed Vir Dei signo salutiferæ Crucis factò, plastrum in tutiorem partem verti à Deo impetravit; qua impulsæ fama Populi ex finibus Veronæ, Patavii, Vincentiæ, ac Ferranæ sæpe infirmos ad Servum Dei deferebant; quorum omnium morborum stimulos

Deus

Deus propter ejus merita depellebat. Fugatis igitur semper viriliter hostibus, postremo Beatus Theobaldus, & corporis imbecillitate, & febris fractus, Petrum advocans Abbatem, Sacramentis suum transitum ritè munivit devotissimè, ex istoque miserabili hospitio hujus vitæ feliciter ad Cœlos migravit kalendis Junii Anno salutis 1050. Cum vero assidue miraculis corruscasset ejus sepulchrum Vincentini Corpus virapiunt, uti ex ejus translatione habetur, & juxta muros occulto in loco sepeliunt. Cæterum Petrus Abbas, & Oddo Socius de jactura amissi thesauri tristes, explorato loco, effossum sacrum corpus intempestæ noctis silentio ad suum Monasterium detulerunt; Idibus Julii. Jacet in Basilica B. V. M. cujus translationis celebritas, quotannis cum immensis laudibus Monachorum & Clericorum agitur.



## CAPUT XXXI.

### *VITA Beati Eusebii Hispaniarum Legati.*

**E**odem Modo illustravit inter cæteros Camaldulensem Religionem Beati Eusebii conversio, & conversatio sanctissima. Pollebat Eusebius in Patria Nobilitate generis & dignitate, & in studiis liberalibus apprimè exercebatur; unde missus à Philippo Regie Orator ad Principem atque Senatū Venetorum Anno Domini 1497. Venetiisque morum trahens, contigit illum ad Cœnobium sancti Michaëlis non semel venire: ibi quadam vice audiendo Missam, Cœlesti quadam Vocatione ad relinquendum Mundum invitatus, prin-



principio Abbatem rogat, ut sibi in Cœnobio hospitem aliquamdiu habitare liceat; interea Regi votum suum per Literas insinuat. Cæterum Rex lectis Literis, tantum Virum amittere nolens, illico novum Oratorem Ventias mittit, ad Eusebium scribens, ut quamprimum in Hispaniam redeat, ubi multum indigeret opera sua. Porro redditis Eusebio literis, iisque perlectis aliquamdiu dubius mansit, quid ageret. Tandem sancta resolutione Abbatem, & Monachos rogat sibi habitum sanctæ Conversationis tradere. Tunc vulgata fama, adiit eum Venetiarum Princeps, adiit Senatus omnis, adiit Natio Hispana, & omnes eum summa ope ab incæpto dimorere nituntur; verum sicut *ubi vult Spiritus spirat, sic omnis bona edificatio crescit in Domo Dei*: Eusebius enim superatis omnibus contrariis suasionibus, & habitum S. Romualdi accepit, & vota sanctæ Professionis emisit. Tanta autem se sanctimonie novitate, ac vera, & submissa Dei servitute illico à primo ingressu comparare cepit, ut non solum Monachis, sed toti Venetiæ innotuerit, & Hispaniæ, eum revera terrena calcare statuisse, ut consequeretur Cœlestia. Quo factum est, ut frequens concursus Nobilium, & magnorum Virorum propterea fuerit ad Cœnobium S. Michaelis, ingeminabant omnes, quod Eusebius nil præter Cœlestia profiteri, verbo, incessu, & sanctitatis exemplo studeret: si quando respondere magnis Viris à Superiore jubebatur, ita parcus erat sermone, ita demissis oculis id facere ut omnibus mirandam reverentiæ præberet excitationem. Datus tandem Juventuti Magister, tanta Charitate, patientia, cura atque sollicitudine partes suas implevit, ut pubes non minus, ut Magistrum, quam uti Patrem, eum timeret, & amaret; adeò illos assidua adhortationis prædicatione perurgebat semper reminisci, qualiter, qui se Domini

Domini nostri JESU Christi servituti spontè devovent, Angelica puritate, summaque Sanctimonia præstare debent, ut quisque illi placere studeat, cui se devovit. Nec ullustransibat dies, quin ipse de lectione sacrosancti Evangelii ad illos doctissimè Verba faceret. Ferunt ipsum præ humilitatè Culinæ fungi voluisse aliquamdiu officio: nec semel vocatum linteo præcinctum ad Proceres, & alios Magnates, à quibus vocabatur, prodisse, singulisque semper Monita Salutis commemorare incredibili animi dulcedine solitum fuisse. Item in quibusdam Disputationibus tenacissimæ memoriæ talia exhibuit specimina, ut creditum propterea sit, neminem sacræ Paginæ, Canonum, vel Doctorum Ecclesiæ Volumina tenacioris Memoriæ beneficiò, majorique studio imbibere posse. Ad extremum, inedia, cilicio, oratione perpetua, meditatione, docendoque assiduè defatigatus nimium, Stomachi que infirmitate oppressus accedente sensim febris, sedecim integros dies lecto decubuit ab omni cibo abstinens, & semper de Beatitudine, ac dulcedine Cœlestis Patriæ ad Fratres Verba faciens: crucifixo verò, quem in manibus tenebat strictum, tanta cordis jubilatione gratias agebat, quòd videlicet, de familia Domini JESU fieri meruisset, & sub vexillo S. Patris Benedicti, & Romualdi militare sub patrocínio S. Michaëlis Archangelorum Principis, ut flamma ignea super Cœnobium venire è Cœlo, præsignans ardorem Mentis Viri sancti, quem habuit à die conversionis semper in Deum erectum, quæ quidem flamma à tota Venetia visà est, proque signo sanctissimæ ejus Vitæ à Deo probatæ, judicata. Denique omnibus susceptis Sacramentis, totus effusus in lachrymas præ dulcedine Societatis Angelorum, manibusque in Cœlum erectis gloriosam animam Deo reddidit die 10. Febr. Anno 1501. ætatis Anno

51. tumultato corpore in Templo effossa humo, cum multi multa beneficia ejus meritis consequerentur, Nobilis Vir Hispanus amicus ejus Venerabile Corpus eductum in sepulchro novo exciso, condi reverendissimè fecit, ubi Epitaphium extat hujusmodi.

Lector parumper siste, rem miram leges. *Hic Eusebii Hispani Monachi corpus situm est, Vir undequaque fuit doctissimus, nostræque Vitæ exemplar admirabile. Morbo laborans, sexdecim totos dies Edens, bibens nil prorsus, & usque suos moriens Deum adiit hoc scires, volebam; abi & vale.*

\*\*\*\*\*

## CAPUT XXXII.

### *VITA B. Petri de Sardinia Monachi Camaldul.*

**P**etrus in Insula Sardiniae Urbe Octanensi natus Patre Nicolao, adhærensque puer ibi Nicolao Episcopo Patrueli, cum ad religionem idoneus esse videretur, magis quam sæculo, & literis ab eo eruditus esset, sacrisque initiatus. Erat pulcherrimus Juvenis aspectu, vultu, ac Verbis amabilis, & qui stimulis Carnis, ut ea solet ætas, maximopere torqueretur. Unde cum se tacitus frequenter reprehenderet, optimum factu esse duxit, ad loca Terræ sanctæ proficisci, si forre ex peregrinationis incommodis Spiritum carnis reprimere valeret, factus de salute mirum in modum sollicitus. Igitur Venetias ad navigans, cum ibi loca celebriora lustrasset, factum est, ut ad Cœnobium quoque S. Michaëlis, ejusque Venerabile Templum diverterit, ibique prandio cum aliis quibusdam peregrinis religiosis, &  
Paulo



Paulo Venerio Abbate sit exceptus humanissimè. Ibi autem captus loci amœnitate, speculatusque Abbatis, & Monachorum gravitatem, religiosos mores, ardentem charitatem, & Templi sanctimoniam, repente se in intimis Cordis medullis jaculo amoris Cœlestis patriæ vulnerari persensit, adeò ut ex ea hora ad ineundam Camuldulensem militiam animum ardentissimè converterit, ibique omnino Colum Christi jugo subjicere disposuit, si hospes peregrinationem cœptam perficeret. Delatus igitur ad sanctum Christi sepulchrum prospera semper Navigatione, & ex ea incolumis eadem prosperitate Venetias regressus: recta ad sancti Michaëlis murani commigrat: votum suum Paulo Abbati communicat: seque in sacram militiam cooptari suppliciter implorat. Suscepto igitur candente habitu, vel à primis diebus tanta animi & corporis propensione, tanta humilitate Cœnobiticæ observantiæ arripuit Institutum: ut facillimum cognita fuerit ex ipsis conversionis primordiis, quantum novellus Christi Athleta inserviendi Deo, salutisque animæ causâ sæculum deseruisset. Usque adeò innocentia Vitæ: morum gravitate, operis Dei sollicitudine; Obedientia, Charitateque reliquos antecellere brevi tempore visus est Fratres, in sanctisque Lectionibus, atque meditationibus proficere. Narrat Maurus (qui vidit & interfuit) Petrum totas noctes insomnes in templo ducere solitum fuisse, retro Altare majus oculum manentem, & geniculatum perpetuò Orationi vacantem; accidisseque aliquando, ut suarum precum Virtute, igneæ flammæ super Basilicam ad æthera elevari visæ sint: quæ nimirum cum navigantibus per lacunas terrorem incuterent; factum est, ut aliqui ex illis: veriti Templum veris flammis absumi, anhelantes navigio ad januam Cœnobii concitò accurrerunt, excitato-

que pulsationibus crebris, ac vocibus janitore, eoque assurgente, & eos intromittente: ubi in templum ventum est, accurrente Beato Petro, illico flammæ evanuisse: quæ vulgata fama, vix dici potest, quanta frequentia populi ad eum confluxerit, ut se, familiam, & negotia in ejus fidem, ac clientelam spiritualiter commendarent, uti Viri Domino nostro JESU Christo gravissimi, & Sanctis ejus acceptissimi: qui singuli Cœlestibus dapibus abundantissimè referti, à suis angustiis sublevati, ab illo discedebant. Visus est Vir Beatus PETRUS frequenter, ubicunq; de Cœlestibus verba faceret, seu psalleret, seu missam celebraret, oculos in Cœlum cum manibus tanta cordis, ac mentis dulcedine, tantaq; ubertate lachrymarum attollere, ut fletum cunctis qui aderant, ciceret: simul, quasi Angelus Dei, omnes consolaretur. Per eos dies, quidam Beneventus de finibus Sancti Cantiniani Filium ex Uxore susceperat, qui in manibus obstetricum vix in lucem editus moriebatur. Is cum conjuge votum vovit Deo Jacob, se Beati Petri nomen illi impositurum, si non moreretur infans, & statim eum sospitem & validum recepit. Novissimè cum Vir Beatus Petrus propter infirmitatem valetudinis lecto decumberet, ingressum Medicum rogavit, ut parum de suo vino ad se mitteret: quod cum ille faceret, duo ex una re patrata sunt miracula: unum, quod portio ad Virum Dei missa, nunquam illi defecerit: alterum, quod dolium in Cella medici, quamdiu vixit, quasi in dies crevit. Quamobrem se beatum esse, quòd tanto Viro Dei mederi dignus fuisset, benedicens Deo, nunquam prædicare cessavit. Migravit ad Cœlos Beatus Petrus die 20. Decembris 1453. ex quo quadragesimum in sancta conversatione exegerat annum, cui celebrata sunt suprema magna Civitatis celebritate. Tunc vix elato cadavere,

vere, unus ex novitiis periculofissimo exagitabatur morbo, adeo ut medici de ejus salute desperassent. Is inter ardentissimæ Febris certamina se super lectum Viri sancti poni instanter flagitare cœpit, quod cum impetrasset, è vestigio sospitatem recuperavit magno miraculo: gratiasque agens Deo, sanus ad ejus tumulum properans, vulgatissimum miraculum reddidit. Antonius Nordinus Austriacus, ut Nicolaus Vincentinus prodit, in patriam remigrare volens, ante obitum Beati Petri ejus benedictionem secum reportare studuit: is deinde rursus Venetias reversus post transitum illius, cum post biennium laterum dolore, sævissime torqueretur, hisce verbis Dei misericordiam super se ejus meritis diffundi obsecurabat. *Clementissime Deus immensam Pietatem tuam in calamitate positus supplex ex toto corde deprecor; ut meritis servi tui Petri me liberare digneris.* Statimque sanus factus ad tumulum ipsius pergens, toto se corpore super illud prostravit, Dei Laudes in Sanctis suis celebrando, seque Abbati, ac Monachorum suorum Orationibus etiam atque etiam commendando in die Natalitii S. Matthiæ Apostoli.



## CAPUT XXXIII.

*VITA Beati Sylvestri Fratris, & Jacobi  
Gerij Camaldulensis Ordinis.*

**C**Ontulit multum decoris Sacro Ordini nostro Beati Sylvestri Monachi Fratris conversatio sanctissima. Is honestis Parentibus in valle Senis ortus, & puer in via timoris Dei apprimè educatus, ubi in Adolefcentiam vergere cœpit,



cœpit, de arripiendo Monastico Instituto secum tacitus cœpit cogitare : Veniens ergo ad Monasterium Angelorum, & rogans sibi sanctum habitum tradi, Frater, ut nos vocamus Conversus præter omnium voluntatem tam Prioris quam Monachorum fieri elegit. Emisit suam Professionem Anno 1315. & triginta tres Annos coquinam exercens in sancto Proposito peregit. Vacabat autem quasi perpetuæ Orationi. Cujus causâ cum aliquando à Fratribus tanquàm nimium assiduus increparetur ; accidit non semel, ut curiosi veriti, ne dapes hora competentis prandii coctæ paratæque in coquina essent, illum ab opere Orationis exturbare contenderunt, quibus ille humilibus verbis respondebat, *ne sitis Fratres, obsecro vos per Dominum JESUM mihi molesti, omnia sunt oportune parata.* Quibus abscedentibus, & jam hora prandii adveniente, cum rei eventus famulum Christi vera dixisse probâisset ; pervulgata est in Urbe fama, quod Angeli Dei in Monasterio Angelorum Ministerium Coquina exercerent, dum Frater Sylvester Orationi incumberet. Quid multa ? id ipsum de purgandis quoque vasibus Coquinæ prædicatum est, dum quidam minus creduli ipsum increpare aggressi, illi dicebant, *ista hora lavandi vasa munus postulat, non orandi :* & sicut ille dicebat, vasa omnia diligentissimè purgata deprehendebantur. Fuit Soror illi Monacha in propingua Eremitæ sanctæ Margarethæ è regione januæ Cœnobii, quam tunc Beatus Sylvester per internuncios, seu scriptis sæpe visitare solitus fuisset, & ad Cœlestia bona firma spe animare : accidit novissimis diebus illam à Fratre postulare, quando in Patria conlummata dulcissimum essent JESUM sponsum verum Animarum sanctarum visuri ; cui ille in hæc verba rescripsit. *Lætare Soror æterni Sponsi Sponsa, quia tali die (certo spero) ipsum lætissimi simul videbi-*

*sedentem ad dextram Patris adeo ut eum ulterius amittere non possimus.* Non intellexit tunc Venerabilis Virgo horum Verborum mysterium, sed infra paucos dies mortali ægritudine laborans, impetravit ab Episcopo ut ad Angelorum Cœnobium sepeliri posset. Interea ipse quoque Beatus Sylvester infirmitate oppressus ad ultimam Spiritus venit horam, eodem die quo Soror animam Deo reddidit: quod factum est, ut utriusque exequiæ in Cœnobio Angelorum actæ sint, & utrumque Cadaver simul sepultum. Porro Beatus Sylvester ob sanctam Vitam, ac transitum gloriosissimum inter Sanctos Ordinis exinde habitus, multis corruscavit miraculis, asservantur utriusque Reliquiæ ad Altare S. Joannis Baptistæ in Capitulo. Migravit ad Deum Beatus Sylvester 5. Idus Junii Anno 1348.

Eodem ferè tempore illustratum est Cœnobium Angelorum Venerabilis Jacobi Gerij Sanctissimi Monachi Conversatione, is ad conversionem veniens, per vestigiaque Discipulorum S. P. Romualdi incedere in Cœnobio cupiens, quos Eremum in arduo vitæ rigore incoluisse audierat, mitis clementisque naturæ supra omnes coævus Domino JESU Christo in oculto famulari, placereque studuit: quod Angelorum Cœlesti testimonio probatum est, qui quidem mirabili modo canere dulciter, atque cantica Dramatis resonare manifestissimè auditi sunt, quando

Anima beata corporis nexibus soluta  
ad Cœlos evolavit nonis

Augusti.



CAPUT

CAPUT XXXIV.

*VITA Beati Dominici Vernegallij, Beati  
Bartholomæi, & Beati Angeli  
Martyris.*

**P**roficiente Familia Cœnobii S. Michaëlis, reffloruit ibidem Beatus Dominicus Vernegallius, qui fuit Monachus Deo acceptissimus, & universæ Pifarum Regioni apprimè venerabilis. Is sua austeritate vitæ cæteros multum commovere semper visus est, & Cœlestis desiderii stimulos eisdem mirum in modum addebat, unde nemo erat in Congregatione, qui non omnia ei impenderet reverentiæ obsequia. Extitit auctor novi Xendochii Urbis Pifarum, consummavitque in brevi tempora multa in maxima ædificatione proximi, miraculis in vita, & post vitam clarissimus. Migravit ad Deum Vir Beatus Anno 1219. erecta illi apud pulpitem Venerabili ara, ad quam sepultus mansit annos 42. multa populorum frequentia clarus; amplificato deinde Templo transfertur Anno 1262. super pulpitem. Per ea tempora Camaldulenses Monachi ad S. Fridiani quoque habitabant, ad quod Cœnobium reffloruerunt pariter gesta B. Bartholomæi, qui fulgebat mia sanctitate, multisque fuit clarus miraculis, ejus corpus subtus aram conditum usque ad nostram ætatem integrum & incorruptum Populo spectandum devotionis gratia exhibetur quibusdam Anni solemnitatibus. Anno 1458. Camaldulensem Ordinem non parum illustravit felici transitu suo B. Angelus Monachus, qui



qui cum Barlotanæ sectæ extirpandæ quasi auctor vehemen-  
ti, & efficaci sua prædicatione fuisset, à quibusdam scelera-  
tis propterea occisus fuit, ad cuius tumulum Deus Opti-  
mus Maximus miracula multa ostendere dignatus est in ipsa  
Ecclesia, quæ nunc ejus nomine sancti Angeli dicitur, Car-  
men istud ad Sepulchrum ejus legitur sculptum:

*Gemma Monachorum in tumba jacet Angelus ista.*

## CAPUT XXXV.

*VITA Beati Jacobi à Certaldo Monachi  
Camaldulensis.*

**Q**Uoniam circa Annum 1233. Beatus Jacobus sua sanctis-  
sima conversatione Ordinem Camaldulensem mirifice  
illustravit, operæ pretium duxi ejus gloriosæ Vitæ ge-  
sta hic brevibus recensere. Beatus itaque Jacobus Certal-  
di Oppido, ex antiqua Guitiorum Familia oriundus exti-  
tit, Patrem habuit Albertinum Illustrissimum Equitem, qui  
tres suscepit Filios, Guidotum, Ingeranium, & ipsum de-  
quo agimus, Jacobum, qui, utpote Jacobus omnia à tene-  
ris annis signa indolem magni futuri Viri ostendentia dare  
cœpit. Erat enim Puer ore venusto, specie amabili, sensu  
ætatem præveniente, sermone parcus, natura quietus, & à  
vitiis, quibus ætas illa solet adhærere, omnino procul, so-  
lusque agens nil magis, quam lectitare, seu meditari delecta-  
batur, quo se meliorem, atque acceptiorem Deo efficere  
posset; ut talem verò se compararet, Christum in corde

G g g

gestans

gestans, brevem ac momentaneam Mundi Gloriam animosè despexit. Corporis sui Virginitatem Domino JESU vovit, jam jamque inebriatus dulcedine decoris Domus Dei, jugiter Prophetæ eloquium animo secum repetebat : *Beati qui habitant in Domo tua Domine in sæcula , sæculorum laudabunt te* : Erat Parentum Domicilium in Urbe Volaterrarum in vico sanctæ MARIE, unde cum Parentes ipsi Puerum ad Templum Sanctorum Confessorum Justi, & Clementis secum orationis gratia pluries duxissent, & exinde ad Cœnobium Camaldulense ascenderent, factum est, ut Jacobus Puer Monachorum Vitam contemplatus, ut Monachum & ipse agere posset consensum Patris humilibus precibus obtinuit, habitumque sanctæ Conversationis à Martino Abbate feliciter suscepit. Ex quo tempore nudus, & armatus in Christo morum gravitate præfulgens, exemplum mox virtutis, obedientiæ, & humilitatis, ac patientiæ cæteris cœpit existere Fratribus. Nec solum, quæ ipsius erant Ordinis, sedulus obivit, sed longe majus aggressus propositum, arctiore se vitæ genere, corporis exercitatione admodum majore afflixit, in vigiliis, jejuniis, algore, silentio, oratione perpetua, pertinaci labore, & obedientia prompta placere Deo continuò studebat. Per quadragesimas ter in pane & aqua contentus jejunabat singulis hebdomadibus, ante mediam noctem exurgens, aliosque præveniens Fratres ad orandum se ardentissimè præparabat, hymnos, Psalmos, & officia præsertim B. Michaëlis Archangeli secunda feria, Sabbatis verò B. V. MARIE non obiter percurrebat; ea modestia præditus erat, ut cum Fratres cæteros virtute, sanctitateq; antecelleret, omnibus tamen inferiorem, obsequentioremque se semper præberet. Quem insensibilissimus Infernalis hostis acri pugna, noctes & dies infestans, pubescen-

bescenti corpori solita maximopere voluptatum incendia  
suggerebat : cujus tela & oculos Christi Famulus Spiritus  
Sancti gratia suffultus, cilicioque indutus super nudam hu-  
mum cubans, vigiliis, jejuniis ac orationibus duplicatis,  
licet membrorum Viribus attenuatus, jugiter explodebat.  
Satagebat quoque inter preces diutinas, Divinam studiosè  
deprecari misericordiam, ut Parens, ac Fratres Uterini, ipsi  
quoque aliquando, quam suavis est Dominus gustare, & vi-  
dere mererentur. Nec in vanum cessit Oratio ejus; Alber-  
tinus namque Parens fama tantæ Filii Sanctitatis adductus,  
ex improvviso quasi à profundo sæculi fomno expergisci-  
tur; tactusque quadam corporis & animæ dulcedine, se bea-  
tissimum fore secum cogitare incipit, si reliquum vitæ tem-  
pus apud Filium transigat; quapropter ad ipsum festina-  
bundus concedens, ibidem ut oblatus & conversus ab ipso  
Martino Abbate in Monasterio recipitur ad tertium nonas  
Julias 1239. Qua die suum novissimum nuncupatum con-  
didit testamentum (quod in Cœnobio asservatur) per quod  
Guidoto, Ingeramioque Filiis hæredibus institutis, eisdem,  
quandocunque sine filiis decederent, Monasterium pleno  
jure substituit, manu Ubaldini Tedestini Notarii. Defuncto  
posthæc feliciter Patre, eoque inter Filii lachrymas sepultu-  
ræ tradito, Jacobus animarum Parochiæ, jussu Abbatis cu-  
ram suscipere coactus, ita administravit: ut plebs univer-  
sa nunquam, nec melius in spiritualibus profecerit, nec Pa-  
trem in terris talem invenerit, unde & felicius regeretur, &  
Animæ salubriora consilia susciperet. Quapropter Vir  
Sanctus Æditui munus quoque Templi S. Justi & Clemen-  
tis inferioris exercere multos annos coactus est. Fratres  
verò Venerabilis Viri sanctis moribus, atque exemplis ma-  
gis ac magis in dies affecti, ubi Martinus primùm, deinde



Nicolaus Abbates morti occubuissent, cum bis elegissent illum sibi in Patrem, ille honorem hunc pariter & onus detrectans obstinatus bis renuit, nimirum dulcissimum quietem contemplationis anxio, periculosoque negotio præferens: tutiusque secum actum iri putans, si inglorius & ignobilis in Cellula tantum Deo teste se se sancte exercendo latitaret, quàm si populo spectante virtutis suæ fama cum gloriæ periculo diffunderetur. Postremo Michaële Abbate decendente, tertiam electionem, urgente Episcopo, subterfugere nulla vi, nullaque ratione valens, Monasterii quidem regimen accepit, ac aliquamdiu administravit, sed paulò post dignitatem sic repudiavit, projecta virga, & annulo, ut nec Episcopi, nec Congregationis ullis omnino precibus ulterius præesse voluerit. In eo solummodò Parochiæ populis rem gratam faciens, quod curam animarum libenter reassumpsit: quos dum paterno affectu frequenter commonefaceret, ut à scelerum flagitiis quisque abstinere, satageret: singuli verò mandata Dei verò sanctoque timore custodirent: factum est brevi temporis intervallo, ut non solum scelerosi incentiva vitiorum declinantes, in via mandatorum Dei se se exercere visi sint, mirabili vi sacrosanctæ Doctrinæ, verùm ut multi quoque è sæculo ad sanctæ conversationis ordinem spiritu fervido festinaverint; nec defuerunt, qui Cœnobium propterea suis bonis donatum esse voluerunt, prout Prædium, quod ad planum dicitur, adhuc ejus memoriam indies recentiore facit. Interea cum Guidotus Frater ejus suum obiisset diem, nullis superstitibus Filiis relictis, Ingeramius ejus adita hæreditate, Paternis omnibus involavit bonis: qui cum nullam similiter sobolem procreasset, contulit se ad hospitale Sancti Jacobi Altopascii, ut Equitem ibi profiteretur, facto testamento, locoque omnium

omnium Bonorum suorum hærede instituto , quæ jure ad Cœnobium Sanctorum Justi , & Clementis vigore Testamenti Patris sui, pertinebant. Deinde infra sex menses facti pœnitens, ipse quoque membra paterno tumulo sociare disponit, Fratrem suum præcatur , Gerardumque Ordinis Generalem, qui tunc Volaterris agebat , suppliciter rogat, ut inter suos ibi Filios, & Religiosos eum adnumerare dignaretur. Itaque ad diem sextam Novembris ad similitudinem Parentis sui , Ingeramius conversus festivè inter Camaldulenses suscipitur, qui propterea accito Tabellione, Testamentum Paternum inprimis ratum gratumque declaravit, ac tandem per novissimum testamentum omni sua Bona (quæ amplissima fuere) in Cœnobium contulit, manu Joannis Junctæ Notarii. Obiit Ingeramius postero Anno 3. Octobr. 1282. Fraterna manu sepulchro conditus. Porro Vir Dei Jacobus propter hujusmodi profectus, Patris videlicet, ac Fratris conversionem , lætissimus , decem adhuc supervixit annis. Qui dum vigil , sedulusque operarius vineam Domini excoleret, proximum ædificando, ac juvando, non æstu, vel algore unquam oppressus sexagesimum sanctæ conversationis attigit annum. Cæterum ad extremum vitæ cursum properans, & febris laborans, Abbate cum Monachis advocato , veniam humiliter petiit, si quid forte non bene factum in eo conspexissent : nec mora sumptis ordine Sacramentis migravit ad Dominum Anno secundo supra millesimum ducentessimum nonagesimum idibus Aprilis, ibique postmodum honoris gratia Ara constituta fuit. post ejus obitum hæc memoratu digna contigerunt.

Quidam Petrus cum iter faceret, incidit in latrones , qui ubi Fratrem primùm interfecerunt, deinde lethale vulnus eidem pariter intulere, qui audita B. Jacobi fama, sepulchrum


chrum supplex adiit, diu lachrymis, ac precibus obsecrans, ut ipse propitiator salutis suæ apud Deum existeret: tandem illum albis amictum vestibus videre meruit admonentem, ut jam incolumis factus discederet.

Alius item à Sancto Geminiano cum surdus quatuor annis fuisset, ad hunc similiter accedens, sanus & ipse remigravit, unde diu postmodum illius quotannis adire sepulchrum pro tali gratus munere, suffragiaque in reliquam vitam exposcere solebat.

Item Mulier Voleterrana dextro affecta, inutilisque brachio, eo ipso tumultu imposito, statim valida facta prænovitate exclamavit: Deo tanti beneficii auctori per suum Sanctum gratias agens.

Alia rursus Mulier, quæ in mamilla torquebatur, pridie ejus diei, quâ decesserat B. Jacobus, Viri sancti auxilium pia fidelique mente invocans, dum sic instaret, illum Chyrurgi habitu cum arcula unguenti venientem vidit, cujus liquore vulnere perfuso, è vestigio incolumis apparuit.

Insuper è Castro Libiani mulier quodam ab immundo vexata spiritu, ad Beati Viri sepulchrum à Consanguineis adducta, eiecto tandem dæmone omnibus spectantibus; ac Deum collaudantibus pristinæ restituta Sanitati in Patriam rediit lætissima.



CAPUT



CAPUT XXXVI.

*VITA B. Michaëlis Eremitæ Camaldulensis, qui fuit Auctor Rosarioli (Corona Domini) nuncupati.*

**B**Eatus Michaël ex Nobilissimis Parentibus ortus Florentiæ, Patrem Venturam nomine habuit, à teneris annis Deum timere didicit, ubi pubertatis attigit annos, Laurentij Medicis Clarissimi Ducis obsequiis se se dedit, Pincernæque officium plures annos exercuit, & ea quidem ingenuitate, ut inter reliquos domesticos ei extiterit charissimus. Animadvertens Michaël, quod Laurentij Domum Liberalium Artium Professores frequenter adirent, ingemuit non semel pectore ab imo, quod pueritiæ annos non plene Literarum studiis addixisset, itaque legendæ historiæ cupidus non parvam librorum supellectilem paulatim comparavit, ut in colloquiis peritorum hominum saltem ob illud studium aliquandò non erubesceret. Pari modo cum multi Religiosi ejus tempestatis insignes Viri ad Laurentium frequenter convenirent, longosque sermones de Cœlestium bonorum spe; deque vera Christiana charitate, protraherent; Michaël ad Religionem nonnihil cœpit appellere animum, quandò ex Trebiana Villa in Senarii Montis densissimas sylvas venatum cum Laurentio concessit: ubi incidit ei in mentem recordatio casus Guidonis Marchionis, qui intempestæ noctis tempore à Sociis desertus per arduos inviosque montes aberrans horrida nimium visione ad mutandam  
Vitam

Vitam & mores invitatus est, septemque Cœnobia propterea ædificavit. Quamobrem gravi terrore consternatus, quomodo se à sæculi servitute omnino liberaret, cogitare cœpit, quod Laurentius exploratum habens, eumque penes se retinere cupidus, sacerdotium illi cum honestis proventibus conferendum curavit, qua occasione Michaël omnino Deo servire avens, illico se tanquàm exemplar omnium bonorum operum comparare cœpit; quippe esurientes alens, nudis vestimenta præbens, & omnia ferè pro Christi nomine distribuens, se in magna paupertate ditissimum apertè prædicabat, frequenter de Cœlestibus colloquium habebat, & libenter Monasteriorum limina terens, Cucullatorum ritus morèsque, quasi alter Antonius, contemplari delectabatur. Accidit inter hæc Laurentium ad sacram Eremitum Camaldulensium æquitare, illic Michaël decore Domûs Dei captus, & quadam cœlesti vi Eremitam agere instigatus, Romam prius proficisci voluit ad sanctorum Apostolorum limina, inde reversus sacræ Camaldulensi Militiæ est adscriptus. Exinde in summa Columbæ simplicitate se verum & non fictum Dei Servum, ac Sancti Patris Romualdi Discipulum adedò piè, & sanctè præbere studuit, ut incredibili modo in superna fluentia fontis vitæ inhiare, visus plurimos humilitate superaret, obedientia præstaret, charitate, vinceret, continentia verò cibique parcitate nemini esset secundus, nulla infirmitate frangeretur, tantummodò adolescentiæ minus salubriter peractum cursum querebatur, admissæque in sæculo crimina continuâ pœnitentiâ lugebat. Tanta spe adipiscendæ Misericordiæ Dei ducebatur, ut propter dulcedinem amoris, atque Charitatis Christi incontinententer lachrymas funderet. Quocirca Fratribus veræ contemplativæ Vitæ mira in dies præbens exempla,  
difficile

difficile dictu est, quanta veneratione eum prosequerentur. Jam verò cupiens ardenti animo proficere in Virtutibus, & in cœlesti Philosophia omnibus aliis curis sepositis incumbere, reclusionem annuam ab Eremitarum Prælato summa humilitate ante omnia impetrat, & elapsò terminò unius Annì, perpetuam. Gaudens igitur, quòd liberiùs cœlestium bonorum Philosophiæ incumbere solitarius posset. Tantùm exinde dulcedine sempiternæ ambrosiæ vescebatur, tantùm Christi charitate vulnerabatur, ut rem sacram faciendo, tanquam Cherubini in vultu inflammari semper exinde visus sit, & incredibili cordis profunditate mysterium humanæ Redemptionis contemplari. Tandem cum jam decimum quintum suæ reclusionis sanctissimè completeret annum, die quodam recitando Coronam B. V. MARIE (quam diètim persolvebat) raptus in extasim, in qua audiuit vocem Salvatoris nostri hujusmodi: *Mei autem non recordaris Michaël?* quibus verbis magis inflammatus, petiit per intercessionem B. Virginis à dulcissimo JESU significari sibi, quonam devotionis genere in suo & omnium fidelium cordibus memoriam illius perennem firmare posset, post quam petitionem fuit illico à divinisimo spiritu edoctus, ut quemadmodum Coronam & Rosarium B. Virginis juxta numerum annorum Vitæ ipsius recitare solitus fuerat, ita simili modo in memoriam 33. Annorum, quibus Christus JESUS salutem humanam operari dignatus est, totidem orationes Dominicas recitaret, quibus orationibus Dominicis quinque Salutationes Angelicas interponebat, ad extremum Credo, & vocavit hanc Devotionem Coronam Domini. Quam cum ille ad Leonem X. Pontificem Maximum (qui tunc Florentiæ agebat) detulisset, gavisus magnopere Pontifex novò hujusmodi Munusculo, illud sta-



tim Apostolica auctoritate confirmavit , & amplissimis Indulgentiis decoravit. Pontificium Diploma , & Bulla huiusmodi fuit elargita desuper.

## LEO Episcopus Servus Servorum DE I.

UNIVERSIS, & singulis Christi Fidelibus presentes literas inspecturis Salutem, & Apostolicam Benedictionem. Nuper Nobis fide digna relatione innotuit, quod cuidam Seniori Eremita, intra unius Cellæ angustiam jam quindecim annos in sacra Camaldulensi Eremita in magna Vitæ austeritate recluso, commoranti, Domino, ut credere pium est, inspirante, à quo omnis recta procedit cogitatio, in mentem venit, quod in honorem Salvatoris, & D. N. J. C. Fideliumque devotionem cedere posset, si quemadmodum ex antiquissima valdeque communi institutione Christi Fidelium in honorem B. V. MARIE secundum numerum annorum quos vixisse in hoc mundo creditur, sexaginta tres Salutationes Angelicas, septem interpositis Dominicis orationibus devotè dicere solent; quod orationis genus, Coronam Virginis appellant; ita in honorem D. N. J. C. pro commemoratione annorum, quibus ipse in terris conversatus est, ex triginta tribus Dominicis orationibus, quinque interpositis Salutationibus Angelicis, quasi Coronam Domini dicere assuescant. Supplicarique Nobis humiliter fecit, ut ad excitandam fidelium devotionem aliquam Indulgentiarum gratiam eam Domini Coronam dicentibus concedere Apostolica benignitate dignaremur. Nos verò quibus incumbit, & honorem D. N. J. C. quantum ipso auxiliante possumus agere, & Christi fidelibus Devotionis incitamenta præbere: huiusmodi supplicationibus inclinati prædictum orandi modum ab illo Seniori, reclusoque Eremita excogitatum

tatum approbamus, confirmamusque, & Coronam Domini volumus appellari. Quod orationis genus ut à fidelibus devotius suscipiatur frequentiusque excolatur, universis & singulis utriusque sexus, cujuscunque statûs, ordinis ac professionis, qui eandem Coronam dixerint, per singulas vices decem Annorum Indulgentiam: his verò qui justo amoto impedimento per continuum anni circulum eandem Dominicam Coronam semel in die dixerint, ultra prædictam summam mille annorum Indulgentiam de nostræ plenitudinis potestate Auctoritate Apostolica concedimus, & erlargimur. His verò qui ad extremum vitæ diem eam Domini Coronam semel in die dixerint, easdem annorum summas duplicamus, & decedentibus ex hac vita Apostolicam elargimur benedictionem. Quia verò difficile esset præsentis Literas ad Universorum notitiam pervenire, nisi oportuno provideretur auxiliò: eadem auctoritate volumus ac decernimus, ut transumptis, etiam impressis sigilloque Sacræ Camaldulensis Eremitæ, & alicujus Eremitæ subscriptione munitis ea prorsus fides habeatur, quæ ipsis originalibus Literis haberetur. Volentes ut omnes prædicatores, ad quorum notitiam hæc pervenerint, eas in populorum præsentia publicare possint. Contrariis non obstantibus quibuscunque. Datum Florentiæ sub Annulo Piscatoris die 18. Febr. 1516. Pontificatûs Nostri Anno III.

Tandem aliquoque Romani Pontifices, utpote Clemens X. Gregorius XIII. Sixtus V. Amplissimis Indulgentiis & Gratiis prædictam Coronam Domini ditârunt, ut videre est in Bullis eorundem, quas brevitatis causa omitimus.

H h h 2

Quomo-

*Quomodo Beatus Michaël per Prophetiæ  
Spiritus Clementis VIII. & Pauli III.  
Pontificatum vaticinatus sit.*

**P**Ræfulsit Beatus Michaël Prophetiæ dono, & quidem tali Gratiae virtute, ut ejus fama, cum summa Camaldulensis Religionis laude ad Principes, magnosque Viros usque penetraverit. Id autem in principio sic cognitum est. Quadragesimali tempore, eo videlicet die, quo sancta Mater Ecclesia historiam curati à Deo infirmi ad Pisanam commemorat, Stephanus Venetus Vir inter Eremitas multum Venerabilis, qui præfecturam Eremiti non semel egit, audiendis Divinis in Templo intentus erat. Is ex historiæ S. Evangelii lectione in pulcherrimam devenerat meditationem, quâ veluti per excessum mentis Dei misericordiam animæ peccatrici semper medicinam facere philosophabatur: dummodò Anima sollicita de salute sua in adventu Cœlestis Angeli, qui est Christus Dominus noster, ad motionem aquæ Divinæ misericordiæ inter postremos non inveniatur, nec ad ejus verbum Cor suum obduret: qua rursus meditatione se ægrotum illum considerabat, qui lectum suum è sæculo tollere ad vocem Domini jussus fuerat, & in Domum ipsam Sacræ Eremitæ sanus concedere; quamobrem præ animæ dulcedine lachrymabundus Dei misericordiam sic super se Peccatorem diffusam esse, ex intimo cordis affectu immortales gratias Throno sanctissimæ Trinitatis agebat. Eodem temporis momento Vir Venerabilis Michaël rem sacram in Capellula Cellæ suæ faciebat: qui offerendo sacrificium super eodem mysterio meditans Cœlesti ne-  
tare,



stare, & ambrosia vescebatür, & tunc Coeremitæ Stephano, se lociare sibi videbatur, & ejus meditationi quasi præsens per spiritum affuit. Itaque Missarum solemnibus expletis, è vestigio calamum sumit, & syngrapham ipsius meditationis seriem continentem ad unguem, per Samuellem Ministrum ad eum tacitus mittit. Ne autem Stephanus admiratione affectus diceret, quid lego? quid audio? Nonne Deus solus scrutatur renes & corda, homo autem videt in facie: adjecit Beatus Michaël super dorsum syngraphæ hæc verba: *Charissime Frater, ipse MARIE semper Virginis Filius JESUS semper benedictus, dum manibus Venerabilem Eucharistiam contrectarem, cogitatum tuum, quem ex tota Anima in eum jeceras, mihi misericorditer revelavit.* Vulgata hujusmodi de Viro Dei fama, non defuerunt permulti, qui eum videndi, & alloquendi gratia arduum Eremitæ Montem ascenderint. Contigit item, ut Cardinalis Medices qui Pontifex Maximus deinde creatus fuit, & Clemens VII. appellatus, ad sacrum locum veniret. Is cum recluso Viro verba faciens, quantum Prophetiæ spiritu valeret tentavit, itaque an ad summi Pontificatus apicem evehendus sit aperte ab illo sciscitatus est. Cui Pater Venerabilis respondit. *Eveheris quidem tu Præsul amplissime post mortem Gentilis tui brevi post tempore.* Quibus ex verbis biennium Adriani VI. qui inter Mediceos Pontifices medius sedit, illum significasse rei exitus probavit. Anno 1521. accedente Cardinale Farnesio, qui Paulus III. postea fuit ad sacrum Eremum pridie Calend. Septemb. quidam ex ejus familiaribus, Bartholomæus Grota nomine, ejus Capellanus reclusum adiit, quærimoniasque in colloquio Viro Dei cœpit exponere, quod longo tempore tanto Præsuli gratis servivisset. Cui Vir sanctus statim intulit. *Perge ut cœpisti Frater, quia ali-*  
quando

*quando te Pontifici Maximo famulatum impendere animadverteres. His verbis Cardinali renunciatis, Reclusum & ipse petens, quandò hæc futura sunt, percontatur. Cui, post electionem duorum magnorum Sacerdotum, ille respondit. Porro hi Adrianus, & Clemens nominati fuêre.*

*De austeritate Vitæ B. Michaëlis, & de Malatascæ Dæmonio, qui eum frequenter infestabat.*

**Q**uanta vitæ frugalitate, quanta cibi & potûs sobrietate Venerabilis Michaël se in solitaria militia comparaverit, vel ex eò conjectari licet facile, quòd semel tantum singulis hebdomadibus, dominica scilicet die, vinum bibere aquievit, & tunc quàm parcissimè, ac dilutissimè, modica quotidie panis portione, sive interdum aliquo pulmenti genere contentus. Raro sedere visus est, præsertim ad ignem: unde referunt Seniores eum Coeremitis ad ignem (ut in Italia moris est) non sedendi sæpe numero monimenta dedisse, ne scilicet eo pigritiæ fomite aliquem à sanctæ Contemplationis opere torpescere contingeret. Cilicio corpus assiduè domabat. Tanta pietate, atque humilitate Deo placere studebat, ut verè innocens verè sanctus servire Domino in timore, & exultare pariter secundum Prophetiæ præceptum nunquam fatigaretur. Quippe ad omnes horas canonicas cæteros sic prævenire Fratres solebat, ut semper ad initium Campanæ, ad Divinum Opus se paratissimum componeret, & tùm se alicui pie Meditationi dabat. Post matutinam synaxim indefessus orationi usque ad Celebrationis Missæ Sacrificii tempus, toto corde contemplan-

plando Cœlestem gloriam, vacabat, libatoque Sacrificio  
rursus orationem usque ad horam prandii continuabat. A  
prandio recreandi animi gratiâ, vel tornandis Rosariorum  
globulis, vel legendo, aut scribendo se nonnihil exerce-  
bat. Acerrimas Dæmonum persecutiones longo certami-  
ne tulit, aded ut quantum Minister, & alii exploratum ha-  
bere potuerunt, rarò inducias acciperet, cum tamen, quo  
gravius contunderetur, eò magis divini auxilii consolatione  
sublevatus sit. Porro Dæmonium in Cella ei jugiter ne-  
gotium faciebat *Malatasca* nomine, deque Patientia illum  
tentabat, si eum fortè cadere, aut saltem claudicare facere  
posset, & cum non liceret; in magnis rebus, hanc operam  
in minimis frequenter præstabat, & aliquandò etiam Sa-  
muele præsentem, nam is cum aliquandò prandium recluso  
valetudinario pararet: & stratâ mensâ Reclusus poculum  
bibiturus accipere vellet, ecce illico poculum illud per aëra  
ex improvviso jactatur, dum vero Samuel piæ novitate rei  
improvviso terrore corripitur, reclusus in hæc verba pro-  
rupit: *Desine Malatasca, nunc mihi in aperto molestus esse, hæc  
hora alios mores postulat.* Exinde ad Ministrum conversus,  
*ne trepides,* inquit, *Fili, hoc nihil est.* Tunc ergo Dæmon in  
cachinnum, risusque prorumpere auditus, restitutò poculò,  
senem irridendi finem fecit. Alio item tempore cum ipse  
Samuel oleum lucernæ reclusi super funderet, ex templò  
operimentum evanescit ex manibus, & nusquam inventum,  
denique postera die, dum oleum rursus superadditur, ex  
insperatò ejusdem manibus restituitur: quod Michaël cer-  
nens, *hic malatasca est,* ait, *Fili cum figmentis suis, qui utrum-  
que de impatientia tentare voluit. Benedicat tibi JESUS MA-  
RIÆ Filius benedictus, qui non es scandalizatus in illo, verumta-  
men rogo te rem sub silentio custodi.*

De



De Morte & Miraculis Beati Michaëlis,  
& quomodo Dux Urbinas eum levare  
Filium de sacro Fonte requisierit.

CLariora Miracula, quæ de Beato Viro accepimus, sunt  
hujusmodi. Initio conversionis ipsius Samuelis, Juvenis  
ob vitæ, regionisque mutationem, Cælique in Apennino Monte  
rigidissimam intemperiem magno capitis dolore vexabatur, ut ferre  
planè non posset, de redeundoque domum secum tacitus cogitabat.  
Venit autem ei in mentem cogitatio experiri an Reclusi ope prius li-  
berari posset, impetrataque facultate ei inserviendi, ubi primum ad  
eum ingressus, narrata sua valetudine, suppliciter se precibus illius  
commendavit, ille Missæ celebratione peracta, frontem signo salu-  
riferæ crucis ipsi consignavit, quò omnis dolor sic repente abscessit,  
ut nunquam postea (quemadmodum recognovit) hoc morbo la-  
boraverit. Quidam Bubulcus Villæ Mogionæ secus lacum, qui  
Caroli Spellensis hodie dicitur boves agebat. Horum unus fortui-  
to casu in via crepuit. Rusticus ergo gladiò doloris summopere  
confossus, factam animalis jacturam profundis singultibus, deplora-  
bat, aded ut nullam omnino consolationem admitteret: subiit autem  
illi inter fletus Viri Dei Michaëlis memoria, citoque gressu accli-  
via montis scandens ejus Cellam adit, magnisque ploratibus ut sui  
misereatur præ foribus, etiam atque etiam postulat. Sciscitatur  
Vir Venerabilis de fenestra, quid tanti cruciatus causa sit, af-  
flictumque hominem merori parcere hortatur, bonoque animo esse,  
atque in Dominum JESUM: MARIÆ Virginis benedictum Fi-  
lium, summa fide sperare jubet, à quo consolationem de sancto  
sibi missum iri pollicetur: moxque sacellum ingressus, precesque  
pro


pro afflicto homine Deo fudit, ad maestum Virum remeans ait : absterge fili, absterge lachrymas, miserator enim & misericors Dominus, qui consolatur nos in omni tribulatione nostra misertus tui est, & Bovem ad auras revocavit. Age gratias sanctissime Trinitati : vade ; quia in loco ubi eum reliquisti pascentem invenies ; atque ita rem se habere, compertum est. Evulgatô hoc Miraculô, non potest dici, quanta opinio de Venerabili Viro per totam Italiam succreverit : Duxque Urbinas Legatos ad Eremitas misit, multis precibus postulans, ut Venerabilis Michaël ad levandum ejus Filium ex sacro Baptismatis fonte Urbinum mitteretur. Qui cum reclusionem violare noluisse, missus est Paulus Justinianus, qui vices reclusi supplevit. Tandem ubi corpus debile ob longam abstinenciam seniles etiam anni fregissent, Venerabilis Michaël jugi precatione dissolvi, & esse cum Christo flagitabat, vocatusque est ad cœnam nuptiarum Agni gloriosa dormitione die 12. Kalend. Febr. 1522. Porro sacro Corpore ad Templum delato Deus Optimus Maximus ejus Vitæ innocentiam novô signo hujusmodi confirmare dignatus est. Justinianus siquidem Bergomensis Venerabilis Eremita maximum dolorem dentium pati solitus, eo tunc acerbissime conficiebatur : is Beati Michaëlis manus osculando, continuô se ab omni dolore cognovit immunem, nec ulterius eo vexatus est

Corpore honorifice composito, Patres Virum

DEI cathalogo sanctorum Eremitarum

ascripsere.





## CAPUT XXXVII.

*VITA Venerabilis Ambrosij Camaldulensium Generalis Antistitis, Scriptoris Ecclesiastici, & Luculentissimi Interpretis Græci.*

**I**Nter Camaldulensis Ordinis alumnos, quos clarissima Litterarum studia disertissimis, Illustrissimisque Viris æquavêre, AMBROSIUS sacrae Eremitæ Prior, totiusque Venerabilis Ordinis Generalis Antistes, principem locum iudicio totius Asiæ, & Europæ meritò, atque optimò jure sibi vendicavit. Quippe, qui felici sæculo, quò græcæ, latinæque literæ sub Grysolora, Trapezuntio, Gaza, Aretino, Valla, Poggio, cæterisque utriusque linguæ luminibus, quicumque in eo munere fidelis, eruditi que ingenii operam præstitere, renatæ existimantur, tantum attulit ornamenti, ut utraque Ambrosii eruditioni, studioque multum debeat: maximè ob multiplicem græcorum voluminum translationem; nec non quia deperditâ jam diu ob barbaras incursiones, omnis fermè vetustatis librorum copiâ, ejus potissimum operâ, sudore & castigatione, in communem, qua fruimur lucem restituta est, Cosmo Medice Seniore, aliisque magnis, ac disertissimis Viris opem ferentibus.



De



*De genere, natalibus, & præclara Ambrosij ingenij docilitate.*

**G**Enitus est Ambrosius Civenio Parente spectatæ prudentiæ, & pietatis Viro in oppido Portici Romandiolæ, ubi ad præsens superest ejus Familia, quæ Traversaria nuncupatur, quæ olim cum Ravennæ floreret, à Polentanis exacta, in bifariam divisa est, pars Venetias commigravit, quodd ibi ex eadem Familia Legii (ut scribit Hieronymus Rubeus) clari haberentur ducentis jam fermè annis Patritii facti. Reliqui Porticum se recepère, retento prisco Gentilitatis vocabulo. Hujus opinionis est F. Blondus Forolivienfis, qui in sua Flamineæ conscriptione hæc habet verba: *Deinde arduo in colle est Porticus, eloquentissimo, & græcè latinæque doctissimo Ambrosio Camaldulensi Monacho clarus, & alio in loco ait, Ambrosium Porticus genuit*, cui suffragantur monimenta Cœnobii Angelorum, & ipsiusmet Ambrosii. Constat Ambrosii animi ingenuitatem, ingeniiq; docilitatem statim à pueritia conspicua fuisse: vim namq; habebant ultra ætatem ejus cœpta, dulcissimus, ac suavissimus eloquio, discendi, legendiq; ac scribendi avidissimus: vitiis puerilibus averfus, somnò, cibò, ac potu parcè utens: & minimam quamque temporis jacturam fugiens. Jam verò cum Parentes eum Pædagogo, qui comis, & urbanus erat, religiosisque moribus præstabat, erudiendum in Galecta tradidissent: difficile dictu est, quàm singularum rerum, quas doceretur, causas, rationesq; ab illo efflagitare: adeò ut nihil ferè sine decenti examinatione admittere vellet. Huc accedebat, & tenacis memoriæ donum, quæ tantum volebat, ut quæ semel didicisset, semper memori-

ter retineret : quanquàm qui celeri ingenio sunt, non semper bona memoria præstare solent. Cum verò prima Grammatices præcepta imbibisset, Joanni Ravennati discipulus traditus est, qui ( ut scribit Leonardus Aretinus, ) ad Italos eliquentiæ studia è diuturno exilio pulsus Barbaris, revocasse laudatur. A quo incitati ad bonarum Literarum studia dicuntur, Petrus Paulus Vergerius : Robertus Rubeus, Pogius, Guarinus, Victorinus, multiq̃ue præterea alii Viri Ambrosii Condiscipuli, qui proinde ejus familiaritate, dulcissima consuetudine semper usi sunt. Porro Ambrosius Joanni Magistro tali studio operam dedit, ut nîl sibi esset dulcius, quam Magistri præceptis monitisq̃ue parere: ejus doctrina imbui : atq̃ue in ea omnia diligenter incumbere, quæ viderentur ad assequendam eruditionem, excolendumvè ingenium pertinere. Nec solum virtutem ingenue amare dictus est, sed imaginem potius ; ut dicebat Plato, genere amoris. Cujus ingenii specimen Joannes perspectum habens, eum quasi Filium dilexit: summæque ope ejus egregiam indolem ( quæ tanquàm præclara arbor amplissimos fructus paritura videbatur ) quantum in se esset, egregie erudire studuit ; à cuius ore Ambrosius sedulò pendens, eumq̃ de lectionum quæstionibus frequenter interrogans, multos ex Condiscipulis ad sui æmulationem in dies excitare visus est. Aliquando cum simul exercerentur, Ambrosius garrimentibus quibusdam æmulis data opera respondere cunctabatur : quare illi insolitum silentium admirati, ipsum tumultuosè intigare non cessabant. Tandem in verba prorumpens sermonem de silentio Discipulorum Pythagoræ ad eos habuit, quorum neminem conticuisse minùs quinquennio memoriæ proditum est. Adjecit & Zenonis Stoici exemplum : qui cum legatos Antigoni Regis ad cœnam cum  
non-

nonnullis Philosophis invitâset, qui singuli inter epulas suam Doctrinam ostentarunt, interrogatus cur ipse solus taceret? *difficillimum omnium, retinere sermonem*, respondit. In peroratione vero rem in jocum vertens, intulit: *ego tunc silere desistam cum talia dicere sufficiam, quæ non sunt digna taciturnitate.* Hoc vaticinium, quod in magnum græcæ paginæ Interpretem evasurus esset, rei exitus comprobavit. Inerat ei, quantum ferebat ætas eximia facundia cum sententiarum gravitate, brevitati tamen summâ industriâ studebat: utpote, qui ne quod sibi verbum imprudenter excideret, eò diligentius cavebat, quò idem orationi, quod nummis evenire non erat nescius: qui utique tantò præstantiores habentur, quantò in minori materia, plus valoris, præciique complectuntur.

*Ambrosius sub Emanuele Grysolora Literis  
Græcis incumbit.*

**P**ER eos dies Bajazetes Othomannus, qui à celeritate nimia, fulguris nomen, ( ut astringit Jovius ) adeptus est, Bisantium valida manu oppugnabat. Quocirca Joannes Orientis Imperator Emanuelem Grysoloram eruditissimum Virum ad Europæ Reges legatum misit imploratum mature auxilium pereunti Græciæ. Cum verò interea Tamerlanes Orientis terror Bajazeti Bellum intulisset, eumque ad stellam montem collatis signis felici Marte superâset, atque vivum cœpisset, Græcia præsentimetu liberata. Emanuel in Italia substitit, Venetiisque primùm græcarum literarum studium, quasi post septingentorum annorum exilium, docendo summa liberalis ingenii humanitate excitavit. Cujus eruditionis vagante fama, factum est, ut omnes literarum studiosi



studiosi adolescentes, qui ad obeunda græci eloquii præcepta impigerrimi essent, undique ad eum confluere visi sint. In his fuit Ambrosius cum plerisque Condiscipulis: qui omnes quantum Grysoloram audiendo profecerint: quantum abundaverint præceptis, & Institutis græcæ Disciplinæ, nemo est, qui nesciat, qui eorum versiones, scriptionesque perlegerit. Porro ubi gustavit Ambrosius Atticam dulcedinem, eamque ad omnem Romani sermonis veram eloquentiam, decoremque existere cognovit, confestim magno cœpit ardere desiderio, ut singulari studio, & exercitatione facultate illa potiretur. Itaque omnibus aliis posthabitis curis, ad id unum seipsum potissimum comparare studuit: jamque ingenii periculum faciens, primus omnium in Schola ad traducendum latino sermone quotidianas lectiones animam convertit. Cujus promptitudinem Grysolora præcipuo amore profecutus, eum verò doctissimis Viris adæquandum prædicans: Ambrosii studium colaudatione celebrare non desinebat. Mox tamen Venetiis discedens ut Florentiæ doceret, novam ineundæ vitæ occasionem eidem præbuit.

*Ambrosius Monachus Camaldulensis  
efficitur.*

Cum ad pubertatis annos propius accederet Ambrosius, & ætatem prudentiâ, atque judiciô magis roboraret; insignium Philosophorum Institutum summopere admirari delectebatur: quorum summum studium circa hominis virtutem versatum est. Maximè verò Platonis sententia perurgebatur, qui utique (perinde, ac si Christianæ Fidei lumine illustratus fuisset) per beatam omnino justorum,

cala-

calamitosam verò impiorum vitam esse, docere solitus est, & veram Philosophiam meditationem mortis. Itaque ab incunabulis Deum timere assuetus, videns intemperantem adolescentiam ad lasciviam & libidinem valde esse proclivem, quæ quidem ubi homini dominatur, innocentiae leve præsidium est, nil magis secum cogitare cœpit; quàm sese immaculatum ab hoc sæculo conservare. Cum id nulla alia ratione certiùs assequi posse condi fideret, quàm statum Monasticum suscipiendo, ad militandum Deo inter Carnal-  
dulenses tota se cogitatione jam converterat, sermones, profanaque studia magis in dies devitando, ex quo de Castitate inperpetuum servanda deliberans, se Corpus suum nunquàm temeraturum votum vovit Christo JESU Domino, & Gloriosissimæ Mariæ Virgini. Porro crescente Religionis arripiendæ desiderio, cum nihil sibi statuere licere inconsultis Parentibus intelligeret, ne quam forte ingrati animi, vel minus benè instituti filii notam subiret: votum suum Patri insinuavit. Qui licet initio filium à sententia abducere totis Viribus pertentâisset una cum Uxore, ad extremum tamen ob pietatem in Angelorum Florentiæ Cœnobium, illum cooptandum curavit, ubi Ambrosius ad octavum idus Octobris sacrum Habitum suscepit annò à partu Virginis 1400. cum jam ageret vigesimum secundum diem supra 24. suæ ætatis annum. Commissus igitur de more Religionis Novitiorum Magistro erudiendus, mox elapsò probationis anni terminò, ad octavum idus Novembris conceptis verbis in tria sacrae Religionis vota, Aram solemnî ritu tenendo, juravit. Porro ab exordio conversionis nulla pristini instituti oblivione captus, Ambrosius in ordinanda sacrae vitæ ratione talem omni studio, ac vigilantia se exhibuit, ut nulli vel veteranorum tam in opere Divino, quàm

in sanctæ obedienciæ, & regularis cultu esset secundus. Crevit quippe in eo pietas, crevit religionis ardor, creverunt doctrinæ studia pariter cum ætate, nunquam commotus cuiusquàm injuriâ: nullius imprudentiæ in modo, vel ratione notari potuit, sed modum cum honestatis decore ubiq; tenere videbatur, omnes eum admirari, ac diligere quadam magna animi propensione, ac velut ad Religionis splendorem natum celebrare studiosaque prosequi observantia consueverunt. Inter Patres qui Ambrosium merito virtutis amarent plurimum, erat Matthæus Senex magnæ sanctimoniæ Vir Cœnobii Præfectus, & Gregorius Magister, uterq; eidem emulandæ virtutis extitêre auctores eximii, atque Patroni.

*De ingressu in Religionem Hieronymi,  
Fratris Ambrosij.*

**S**UB id tempus, quô Ambrosius cucullum induit, placuit DEO Optimo Maximo ejus Parentibus novæ prolis solatium non denegare: suscepit enim Civenius ex Uxore sua duas alias proles, marem unum, fæminam alteram. Cæterum inaudiens puerulus Hieronymus (hoc erat nomen masculi) Ambrosii Fratris famam, cumque ex his, quæ de illo passim prædicabantur, magis magisque in dies movetur, se ad Fratrem recipere velle Penitoribus suis patefecit, & cum Coævis idipsum frequenter jactaret, factum est, ut Angelorum Cœnobium adductus puer (quasi pia Genitrix instar Matris S. Bernardi Filios omnes mares Religioni edidisset) tandem in Angelicam Familiam fuerit festivè cooptatus. Traditus ergo Ambrosio Fratri erudiendus, ubi lustravit Hieronymus Cœnobii officinas, contemplatusque quomodo



quomodo hic studiorum academia, hic Librarium  
ac Notariorum ferveret opus, hic Minij, ac Picturæ  
artifices celebrem sibi stationem elegerint, & illic Phrygio-  
nes scitè ac pingentes superiorem domus partem occu-  
parent, summâ ubique dignitatis operis magnificentiâ, &  
si exædram præcipuè frequentare delectaretur, interjectis  
tamen horis picturæ studiosè vacare cœpit. Unde ad Phry-  
gios artifices delatas, quasi quodam naturæ instinctu eximie  
se in ea arte comparavit, ut qui eum superaret, inventus sit  
nemo: quemadmodum ex omni Phrygiana antiqua Basili-  
cæ sacra suppellectile in Cœnobio Angelorum usque ad hanc  
diem videre est. Vacavit Hieronymus non segniter hu-  
manioribus, atque sacris studiis, quippe docenti Ambro-  
sio, & in cathedra residenti semper adesse sollicitus fuit.  
Quocirca Ambrosius sive ad Nicolaum, sive ad Franciscum,  
sive ad Leonardum scriberet, salutationem his verbis semper  
adjiceret: *Hieronymus Frater, Jacobus, Gregorius, Demetrius*  
*senex, ceterique ex ludo nostro tibi salutem dicunt.*

*Ambrosius varia volumina Græca in lati-  
num versa edit.*

**E**Rat Ambrosius morum gestorumque majorum immo-  
dicè avidus perscrutator, summusque antiquitatis ama-  
tor. Ejusmodi verò incubandi rei multorum nobilium Flo-  
rentinorum sibi opportunè oblata occasione, ita flagrav-  
it animo, ut omnem Reipublicæ Florentinæ morem, ad mi-  
nistrationemque adamusim explorare contenderit. Jam,  
jamque omnem legem, Pacem, Bellum, & res illustres sin-  
gulari volumine complexus, Familiarum sic origines sub-  
texuit: sic dignitates & honores, & quo quisque tempore  
K k k flore-

florere cœpisset, egregiô compendiô expressit, ut ex eo clarorum Virorum propagines omnes liquido cognosci licuerit. Hæc cum luculentô admodum stylô ornasset, Volumen ipsum summo Magistratui munere dilargitus est, à quo gratissimè exceptum, veluti publicam memoriam consignatam habens, publicis monumentis adjectum est ad solatium eorum, qui aliquam haberent cupiditatem clarorum suæ Reipublicæ cognoscendi Virorum. Interea Venerabilis Pater Matthæus Prior Ambrosium ad sacros Ordines promovere studet: & cum eo, qualiter adjurandum in Sacramenta Ecclesiæ se præparare debeat, & paulò post Sacerdotij insignibus, caractereque initiari, frequenter verba facit. Monebat eum assiduè voto, institutoque Religionis rem convenientissimam facturum, si non minùs studii, operæ, ac diligentiae in transferendis nostratis Philosophiæ Magistris impenderet, quàm facerent alii doctissimi Viri in convertendis externæ Philosophiæ scriptoribus. Ambrosius igitur ad veram studiorum Religionis, divinarum rerum scientiam ac laudem sibi aditum perfectiori modo patefacere sibi confidens, eam operam Divi Joannis Chrysostomi libris contra vituperatores vitæ Monasticæ libenter primùm novare decrevit, eique Sanctissimo, ac Doctissimo Viro suarum lucubrationum primordia, quanta majori diligenti fieri potuit, sacravit. Permotus est autem ea maximè occasione, quòd non deessent æmuli, ac maledici, qui illum ad maxima natum Monachum latrarent; quæ nota duplici potissimum ratione ab Ambrosio; fingente longius ire, in dedicatoria Epistola ad ipsum Matthæum Priorem diluitur. Primò quidem; quia ex lectione S. Joannis Chrysost. proposita Monastici Instituti dignitate, omni Cucullatorum generi apertus patet solatii campus, in quem quicunque de-

scen-

scendit, habet unde discat talem se comparare, qualem auctor verissimam Monachi imaginem mirificis coloribus, quibus Apellis peritia hac in parte superatur, suò penicillò artificiosissimè, elegantissimeq; expressam reliquit. Secundò, ut temeraria latrantium audacia, qui Religiosos despectui habent, præcipuè qui Monasticam Philosophiam carpere non desinunt; ita reprimatur, ut omnibus maledicis ora perpetuo silentio posthac obstruantur. Siquidem nostra causa à tanto viro suscepta est eò studio, quo nullus unquam advocatus causam cujuspiam clientis vel suscepit, & agit, vel majori elegancia, & ubertate unquam defendit.

*Quod Germani, & ultra montani Ambrosij eruditioni plurimum tribuant ex translatione S. Dionysij Areopagite, & ex versione diversorum Librorum.*

**I**Nter Sanctorum Apostolorum Discipulos S. Dionysius Areopagita Episcopus & Martyr universæ Ecclesiæ admirationi esse consuevit: aded ut quemadmodum JESU dilectissimus Evangelista Joannes ob sui Evangelii subtilitatem Aquila nuncupatur, parimodo Dionysius Divi Joannis Chrysostomi, totiùsque Græciæ testimoniis, volucris Cœli, seu potius Cœlestis Angelus describitur: quippe cui vix successit unquam similis sacrorum interpres. Omnino ejus sanctissime Scriptiones, quæ extant, Divinitatis opes cœlestesque ambrosias mortalibus propinantes, veram mundi lucem, unicamque Dei intelligentiam altius, quàm omnis Philosophorum sapientia, & cor hominis scrutari posset, mirandum in modum explicant. Verum enim verò aded altiloqua oratione, illustrique stylo sunt



complexæ, ut multi doctissimi Viri in illis latia luce animandis plurimum laboraverint. Hæ cum Ambrosius ætate quarto jam traductæ fuissent; nec multiplex hujusmodi dilucidatio Ambrosio satisfaceret; animum induxit ipse suum huic quoque sacro auctori studium suum navare. Igitur proposito sibi græco Exemplari, novissimam edidit quinto loco lucubrationem tanta suavitate facilem, adeoque clarè, & aperte splendescentem, ut græci studii participium apparuerit potius in illo nativum sermonem, quam ascitum. Expressit autem latinis illud opus singulari eloquentiæ puritate, primum Monachus in libro de cœlesti, & Ecclesiastica Hyerarchia: deinde Generalis in libris de Divinis Nominibus, & Mystica Theologia, & Epistolis (ut alibi dicitur.) Quo tempore cum Germani disertissimi, ac reliqui Ultramontani Ambrosii mirandam eruditionem in Concilio Basiliensi & Florentino conspicuam haberent, tantum huic lucubrationi tribuere, ut festive plurimum hujusmodi volumen decoraverint, & mox imprimendum curaverint. Translationova Ambrosii Florentini Philosophi, Rhetoris, & Theologi luculentissimi Abbatisque Generalis Ordinis Camaldulensis. Præstitit idem studium Ambrosius circa Joannem Climachum (quem Matthæo Priori Angelorum præmissa epistola dedicatoria inscriptum esse voluit) Præstitit hoc ipsum & circa Gregorium Nazianzenum (cujus Calvariam sacratissimam ad Cœnobium Angelorum deferri propterea obtinuit, una cum multis aliis sacris Reliquiis) de quo Epistola II Gregorii Nazianzeni vitam, & græcam sortem, latinam Cardinalis S. Angeli fecit diligentia. Erat in volumine, quod ex cripta ferrata acceperat post opera Gregorii inserta: duosque quaterniones ad me misit solutos, quam latinam facere ipsa novitas persuasit, ipsique

Car-

Can  
ver  
bat  
ait,  
Abb  
tus  
gula  
grat  
fis  
fide  
bra  
mar

De

IN  
I  
mu  
serv  
Pro  
tific  
quã  
mot  
Lat  
ma  
perc  
Pom  
conj

Cardinali dedicare idcirco visum est. Jucundissime conversabatur Ambrosius cum Venerabili Ludovico Barbo Abbate S. Justinæ Paduæ ; de quo ad Bar. Ep. 2. Optimus, ait, atque præstantissimus in omni Religione Ludovicus Abbas S. Justinæ dum reverteretur ad vos jucundè moratus est nobiscum. Amavimus insignem Virum, atque singulari quadam admiratione amplexati sumus. Huic Viro gratificandi gratia emendavit Ambrosius Chronica Cassinensis Cœnobii ex rudi lingua constantia una cum dialogo Desiderii. Habetur eorum Originale Apographum in membranis in Cœnobio S. Michaëlis Murani Venetiis cum elogio manu ipsius Ambrosii de causa ejus castigationis.

*De familiaritate Ambrosij cum Eugenio IV.  
Papa, & qualiter ad Generalatum Ordinis fuerit assumptus.*

**I**Nter præstantissimos heroes, quibus cum Ambrosio necessitudo conversationis singularis intercessit post clarissimum Virum Cosmum Medicem, summa & incredibili observantia Gabrielem Gondelmerium Cardinalem Senensem Protectorem Ordinis persecutus est. Aded ut illo ad Pontificatum Maximum evecto hujusmodi familiaritas nihil quicquàm imminuta, sed magis aucta sit. Igitur de Ejus promotione plurimum exhilaratus, sic ad Justinum scribit : *Latissimo nuntio affectus mirificè sum, quo Civem vestrum summe reverentie Virum Gabrielem assumptum Pontificem Romanum percepimus. Et ad Nico. II. Arbiter imò certè præsummo te & Pontificis mortem, & novi creationem audivisse : magno certè consensu omnium, magnoque cum gaudio, & mirabili celeritate,*  
contra

contra omnium spem Cardinalis Senensis electus est, atque Eugenius IV. appellatus. Maximam Civitas nostra letitiam ostendit, novaque sibi luxuriari visa est. Sperat enim fore, ut à strepitu bellorum, quibus diutissime vexata est, tandem conquiescat. Quid plura? boni omnes mirifice gratulantur huic potissimum Ecclesiae commissa esse gubernacula, qui unus omnium iustissimus, & castissimus sit. Electa est honorifica legatio: sex enim Cives praestantissimi, & ornatissimi gratulatum pergunt: Equites duo Laurentius Rodolphus, & Pallas Stotius. Jurisconsulti duo, Julianus Davanatius, & Zenobius Guasconius. Cives alii duo, Rodolphus Pirutius, & Laurentius, qui omnes propediem profecturi sunt. Eugenio verò ex amicitiae officio gratulari volens, pulcherrimam illam ad eum exaravit Epistolam, quae in primo Epistolarum libro prima cernitur, cujus initium hæc habet verba: Scribere ad te Eugeni Pontifex inclyte, & Christianae Nobilitatis ornamentum, suadet amor, sed revocat timor, hortatur charitas, sed terret Majestas. Quis enim ego sum, qui alloqui audeam Dominum meum? vermiculus terræ, pulvis & cinis Vicarium Christi, ac Judicem omnium qua fiducia compellar? Nonne Majestas ipsa Pontificatus perstringit fulgore suo infirmiores oculos? omnemque tollit dicendi confidentiam, si eam intueri, osque ad loquendum aperire præsumpsero? verum cunctantem & trepidum animat fortior: Charitas officium provocat, admonet Christus, qui te fecit humilem corde. Neque enim quia auctus es honore Pontificis, humilitatem Virtutum omnium Matrem, tutissimumque fundamentum, ac certissimam sedem dimisisti &c. Adjecit Epistolæ munusculum voluminis S. Bernardi: simul quibusdam illius Literis respondit, quibus adhuc Cardinalis de Regesto Gregorii comparando antea ad illum scripsit, eaque occasione Monasterium Angelorum, omnemque Ordinem suæ Beatitudini summo affectu commendavit; qui

ami-



amicissimè multum, ac benignè Ambrosio rescripsit, unde sic cum Nicolao gloriatur. De nova creatione Eugenij Pontificis deque ejus egregia fide, & volundate integerrima, nil à me tibi significandum fuit, ea omnia fama ipsa, & plurimorum literis jam pridem scienti. Nos, ut officio nostro non deessemus ( fuerat enim amicissimus nostri Monasterij ) libellos Bernardi ad Eugenium de consideratione accuratissimè scriptos misimus, quos tanto suscepit gaudio, ut explicari non possit. Literas ad me plenas benevolentiae, & humanitatis dare dignatus est : quibus agit plurimas gratias, cum ex accepto munusculo, tum ex literis meae parvitatibus, quas ad illum uberes satis, & exhortationis plenissimas dederam. Carolus noster cum rediret Roma exultabat gaudio in laudes suas. Interea Eugenius haud oblitus Clientela Camaldulensium, Ordinem præcellenti patrocínio Joannis Picolominei Cardinalis S. Petri ad Vincula mirabili Paterno affectu commisit ; cui in mandatis dedit, ut Comitía Generalia ad S. Mariæ Urani Britonoci indiceret, paruit ille jussis, indictaque Prælatís Comitiorum die, explorato tandem de more diffinitorum sentimento, Generalatûs insignia Ambrosio, licet diutius renitenti, per Cardinalis manus sunt collata. Cui ubi ab omnibus Prælatís, ac Monachis obedientiæ Sacramentum demore præstitum est, conventus est dimissus. Porro Ambrosius ubi à Cardinali dimissionem impetravit, recta ad sacram profectus est Eremum, trigesimâque die Camaldulum pervenit maximo omnium gaudio utrobique cum processione susceptus, & in templum solemni more deductus. Exacto autem obedientiæ Sacramento, & ordinata Familia, ac domo, mox per pratum vetus iter faciens Florentiam sine mora commigravit : ubi non minùs ab Angelicis Fratribus cum lachrymis propter lætitiâ exceptus est, quàm incredibili totiùs Civitatis plausu. Tantus quippe

pe Nobilium, & Amicorum ad eum factus est undique concursus, qui gratulatum eidem pro adepta dignitate cunctatim precessere, ut nullus locus eos capere posset. Interea exploratum habens Ambrosius non paucos Religionis Monachos vagos huc illuc discurrere, hos accitos, plurimumque leniter admonitos ad Claustra regredi imperavit: exinde verò quotquot comperiit obstinate nimium se gerere, compedibus vinctos carceri tradi iussit. Quod ipsum cum in aliis quoque Urbibus ac locis summo jure exequendum curasset; difficile dictu est, quantum Ambrosii Generalatûs in omnibus Italiæ locis terroris incusserit, quantum ab omni laxioris indulgentiæ morbo efficacis fecerit medicinæ, unde de illo prædicatum fuit illud Poëtæ carmen: *parcere subjectis, & debellare superbos*. Usus tamen in omnibus æquitate, maluit ad extremum aliquibus obstinatiùs secum agentibus aditum per suum assensum ad alienas Religiones patère, quàm ut quisquam candidum habitum Camaldulensem sua scelerosa vita conspurcasset, uti ex commentariis est videre. Porro præcipuum Ambrosii studium in Urbe (sicut semper & in aliis locis) fuit Sacrosanctas Basilicas celebriores summa Religione ante omnia adire, & Sanctorum Reliquias ubique devotissimè venerari: deinde Bibliothecas evolvere, & singula antiquitatis monumenta perscrutari. Notavit Ambrosius in Bibliotheca Pontificis quædam volumina, nihil tamen aliud novum invenit, quam Isach Syri opuscula de perfectione vitæ Religiosæ.

*De Concione Ambrosij ad Sigismundum  
Cæsarem pro Privilegiis confir-  
matione.*

**I**Nter hæc, cum certus allatus esset nuncius, Episcopi  
assertione firmatus, quatenus Magistratus sumus Flo-  
rentiæ Ambrosium Basileam proficisci omnino statuisset:  
Ambrosius nulla interposita mora Ferrariam secessit: ubi  
statim venit ad illum Guarinus Veronensis una cum  
Leonello Principis filio mitis clarique ingenii Adolescen-  
te, & multa de re literali verba facta. Cumque nullam  
moram interponere liceret, Bononiam ad 3. Calend.  
August. ad S. Christinæ ventum est Cœnobium, ubi li-  
buit venerari corpus B. Lucie, & ejus vitam investigare.  
Eodem tempore factus certior Sigismundum Imperato-  
rem propediem Ferrariam esse venturum, rediit eodem  
festinatè, ut Privilegiis confirmationem impetraret:  
intromissusque ad illum interventu Guarini Viri Illustrissi-  
mi, quo apud Imperatorem nemo plus gratia poterat,  
docta dein latinæque oratione adventus sui causas ex-  
posuit, cujus hæc capita fuisse in commentariis prodit.  
Se primum suam Sacratissimam Majestatem ex debito  
officii adire voluisse, ne deditissimi servuli Camaldulen-  
sium Patris munia in optato ejus adventu obire præter-  
mitteret, quem vel etiam in remotioribus constitutum  
visere debuisset. Deinde ut eidem testatum reliqueret  
Camaldulensis Religionis primordia sub Imperatorum au-  
gusta tutela semper à primæva origine fuisse; usque aded,



ut amplissima privilegia tùm à cæteris , tùm præcipuè ab  
Ejus Patre piæ & augustæ memoriæ concessa fuissent. Ea  
secum afferre voluisse, ut ipse quoque confirmare digna-  
retur : postremò cum solemne sit , munera utcunque  
Patronis offerre , adjecit perorando , se ex instituto Re-  
ligionis inopem , vice auri & argenti ejus Pietati mu-  
nusculum vitæ S. Joannis Chrysostomi à se ex græco con-  
versæ in latinum exhibere. Ubi finem dicendi fecit Am-  
brosius, Cæsar benignum dictis responsum accommodans,  
gratòque animo libello cum Privilegiis accepto , diutius  
Ambrosium clementissime allocutus est , ut ad Concilium  
iret, hortatus. Quod verò ad Privilegiorum confirma-  
tionem pertinet, Diplomatis paginam Cancellario astan-  
ti tradidit, se libenter ejus votis satisfacturum pollicitus.  
Porro Anna Augustæ Filia Ambrosii orationem legere vo-  
luit, quam & apud se retinuit. Profecutus interim Re-  
gem Ambrosius in Templum euntem, Missarum solemniss  
una secum interfuit. Cum verò multis legationibus in-  
tercedentibus Privilegiorum negotium longiores nimium  
acciperet moras : Ambrosius ut sumptibus parceret, mis-  
sionem impetravit , negotiumque Privilegio-  
rum per Priorem Sancti Damiani  
confici voluit.



De

De mirabili Ambrosij fortitudine in obitu Hieronymi Uterini Fratris sui.

**N**Avabat operam Ambrosius reditus duorum Fratrum ardentissimè, quando Hieronymus ejus Frater levi primum feбри, ac Stomachi doloribus agитatus, denique Viribus sensim destitui cœpit. Is brevi se mortales auras relicturum prœvidens, Ambrosio admissorum criminum expiationem facere voluit, ejusdemque manibus Sacramentis Ecclesiæ suum excessum prœmunire: quæ munia ille tanto charitatis affectu præstitit, subinde verò tanta se constantia, atque animi fortitudine in gravissimo casu mortis ipsius Hieronymi comparavit mirantibus cunctis, ut non solum sibi virilis animi magnitudinem inesse ostenderit; sed illud quoque prae se tulerit, quod in sapiente Viro summopere desideratur: cujus utique proprium est nihil extimescere; omnia humana despiciere; nihil quod homini accidere possit, intolerandum putare: *sicut fortitudo est (ut inquit Chrysippus) scientia perferendarum rerum, vel affectio animi in patiando ac perferendo summæ Legi parens sine timore.* Sic enim docuerunt nos, præter cæteros, Horatius Pulvillus, Anaxagoras, & Dion: quorum alter nunciata Filii morte, cum esset Pontifex, & in capitolio ædem Jovi dedicaret; neque Ministerium interrupit, neque vultum à publica Religione ad privatum dolorem flexit. Alter nihil novi renuncias, inquit, illum enim ex me natum sciebam esse mortalem. Tertius, cum Fi-

lius è summo culmine domus exanimatus cecidisset eo sedente cum amicis, nullo signo mœroris dato, illum humari iussit, sermonemque institutum prosecutus est. Porro Ambrosius morienti Fratri astans eodem semper vultu : eadem fronte : vel nulla etiam Dignitatis habita ratione extrema omnia humanitatis officia, stupentibus omnibus, peregit, quin etiam prolato corpore, Missarum solemnia, consuetasque in eum exequiarum preces parentando per se exsolvere voluit, astans juxta feretrum, dilectique Fratris faciem intuens : nec non absque gemitu & lachrymis eundem postremò sepulturæ tradens, cum tamen omnes præ affectu pietatēque deflerent, & quomodò Ambrosius siccis oculis persisteret, maximopere mirarentur. Qui revera quam transfixus præcordia gravissimo doloris ictu, spēm vultu more fortissimorum, atque constantissimorum Virorum simularet : paulò post excussio frequentissima lachrymarum manifestius aperuit. Obiit Hieronymus nonis Octobris Anno 1434. tertia ferme hora noctis cum ageret annum sextum ac trigesimum, quorum 25. in sancta conversatione exegerat. Fleverunt illum mortuum singuli, præcipuè juniores ab eo educati : qui cum desiderium illius acerbè ferrent, Ambrosius iterum summè legi parens, intrepide eos blandè consolari adortus est, defunctoque Fratri suffragia postulans, ejus integritatem vitæ, magno encomio sic in exemplum posuit. *Quamquam ea fuit, inquit, illius vita sic religiosè, tamque piè exacta, ut nihil illi omnino metuamus ; fuerat enim ab ipso pueritiæ limine, ut alter Samuel enutritus in Templo DEI : nihilque hauserat præter sanctimoniam, & Religiosos mores ; his innutritus, atque versatus ita in DEI famulatu profecerat, ut*  
integer-



*integerrimus Monachus omnium iudicio haberetur, ac fidelis, & prudens Servus Domini sui. Nemo in tota vita illum iratum vidit: nunquam tristem. Induerat misericordiæ, ac Pietatis viscera, ut nullius lapsum absque lachrymis audire posset, nullius non miseretur errorum, & quantumcumque in se esset, semetipsum opponeret murum contra faciem Damasci pro Domo Israël, seque ingereret esurienti cum pane, & cum aqua sitienti. Adeo verò fuit obediens, ut, in Cœnobio nullus ulla ætate, consensu omnium, magis in ea virtute eluxerit. Neminem unquam vel levi sermone offendit. Norunt ista omnes, qui vixerunt nobiscum Fratres: utque quia caro nostra est, & quàm parce illa attingam, omittamque plurima, testes optimi sunt. Functus est munere annos plurimos Novitios educandi, partim mecum, partim solus tanta gratia, tantaque cura, ut omnes genuisse videretur. Mixta erat severitati serenitas mira, ut Patrem & nutritium affectu mirabili prosequerentur, & Magistri tamen censuram metuerent. Quid verò de illius puritate, ac munditia prosequar? elucebat in ore, atque oculis virgineus pudor, & veluti per fenestras animæ nitor penetrabat. Nullus (quod pace reliquorum dixerim) illo innocentior, purior, sanctior, Prudentiam illius admirari maxime ij possunt, qui eo familiariter usi sunt. Nos certè quantum amiserimus, experimur quotidie, dum ejus consilium desideramus, dum præsidia consueta requirimus. Educatus quidem ille fuerat à nobis (quod sine invidia Nominis nostri dictum sit) verum gloria & meritis longe antebat. Didicerat à puero artem pingendi acu, in qua supra omnes ætatis nostræ eminebat. Parva sunt hæc comparatione majorum. Cum ingenium excellens nactus esset, expolitumque satis, liberalibus studiis, & literis sacris maxime excitatum, urebat præcordia illius zelus Domûs DEI, cujus decorem ab in-*  
*fantia*

*fantia, majore semper studio, & intentione dilexit. Me miserum atque infelicem, posteaquam scelera mea à quiete Monasterij in occupationum infestum injicere pelagus, avulsusque sum à formosa Rachelis amplexu, dulcisque Fratris optimo contubernio privatus: qui ita miseratus est, ita vices indoluit nostras, ut omnium ferme curarum, & cogitationumstrarum accederet participes: omnia metueret nobis, etiam quæ tuta esse viderentur. Imbiberat puer verum in os, & per manum prorsus affectum. Verebatur ut Patrem: diligebat ut Fratrem: fovebat ut Filium: Paternam sibi sollicitudinem sibi vendicans. Mea penitus scelera, Fratres, ut tanto bono diutius frui non quiverim, in causa fruere. In quo mihi post te Hieronyme dulcissime requies? quis portabit onera nostra? ad quem aspiciam ultra destitutus te dulci solatio, & unico vitæ meæ præsidio? ad quem scribam, & effundam omnes æstus cordis mei? quis me jam consolabitur moerentem? heu miser nec jam expectabo literas tuas, jam fraterni amoris indicia referam nulla. Hic autem (quod ex intimis præcordiis Fratris memoria sic se moveri persentiret, ut ultra ferre non posset) sed alius inquit lamentationis servetur locus; commemoratisque multis summæ Fidei Hieronymi indicijs (maximè quod adducto ad eum juvene, qui ferebatur mederi febribus: istoque pollicente intra quatuor dies incolumen futurum, si quid edendum susciperet, quod non videretur: subiit repente Hieronymo suspicio, ne carnibus fortasse uteretur: idque cum simplici ejus confessione didicisset, exhorruit, neque passus est ultra illum ad se accedere, mori malens, quàm ita liberari) conventum solvit, & sorori consolatorias scripsit literas, cognatumque ad eam misit: nam ruri morabatur, nec evocata de industria fuerat, ut coram illi ministraret, cum lege loci nunquam Mulieribus intra septa Cœnobij patuerit accessus.*

*Quomo-*

*Quomodo Ambrosius Animam Hieronymi  
Fratris Eugenio Pontifici commendaverit, & no-  
vum à se traductum in Vitas Patrum volumen ab illo  
probandum curaverit.*

CONstituerat Ambrosius ea ipsa die ex Angelico Cœ-  
nobio demigrare, ut cum mœstitiæ causas, tum fre-  
quentes amicorum visitationes, qui ipsum officii causa  
adibant, vitaret: sed detinuit eum Fratrum, ac Filiorum  
omnium sincera charitas, crudele esse dicentium, si tam  
cito eos desereret. In eo Ambrosii casu enituit maximè  
Sebastiani Abbatis Camalduli Florentiæ pietas prope sin-  
gularis: is quippe amare illachrymatus funeri, videns Am-  
brosium incredibiliter Fratri affectum, sensu doloris vel  
maximè macerari, eum deserere vel ad tempus passus  
non est: ne solitudo majora mœstitiæ fomenta suggereret:  
mane verò ad Monasterium S. Salvatoris eum magno ar-  
tificio deduxit, & rura Cœnobii lustrare fecit. Interea  
dedita opera varii quoque supervenerunt Monachi varia  
in negotia ejus mentem distrahentes. Antonius item Are-  
tinus commendatitias ab eo literas petiit ad Pontificem  
pro impetrando Episcopatu Aretino. Abbatissa Prati ve-  
teris Florentiam curandæ malæ valetudinis gratia advenit.  
Verumtamen aded inhæserat medullis doloris vulnus, ut ni-  
hil obstitit: quin noctes multas insomnes duxerit, Præla-  
tisque Monachis, & amicis quaqua versum literas, instar  
Elegiarum solutæ orationis, scripserit, rogans singulos  
magno cordis affectu, ut Hieronymi animam precibus  
prose-



prosequerentur. Quamquam in Epistola ad Justinum Plan-  
cum, & ad multos alios hujusmodi habet verba: *Neque  
ambigo, quin Hieronymus cum DEO sit, & interpellat pro no-  
bis. Ex quo magis ac magis stuporem, ac stoliditatem meam  
perhorresco, qui & mihi & illi potius gratulari debui, si quan-  
tum decet obsecutus essem rationi.* Et ad Angelum Politia-  
num. *Omne solatium vite, fidele adiutorium, consilium pru-  
dens, forte praesidium amici, sed Fratrem carne, germaniorem  
spiritu gemo quidem sub verberere Domini, neque tamen murmura-  
re praesumo.* Scripsit & Cardinali Ursino Ep. 4. cui quæ-  
dam opera dedicaverat, intulit inter alia, *Hieronymum,*  
*ore, ut pie quoque, ac benedictione tua comiteris Pater: erat  
enim verè Filius tuus, & dignus quem mecum pariter diligeres,  
virgo, purus, ac integerrimus Monachus.* Nactus occasio-  
nem scribendi ad Pontificem tum in favorem Cleri Areti-  
ni (ut Ep. 17. *commendo sanctitati tuae negotium Aretini Cleri,  
ne illum ad acerbissimi sceleratoris instantiam vexari permittas*)  
tum ut iniretur Pax inter Dimerium Galeotum de Cavetalo, ac  
Joannem juniorem Gysonem, in primis tamen de obitu Hie-  
ronymi Fratris illi significavit hisce verbis: *Ad lucernæ  
igniculum Hieronymus Frater meus, qui mecum multis annis  
Christo servivit Monachus integer migravit ad Christum, quem  
peto ut benedictio Pontificalis Domini mei prosequatur.* 10. Kal.  
Novembr. Miserat ad illum & munusculum cum his Lite-  
ris: *Domino sanctissimo Patri Eugenio Ambrosius. Volumen de  
vitis Sanctorum Patrum à me traductum sanctitati tuae mittere  
placuit, opus & si non grave, dignumque sanctissimi judicij Viro,  
novitate tamen sua, aliquid voluptatis allaturum. Sanè istud  
imprimis mihi cura fuit; ut simplicitatem græcæ dictionis serva-  
ret latina translatio. Id opusculum si fuerit auctoritate tua  
confir-*

*confirmatum, legendum edetur. Commendo meipsum sacris vestigiis tuis Pater beatissime, ex nostro Monasterio 8. Idus Augusti.* Non est silentio obtruendum, quod Ambrosius multum pro Pontifice laboraverit, ut Arx Adriani, quæ S. Angeli dicitur, in jus ejus veniret, tradereturque in manibus unius civis Romani fidelissimi opera Stephani Portii, ut Ep. 18. habetur. Quasi verò Ambrosius omnium commodis esset natus, interpellatus ab amicis undique, usus est Pontifice multis in causis valdè familiariter. Ut in causa Angelorum, cum accersitus Ambrosius ab amplissimo Civitatis Magistratu, jussusque amovere ex Claustris partibus Mediceis libere studentem: noluit exemptioni Monasterii præjudicium inferri, quæ erat, ut nemo invitus amoveri possit.

*De legatione Ambrosij Basileam ad Concilium, & de ejus pro Pontifice gestis, & quanto fuerit honore exceptus.*

**D**Um hæc Florentiæ aguntur, res Concilii Basiliensis æstuantes non nisi sedari incipiunt. Igitur ut initio decretum fuerat, Ambrosius unà cum Antonio Auditore ad Synodum legatus à Pontifice mittitur, qui cum Thadæo & Augustino Monachis Angelorum iter proripiens, per Alpes Pistorienses Mutinam descendit, & Mantuam Victorini vindicandi causa progressus, ibi Antonium expectavit. Victorino autem absente, ea nocte apud Carthusianos hospitatus, mane eum ad Corda Castellum petivit, qui solatii gratia Principis Filium Joannem puerum annorum 14. à se eruditum secum adduxit: qui memoriter versus circiter ducentos à se factos protulit, quibus pompa describitur, quando Imperator Mantuam ingressus est; tanta suavitate pronun-

ciationis, ut Ambrosius scripserit ad Mariotum Ep. 38. id sibi pro miraculo subiisse, hæc addens verba : *vix enim putem Virgilium, cum sextum Æneidos Augusto præsentem recitasset, plus gratiæ in pronuntiando habuisse.* Reliquit victorino Ambrosius quoddam suum opusculum ; & inde Veronam progressus est, à Francisco Barbaro Prætor humanissimè susceptus, deinde per Tridentum Constantiam adequitavit, ubi remoratus triduum, tertiò demum die Basileam pervenit 13. Calend. Septemb. 1435. magno gaudio occurrentibus cunctis susceptus. Deduxerunt illum imprimis Equites quadringenti ; Cardinales singuli familiam suam obviam misère, & Prælatorum plerique, qui venire ipsi nequiverunt, legationes omnes occurrerunt honorificè : sed Hispani alacritate sua planè omnes superarunt ; magnificentissimo enim apparatu prodire, tantæque exceperunt lætitia, ut reliquos fermè obscurârint, uti Ambrosius ipse memoriæ prodit. Ambrosius sexto postquàm ingressus fuerat die, doctam peroravit orationem, prolixamque satis clariore voce ultra morem suum dicere rogatus, benigneque auditus, negotiis Pontificis, & Ecclesiæ frequenti studio incumbere cœpit, adeò ut data mox sæpe, ac sæpiùs responsione ad omnes petitiones, quas synodi Oratores facerent ; omnes fermè Cardinales, & Antistites reliquos contrariæ partis Pontifici magno eloquentiæ flumine, summaque totius generis Camaldulensis gloriâ conciliaverit. In quam rem plures ad Pontificem exaravit literas, multosque Cardinales illi diligenter commendavit. Perpeßus est Ambrosius Basileæ multa adversa, multumq; pro Pontifice cum effectu optimo laboravit.

*Legat-*



*Legatio Ambrosij Viennam ad Sigismundum  
Imperatorem pro terminando Concilio Ba-  
siliensi, & quam honorifice fuerit  
susceptus.*

**A**mbrosius à Concilio ad Sigismundum Cæsarem legatus mittitur pro terminatione seu translatione Concilii Ferrariam & evocatione Græcorum. Per eos dies Episcopus Segniensis ab ipso Sigismundo Basileam missus magno commodo Ambrosii advenerat. Igitur una secum carpens iter 8. idus Novembr. & aliquamdiu cum honore comitatus. Ulinam septimo pervenit die: unde navigio Viennam petere consilium fuit, quod terrestre iter & longissimum foret, & periculo non carere diceretur: proinde jumentis terrâ præmissis, duabus Cimbris ex cavato labore confectis, quemadmodum mos est illarum gentium, paucis diebus Ratisbonam nobilem & opulentam Urbem appulsum est. Offendit ibi Ambrosius Monasterium miræ pulchritudinis, nec non plura Cœnobîa, Monachosque Religiosissime viventes, ubique susceptus magno charitatis affectu. In eorum uno, cui titulus est S. Mauritii præcipuam expertus est reverentiam, ac venerationem erga sedem Apostolicam, summumque Pontificem. Proinde confirmare studuit spiritali oratione Monachorum corda; rogatusque ab Abbate & Congregatione, locum cum Familia Pontifici commendare, & constitutiones Benedicti antecessoris, quas reformandis Monasteriis dederat, confirmandas curare, pollicitus est libenter Ambrosius suam operam, easque in volumen redactas secum detulit, roborandasque Apostolica potestate in suo reditu Christophoro Episcopo Cerviensi, & Placido Cubiculario impri-

mis tradidit; unīque ex Monachis ipsius Cœnobii, qui propterea Romam venit, obsignatas restituit, ut Ep. 39. habetur. Porro ubi Ratisbona discedens aliquamdiu prospere navigasset, apud quemdam pontem omnes in magno versati sunt periculo, cum enim naviculæ magno ferrentur impetu, partim remis impulsæ, partim aquæ decursu, gubernatores, qui in prora, & qui in puppi cimbæ remis agebant, dum in diveria diffidentes niterentur, in pontis latus procubere, ita ut dextra navicula plena ferè impleteretur aquis, & sinistra mergeretur. Verum tamen summa vi remigium rippæ fluminis non sine miraculo restituti, castigatisque nautis gravi objurgatione verborum, Viennam incolumes sunt ingressi. Audientes verò Imperatorem abesse, demùm equis advenientibus, quarto die ad Castellum quo Cæsar solatii causâ diverterat pervenere 13. Cal. Januar. Ubi Ambrosii adventum Cæsar didicit, misit, qui eum cum honore deducerent, ad seque accersitum excepit humanissimè, audientiamque publicam in Alba regali, exindè iter diei distante, se illi daturum pollicitus, eo ut se præcederet hortatus est. Moverunt Ambrosius & Socii ante lucem, cum verò ad desideratum locum foeliciter perventum esset, petierat Instructiones sibi dari à Ministris ad Imperatorem necessarias, qui ipsum enixè rogarunt, ut id quod concepisset, paucis proferre dignaretur. Concionatus igitur præsentē Imperatore gravissimè auditus est, adeò ut non inutilis fuerit ejus labor: Oratio quippe necessariò & honestis ex causis ita temperata est, ut abstinere à conviciis, nec palàm in Concilium inveheretur. Postremò perfunctus quàm optimè legatione suâ. Albertus Dux Austriæ Cæsaris gener, qui postea ad Imperii fasces evectus est, cui Ambrosii cura demandata fuerat, Ducem itineris Michaëlem Permistroferum Viennensem famili-

familiarem suum Virum Nobilissimum illi dedit, qui amore atque affectu summo illum deduxit: qui valedicens impensè rogavit, ut Indulgentiam in mortis articulo maximi beneficii loco sibi à Pontifice impetraret. Igitur cum ineunte Martio 1436. ad Pontificem rediisset Florentiam, Ambrosius festivè ab illo & ab universa Civitate exceptus, votis pii Michaëlis satisfacere studuit, monuitque eum Pontificis nomine ad perseverandum in devotione sedis Apostolicæ, gratias illi humanissimas agens, quòd pro ipsius sacræ Sedis reverentia Ambrosium comiter, humaniterque pertractasset.

*Qualiter Ambrosius rem Ecclesiæ Romanæ cum Græcis in Concilio Florentino strenuè defende-  
rit, & de sua Oratione Græca & de Epistolis S. Gregorij  
Papæ è latino in græcum conversis.*

**T**Ranslato Concilio Basiliensi primum Anno 1438. 3. Oct. Ferrariam, deinde Anno insequenti Florentiam, propterea quòd Civitas illa magis libera visu esset, & pacifica, ac salubriori aëre abundare. Convenerunt itaque tum Pontifex maxim. cum Cardinalibus ac Præsulibus latinis, tum Joannes Constantinopolitanus Imperator, unà cum Patriarcha & Antistitibus græcis, qui omnes magna pompa suscepti fuere, præcipuè ipse Orientis Imperator, in cujus honorem Florentina Juventus, quòd tempore Bacchanaliorum ejus adventus incidisset, miranda spectacula egit. In eo conventu Ambrosii eruditio fidelissimisque erga Romanum Pontificem affectus inter cæteros mirandum in modum emicuit: quippe cum græcis assiduam pugnam iniens, summâ vi pro sanctæ Sedis Apostolicæ, Vicariæque Christi libertate stetit: Negotiumque reductionis ipsorum Græcorum, & Ecclesiæ Orientis



tis ad veram & Catholicam fidem prospere ac feliciter finem suum fortiri ea auctoritate studuit, ut huiusmodi Epistolam ad Eugenium Papam scripserit. *Domino Sancto, ac Beatissimo Patri Eugenio Ambrosius humillimam subjectionem. Commendo quanta possum instantia tua Beatitudini negotium græcorum, ut finem accipiat maturè sacratissima ista, & nimium necessaria unio: quandoquidem res miserante DEO ad id deducta est, ut in tuo sit nutu, & de tue sanctitatis arbitrio pendeat: nempe quæ sponte tua libere pollicitus es, pro viribus cumulatissimè implere conveniret. Ut sic peracta unione, Imperator cum honore, potentiaque remeet, classe ad id comparata, quæ illum deducat abeuntem, & non modò tuetur, verum ut & terrori sit adversarijs, faciat. Ista, ut sum modo certior factus requiruntur à Beatitudine tua, quæ ut promittat firmiter, & celeriter exequi studeat (quia multum conferre tuis commodis ad enervandas penitus hostium vires, certo scio) oro atque obsecro maximum in modum. Adveniunt, ut audio, Legati Principum: & vehementer cupio, ut inveniant negotium confectum, ne dilationes inquiringenti Imperatori suggestio illorum animos addat, protrahaturque res, & elabatur, quam in manibus tenere videmur; & omnino ante illorum adventum res concludenda est; etiamsi advenientes Legati, & fortassis huius rei gratia properantes ad impediendum; si fieri possit, uspiam extra Urbem detinendi sunt. Ista sunt Pater sanctissime, quæ in rem Græcorum suggerenda visa sunt tuæ piissimæ Beatitudini, cui me tota intentione commendo. Ex Monasterio Angelor. Cal. Junij.* Composuit Ambrosius græcam orationem, ut eam pro maiori amplitudine, dignitateque latinorum in generali Conventu græcæ haberet: verum veriti æmuli, ne plurimum honoris Ambrosio ex huiusmodi re accederet, variis moliti sunt artibus, ut tanquàm latine ejus agendæ facultas sit adempta. Qui quam inique se gesserint, disertissimus Vir Leonardus Justinianus ex responsoria sua Epistola ad Ambrosium hisce verbis

bis testificatus est. *Orationem tuam græcam, circa quam iudicium scrutaris meum, ita lego, ut & sententiarum elegantiam, & ornamenta verborum, & puritatem sermonis ex homine latino fluentem nunquam in illa non admirer, pariter & irascar improbitati eorum, qui ne illam recitares, impedimento tibi fuere. Vale Vir Dei, & Marcum Fratrem, quem viventem dilexisti, mortuum quoque Orationibus tuis, & Fratrum prosequere quaeso. Venetiis 26. April. Emicuit excellentissimè in eo scribendi genere Ambrosius, & loquendi facillitate, adeò ut præcipuam atticæ linguæ elegantiam, dulcedinemque referret, & per oblectationem latina quoque non pauca in græcum convertere, cum per ocium vacaret, delectaretur. Unde ad Nicolaum Ep. 5. sic inquit: *Natus est in me amor experiendi si quid valeret tenue ingeniolum in convertendis latinis monumentis in græcam linguam. Arripui mox synodicam Epistolam Gregorii Papæ nostri prolixam, & doctrinæ singularis ad Constantinopolitanum, Alexandrinum, Antiochenum, Hierosolymitanumque Sacerdotes, totamque transtuli. Animadverti, si illi operi insisterem, magnum me exinde fructum percepturum. Statui, & illas convertere, quibus objurgat Constantinopolitani Episcopi superbiam, possunt enim ista suo tempore esse non inutilia. Et paulo inferius. Archimedes Geometer venit in manus nostras, citius omni opinione exarabitur: assuefacio manum scribendis literis græcis &c. inter hæc Amicorum precibus impulsus Epistolarum suarum collectionem facere, rem satis difficilem aggredi coactus est, quod familiariter Romano sermone omnibus scribens, nullum exemplar penes se retinere unquam consuisset. Unde sic ad Christoph. Episcopum Ep. 32. *Vix, inquit, possum non mirari instantiam tuam, qua nostra omnia tam studiosè inquiris, ut, nisi morem geram, obnoxium me summo ingratitude vitio recognoscam. Hinc ad Leonardum scribit: Instant apud me magni Viri, quorum preces nequaquam negligere possum, ut epistolas meas illis scribendas tradam,***

Et cum harum nullas apud me copias esse respondeam, eas ut ex his, ad quos scriptæ sunt, colligendas curem, postulant avidissimè. Porro id quàm sit verecundum non ignoras, nec tamen vel hoc ipsum illis negare possum, ea sunt insignium Virorum merita. Te oro, si quæ sunt apud te ex nostris (nam plures memini) eas ad me mittas, quando transcriptæ erunt remeaturas: ignoscasque pudori meo. Tanta studendi & scribendi aviditate ferebatur, ut familiares cuncti mirarentur, quomodò in tanta studiorum, ac lucubrationum, & negotiorum frequentia Ambrosius vel cibum, vel somnum caperet. Testatur id præter cæteros Maurus Monachus S. Matthiæ, qui eum componendis libris continuò intentum fuisse memorat. Quanta verò se gesserit prudentia, sapientia, iudicio, & consilio in exercenda Animarum cura, & studendo totius Ordinis incolumitati, & amplificationi, nihil est quod scrutari oporteat. Bonis quippe optimus semper fuit, Pauperum Pater, Studioforum Mecænas, Magister, & Schola: erga afflictos, & ægrotos ex intimis cordis penetrabilibus commovebatur, eosque piissimè tam verbis, quam ope consolari minimè intermittebat.

*De Ambrosij obitu, & quomodo lilia supra  
ejus cadaver orta sint.*

**A**Nno 1439. compositis ultimo loco Concilii Florentini rebus secundum Deum, atque pacem, & exaltationem sacrae Sedis Apostolicæ, Ambrosius una cum cæteris Antistitibus, Sessionibus & Actis, in forma se subscripsit. Honoratus fuit à complurimis Græcorum variis græcis voluminibus, aliisque insignibus muneribus: maximè verò sericis, auratisque diversi coloris vestibus ex quibus sacra Ornamenta Templi confecta sunt, quorum pars adhuc in sacrario, ob memoriam

Inclytæ



Inclytæ Ambrosii virtutis asservantur. Civitas verò tota, & sacra Cardinalium cohors sese cum Pontifice Ambrosii meritis plurimum debere compertum habens, eum Purpuræ (ut refert Jovius) constanti judicio destinavit. Verum cum pestis in Etruria grassari cœpisset, Ambrosius 12. Cal. Nov. Florentiæ intempestive extinctus, nunciatus est. Prodit memoriæ Maurus S. Matthiæ Monachus ejus mortem non sine veneni suspitione contigisse, quod videlicet æmuli ejus virtuti invidentes, ad celsiores honores Ambrosio viam intercludere, sibi ipsis gloriosum duxerint. Elato funere corpus ad sacram Eremum delatum est, ubi in Templo honorificè conditum fuit ante majorem Aram. Refert Jovius, ejus mortem plurimis Elegiis, variisque carminum generibus, doctissimus quisque illius sæculi deploravit, neque defuere, qui ejus eruditioni plurimum semper tribuerunt. Paulus Jovius in suo Musæo apud Comum ejus effigiem inter illustres Viros habere voluit, cui & elogium notissimum inscripsit hujusmodi:

*Qui legis hunc tumulum, legeres si scripta sepulti,*

*Possentque hîc oculis, nuda patere tuis:*

*Quam fluit eloquio, quam dulciter afficit, ut que*

*Nîl nisi nectareum, quolibet ore sapit.*

*Divinus fieres, nec quamlibet ante sciisses,*

*Jurares dictum protinus Ambrosium.*

Porrò Eugenius Pontifex Maxim. de Ambrosii interitu ita indoluit, ut scribit Maurus, ut nullam propriam jacturam, nullum adversum casum gravius unquam tulisse visus fuerit, adeò ut aliquamdiu ingemiscens eum ex nomine vocare non cessaret, *Ambrosi fili quis te mihi eripuit? quis Ecclesiæ lu-*

*men adeo tempestivè extinxit.* Egit ex Monachis ipse Maurus senex Ambrosii mirum encomium, quo eum Angelis, Patriarchis, Prophetis, Apostolis, Martyribus, Doctoribus Ecclesiæ, atque Confessoribus ob integritatem vitæ, defensionem veritatis fidei, innumeras lucubrationes, & imitanda ab omnibus Pietatis exempla comparat; Virginibus verò certius confert, quod eum castissimum sexagenario majorem è vita excessisse, candidissima lilia, quæ intra paucos dies super ejus tumulum excrevere, & non semel ab Eremitis collecta, patenti argumento fuere. Fuit Ambrosius (ut Jovius refert) quod raro evenit, Vir singularis sine oris tristitia sanctus, semper suavis & serenus, & ita procul à livore, contentioneque, ut Vallæ Pogium iratum reconciliare volens, eos neque literatos, neque Christianos diceret, qui inducta similitudine, sacrum literarum decus probrosis libellis importunè defecderent. Enim verò in Generalatu quomodo se in administratione suæ Camaldulensis Reipublicæ gerere deberet animadvertens ex lectione Socratis, ubi, seditionibus cessantibus unam veram esse Civitatem laudasse legerat, & legum latores, nil magis, quam concordie, & amicitie civium studere debere. Hinc ad Monachos, sicuti unaquæque familia se habebat, à Philosophi disciplina Ethicorum nil recedens, ex duabus vitis supremam esse contemplativam, utpote, quæ competit homini viventi secundum virtutem mentis speculativæ, quæ est propria Monachimi Philosophia, nunquam prædicare desinebat, ad eam amplexandam ignitæ charitatis facibus eos usquequaq; hortando. Addebat ad Prælatos, qualiter Plato, eos qui habent infusum aurum, scilicet, Prudentiæ, Sapientiæ, ac virtutis Reipub. principari debere monimenta dederit, qui verò argentum in secundo gradu custodire, & qui æs vel ferrum artifices, aut agricolas existere. Quapropter quales se exhi-

exhiberent probè in interiori homine eos considerare persua-  
debat : & sic unumquemq; Politicæ , & œconomix vacare , ut  
morum , & rei familiaris doctrina , & demum omnis integra  
religiosa Disciplina nullibi deesset , quibus pueri maximè for-  
mari queant. Tantum sua industria effecit , ut loca plurima ,  
quæ paulò ante collapsa fuissent , mox sub ejus auspiciis quasi  
de integro , & à fundamentis instaurata viderentur : quemad-  
modum ex variis Epistolis elici potest. Pertulit ut bonus &  
æquus judex , multa adversa non solum in sacra Eremo , sed in  
suo , & aliis Cœnobiis , prout ex commentariis liquet , usque  
dum mors extinxit invidiam , res ejus gestæ & scriptæ cum In-  
nocentia vitæ sempiterna Nominis gloria nituntur.

\*\*\*\*\*

## CAPUT XXXVIII.

*Vita Maphæi Gerardi Venetiarum Patriar-  
chæ & Cardinalis ex sacro Ordine Ca-  
maldulesium.*

*Frater Petrus Delphinus humilis Monachus , & Camaldulensis  
Ordinis Generalis, indignus , Antonio Contareno Patriarchæ  
Venetiarum S. P. D.*

**R**Equisivit me per internuntium Dignatio tua , ut cum  
olim fuerit colendissimus Patriarcha Maphæus Gerardus  
Antecessor tuus in nostro Camaldulensi Ordine Professus , at-  
que in Cœnobio S. Michaëlis Murani multos vixerit annos :  
summam ei significem , quid quid de vita & moribus ejus  
agnoscerem. Ego verò , ut scias cum occasione Generalatus  
diutissimè abesse mihi Venetiis contigerit , proculq; ab eo per  
multum temporis in Etruria vitam duxerim ; haud plenè mihi  
videor posse piissimis votis tuis satisfacere. Hinc cum totius

Nnn 2 *et deinde de vita*



vitæ ejus seriem propter absentiam meam certiùs describere nequeo, duo tantùm tempora complectar : quibus domesticus ejus fui, & familiari ejus contubernio usus sum. In iis quæ fuerit vita Patris nostri, qui mores ac studia, fidele testimonium perhibebo Dignationitux : ac de integritate, & sanctimonia ipsius, quæ mihi occurrerint religiosè ac verè commemorabo. Siquidem ab eo ad Religionem admissus, quo tempore ipse huic Monasterio præerat, annis sex sub ejus Magisterio institutus, atq; educatus sum. Deinde post adeptum Patriarchatum : quo Senatus Venetus suis suffragiis dignissimum Maphæum judicavit : cùm promotus ad Cardinalatum iturus esset in Urbem, persuasus ego ab Amicis conveni ipsum Romæ, fuique apud illum usque ad extremum vitæ diem. Itaq; ut ab eo tempore incipiam, quo primum sub ejus disciplina instituendus me ad Cœnobium contuli : præfuerat Abbas Monasterii S. Michaëlis annos sedecim, erat enim vetus loci consuetudo, ut perpetuus Abbatibus Magistratus demandaretur. Quantum verò in Religione privatus fuerit Monachus non satis novi, nisi quod jam adolescentiam excessisse, atq; adultus è sæculo vocatus ferebatur. Ut idcirco meritò existimandum sit : ipsum mature consilio hoc præcipuè Monasterium elegisse, ut eò ferventiùs redderet Altissimo vota sua : quo districtiùs instituti Monastici in illo propositum servabatur : idque potissimum cura, & vigilantia Patris optimi, atq; vigilantissimi Pauli Venerii Abbatis, qui singulari Religione ac pietate per septem ac quinquaginta annos in administratione loci perseveravit. Hujus tanti Viri provocatus exemplo Gerardus, adeò constanti gressu illius sequenda vestigia semper putavit : ut post Pauli obitum in locum ejus surrogatus, non solum conservandum eundem vitæ rigorem, quem invenerat, verùm etiam agendum decrevit. Referebant mihi tunc Seniores Monasterii : ipsum sine intermissione studiosissimum fuisse Monasticæ ob-

serva-

servationis, semperq; eundem se exhibuisse in custodia regulæ, neq; aliquid ab ea, sive ad dextram, sive ad sinistram declinasse, quemadmodum & ego progressu temporis cognovi. Nihil adeò in illo admiratus sum, quàm perseverantiam ipsius haud minùs in rebus exiguis, & quæ ad ceremonias tantum Ordinis pertinerent, quàm in reliquis quæ majoris forent difficultatis, ac momenti, si quis eum in Choro imprimis, & Refectorio contemplatus fuisset, pariter & in congressu Monachorum considerasset, nihil eo in moribus elegantius meritò fateretur. Ad ea verò, quæ potiora existimantur, in Religione, & graviora, ac laborum plena, utpote vigiliæ, jejunia, silentium, solitudo & cætera id genus, quis ore, Maphæo vigilantior? qui ne una quidem nocte divino cultui in templo defuit, media nocte ad matutinam synaxim par totum anni circulum sive hyme sive æstate surgebatur, ipse aut primus semper, aut inter primos conveniebat. Abstinenciam in eodem laudare, cibiq; ac potùs paritatem superfluum duco: quandò jejuniorum observatorem accuratiorem, & deliciarum contemptorem parem illi noverim neminem. Nunquam revera vidialiquem, qui vino parcius uteretur. In vestitu sordes vitavit, nullum tamen vestimentum unquam luxu conspicuum detulit, sacræ scripturæ lectione delectatus assiduè orationi vacabat. Et hic ei semper mos fuit; ut post vigiliis nocturnas, aliis abeuntibus, ipse solus in Choro aliquamdiu remaneret. Sermo ei fuit parvus & gravis, semperq; ab omni levitate abhorrens, sciensq; in multiloquio non deesse peccatum, cavebat pro viribus longiores confabulationes. Idcirco studiosè se in Cella continebat: nec inde facile egrediebatur; nisi cum ei ex officio rebus Monasterii consulendum foret. Conabatur Pater optimus magis factò, quam verbo ad bene sancteque vivendum suos provocare Filios, castigans quotidie & ad servitutum redigens. Misericordiam verò & pietatem, Eleemosynarum

narum largitionem in eo , quis dignè satis laudibus efferat ? Erat ipse quidem robusto , ac vegeto corpore , & qui rarissimè mala aliqua infirmitate corripereetur . Nescio tamen an alium noverim , qui illo extiterit erga infirmos , ac debiles clementior , quos nimirum & crebra visitatione solabatur , & omni fovebat ministerio charitatis . Egenos , & inopes , aut aliqua calamitate oppressos pro reddituum mediocritate promptissimè sublevabat , quem erga pauperes affectum nunquam ipsum etiam in Patriarchatu exuisse affirmant . Verùm de iis quæ in Olivolenti dignitate gessit , non defuturos Dignationi tuæ certiores , ac veriores testes arbitror . Neque enim facile latere potuit lucerna super candelabrum posita . Hoc tantum dixerim , quod quotiescunque contigit mihi Patriam revisere , adivi illum sæpius , neque deprehendi aliquid apud ipsum , quod non sanctissimi Præsulis Religionem , modestiam , humilitatem , benignitatem præseferret . Neminem de eo referentem audivi , nisi quæcunq; vera , quæcunq; pudica , quæcunq; iusta , quæcunq; sancta , quæcunq; amabilia , quæcunq; bonæ famæ , nisi , quæcunq; de optimo Antistite sancto , innocente , impolluto , & segregato à peccatoribus relatu digna videntur . Venio nunc ad explicanda novissima Justī hujus , & ad commemorandam ejus dormitionem , quæ profecto vitæ ipsius piæ atque innocenter actæ optimè respondisse judicanda est . Defuncto Innocentio VIII. Pontifice Max. accersitus est Romam , Reverendissimus Patriarcha à sacro Cardinalium Collegio , interfuturus electioni novi Pastoris , suadente Illustrissimo Domino cum festinatione iter arripuit . Insecutus sum ego ipsum continuò , admonitus per literas Venetiis allatas , ut ita facere m sicut prædixit , eò quod ad hoc me Dominum hortaretur , ut ipsum in Urbem deducerem : & ne superflue longiorem recenseam historiam , quando ad rem nostram minime attineat , quomodo videlicet à Reverend. Cardinalibus fuerit ex-



exceptus, jussusque sedere cum Principibus, & tenere solum gloriæ. Suffecto in locum defuncti Alexandro sexto Pontifice: paucis interjectis diebus accepto ab eodem Pontifice committitur redire ad Olivolensem Ecclesiam suam constituit. Et cum sive fatigatione longioris viæ, seu agitatione Sellæ gestatoriæ, qua parum commodè portabatur, senex ac plenus dierum sistere profluvium haud facile posset, nam gravissimè dissenteria laborabat, ultra Interamnam nobis progredi non licuit, accersiti sunt continuò Medici tres, quos benignè contemplatus, animo intrepido exhortatus est, ut si agnoscerent infirmitatem eam esse ad mortem, sibi apertè denunciarent, quoniam si advenisset hora sua, qua statutum esset homini semel mori, quam libentissimè demigraret. Commendabat seipsum Domino, & molestias ægritudinis ferens patientissime, nihil de terrenis cogitans, nihil loquens, sed erecto tantùm animo ad Cælum, nihil magis videbatur expetere, quam transire ad immortalitatem. Tandem animadvertens se viribus corporis indies magis destitui, expetiit Confessarium pridie illius diei, quæ illi futura erat novissima: postulavit deinde à me, ut sequenti die commun icandum se curarem, tanquàm prænosceret dissolutionem sui corporis imminere. Igitur postera die, quæ erat quarta decima ejus mensis, quæ est exaltationi S. Crucis Dominicæ dedicata celebrata summo mane in cubiculo Missa, de manibus meis sacrosanctam Eucharistiam singulari devotione percepit: post meridiem appropinquante Vitæ termino, dari sibi extremam voluit Unctionem, ut cunctis Ecclesiasticis Sacramentis munitus confidentiùs decederet. Quod & factum est, eodem nobiscum submissa voce respondente ad omnia, quæ à Ministro Unctionis dicebantur. Et ut certius noverit Pietas tua, ad ultimum usque spiritum infirmum senem sensu optimo viguisse, eadem ferè hora, qua erat migraturus super veniens Roma Secretarius Oratoris Veneti,

ab

ab eo ad lectulum admissus est, & cum ipso aliquamdiu collocutus, miratum se (ut postea nobis retulit (quod ad propositiones omnes sapientissimè respondisset, denique egresso Secretario ingressi sumus cubiculum, ubi ego assistens propius jacenti Patri, licet quantum me vivens dilexisset non ignorarem, etiam novissimâ illâ sui horâ expertus sum. Nam cum supinus jaceret ad me conversus, admoto ad collum meum brachio suo, tanquàm ultimum vale dicens, deosculatus est me. Eodem fere momento accersitis diversorum Ordinum Religiosis, ac lectulum circumstantibus, & pro felici jacents migratione nobiscum deprecantibus, ipsumque de more Deo commendantibus, obdormivit in pace. Reliquit nobis magnum sui desiderium, quibus nihilominus benè moriendi normam præscripsit, obiit septimo, atq; octuagesimo ætatis suæ anno. Corpus ejus ex Interamna Urbe Venetias delatum est, ac exhibitis prius solemnibus exequiis apud S. Petrum sepulturæ traditum fuit honorificentissimè. Hæc habui Domine colendissimequæ de optimo Patre nostro, & Abbate, postea Patriæ nostræ Antistite prædecessore tuo, novissime verò ad Cardinalatus Dignitatem assumpto, Maphæo inquam Gerardo Patritio Veneto censui transcribenda. Erit mihi pergratum, si aliqua ex parte satis fecero tuæ Dignitati, sin minùs, tibi ipsi imputabis, qui scriptori minime idoneo Patriarchæ eminentissimi (qui in diebus suis placuit Deo & inventus est iustus,) merita literis tradenda mandasti, & supra Vires ejus onus imposuisti. Vale ex Monast.

S. Mich. 1515. 29. Novembr.

O. A. M. D. G.

F I N I S.

# Errata Typographica sic corrige.

## IN PARTE PRIMA.

§. turgentia lege turgentia. §. 2. amplius lege amplius. memoratæ, *contrabe & lege* memoratæ. reveraadeo lege revera adeo. Reverendissimo lege Reverendissimo. §. 3. minimum lege nimum. §. 4. aspirito lege aspicito. consiliis lege consilii. Monastetium lege Monasterium. ad volveret fol. 13. lege advolveret. æternum fol. 22. æternam. canditus fol. 24. lege candidus. incutero fol. 26. lege incutere. nunc *bis scriptum*. Margarithæ fol. 28. lege Margaritæ. mens fol. 29. l. meus. perniciofa fol. 31. perniciofa. Obstulissent fol. 32. obtulissent. ad venisset fol. 32. *contr. & lege* advenisset. delicatioribus fol. 32. l. delicatioribus. imò deratam fol. 33. lege immoderatam. adoratis fol. 35. lege odoratis. oblti fol. 35. lege obliti. suffertet fol. 38. lege sufferret. tristia fol. 40. tristitia. fratri fol. 42. lege fratri. frequenter fol. 42. l. frequenter. sibi fol. 43. l. sibi. musas fol. 37. l. muscas. ferentet fol. 48. lege ferentes. insitoret fol. 48. lege insisteret. facerent. fol. 48. lege facerent. factum fol. 48. l. sanctum. grademio. fol. 50. lege gradenico. contuplum fol. 51. lege centuplum. altorum f. 52. lege alterum. pecuvia fol. 52. lege pecunia. abjectum f. 53. lege abjectam. fit fol. 60. lege sit. amabus fol. 62. lege animabus. munera f. 62. l. munere. convitia fol. 63. lege convicia. scicut fol. 63. lege sicut. impedunt fol. 68. lege imperunt. tenens fol. 71. lege teneas. frequentia fol. 72. lege frequentia. superstiosas fol. 72. l. superstiosas. admitatur f. 73. lege adnitatur. Eremiticam. f. 74. l. Eremiticam. excuberante fol. 75. lege exuberante. excussit fol. 76. lege excussit. æquitabat fol. 77. lege equitabat. ant. fol. 77. lege aut. lectetute fol. 78. fol. senectute. fragilitatem fol. 79. lege fragilitatem. repiebat fol. 82. lege rapiebat. salutaris fol. 83. salutaris. Antesignamus fol. 87. lege Antesignanus. animæ fol. 85. lege annuæ. fixis fol. 88. lege fixis. Experiantiam fol. 91. lege experientiam. elargius fol. 92. lege elargitus. inicere fol. 95. lege injicere. non fol. 96. lege nonne. realumpit fol. 98. lege reassumpit. duo fol. 100. lege duæ. obsequuntur fol. 100. lege obsequuntur. hunc fol. 100. lege hanc. inenarabili fol. 101. lege inennarrabili. gaudi fol.



fol. 103. *lege gaudio.* alis fol. 104. *lege aliis.* Martyris fol. 105. *lege Martyris.* loctoris f. 105. l. lectoris. infelicies fol. 107. l. infelices. Regia f. 110. l. Regio. circuerunt f. 112. l. circuierunt. distribuit f. 113. l. distribuit. desumere f. 113. l. desumere. sedet f. 114. l. sed & exigentia f. 114. l. exigentia. revertenter f. 116. l. reverenter. apulisse f. 116. l. appulisse. volumibus f. 117. l. voluminibus. solidora f. 116. l. solidiora. examine fol. 119. l. exanime. fecit f. 116. l. fecit. exolvit f. 120. l. exsolvit. conicentus f. 122. l. consecutus. solo f. 134. l. soli. asferentis f. 136. l. asferentis. aditu f. 140. l. aditu. aaculabat f. 143. l. accusabat. solitudinem fol. 144. l. solitudinem. servat f. 144. l. servam. saculi f. 144. l. sæculi. ad ferat f. 144. l. adferat. efficiaque f. 146. l. efficaciaque. absre f. 146. l. abs re. quetaque f. 148. l. quietaque. filius f. 148. l. filius. senaitam f. 148. l. semitam. teritorio f. 149. l. territorio. multito f. 152. l. multitudo. oprarii f. 153. l. operarii. aquiescens f. 153. l. acquiescens. appropinguaret f. 153. l. appropinquaret. austetiatem f. 155. l. austeritatem. Apostolica f. 158. l. Apostolicæ. Beare f. 159. l. Beatæ. Eremitico f. 159. l. Eremitico. uxit f. 163. l. vixit. salare f. 166. l. solare. cernitur f. 170. l. cernitur. imaginem f. 172. l. imaginem. asuetus f. 172. l. assuetus. Equis f. 173. l. Et quis factissimi f. 174. l. sanctissimi. Equid f. 174. l. Et quid. classensis f. 174. l. classenses. sæcula f. 174. l. in sæcula. vivæ f. 175. l. vitæ. prabe f. 178. l. præbe. contristemini f. 192. l. contristemini. reliquerit f. 194. l. reliquerit. ceruere f. 194. l. cernere. obediencia f. 195. l. obedientia. nisi f. 195. l. nisi. prædigia fol. 199. l. prodigia. Professores f. 200. l. Professores. dataque fol. 207. l. dotataque. Maijestatis. fol. 207. l. Majestatis. Margaritha f. 211. l. Margarita. post f. 212. l. post. Cathalogus f. 212. Catalogus. Sarcophagum aliquandò temeratum fol. 213. l. Sarcophagus aliquandò temeratus. Sarcophagum illud apertum f. 214. l. Sarcophagus ille apertus. matre f. 216. l. Matre. sustentare f. 207. l. sustentare. tristissimus f. 217. l. tristissimus. sepulchro f. 219. l. sepulchro.



# In Prolocutione

## PARTIS SECUNDÆ.

Fol. 1. *Divinæ lege* *Divinæ.* desolatio fol. 235. *l.* desolatio. gravissimum f. 235. *l.* gratissimum. hac inde f. 235. hinc inde. detrimentum f. 236. *l.* detrimentum. fol. 136. *lege* 236. decedenti f. 240. *l.* decedenti. generalis f. 236. *addatur* manibus. factò f. 247. *l.* factò. derelicta f. 249 *l.* derelictæ. fol. 151. *lege* 251. genereretur f. 251. *l.* generetur. verissimus f. 254. *l.* verissimum. lascessere f. 254. *l.* laceessere. fol. 155. *l.* 255. quod f. 257. *l.* quot. donumque f. 261. *l.* donumque. suum f. 262. *l.* suum. intantationibus f. 263. *l.* in tentationibus. ferò f. 264. *l.* ferè. fol. 165. *l.* 265. fol. 166. *l.* 266. memem f. 267. *l.* meum. discendendi f. 267. *l.* discedendi. gatiis f. 270. *l.* gratiis. denceps f. 270. *l.* deinceps. deine f. 271. *l.* deinde. adima f. 275. *l.* ad ima. crepusculo f. 275. *l.* crepusculo. sacularium f. 279. *l.* saecularium. ausut f. 279. *l.* ausus. Diæcessis f. 280. *l.* Diæcesis. serviscum f. 283. *l.* servis cum. iterim f. *eod.* *l.* interim. interatas f. 294. *l.* iteratas. est f. 295. *l.* & unciarum f. 299. *l.* unciarum. vicino fol. 299. *l.* vino. dilutunur f. 301. *l.* diluuntur. malum f. 304. *l.* malum. fervus f. 313. *l.* servus. ad eamus f. 315. *l.* adeamus. raparentur fol. 323. *l.* raperentur. per contatur f. 323. *l.* percontratur. in fortunium f. 324. *l.* infortunium. milibus f. 327. *l.* millibus. experietur f. 327. *l.* experiretur. lachymis f. 328. *l.* lachrymis. Francisci f. 337. *l.* Francisci. deserto f. 345. *l.* deserto agit f. 351. agit. sanctis f. *eod.* sancti. in fallor f. 352. *l.* ni fallor. genitu f. 356. *l.* gemitu. casinatibus fol. 359. *l.* cassinatibus. Domnum 368. *l.* Dominum. potmisset f. 368. *l.* potuisset. indicaret f. 369. *l.* judicaret. provectiorit f. 370. provectioris. dicta f. 380. *l.* dictu. in cautus f. 384. incautus. ad navigavit f. 386. *l.* adnavigavit. hordeacium f. 387. *l.* hordeaceum. poposcit f. 389. *l.* poposcit. ferviret f. *eod.* serviret. accerrime. 389. *l.* acerrime. adducta f. 392. *l.* adducta. ab f. 39. *l.* ob. matura f. 396. *l.* mature. Regie f. 399. *l.* Rege. morum f. *eod.* moram. Ventias f. 400. *l.* Venetias. dimorere f. *eod.* dimovere. forre. f. 402. *l.* forte. coquina f. 406. coqui-



coquina. Xendochij fol. 408. Xenodochij. mia f. eod. mira. scul-  
ptum f. 409. sculptum. dulcissimum f. 412. dulcissimam. decedente  
f. eod. decedente. omni f. 412. omnia. opressus f. eod. oppressus.  
quodam f. 414. quædam. flamminea f. 427. flamminea. cliquentiæ.  
f. 428. eloquentiæ. Penitoribus f. 432. genitoribus. residenti f. 433.  
residenti. Ambrosius f. 436. Ambrosij. *ibidem* quarto l. quartò. vo-  
lundate f. 439. voluntate. demore f. eod. de more. par.  
f. 461. per. hyme f. 461. hyeme.





